

# APOLOGIA

PRO

S. Ecclesiæ Patribus,

ADVERSUS

JOANNEM DALLÆUM

*De Usu Patrum, &c.*

---

ACCEDIT

APOLOGIA pro Ecclesia Anglicana

ADVERSUS

NUPERUM SCHISMA.

---

AUTHORE

*Matthæo Scrivenero*, Presbytero.

---

LONDINI:

Sumptibus *Guil. Wells & Rob. Scott*, apud quos prostant  
ad Insignia Principis in vico Little Britain  
dicto. M D C L X X I I.



APOLLO

2 Ecclesiastical

ANNEXED

APOLLO

APOLLO

APOLLO

APOLLO

Univ. of A. & M. Nov. 14-16 # 703

UML



## Præfatio.



Nni jam fugerunt multi ex quo Viri Clariss. Joannis Dallæi nomen per varias Regiones volitans, ad nos quoque pervenit, ob multa in Theologiâ eruditè, si minus sæliciter præstita. Quid de Quadragesimali Jejunio, De Confirmatione, De Ignatianis Epistolis, denique De Usu Veterum Patrum, &c. scripsit, nulli fere ignotum: De aliis, quæ Romanos abusus propriè spectant, mihi vel hîc tacendum, vel non sine debitâ laude memorandum arbitror. Scriptum tantummodo illud, De Veterum Usu, mihi eò (fateor) invisius semper fuit, quò magis nostris Puritanis vehementius perplacuisse noveram. Neque tamen Personarum odium (quod nullum fuit nisi quod meritò mores & errores conciliaverant earum) neque Scriptum ipsum, nisi res nullo modo probanda suaderet, bilem mihi movebat. Commotum tamen me tantopere ipsâ famâ Operis

## P R Æ F A T I O.

non diffiteor, ut diutiùs oculos ab eo obfirmatè deicerem, ne revelatam Patrum Nuditatem Famoso isto Libello (quemadmodum Doctissimo Hammondo Nostro de eo loqui solitum) aspiccerem. Fortè tamen obviam mihi factum aliud agenti, Exemplar Gallicanum percurrere constitui, nihilque ab inolitâ prius sententiâ dimutatus recessi ab illo. Offendi equidem Viri in eventilandis Veterum cineribus paulò modestiorem & mitiorem manum, quàm à multis aliis tractatam istam materiam faciliè inveneris: Lectionem insuper multiplicem, Methodum claram & percommodam, Diligentiam denique singularem: Vires autem quantas & nervos tam pulchro corpori indidit, cupiam non tam ex præproperâ & aculeatâ hîc sententiâ latâ, quàm ipso sequenti Examine æstimari: ad quod suscipiendum, quid me, primum nihil minus cogitantem, induxit, nollem ignorari.

Candente die Faustissimâ in lucem insperatam Religionis, Reipublicæ, Regisque Caroli Secundi, Minister quidam Presbyteralis Factionis celeberrimo confluxu Popularium meorum, sermonem è suggestu habens, subvertitque, (quod postmodum Deo favente accidit) Schisma & Superstitionem Presbyteralia pessum

## P R Æ F A T I O.

peſſum itura, eò omnes ingenii oriſque Vires intendit, ut, evileſcente Avitâ Religione Anglicâ, bullatæ nuge Reformationis nuperæ nefariis artibus auſibusque tentatæ, honeſtum in animis ſuorum locum retinerent. Hoc verò quòd difficillimum perſpiceret, reclamante univerſâ ſanioris Antiquitatis voce, hunc offenſionis lapidem, ingentem quidem, me iudice, manu Domini Dallæi, nullo penè negotio ſublevandum tollendumque putavit, hiſ verbis. *Quod ad antiquitatem attinet, non eſt quod nimis de ea ſimus ſolliciti: Dallaus enim, Vir in Veteribus exercitatiſſimus, Doctiſſimo Tractatu, omnem ejus fregit autoritatem.* Neque ſi vel unus, vel ſolus hiſ Prædicator, nominis & Operis hujus Dallæani mole nos reprehendentes Sectariorum vanitates ætutum obrueret, tam proni in ejus reprehensionem fuiſſemus: ſed haud aliter feruntur iectæ Lethali Arundine Capræ ad ſuum feſtinare Dictamnum, quàm divexati telis Antiquorum Puritani ad ſuum Joannem Dallæum, perhumanum quidem ipſum, (uti accepimus credimusque) *Inhumani iſtius Generis Delicias*

Nec deeſſe, ſat ſcio, Viros quosdam Nobilitate, Fide & Eruditione claros, putà Digbeium, Faulklandum, Chillingworthum, qui

## P R Æ F A T I O.

de Romanis non levem reportârunt victoriam, & Sectarios quam maximè sunt detestati, qui non vulgaribus encomiis Opus hoc D. Dallæi deprædicârunt : His adjungendus, Metayeri judicio, Thomas Smithus quoque, modò ex animo scripsit quæ feruntur nomine ejus in Præfatione Anglicanæ Editionis ; quod afferri posse in suspicionem æquus arbiter dabit. Imprimis enim falli omninò & toto cœlo errâsse Dominum Metayerum, qui de Gallico, fecit Latinum Dom. Dallæum, certum est ; qui affirmat Virum Optimum & Eruditissimum Thomam Smithum vertisse hunc Tractatum in Anglicanum Sermonem : quandoquidem non solum testes jam superstites fidissimos Contrarii habeo, sed ab ore ipsius accepi, non se, sed Oxoniensem quendam eam Versionem adornasse ; imo addidit, sibi aliquando fuisse in animo, contrario scripto Dallæum refellere, sed re maturius expensâ, nihil in Dallæano opere suâ dignum operâ repertum. Quod ergo ad Præfationunculam attinet Anglicanam, crediderim (si modo author ejus dicendus sit Smithus) pro more, & rogatu Bibliopolæ expressam potius ab ipso fuisse, quam ex ingenio suo promanâsse libero. Hæc me non solum Veritati, sed Amico percharo, tum ob varia ingenii ornamenta, tum

Metayerus in  
Præfat. ad  
Translat. Latinam.

## P R Æ F A T I O.

tum ob eandem mecum in Cantabrigiensi Academia *honoratus*, debere censui.

Ad prædictos reliquos Egregios Viros quod spectat, hoc monendum putavi: Fuisse scilicet eos præstantissimos methodo recentiore Controversias tractandi, eaque superasse adversarios, sed aliquando immerito deferentes bene constitutum Antiquorum usum, non fugisse Socini Hæresiarchæ invios Labyrinthos, sed eam maculam ab Adversariis notatos, & quondam familiaribus, è quibus Cressius perfuga non nemo fuit. An verò Laudi, an Probrio dandum est Dallæo, quod Laboribus suis viam tantæ pesti Fidei præmonstret, penes alios sit. An Calvini ipsius, Lutheri, Bezae & judicia inconstantia & incondita vehementius quam prudentius puras Scripturas obtendentium, novam methodum controversias definiendi valeant adversus tot tantosque Militantis Ecclesiæ Christi duces immortales, ad ipsos fere provocem.

Cressius in  
Exomologes.

Quantum ego in Theologia video (quod lubenter agnosco perparum esse) non possum non cum Erasmo sentire, illos maxime (uti infra ostendimus) moratos Evangelii cursum, qui soli ex eo sapere videri velint. Nam nullos exitialiore vulnere Sanctissimas Scripturas confodisse nuper legimus quàm duos illos Gallicanæ



## P R Æ F A T I O.

canæ Reformationis Coryphæos hodiernos, Ludovicum scil. Capellum, qui Literam infinitis suis emendationibus (si placet) Criticis, tanquam alter Esdras coelitus demissus in restitutionem deperditarum fere Scripturarum, corrumpere, sive volens sive nolens, sategit. Alteram autem partem, ceu Animam Sacrarum Scripturarum, profecto, quicquid in contrarium profiteantur venditentve, illi maximè dehonestant, qui sensum non consono suffragio pristinorum Doctorum eruendum docent, aut colendum, sed singulari & libero placito privatorum hominum: Idem in Religione contra Christum committentes, quod nunquam satis plangimus nuper in Repub. admissum à Regalis Majestatis insidiatoribus dirissimis. Docent scil. magno Populi plausu, Principis non esse Latus suum armatis copiis cingere, nec vi aut armis Dignitatem aut Potestatem imperio gravi tueri, sed in Cordibus suorum, Clementiâ & Beneficiis publicis regnare; tunc enim erit solùm verus & incolumis Rex, aiunt: Et hoc modo nudatos Principes iusto satellitio, statim vi ipsi aggrediuntur coguntque servire suis legibus & conditionibus turpissimis: Ita sanè de Augustissimo Biblio consulunt hi simplicissimi Mentis Divinæ zelatores, Spiritum scil. divinum,

## P R Æ F A T I O.

num, Scripturas per se solas nullâ ope, nullo ornamento humano volunt in omnibus quæstionibus dominari, ut ipsi continuò nudum verbum Dei cogant suis inventis suffragari, omni Traditione, (quæcunque tandem illa sit) profligata. Hoc autem alter ille summus in sua Ecclesia naviter conatus est Dallæus. Nec audienda sunt ipsius & aliorum nonnullorum verba, negantium interdum jus privatis Spiritibus judicandi de controverso sensu Scripturarum, quum reipsâ astruant factis, & disputationibus longis. Quid ita vero? Omnis Traditio incerta, labilis, & plerunque mendax. Patres homines sunt: Ecclesia defectibilis. Si vero (quod Vir doctus, prudens, piusque jamdudum rectè observavit in hac Causa) quemadmodum universaliter cunctis Mortalibus innatam improbitatem agnoscimus, eam particulariter in nobis ipsis videmus, oculatiores in nostris peccatis essemus quàm in alienis reprehendendis. Sed contra fit; si nobis aliqua de causâ quid non probetur, statim occurrit, fuisse homines, & quia errare & labi est proclive, inter errores istius ætatis numeramus, ac si humanâ sorte essemus exempti: & nobis ipsis non possit accidere, in eo ipso quod damnamus. His Seravix illa Erasmi optime conveniunt: qui Si quid (inquit) apud recentiores legunt, retinent

a

mordicus,

Adrianus Seravia Præfat. contr. Bezam.

Erasmus Præfat. in Symbol.

## P R Æ F A T I O.

*mordicus, si quid adfertur ex Veteribus, quos non legunt, ut sunt religiosè meticolosi, suspicantur sub omni lapide dormire Scorpionum.*

Ceterum & Modernos istos suæ potius existimationis, quam veritatis causâ tuendæ, infensiores fuisse Veteribus, prodit varium pro occasione consilium eorum. Quos enim accusant, contemnunt, damnantque impetentes nova sua dogmata, & formulas, quærunt sollicitè, studiosè acriterque adhibent testes contra semigrantes à suis cœtibus, & tramitem, quem ipsi noviter præstituerant derelinquentes, ad fœtus proprii cerebri alendos & provehendos in Religione Christianâ. Fecit hoc Magister Calvinus, contra Anabaptistas; Beza, Volanus, & innumeri alii fecerunt, contra Socinianos: Imo ipse funestissimus Traditionis hostis fecit: Qui nusquam non docet nihil in causa Religionis recipiendum absque Scripturarum autoritate: à discipulis verò suis postulatus, quòd Christo mero homini divinum cultum tribuerat, nulla autoritate Verbi Divini suadente, ad traditionem confugit, eamque suis objicit. At istis pertinacius Scripturarum vocem, non hominum expetentibus; tandem, instar Balzami Patris sui, his angustiis graviter pressus, Angelum Domini in Via Regia stantem agnoscit,

## P R Æ F A T I O.

agnoscit, Veterum; aïens, *Crediderunt autem* Socius Ep. 3.  
[Veteres] ita quia animadverterunt contineri in  
Scripturis. Quid autem amplius modestiores  
Catholici petunt Veterum causam agentes?  
Certè in re Fidei, vel parum, vel nihil: Revela-  
tiones scil. Divinas præ omnibus, imò contra  
omnes venerantur: Et Traditiones eo nomine  
potissimum colunt, quòd crediderint, Veteres  
quæ posteris tradunt, summâ curâ, & piâ dis-  
quisitione è Literis Divinis hausisse.

Summam hanc clarissimamque rationem vi-  
cisse etiam obfirmatiorem ipsius Dallæi ani-  
mum, non dubitem, factis ipsius flexus. Im-  
maturioribus Annis hoc opus in Veteres editum  
conjicio ex elapsis quam plurimis Annis; vi-  
genti autem judicio & vergente in terram cor-  
pore, Tractatum bene largum scripsit contra  
Novitatem Traditionum Romanarum, & præ-  
cipue Adamum & Cottybium Jesuitas: In hoc,  
400 Paginas in Quarto (ut loquuntur) imple-  
vit, ex Veteribus; Pontificiam doctrinam No-  
vitatæ coarguens. Sine ergo hîc Domine ut te  
paucissimis sodes agam, quærendo. Nunquid  
impossibile, quid senserint Veteres de nostris  
controversiis, cognoscere? Nunquid cognitam  
eorum mentem Ventis potius quàm custodibus  
animis nostris committere omnino decet? Si

Daille  
Nouveauté des  
Traditions  
Romains.

## P R Æ F A T I O.

prius, quo tandem filo novo pedem ipse tuum è Labyrintho flexuosissimo extulisti? si posterius, quanta imprudentia, vel potius insania genium tuum, jam capulo vicinum excruciaſti labore inani? Num, (quod infra frigide adducitur in defenſionem, poſt complures alios) *ut Os adverſariis obſtruatur, non ut triumphet veritas?* De hoc miſero ſuffugio, ſuus erit locus in Reſponſione noſtra dicendi.

Vi'e cap. 1.  
& 1. de Nou-  
veauté, &c.

Dall. de Uſu  
Veterum, &c.  
Lib. 1. cap. 1.

Interim hæſere me vehementer perplexum, quî poſſim Virum Doctum liberare à levitate vel contrarietate dogmatum, fateor. Prædicto enim ſcripto, ſæpius ſe purgat quaſi à gravi Crimine ne videatur ad *Patres Judices* controverſiarum provocare, *Teſtes* tamen & *Doctores* avidè accerſit. Hunc autem ſenſum diſerte rejicit, & totis viribus ingenii impugnat, Lib. 2. cap. 1. initio. Præterea, Quantillum intereſt, utrum *Judices*, *Teſtes*, an *Doctores* ambiamus Veteres, facile attentior paulo oculus perſpiciat: Nam (quod ſere ad ravim contra importunas & vaniſſimas querelas ejus reſpondimus alibi) Nemo cui ſanum ſit ſynciput *Judices* *Patres* ſenſu forenſi poſtulârit. Non ſunt, proculdubio non ſunt eo modo *Judices* nedum *Teſtes* nobis litigantibus, denique nec *Doctores* propriè dicti, ſive intra ſive extra controverſiam

Fidei:

## P R Æ F A T I O.

Fidei : Nihilominus sensu latiore non incommodè horum omnium munus obeant, verum scil. à falso sua operâ distinguendo, & laboranti lumini Divinæ Scripturæ succurrendo scriptis suis illustribus; non tanquam Authores, aut Domini Fidei, sed Ministri potius ejus sunt, qui nobis sunt Magistri. Pie fortassis ergo, profectò sobriè vix dicendi sunt illi Theologi sapere, qui Judicium Patrum in fide rectè regendâ Cane pejus & Angue refugiunt, Testimonium autem paulo fortiore animo & imperterrito sustinere queant. Sed quoniam de his plura inferius dicenda hîc superfluum monere lectori rem.

Jam qui breviter attigimus utilitatem capiendam ex Traditione, perpauca adjungamus de gravi incommodo contemptûs Veterum in negotio Fidei; atque etiam ex ipsis inimicis: quorum Princeps, non tam tempore, quam Stomacho petulanti & cæco furore, dictus *infaustus* Faustus Socinus, suæ dementiæ, stolidissimâ hac justificatione proprii ingenii, sic causam aperit, ad Squaricialupum suum. *Neminem ego in iis, de quibus in Responsione mea disseritur, ex iis qui hodie vivunt, nulla ex parte Magistrum agnosco, sed Deum tantummodo præceptorem habui; Sacrasque Literas.* Quinetiam in universa illa divinarum Lite-

Socinus Epistolarum. pag. 17.



## P R Æ F A T I O.

Id. Epist. 8.

*rarum scientia, (quæcunque tandem in me sit) præter unum Lælium Patrum meum, qui jamdiu mortuus est, vel potius, quedam paucula ab ipso conscripta, nullum prorsus Magistrum habere contigit. Sic ille, ibi: nec aliter ad Radecium scribens. Nec cui mirum esse debet, Hominem Aulicum Florentiâ vitam agentem, & proinde omnis Vetusioris Eruditionis penitus rudem, eâque maximè causâ, osorem; post annum autem Quadragesimum ætatis, ad Theologiam transeuntem, compendio privati sui Judicii elegisse rem totam Religionis metiri, quam insuperabile iter ingredi veritatem assequendi ex institutâ recte Collatione Sententiarum Antiquiorum. Dein, Naturâ hominis blandiente Magistrâ pessimâ usus, perfacile delapsus est in vitium vulgare, quo, Caput hæresis novæ esse, quàm Antiquæ & receptæ Veritatis Cauda, omnes concupiscimus.*

Hunc non minimâ ex parte secutus Episcopus, & ipse Antiquitatis (quod norunt docti) imperitus, novam Credendi, imò & Philosophandi licentiam, Regulamque affectavit: & Scripturis accuratiùs, quàm Majores omnes, exploratis, Mysteria Christianæ Fidei summa, tam singulari & inaudito acumine, vel crasso potius fastu, tractavit, ut non  
per-

## P R Æ F A T I O.

pertimescat liberos cuius Fidelis eos articulos de  
S. S. Trinitate permittere, absque quibus, con-  
stans & Fœderalis Fides docuit, nullum ad vi-  
tam Immortalem aditum patere Christianis :  
Eodemque fallente singularis rationis Spiritu,  
& illudente, progressus proxime est ad omnem  
delendam Ecclesiasticam Hierarchiam, cum So-  
cino Patre : In quo, Comites habuit Cur-  
cellæum, Salmasium, & alios non incelebres,  
nec indoctos viros; qui antiquitatem Fallibi-  
lem ab interpretatione Scripturarum, callidè &  
sacrilegè submoventes, suam ipsorum Ratio-  
nem mentis Divinæ, non dubitârunt satis im-  
modestè interpretem unicam surrogare : & ex  
suo, *Non video quo minus hoc per Scripturas li-  
ceat, & illo, Videtur hoc nobis Verbo Divino con-  
trarium, nulla suspitione invertecundie, aut Er-  
roris, disertè docere & tradere pugnantiâ cum  
œcumenicâ fide, & praxi Ecclesiæ. Viderunt scilicet  
docti, Sanctique Patres, Pastoresque Ecclesiæ  
Christianæ : Credidit totus Ordo Cœlestis &  
Ecclesiasticæ Hierarchiæ : Scripturas hoc sensu  
intellexerunt omnes, Uno fortassis dissentiente,  
ut obrutâ statim hæresi ejus, innumerorum  
contrariis telis, Veritas Augustior & securior in  
posterum permaneat ; Semi-Christianus tandem  
non credit Socinus, Semi-Socinianus non vi-*

Curcellæus  
Præfat. in E-  
piscopium.  
Walo Messa-  
linus,

dec

## P R Æ F A T I O.

det in Scripturis Episcopus, ullo diplomate divino Ordines Cleri & Populi distinctos. Annon cavendum maximè putamus periculo Rationis, ne hos novos, paucosque Mirmillones lapsos fuisse existimemus, potius quam illos, præsertim Magno Calvino præeunte? cujus stomacho, & infortunio gravi, parum videri possit, universum Ecclesiæ Ordinem condari. Nullo enim ipse jure in Pastorem promotus, (quod infra particulari disceptatione probabitur) ad istas redactus est deplorandas angustias, ut Extraordinaria Vocatione suum, & sequacium Ministerium, stabilire niteretur. *His temporibus* (inquit Calvinus) *Extraordinarios Pastores & Prophetas excitat Deus.* At his concessis, quid hoc ad Extraordinarium ipsum Ministerium à Calvino introductum? Video sane eum improbasse Ecclesiarum bene constitutarum ordinis turbatores: ne scil. suæ Machinæ male sit: sed quis non prorsum communis rationis experts non pariter judicet? Aut quis non servili & præcipiti mente Calvini argutias & nugas miratus, Extraordinariam illam Vocationem plane nullam æstimet, & proinde sincerius, simpliciusque ducat, omnem penitus auferre Veram, Catholicamque Ordinationem, omnes ritus, consuetudines, & traditiones omnes, denique

Calvinus de  
Vera Eccles.  
Reform.

Idem ibid.

PRÆFATIO.

nique discrimen omne in præcedente Charactere seu Facultate fundatum inter Clericos & Laicos, nisi quod tribuerit levis Plebeculæ consensus, quodque haud graviore labore pro libitu revocet? Quid ergo fuit Calvino mentis in hac causâ non multum laborandum; nec quanto studio pacem, Ordinesque Ecclesiæ persecutus est, inquirendum est; quum extra dubium sit porrexisse eum ansam Socino & Collegis suis Anomaliam istam quam cernimus à perditis Ovibus in constituendis Pastoribus Scenicis laudari, & summo ludibrio Veræ Hierarchiæ coli.

Utinam vero extraordinarium hoc Primorum Genevensium studium Innovandi, Civilem quoque statum non corripere, corrumpereque : sed Populo quoque Potestatem parem Principes creandi, cum illa Pastores ordinandi dederunt. Theses tamen funestas pro re natâ, loco, & tempore expromentes nudas, vel involutas, eodem artificio utuntur iis, quo solent Urbes, Pontibus Tractatibus : Jaciunt scil. & aperte ponunt, signa armaque illaturi in hostes : instructos autem hostes aspicientes, & mox transiuros eadem viâ ad suorum expugnationem, sustollunt, suspensasque tenent, negantque tam pernicioſa dogmata apud ipsos posse

## P R Æ F A T I O.

posse reperiri. Plurimis exemplis fas, promptumque esset hoc Nostratum, qui Magistros omnes *Presbyteromania Anierarchicâ* correpti, inscitiâ, impudentiâ, & sacrilegiis excelluerunt, quantum Proceræ & Ramosæ Arbores semina, stirpemve excedunt, confirmare: etiamnum, ni opinio me cæca fallat, Actione Historico-Scholastica satis confirmavi: Quam, causis in Limine ejus Apologiæ Particularis redditis, Priori huic Tractatui subjunxi. In qua si ulcus Corpori Ecclesiæ multis jam annis infestissimum & pridem tantum non mortiferum, acriore manu, & Stylo resece, in causa haud dubiè fuit ipsum malum non diutius lucem modeste fugiens, sed Lucem ipsam pudefaciens sua immanitate. Nec ignoro me solito atrocius nonnullorum Theologorum transmarine Reformationis, magna & pene Sancta nomina, Calvini nempe & Beza, quæstione gravasse. Per nos sanè viguisset, & valuisset apud suos tantorum Virorum dignitas & Autoritas, imo apud nos quoque debitis nollem invidiosius fraudari laudibus, meritisque, quæ agnosco præclara fuisse; Post autem multa inscitè admodum in Theologia ab iis tradita, superstitione tantâ, tantâ credulitate devorata, tantâ crudelitate, fasque nefasque, proposita & tandem suis ipsorum *Præpositis* imposita à Disciplinariis  
Novis;

## PRÆFATIO.

Novis ; An cuiquam equo iudici mirum , durumve videri posset, ipsam Radicem Malorum appetere, & evellere ? præsertim experto, luxuriantes inde surculos extremos amputasse, parum aut nihil nobis profuisse ; Dico, Profuisse ? Quid si obfuisse dixerò ? Quid autem manifestius ex Historiis sit quam Calvinì & Bezæ præceptis, monitis, consiliis, hortatibus Puritanos nostros imburos & incensos olim tanta molimina adversus utramque Politiam agitasse ? Quoties fractis animis, & viribus languentibus per Epistolas adfuerunt ? Et siquando jure ab Episcopis, præsertim Whitgifto nostro, tanquam importuni Ardeliones reprehensi sunt propter falcem superbè & temerè immissam in Segetem nostram, blanda fortasse verba, & pene Catholica reddiderunt, interim tamen tacitis Literis, non cessarunt laborantes Fraterculos Disciplinâ Presbyterali formandâ, è Postico, ( quantum nomen & vires suppetebant ) concire. Et quibus nimium esset propriis inventis Ecclesiasticis squalere, parum visum est ( invitatis à Populo forte, sed ) vetitis à Præsulibus Ecclesiæ, non turbare aliena.

Neque verò Doctorem, sed Dogmatum censuram justam necessariam ad futuram nostram incolumitatem existimavi : è quibus illud pri-



## P R Æ F A T I O.

mum locum exigit, quo Traditio Veterum sper-  
 nitur, & è medio dissidentium tollitur; more  
 Dallei; cui tamen ipsi suos in hac provincia  
 displicuisse labores, non solum ex prædictis ha-  
 riolari fas sit, verum ex Collegæ sui, Viri Gravissi-  
 mi Doctissimique, recentiore animi ejus inter-  
 pretatione, Dom. nim. Claudii; accuratissimâ  
 Responsione ad Dominum Arnaldum *De Eu-  
 charistia*. Scribit enim (opinor, non nescio  
 Ipso Dallæo) nequaquam institutum fuisse ipsi  
 Veteres prorsus ablegare, sed ostendere perquam  
 difficile arduumque esse, *quid Positivè & Con-  
 clusivè* docuerint, scil. de Sacramento Eucha-  
 ristia: eodemque fere modo, & verbis iisdem,  
 (nisi quantum Gallica Latinis distant) quæ nos  
 priùs conceperamus, refellentes argumenta  
 D. Dallei, cap. 2. Lib. 1. respondet. Quid  
 ergo? Frustra fuimus nos in eo refellendo quod  
 nec Authori Ipsi placet? Ad hoc respondeo.  
 Verum equidem esse quod regerit Arnaldo  
 Claudius, Dallæi rationes non simpliciter tol-  
 lere usum Patrum in Controversia de Eucha-  
 ristia: Hoc asserimus, hoc contendimus nos  
 quoque. Attamen non minus verum pariter  
 est, argumentum Arnaldi sumptum ex Dallæo  
 validum esse, Ad Hominem disputantis. Nam  
 nemini non sit perspicuum, eò destinatas sin-  
 gulas

Mr. Claud  
 Livre 1. Re-  
 sponf. cui Li-  
 vre de Mr.  
 Arnaud de la  
 Methode de  
 Perpetuité,  
 &c. cap. 5.

## P R Æ F A T I O.

gulas Dallei rationes aduersus Veteres, eoque institutas, ut ostendat duplici Generali Capite Patres non posse adduci *Testes*, aut *Judices Fidei*, viz. cum propter invincibilem difficultatem in sensu eorum, de illâ capiendo; tum propter suffragii clarè & indubiè pronunciati Fallibilitatem. Nam si hoc tantummodo Actione sua primâ in Veteres, vellet Vir Doctus Dallæus, quod benignus interpret ejus sententiæ tradit Dominus Claudius, viz. "Difficile esse repere per modum Declarationis Formalis & Expressæ, quæ valeat, *Ego Affirmo*, aut *Ego nego*, *Ego probo*, *Ego damno*, *Ego recipio*, *Ego rejicio*, profecto, me æstimatore, meritò frangendi essent calami ipsum oppugnantium immerito. Nemo enim tam crassus turpisque Gnatho Veterum, ullo (quantum sciverim) sæculo hætenus extitit, qui hoc præstitum in Centesima Controversiarum hodiernarum parte affirmârit. Multa tamen satis disertè & luculenter definivisse, licet non more Prætorum sententia formaliter latâ; & pluribus aliis definiendis, viam complanasse, & occasionem optimam aperuisse statuimus nos, negatque D. Dallæus.

Quid ergo me primum impulit ut hanc pro Ecclesia Universali, & illam pro Anglicana, Apologiam componerem, satis supra dictum:

Son sens est, que cela est difficile à trouver per voye de declaration formale & expresse, J'affirme; ou Je nie: J'approuve ou Je condamne: Je recois, ou Je rejette. Id. ibid. pag. 53, 54, 55.

## P R Æ F A T I O.

quod verò tam serò, post obitum Viri Clarissimi, ederem, ut Cineribus ipsis molestus sim; hæ fuerunt causæ. Diu quidem expectandum putavi Egregium aliquem Theologum, qui cum Egregio manum confereret; me obscuro, (uti par esset) intra privatos Parietes, delicante: Hujusmodi verò in arenam non procedente, tandem, quæ prius ungue in ora Libelli notaveram, dein laceffitus importuni Ministri publicato scripto, paucula Anglicano sermone exarâram, Latinæ Versioni accommodavi. Præterea, non iniquam putabam Viri emeriti quarrelam contra molestissimos adversarios Adamum & Cottybium, qui fortassis opinione imbellis senii ejus, facti audaces, lassum laboribus Bovem vocarunt ad novos sudores; quod ægre tulit, sed magnifice est perfunctus. Audito tamen, quod Vir Clarissimus, & dignissimus Professor Joannes Personus Cantabrigienfis, Vindicias doctissimas Ignatianarum Epistolarum contra nuperam Do. Dallæi Censuram Prælo mandarat, peropportuno duxi lucubratiunculas nostras in Apricum proferre; & Generalem Veterum Defensionem Particulari illi adjungere. Nisi enim aliquid dandum sit Autoritati Præscorum Patrum, quando certum compertumque tenemus suffragium eorum, quid

V. Noveauté  
de Traditions  
Romains.  
Præface à  
Monsieur  
Adam.

## P R Æ F A T I O.

quid juvet doctè & liquidò demonstrasse illorum esse genuina Opera, quæ nomina eorum præferunt? Recognita ergo hæc nostra, & nuperimè aucta, à Porru in Altum ferri sivimus: contra adversantia maria & ventos hoc uno nos consolati, quòd nullius, ne Modernorum quidem (contra quos videar interdum exacerbator) nomen maculare, aut existimationem ledere studuimus, sed Veterum potius famam & debitam Autoritatem labefactam & immodestius dilaceratam, refarcire: Ferunt autem quædam vulnera à venenosis Animalibus homini facta, vix aliter posse sanari aut obduci, nisi obtrititis prius bestiis istis. Denique, accedit & illud, me labi & errare hic, si non cum illis, qui & aliorum invidiam & nostram Apologiam superant suis meritis, certe pro illis (quibuscum si (quod olim Augustino Hieronymus dixit) optabilius non sit errare, quàm cum aliis vera loqui) pro quibus præstabilius fuerit cecidisse, quam non contendisse.



Authori longiùs à Prælo agenti, quum fas non  
esset inabsolutas Schedas examinare, hæc Le-  
ctori benevolo emendanda occurrunt.

*In Præfat.*

Pag. 14. Lin. 8. lege *condonari*.

*In Apologia.*

- Pag. 1. Lin. 1. Lege in Margine, *August. lib. 2. c. 23. Confess.*  
p. 2. l. 12. lege *possimus*. p. 6. l. 3. lege *reperiri*. ibid. lege *vanis-*  
*simo*. p. 11. l. 19. lege *Infalibili; certitudine*. p. 24. l. 5. lege *va-*  
*nissima*. p. 60. l. 3. lege *nulla*. p. 61. l. 13. lege in Margine, *Id.*  
*Origin. Par. 2. Sect. 71.* p. 67. l. 32. lege *dimitens*. p. 79. l. 34.  
lege *aut pro nec*. p. 81. l. 26. lege *quem*. p. 81. l. 32. dele *Vetrum*.  
p. 93. l. 16. lege *qua*. p. 96. l. 29. lege *qua*. p. 97. l. 10, 11, 12.  
dele notulas ad inirium linearum. p. 115. l. 7. lege Italico Cha-  
ractere ad finem sententiæ. p. 129. l. 33, 34, 35. lege *necessaria,*  
*vera, vera*. p. 131. l. 7. lege *credendos*. p. 152. l. 7. *post habent,*  
*adde est accusandus*. p. 153. l. 34. dele *enim*. p. 161. l. 16. trans-  
positam ad pag. 164. citationem Vossii lege *post videatur*. p. 163.  
l. 34. dele *Colon*. p. 220. l. 33. *cupiam*. p. 221. l. 1. lege *agi*.

*In Actione.*

Page 98. line 27. lege *ipfos. Perscrutamini*. p. 121. l. 15. dele  
*deinque*. p. 131. l. 20. lege *concessum*.

APOLOGIAE  
PRO  
VETERIBUS  
PARS PRIOR,

Complectens Generalem Responsionem ad  
Tractatum Viri Clariss. *Joan. Daliei*,

*De Usu Veterum Patrum, &c.*

---

Caput primum.

*Brevis Dicendorum Propositio.*

“ **D**UO sunt (Patrum acutissimus, inquit,  
“ Augustinus) in omnibus dissensio-  
“ nibus genera, cum aliquid à nunciis  
“ veracibus per signa enunciatur: U-  
“ num si de veritate rerum, alterum  
“ si de ipsius, qui enunciavit, voluntate dissensio sit.  
De priore quidem vel levissima, vel nulla est contro-  
versia. In hoc enim non modo fideles, sed à fide  
Christianâ alienissimi nobiscum consentiunt, Deum,  
(cum sit ipsissima & incommutabilis veritas) à vëro  
devium nihil posse pronunciare. Quod verò Scri-  
pturæ à Deo originem traxerint plurimi vel negant,  
vel ignorant. Prætereà, Inter ipsos fideles acer-  
B rimè



## Responsio Generalis

rimè dimicatur de voluntate Dei signis Literarum divinarum comprehensâ. Cui malo mihi sunt visum parum satisfacere, qui, quum de ipso Verbo Dei tota lis sit, ad Verbum ipsum revocandam litem istam putant. Quasi lippis & Luscis perspicuum non esset, Nullus (Vel Divinissima) Regulæ esse, res mensurandas sibi rectè applicare, sed aliunde rectè appositas dijudicare: h. e. judicandas æquis arbitris exponere, & præire.

Hinc ergo primum dicere constituimus de optimo medio controversiæ in Religionè dirimendi, quâ possim brevitate & luculentia præstare, Speciali examine ventilabimus, quæ contra optimum illud medium, Veterum scilicet traditionem & suffragium, D. Dallæus disputavit.

Prius autem quàm ad hæc duo accingemur, opportunum hic erit totius operis fundamenta jacere ex ipso Dallæo, tam causam, quàm rationem Instituti sui explicante. Quæ verò ipsum rationes moverent, hæc fuerunt. *Homines Aulici pro Romanâ fide contra Reformatam objectarent Antiquitatem & Vetustissimorum Doctorum consensum, ita ut nihil frequentius aut prociacius quàm hæc nomina jactarent.* Hinc autem magno opere sibi, & suæ Reformationi non immerito stimulans Vir Doctus, duplicis viæ non ignavit Adversariorum reprimendi fastus, Illius, quâ Patres instar Josephi in Ægyptum deportatos justis redimeret vindictis, hujus vero, quâ Panthorum more fugiens conditionem pugnæ, tolleret subjectum Cernaminiis, aliôque pertraheret, posterior ei tutior est visa, quâ scilicet Veteres in Cæritum Tabulas referendos esse operosissime probaret. Quod duplici ratione hic conficitur. Prima est, *Quia si non impossibile, saltem difficillimum est, quid super illis senserint Veteres, liquido & definite constituere.* Altera est, *Quia eorum sententia* (etiamsi

(etiamsi certò de eâ constet) cum non sis infallibilis, nec extra erroris aleam omnem constituta, non habet tantum auctoritatis, ut eâ acquiescere possis animus; qui in iis, quæ ad Religionem pertinent, nec potest, nec debet alia credere quàm ea de quorum veritate, sibi certò constas. Harum priorum Theſim undecim argumentis amplificat, Libro primo comprehensis: Posteriores verò sex rationibus communire studet. Quibus nos duas in Genere Theſes contrarias opponendas duximus: quas partim Proœmiali seu generali disquisitione, quæ jam instat; partim particulari examine singula decurrendo, dabimus confirmatas.

Prima sit hujusmodi: *Non magis est impossibile vel difficile liquido vel definiè constituere, quid de plurimis maximisque controversiis fidei senserint Antiqui Patres, quàm quid in suo genere vel Philosophi, vel Historici, vel demum Sancti Divinorum Librorum Scriptores tradiderunt de hodiernis in Religione controversiis.*

Altera sit hæc: *Ut animus in fide acquiescat in verbo Dei fundata auctoritate vel ministerio Veterum eam nobis annunciantium tradentiumque, nequaquam postulari ut infallibiles ipsi sint, seu ab erroribus omnibus usquequaque immunes.* Quibus duabus verissimis propositionibus probatis, nemini non fiat perspicuum quàm frustra sit in suâ operâ, D. Dallæus.

## Caput secundum.

*Status Controversiæ aperitur : & distinctio inter  
Judicem & Legem in Sacris etiam necessaria esse  
ostenditur.*

Fulgent. con-  
tra Arrian.

**A** ssertianis defectus agnoscitur (inquit Fulgentius) quando quis fidei assertui destruere nititur regulam & credulitatis suæ formam nolit proferre. Hoc autem maximè omnium commisit Dallæus, abdicariam prorsum texendo orationem, quâ quidem, quæ hætenus sunt ædificata magnificè, destrueret; ipse tamen intereà temporis nihil stabile exædificaret; nisi quod Tyronibus tam in ratione quàm fide probatum, jure displicuerit, & contemnatur: quod sequentia manifestò docebunt.

Nobis autem, ne eodem vitio laboret sermo noster, visum est primò Questionem generatim evolvere, nostramque sententiam post Aliorum describere: deinde ad speciale revocare examen quæ à D. Dallæo contra Veterum suffragium dicuntur.

Dicturis autem de summâ omnium controversiarum, Judice videlicet Controversiarum, requirendus imprimis videtur verus Quæstionis status; eoque magis, quòd Viro Doctissimo consilium erat eundem vel datâ operâ obtenebrare & fugere; vel, quod invitus dixerim, ignoraverit; aut quod omnino necessarium esset, non attenderit.

In hoc ergo, nihil, me æstimatore, magis solet nubem clarissimæ alioquin diei inducere, quam vulgaris & promiscuus Judicis & Legis abusus, quo penè sublata sit fundatissima illa in Naturâ rerum diversitas.

fitas. Et ex iis non pauci, qui in rebus humanis & naturalibus non illubenter eam admittant, improbant planè in Sacris & Divinis controversiis; sicuti quàm plurimæ disputationes inter Reformatos & Pontificios palam nobis faciunt. In quibus Romanenses ab illà distinctione ferè semper auspicandum putarunt; sanè non iniquè. Adversarii autem, nescio quem anguem in herba latentem suspicati, illam prætimidè refugerunt: Et in suæ meticulositatis defensionem solent (me stupefcente) plerique quod nuperrimè fecit Johannes Strangius Scotus, in suis disputationibus De Scripturis (alios ut taceam) Apostoli Pauli illud hoc attrahere, *Vivus est sermo Dei, & efficax & omni gladio ancipiti penetrabilior*: undè latissimum discrimen colligunt ponendum inter Legem, seu Normam humanam quamvis, & Divinam. Illa enim mortua: cùm sit Litera, nequeat simul Normæ & Judicis vices obire. Hæc verò quum vivus sit sermo, utrumque præstabit manus. Nec facile inolitum hunc veterum excusseris his, ostendendo manifestum tropum Apostoli, qui quæ in iusticiâ hominibus. Cùm enim vox Judex dupliciter vulgò usquepetur, Propriè, & Metonymicè; is proculdubio solus est Judex propriè dictus, quem attinet, (vel ex jure vel ex Dissidentium electione) Litem dirimere: Impropriè autem, & figurè dici solet Judex, quicquid involutum explicat, dubium de suis, obscurum elucidat; aut, ut verum à falso, rectumque ab Obliquo & curvo dignoscatur, suo lumine, & rectitudine agnitis, efficit. Hoc autem quum tam Judex quàm Lex (diversè tamen actû) faciat, idem nomen plerumque uterque sortitur. Præterea, Judicis & Legis diversa admodum sunt munera; sed quod Judex non solum Legem exponat, (quod & doctor fortassis melius peragat) sed Causis terminum ex officio

Hebr. 4. 11.

Gratianus  
Decret. Pa. 1.  
Dist. 21.

imponit, quod neque Lex valeat præstare, neque doctissimus interpres: quod rectissime notavit Gratianus his verbis, *Aliud est Scripturas sacras diligenter expovere; aliud Causis terminum imponere. In negotiis definiciendis non solum est necessaria scientia, sed etiam potestas.* Unde strictè loquentibus nulla alia potestas judiciaria est quàm quæ ad Præpositos jure pertineat. In cunctis autem Legibus, seu Regulis tam credendi & sciendi, quàm vivendi, Autoritas quædam Moralis est, quæ ut primum innotuerit, ad sensum obsequiumque exigit, quæ tamen quoties in questionem venerint, sive jure, sive injuriâ proutinus perit Litigantibus. Ex duobus autem consisti Autoritatem scribit Joachimus Stegmanus (qui è familia Socini cum esset, acutè & disertè quidem scripsit Tractatum imperfectum De Judice Controversiarum, sed non perinde solidè, quod paucissimis mox demonstrabitur.) Ex admiratione & Metu: Ex Admiratione vel Patientiâ, vel Eruditionis; Ex metu autem dominii; Indignè quidem Rationis Magistro; cujusmodi Sociniani cupiunt se videri. Dominium enim Legitimum satis, & solum tribuit cuius Autoritatem subditum sibi judicandi. Quod verò liberè quis suæ Causæ elegerit Judicem, id non raro ab Admiratione Peritiæ nec tamen duntaxat Peritiæ, sed & Probitatis opinione provenit, quod probavit quoque Stegmanus.

Joach. Stegman. lib. 1.  
De Jud. Controvers. ca. 2.  
Pa. 40.

In ratione autem Regulæ explicandâ quam nuper multo sudore & Præsumptione Papistæ nostrates Anglicanis scriptis tentârunt, turpiter solent errare, & contra ipsam Philosophiam peccare. Existimârunt Præter Absolutam illam Divinæ Naturæ Regulam omnis Entis & Veri, reperire posse Normam aliquam vel Sciendi, vel Credendi, vel Vivendi, quod vanissimè nituntur strepitu verborum ostendere.

Con-

Conditiones autem Regulae duas potissimum statuunt esse, ut Recta sit: deinde, ut nota: plures adiciunt, sed deterioris multo notae. Offendunt autem fastidiosi isti Sophistae utraque parte. Hinc quod omittunt maxime essentiali conditionem; quae est ut recipiatur, & recta (licet fortassis secus se res ipsa habeat) agnoscat a Metientibus: Illinc, quod simpliciter necessarium statuunt, ut Recta sit Norma, quod operandum potius quam sperandum in Rebus innumeris humanae & Divinae notitiae. Qui duo errores ab hoc primo fluxerunt, quod de Lege, seu Norma ita judicaverunt ac si quid absolutum essent, & non semper Relativum, respectum ad aliquid dicentes. Deus quidem pariter & Scriptura seu Verbum Dei sunt Entia absolute Vera; sed non quatenus Regula: Nisi enim prius quis fide admiserit, Regulae Ei non sunt actu. Nam Turcis & Judaeis & Paganis Scripturae neutiquam sint Regulae. Salva tam divina ipsa Essentia, ex natura rei illud quod communiter Regula dicitur, non minus ad Rem mensurandam examinis ergo dirigatur, quam vice versa, haec ad illam: nec natura quidquam alteri Normam praestituit, sed Consilium, quod contraria possit, ubi libere, decernere. Arbitrii enim plane est, non necessitatis Naturalis, quod Scripturis deferimus. Porro neque verum est quod Recta sit Regula necesse est. Nam ex pacto possunt homines suas subicere causas homini, vel Scriptis a Recto maxime devius: unde tamen non minor concordia nascatur quam si ab ipso Veritatis Oraculo sententia petatur, feraturque, quod quotidiano usu venire videmus. Quod vero idem Stegmannus inter Arbitrium distinguat & Judicem, Quod iste nobis etiam in votis sententiam de nobis feremus, Idem pag. 48. habeat, Ille non nisi a nobis ipsis nostra sponte electa & constitutus, aut saltem ab aliis nominatus, quum rejicere possemus,



Cicero pro  
Roscio Co-  
mæd.

mus, liberè admissus; Primum magni momenti erit ref-  
cire quis iste, & quis ille, quod mihi fateor incertum:  
ex ordine verò verborum iste ad Arbitrifer referatur, ille  
ad Judex: & proinde contrarius sensus longe verior:  
Judex enim erit Legitimus, cujus Autoritas obse-  
quium acquiescentiæ in litigantibus jure exigit; Ar-  
biter, qui ad placitum constituitur, & dimittitur.  
Paulò aliter Cicero, *Aliud est Judicium, aliud Arbitri-  
um: Judicium est rei certa; arbitrium est rei incerta. Ad  
judicium hoc modo venimus, ut totam litem aut obtineamus,  
aut amittamus. Ad arbitrium hoc animo adimus, ut neque  
nihil, neque tantum quantum postulamus, consequamur.*  
Veruntamen licet ex Civili sanctione ita fiat, ut vo-  
lens nolens quis vel Legem vel Judicem cogatur ad-  
mittere, revera tamen neutrum tale sit ex ratione  
rei. Sed obtineat per me formula loquendi, quæ  
nostram neutiquam vel juvat, vel impedit disputati-  
onem: ad quam de Judice & Lege distinguendis pro-  
pius redeundum est.

Cicero de  
Legibus.

Aristo. lib 1.  
ca 14. Rhetori-  
cæ.

Clem. Ale-  
xan. Stromat.  
1. p. 310.  
Isidor. Pelus.  
lib. 3. Ep. 306.

Frustra enim de suâ Causâ sibi subblandiuntur, qui  
istam non servandam in Sacris putarint, quod tam  
Philosophi cum vulgo loquentes, quam doctores, &  
Patres iisdem nominibus utrumque insigniant. Nam  
sensu vulgari, non Judiciali Cicero dixit Magistrat-  
um esse Legem loquentem: Legem autem esse Ma-  
gistratum mutum: & Aristoteles (qui à Chamiero  
& aliis citatur) immeritò huic errori patrocinari co-  
gitur in Ethicis, qui distinguit in Libro de Rhetori-  
ca, & de Animâ ut mox Patebit. Ex Patribus item  
legimus Clementem Alexandrinum, Mosem Νόμον ἡ-  
μῶν appellasse, quo scil. ritu notat Doctissimus Pater  
Sanctum Paulum Νόμον Πατριάρχων dixisse. Isidorus Pe-  
lusiotes pariter unâ periodo utramque appellationem  
est complexus. \* Ὅτι οἱ βασιλεῖς καὶ οἱ ἱερεῖς ἀρχαῖοι, καὶ ἡμ-  
εῖς οἱ ἱερεῖς καὶ οἱ βασιλεῖς, καὶ οἱ ἱερεῖς καὶ οἱ βασιλεῖς, καὶ οἱ ἱερεῖς

Et tritissima sunt Optati verba, quibus ad Scripturas quasi Judicem provocat. Denique hâc utitur phrasi Scriptura ipsa dicens, *Nunquid Lex nostra quempiam judicat, priusquam audiat?* Et Christus ad Judæos apud eundem Evangelistam, hæc aliter, *Est qui accusat vos Moses in quo speratis*: ubi Lex Moſis Moſes dicitur. Quæ singula solvuntur respondendo Metonymicè dictâ fuisse, & propriam formam posuisse: non tamen propterea æquum esse ut prorsus definiant naturâ ipsâ distingui.

Optat. Mil.  
Cent. Parm.

Joan. 7. 51.

Joan. 5. 45.

Scripturam enim formaliter vel seipsam interpretari, uti mox dicetur, vel de sua Literâ judicare non posse, hinc ratione manifestissimâ colligitur; quod quum singuli sententiæ ejus subjici se, suæque velint, tamen in partes infinitas scinduntur de eâ inviti: Nec alio quàm sui ipsius testimonio egemus. In iis enim (Petrus affirmat) *quædam difficilia intellectu, quæ indocti & instabiles depravant ad suam ipsorum perditionem.* Cujus vocem sequuntur Patres sancti, & Viri Gravissimi: Vincentius enim Lyrinensis sic, *Quoniam sit perfectus Scripturarum Canon, sibi satis superque ad omnia sufficiens, opus est tamen, ut ei Ecclesiastica Intelligentiæ jungatur autoritas, quia nimirum Scripturam Sacram pro suâ altitudine non uno eodemque sensu universi accipiunt; sed ejus Elogia aliter atque aliter, alius atque alius interpretatur, ut pene quot homines tot illic sententiæ erui possint. Aliter namque illam Novatianus, aliter Photinus, aliter Sabellius, aliter Donatus exponit: aliter Arrius, Eunomius, Macedonius, aliter Apollinaris, Priscillianus, aliter Jovinianus, Pelagius, Cælestius, aliter postremo Nestorius.* Hæc Vincentius. Cui lucem prætulisse videtur Hilarius Pictaviensis scribens, *Forma fidei certa, sed quantum ad Hereticos omnis sensus incertus est.* Quod etiam non solum agnovit ipse Calvinus, sed his verbis docuit. Nullus tam perspicuus Scripturæ locus, qui

2 Petr. 3. 16.

Vincent. Lyr.  
Commoni-  
tor. cap. 2.

De Trinitate  
lib. 2.

Calvin. de  
Scandalis  
pag. 10.

Calvinus  
Respo. ad  
Versipellēm.  
Opulc. p. 411.

Whittakerus  
de Scriptu.  
Qu. 5. ca. 3.

ad Lesbiam hanc Regulam inflexus [Romana Ecclesia] vel, ut magis propriè loquar, detortus, non alienam formam induat? Num soli Ecclesiæ competat Romanæ propriè errare de Scripturis, vel easdem detorquere? Nonne & cæteræ idem possent solentque committere? Possunt sanè, solentque, eodem Calvino teste diserto. *Nulla enim (inquit) tam crassa in quæstionem venit absurditas, cui non inducunt colorem, scil. ex Scripturâ, de quarum abusu ad portenta Religionis ornanda agebat. Rectè ergo Whittakerus, in hoc cardine versatur tota Quæstio, [inter Pontificios & Reformatos] de Scripturis. Unde vera Scriptura interpretatio sit petenda. De hoc ergo sequitur ut diligentius disputetur.*

### Caput tertium.

*Primus modus lites de Religione motas determinandi explicatur & refellitur.*

**Q**uidam inter nos Romanæ partis, secum paulo fidelius considerantes multa à Scholasticis infauitissimè disputata in Controversiâ Fidem resolvendi: singulari acumine sibi saltem visi sunt ipsis omnes procul amovere difficultates, novo opinionis portento, prioribus sæculis inaudito, nostroque inviso. Traditionem quidem, ut & Alii, optimum Ecclesiæ medium ponunt rixas in Religione componendi, sed non vulgarem illam, verùm adspicibilem, & veluti manibus palpandam. Hujus Commentii, ut plurimorum aliorum paradoxorum Whitus, seu Albius primus (ni fallor) inventor fuit, qui non temnendam partem Anglo-Romanensium adversus Jesuitas sibi adjunxit. Principem horum locum meri

veri videatur Henricus Holden conterraneus noster, Parisiensis autem Professor: quem recentior Refuga Cressius in sua Exomologesi, licet nutanti animo, secutus est: Hos autem Author triobolaris Chartæ à Bruxellis dari fictæ, & Sergeantus quidam disputator fervidior, quam Sobrius de Regulâ Fidei. Quoniam verò otium mihi non sit singulos excutere, sat fuerit, opinor, unum Holdenum, virum proculdubio gravem & doctum paucis alloqui.

Hic libro qui *De Resolutione Fidei: seu Analysis* dicitur, primum Fidei Romanæ fundamentum sæpius quidem jactitatum nondum autem solidè jactum hoc ponit, viz. *Unius sensus operationem & in uno Individuo debitè exercitam posse rectissimè fundare assensum fidei ab omni erroris periculo immunem.* Et mox pergit. *Que sensus externi annunciant certissima sunt. Nam hac ipsa certitudo est totius vite & societatis humane basis & fundamentum.* Quis negat? Certissima quidem sunt: non tamen propterea Infallibili nituntur. Nihil autem minus Infallibili Certitudine pollicetur Ecclesia Romana: quam ego reperiri in Sensuum externorum testimonio apertè nego, cum Academicis Antiquis. A quâ sententiâ me minimè pãtior dimoveri vanissimo illo Aristotelicorum effato: *Sensus externi non falluntur circa proprium objectum:* Tot enim & tam dubiis conditionibus illud gravârunt, quæ non minus eos in suspicionem trahant, quam Academicorum & Arcefilæ argumenta: & dum rectè dicitur primum & evidentissimum omnis notitiæ fundamentum, sensus testimonium; aliud prius supponendum, & cognoscendum, quàm sensus rectum testimonium perhibuisse certò constet. Ex se verò, clariore & certiore in luce positum est, sensus rectè percepisse, quàm servatas istas rectè sentiendi conditiones, De proprio objecto, debitâ distantia, Organo, & medio

Henricus  
Holden Di-  
vinæ Fidei  
Analys. lib. 1.  
ca. 3.

Cicero Acad.  
Quæst. lib. 2.  
Id. De Orat.  
lib. 3.

Henr. Holden  
ibid.

bene dispositis. Vel enim hæc ratione dignoscuntur, vel sensibus: si ratione; Qui poterit idem sensus esse Causa & Effectus, origo, & Consequens rationis certæ? si sensibus, Sensus sunt probandi, Quis tandem erit finis, vel potius principium sentiendi? Et sequeretur sensibus nos prius percipere quàm revera sentimus. Mihi fateor tollere videntur omnem vel ipsorum Infallibilitatem sensuum, quæ Cicero acutissimè disputat ad mentem Academicorum & Arcefilæ: Optimam tamen basim & fere unicum vinculum humanæ societatis esse non diffiteor. Eos verò non dubitem Manichæis vèteribus propius accedere, quàm Catholicis, qui incredibili typho propriæ rationis elati, Christianæ fidei articulos singulos suis Profelytis tam perspicuè & solidè demonstrandos pollicentur, ac si oculis & digitis solummodo ad claram eorundem notitiam opus esset: quod Doctor ille prædictus his gradibus molitur. *Sit, inquit, fixum raturumque, quod medium, quo revelata Christianis ut plurimum communicanda sunt, debeat esse talis natura & conditionis, ut sensibus externis sit adeò facile dignoscere, adeoque evidenter compertum, ut nemini relinquatur locus dubii, An sit, seu existat.* Denique ad calcem libri primi Resolutionis fidei, hoc modo singula in unum colligit. *Ex quibus hanc Christianæ fidei Analysim haud incidere in Labyrinthum vulgarem, & circulare perfugium, patet, quo solent Theologi passim involvi, qui fidei resolutionem parum attentè opinionem construunt, aut effingunt: Querenti enim unde noverunt Scripturam esse Verbum Dei? Respondent, Ex universâ consentientis Ecclesiæ assertionem. Quibus si iterum fiat interrogatio, Unde scirent unanimum hanc Ecclesiæ assertionem Catholica esse ab errore liberam seu infallibilem, Respondent, Ex revelato Dei verbo, adeo ut non audentes fidem Divinam in certitudine aut evidentiâ naturali fundare, in circulum hunc inevitabilem illabuntur,*

*& in orbem turpissimum saltantes, fidem, quam ipsa prima ratio format, & efficit, rationis expertem reddunt, voluntque homines rationales mentis ac iudicii participes in fidei assensu certiores esse quam ratio postulat, vel approbat. Hactenus ille; alibi autem opus hoc novum coronat directè affirmans. Fidelem oportere testimonio Ecclesiæ & traditioni firmiter adherere, non quantum Ecclesiæ, sed quatenus tot homines sunt. Bellè omnia: nisi fere Sensus externi mediocriter attendentibus monstrarent certam ruinam his intentari toti machinæ Romanæ suæ Ecclesiæ, ab Architectis summis hæcenus constructæ: quod hic superfluum esset fusius demonstrare, & ab Instituto remotius. Pauca hæc autem in gratiam verè Catholicæ Ecclesiæ animadvertisse, sat erit. Falsissimum enim est quod toti operi suo sub sternitur, viz. Ea quæ communi hominum assertione fundata in sensibus externis traduntur, nequaquam cedere Evidentiæ quam nos ipsi ex propriis sensibus adipiscimur. Ratio nostri dissensus prima est. Quia hoc ipsum aliorum testimonium non nisi ministrantibus nostris sensibus in animum nostrum derivatur, Auditus scil. operâ, qui facilè à visu vincitur evidentia & certitudine nunciandi. Secundò, planè est impossibile ut quispiam pari certitudinis gradu sit præditus, alium sensuum beneficio gaudere, quàm quod ipse, vel quod alius demonstrationem sit nactus, quàm quòd ipse eâ utatur. Quam quidem certitudinem fidei nullis humanis suffragiis pendere simpliciter, aut principaliter, magnifico hoc Bonaventuræ elogio fidei doceamur. *Certificatur enim fides in hoc quod mens sensibiliter se sentit trahi infallibili notitia in illum, qui est solus desiderii quietativus; & hoc sit ita verè, vel verius quam oculus materialis videat materiale objectum.* Affirmat hîc Doctor Seraphicus certitudinem nihilo infirmiore eâ quæ hodiè caput astrui, sed longè alio*

Bonavent.  
Mystic. The-  
olog. ca. par-  
ticula 1.



fonte petitam; quod sequentia etiam luculentius explicant. *Sed cum mens per istam sapientiam, de multis quæ ad fidem, licet adhuc misera, certificetur ad plenum, sciat qualibet fidelis anima, quod ex quo mens ad istam sapientiam pertingit, si omnes mundi sapientes, omnes philosophi protestarentur & confiterenter & dicerent: Tua fides non est vera fides, quinimo, deciperis; ipse contrariò responderet, Vos omnes fallimini, & ego solus veram fidem teneo, multò felicius quam rationes & investigationes, per amoris unionem in corde habens infallibile firmamentum, ut dicat cum Apostolo, Scio cui credidi: & Certus sum: sic certificatur fides per hanc sapientiam.* Hæc Bonaventuræ si quis torquenda putet ad fidei sinceritatem, seu moralem potius quam Metaphysicam & objectivam veritatem, Ferri possit; quoniam ratio eadem erit in utraque. Accedit his tertia difficultas ex incertis, si non falsis suppositis. Quod talis contingat unquam hominum universalis consensus, cui nullus refragatus est: Ab exemplo à Viro Doctiss. adhibito dispuemus, si placeat: Fama latè diuque vulgatissima volitavit Civitates esse dictas Romam & Constantinopolim: Petavius quidem Augustinum hoc modo scribentem citat, *Nam conditam Romam tam certum in rebus humanis quam Constantinopolim: quum Romam viderim oculis meis, de illa vero nihil noverim nisi quod aliis testibus credidi.* Quæ verba licet ibi desiderentur, ubi peteret Petavius, idem tamen alibi scribere & sentire non nescio, & præcipue in libello seu Epistola ad Paulinum de Videndo Deo, quod hîc referre longum esset. In humanis rebus autem, cautè (ut solet) admodum inferit: subinnuit enim proprium genus adfensûs, Morale putâ, (ut loqui amant Recentiores) quod non manat à principiis necessariis, sed omnimodâ probabilitate. Præterea multum interest inter exempla data, & rem Religionis. In iis enim, nullis vel fa-  
voris

Dionysius Petavius part 2.  
Ration. Tempor. lib. 1. ca.  
14. ex August.  
Civit. Dei  
lib. 13. ca. 3.

voris lenociniis flecti, vel curvari præjudicii ponderibus homines solent ut non perhibeant fidele & conforme suis sensibus & judicio testimonium: In negotio autem Religionis, hominum animi præoccupati, & in alterutram defixi partem, & credere & tradere pleraque solent, aliter quàm vel res ipsa postulat, vel animus proprius inclinet. Ejusmodi urbes florentissimas dari in Europâ quas Romam, & Constantinopolim vocitant homines, quid ni credant, qui nunquam oculis usurpârunt eas? Neque quicquam quempiam moveat, eorum quæ nusquam sunt, Famam prædicare, nisi ut splendidè mentiantur, quos refutare gaudent homines, & statim extinguere rumorem. Sed Christum fuisse Messiam, eximiaque miracula edidisse, licet pauci præsentés conspexerint, & testimonium reddere possint verissimum, universale non potuissent. Nec defuerint qui vel falsos vel fallaces ipsos testes dixerint. Nam (ut ipse Augustinus tradit in Evangelium Joannis) *Et qui viderant Christum, in iis laudata est fides eorum, quia credebant quod non videbant, Filium Dei.* Est enim Fides (uti Apostolus) propriè dicta Argumentum non apparentium: h. e. vel nostris vel aliorum sensibus.

August. in  
Evang. Jo-  
an. Tra. 95.  
Hebr. 11. 1.

Cum ergò nec ipsis primis fidei nunciis capitula ejus tam perspicua essent, quàm propria objecta sensibus esse consueverunt, quàm in tenues fumos exit tam insolidè stabilita, & magnificè deprædicata Traditionis evidentia, præsertim si, quod res est, fateamur, viz. Longa temporum serie labescere potius, quàm meritò adaugeri fidem Traditorum, certi novimus.

Tertiò, huc attinet, quòd vel nulla, vel levissima & rara discordia nascatur de iis quæ sensibus nostris ingerere solita sunt. Undè ergo tam crebra, tam gravia oriantur dissidia de rebus in Religione traditis, nedum

nedum de ipsa Traditione, sitne, vel fingatur potius esse? Quæ autem externi sensus nobis commendant, potiùs necessitate, & inviti quàm volentes & liberi credimus; unde rectè Gulielmus Parisiensis. Non autem sunt omnia manifestè vera [in Religione seu fide] quoniam tunc nulla esset in fide dissensio, nulla Hæresis, nulla omnino Contradictio. Manifeste enim veris nemo contradicit, &c.

De Fide, cap. 1.

Quartò manente istâ de Traditionis certitudine & evidentiâ, opinione, non modo superflua, sed & stultissimæ essent cunctæ Quæstiones & Lites plusquam forenses De Judice Controversiarum, Quis? Qualis? Unde summus ille Arbiter esset? Quorsum enim, quæ summè evidentiâ sunt, fatigamus nos ipsos, quærendo è regionibus remotioribus & perobscuris? sensum repudiamus, & rationem ambimus?

Reuchlin.  
De arte  
Cabalist.  
lib. 4.

Quintò, Quid hi Fidei Christianæ Traditores respondeant, si positâ hâc manifestâ certitudine periret penitus ipsa fides divina? Ejusmodi autem fuisse constitutam rationem fidei ab optimis Theologis certum est, quòd tum desierit Divina esse, quum principiis naturæ lumine præclaris promanet. Quod bene Reuchlini Philolaus his explicavit verbis. *Nihil tam distat quam esse divinitus revelatum, & esse humanitus inventum. Unde in mera fide purè credibilium Credere & Scire sunt maxime disparata: ubi nunquam conclusio evidentior fieri potest præmissis; etiam si præmissis evidentiâ certa misceatur, tamen semper conclusio sequitur partem infirmiore.* Rectè igitur vel hoc affirmamus quod in eodem subjecto, & respectu ejusdem veritatis non potest simul stare habitus fidei acquisita, ac habitus scientia per demonstrationem genita. Huc usque ille. Enim verò, si hoc unum primum (quantum ego video) Fidei Christianæ principium [Scripturas esse divinitus revelatas] ratione, lumine naturali, sensibus, aut experientiâ,

Apo-

Apodicticè possit probari, necesse esset singulos ejusdem fidei Artículos, qui tanquam totidem ramusculi ab illâ radice pullulant, ejusdem generis esse, h. e. humanâ fidei credi. Unde fateor me magnopere demirari nuperrimum, & acutissimum Virum Roge-  
rum Boyl Decanum Cogagiensem apud Hybernos, qui brevissimo compendio de hoc subjecto tractatum edidit, quid moverit, ut contrarium, his verbis statuerit, *Quod si cui subtilius rimanti duplex hic compareat fides, Divina, quâ creditur verbis quæ sunt Dei; & humana, quâ creditur ea esse Dei verba, non contendo.* Sane ego vel maximè contenderim, immeritò dici illam fidem Divinam, quâ credimus verbis Dei. Nam qui assensus communi synteresi hominibus omnibus est insitus, nequaquam titulo divino, sed humano dignandus est, nisi quicquid operis Dei sit in naturâ Divinam appellemus: sed fides illiusmodi omninò Humana est, siqua alia. Quid enim altius naturæ calamo animis hominum inscriptum est quàm Deum veracissimum esse, & proinde verbis ejus adhibendam fidem plenissimam? Equidem Deum esse minus notum Gentibus est, quam, dato quòd sit, quod neque fallere neque falli potest: Fides verò quâ creditur Dei esse verba v. g. quæ Christiani tali venerantur fide, potius ex adverso, Divina est, quod neque ratione naturali, neque revelatione communi, possit constare, ut ut Plerique Theologi libenter müssitent contrarium; sed miserè confirmant. Ex hinc autem manifestò mihi liquet integrum quasi corpus Fidei Divinæ hoc primùm assensu animari, & per hoc subsistere, viz. nullo argumentorum pondere cogente, nullo lumine naturali ostendente, credimus Scripturas esse verbum Dei. Vulgò enim illud Gregorii M. in Scholis recipitur. *Nullum fides haberet meritum, ubi humana ratio præbet experimentum:* Est

D

namque

Inquisitio in  
Fidem Chri-  
stianorum hu-  
jus sæculi,  
pag. 21.

Gregor. Ma.  
Honi. 16. in  
Evang.

Clem. Alex.  
lib. 2. Stro-  
mat.

Lib. 6. ca. 5.

Idem de Uti-  
litate creden-  
di, cap. 13.

August. Tra-  
ctat. 29. in  
Joan.  
Idem Tractat.  
36. 69. & 78.

In Sententiis  
lib. 1. dist. 1.

Estius lib. 3.  
Distin. 3. ca. 5.

namque fides, prout pulchre Clemens Alexandrinus,  
~~scribitur in eodem~~ unde eodem Authore, Græcis, ~~in eodem~~  
~~scribitur~~ dicebatur, quia Philosophicis argumentis  
non nitebatur. Et optime Augustinus in Confessio-  
nibus. "Persuasisti mihi, inquit, non qui crede-  
rent libris tuis quos tanta ferè in omnibus gentibus  
"authoritate fundasti, sed qui non crederent esse  
"culpandos, nec audiendos esse, qui mihi forte di-  
"cerent, Unde scis illos libros unius veri, & vera-  
"cissimi spiritui esse humano generi ministratos? Id  
"ipsum enim maxime credendum erat. Idem etiam  
alibi. *Recte igitur Catholica disciplina Majestate institutum, ut accedentibus ad religionem fides persuadeatur ante omnia. Et paulò inferius: Hos verò quis ferat ad Christum se pertinere profiteri, qui nisi apertissimam rationem stultis de Deo protulerint, nihil credendum esse contendunt. Patres quoque illud Isaïæ malè è fontibus redditum, haud malè interpretati sunt, viz. Nisi credideritis, non intelligetis, de necessitate fidei absq; momentis Rationis: Intellectus enim (inquit idem) est merces fidei: Ergo noli querere intelligere ut credas, sed crede ut intelligas, quoniam nisi credideritis non intelligetis.* Luculentius tamen Patribus Scholastici Romani hanc ornârunt Provinci-  
am: Duos in eo grege non incelebres Doctores ad-  
ducam. Durandus docet nos oportere non solum  
credere Revelatis, sed ipsam Revelationem. Et al-  
lio in loco. *Ipsè actus, inquit, credendi cum meritis cir-  
cumstantiis est opus meritorium.* Itaque non solum pro-  
ponuntur nobis talia ut credantur, sed etiam ipsum  
Credere proponitur ut actus meritorius vitæ æternæ.  
Estius multò adhuc apertius hoc disputat, "Si quis  
"vel sola ingenii naturalis sagacitate, vel argumen-  
"torum vel rationum pondere, vel sensus vel etiam  
"signorum tantum evidentiâ convictus, assentitur  
"eis, quæ divinitus sunt revelata, non pertinebit  
"ille

“ille assensus ad fidem Christianam. Ex his autem concluditur primò adversus nuperrimos defensores Romanæ fidei, sensibilem hanc Traditionis certitudinem, quam tantâ pompâ suorum, & contemptu aliorum ostentant, fidei, neque habuisse olim, neque nunc dierum habere locum apud probatos Theologos; sed putida nugamenta vulgò vendi vice purissimæ fidei: deinde, sicubi nasceretur illa certitudo, non nisi occasu fidei verè Christianæ oriri: & tamen longe falsissimum est hujusmodi Traditionem in Ecclesia Catholica extitisse. Quod infinitæ penè Hæreses & dissidentia in Ecclesiis, quæ Traditionem obtendebant, satis superque probant.

Quomodo autem se his expediant difficultatibus scire cupias? A Magistro hujus artis Whito accipe. Cui cum quis (ut fertur) & suis objectaret, Hæreses contra ipsam Christi Deitatem in variis & magnis Patrum confessibus fuisse constitutas; quod nullo modo potuit accidere clarissimâ luce imperturbatæ Traditionis oculos eorum perstringente; Respondet, Catholicam quidem Traditionem satis conspicuam fuisse, sed noluisse eos eam admittere, aut sequi. Quid autem hoc rei est? Credibile est tot viros veritatem manifestam odisse? Fidem ad salutem pernecessariam datâ operâ abnegasse? Prodidisse nefariò Traditionem? Decipi elegisse, & Posteris perniciosi erroris authores fuisse, quo & propriæ, & horum animæ certâ & ineluctabili damnatione perderentur? Sin autem invitis occæcatæ sint eorum mentes, inviti concedunt novi Doctores Albigenes, non tam necessariò aut liquidò fluere cursum Traditionis Ecclesiasticæ, quin de eâ dubitari possit, & ab ea recedi? Vel si sponte in errorem ruerint Nebulonum spectatissimus confusus, quo novo argumento demonstrabunt, Viros verè Ecclesiasticos, & Catholicos non

Tradidi Vobis, pag.



posse, vel nunquam juxta ac isti, velle contra Traditionem decernere? Si dixerint, Morum pravitate, & intelligentiæ discrimini Spiritum Sanctum Ecclesiæ promissum succurrere optimè posse, & revera adesse, Non repugno; Quæro autem, in quantas se difficultates conjiciunt homines isti qui omnia aperta & probata sensibus reddere modò sunt polliciti, virtute decantatissimæ Traditionis, dum coguntur perplexitates, & prolixitates disputationum de natura, jure, & privilegiis Ecclesiæ prius devorare, quàm credant Spiritum Sanctum, extra sortem, hunc vel illum cætum constituere, errandi. Adde, quod Vir gravissimus scribat, Ecclesiam non tam ductu Spiritus extraordinario Fidum esse Custodem Traditionis, sed simplici natura hominum. Homines verò fuisse etiam Hæreticos inficiari quispiam novorum Catholicorum possit? Quare ergo Ecclesia vel ignoret, vel nequeat deferere & vitare Traditiones Apostolicas perinde ac Hæretici, restabit in æternum requirendum: vel verius, si Maldero Antwerpiensi Theologo non ignobili credamus, extra dubium exit. Ecclesiam enim ipse tripliciter distinguit. Primo, ut cætus hominum proborum: Secundo, ut signis & Miraculis confirmata: Tertio, ut Spiritu Sancto directa. "Dico ergo, inquit, Fidem nostram non resolvì in "authoritatem illam primam Ecclesiæ, quæ tantum "civilis, moralis, & humana est. Quamvis enim "illa sufficiat, ut credatur Ecclesiam in propositi- "one fidei non fallere mentiendo, non sufficit ta- "men ut firmissimè eam credamus non falli invitam. His quidem verbis Tragico, non Logico argumento Cressii in suâ Exomologesi, & aliorum satisfit, qui nescio, quas cumulantes calumnias simplicium animos non justis argumentis ducere, sed variis & horrendis sui cerebri spectris conterrere sperant in fidem suam;

Malderus  
Episcop. An-  
werp de Vir-  
tu. Theol. In-  
stit. & Religi-  
one Quæst. 56

suam; clamantes Ecclesiam debere conspirare, & studiosè prodere fidem, si errores tradiderit suis, vice Sanctæ Fidei; quum nisi regimine Spiritûs Divini dirigatur, Ecclesia, facile nolens labi possit, & humano modo errare. Ductu autem S. Spiritus moveri Ecclesiam, est Propositio Fidei, non Cõclusio rationis.

Denique, Perergi hujus mantissâ hæc claudatur dissertatio. Patet enim, quod bonus Vir. Doctor Holden candidè profitetur, nostros optimo jure Pseudocatholicos Circuli, seu vitiosissimæ vertiginis hætenus accusasse. Quibus solenniter, & decet ludere usitatissimum fuit, probando Ecclesiam esse ab errore immunem ex Scripturis: Et Scripturas, vice versa, Infallibile Dei esse verbum, ex testimonio Ecclesiæ. Quod quidem insanabile ulcus in Romana fide frustra satagunt curare dictus Malderus, Becanus, & alii distinguentes inter fidem quoad nos, & fidem inter se spectatum. Fides enim in se nulla est proprie dicta, sed quicquid id sit, objectum tantummodo fidei dicendum est. Et præterea, tota disputatio procedit de fide quoad nos, illâ scilicet fide, quâ creditur vel Ecclesia vel Scriptura. Hanc autem astruere posse niti verbo Divino, ubi de Ecclesiâ sit disceptatio; & rursus Ecclesiâ, ortâ quæstione de Scripturis, plusquam nugantium est, & plusquam stupentium recipere: nisi prius vel hoc, vel illud firmiter credatur. Nam Credenti Scripturas à Deo fuisse profectas authore, haud erit difficile Statuere Ecclesiam Infallibilem: & vice versa.

## Caput quartum.

*De Ratione Judice Controversiarum.*

**A** Grè indignéque ferentes facultatem istam, quam nobiscum communem sortiuntur animalia, summam judicandi sedem tenere, hoc munus divinæ potius facultati Rationis nobis è naturâ ingentis deferendum existimant; rati, opinor, se ipsos ob egregium acumen, & cæteras insignes animi dotes quibus fere quisque libenter credit se cæteris præluere, primas in ejusmodi foro obtinere debere, & in Repub. Fidelium imperare.

Duplici autem capite mihi videntur offendere summi hi Rationis Magistri, & in limine ipso turpiter impingere. Primò quod non advertant, Rationem nequaquam dici posse ipsam judicem; sed id quo quis judicat. Sed levius, & fortasse subtilius hoc videatur dictum. Proximum autem longè gravius, quòd parum aut nihil distinguant inter Rationem principiis naturalibus subnixam, progredientemque, & Ratiocinia illa quæ concessis principiis quibusdam Theologiæ Christianæ propriis, animum promovent in certam rerum divinarum cognitionem. Qui tantopere de sua superbiunt ratione ut præsumant adyta Religionis eâ rectè penetrare posse, næ illi mihi minime rationis compotes esse videntur, & perinde facere quod luto metalla ferruminantes: Vel instituentes corpus Philosophiæ ad Mensuram Mysteriorum Theologiæ. Unde enim (ab his peterem) didicerunt Theologiam ad normam Naturæ potius exigendam quàm Naturam trahendam ad Theologiæ leges? Utro-

Utrobique proculdubio æque peccatur. Et illi à supremâ deviant Ratione qui Humana ad Divina attollere, & qui Divina ad Humana deprimere volunt. Nam ut probè Pelusiotæ, *Ὁὐκ ἐστὶν κοινὸς ἀνδρὶ καὶ θεῷ λόγος ὁ αὐτὸς*. Requirendæ non sunt naturales demonstrationes Rerum supra naturam. Optimè quoque Gulielmus Antifiodorensis, *Si considerassent, ait, Hæretici res divinas excedere res naturales, nunquam proprias rationes rerum naturalium applicare voluissent rebus divinis: quoniam sicut dixit Boetius, Eruditi hominis est, de unaquâque re prout ejus natura exigit, sermonem habere.*

Isidor. Pelusior. Epist.

Antifiodor. lib. 1. cap. 1. Præfat.

Non dubitem quidem Rem Dei rationem esse, ut scribit Tertullianus, & nihil absque eâ in humanis transigi vel divinis. Neque Senecæ elogium rejicio, qui, *Ratio nihil aliud est, inquit, quàm in corpus humanum pars divini Spiritûs mersa: sed aio Leges Physicæ & Theologicæ Rationis in plerisque diversissimas esse: ideoque eos à ratione difficilissimos, qui putant nullo discrimine habendas. Unde Augustinus, "Si ratio contra divinas Script. redditur, quamlibet acuta sit, fallit veri similitudine. Nam vera esse non potest. Rursus manifestissimæ certæque rationi velut Scripturarum objicitur Autoritas, non intelligit, qui hoc facit, & non Scripturarum illarum sensum ad quem penetrare non potuit, sed suum nobis veritati, nec quod in iis, sed quod in seipso velut pro iis invenit, opponit. Ex gratiâ: Hæc Augustinus. Dato ergo (quod naturali ratione demonstrari nequit) hoc primo fidei nostræ principio, Scripturas divinitus nobis traditas, nihil impedit quo minus Theologia suas habeat certissimas conclusiones, quàm reliquæ scientiæ, quæ tamen tant non ubique erunt, aut tam claræ ut lites per eas solas absque vivo arbitro dirimantur, magis quam per Leges aut decreta humana causæ civiles absque Legis interprete,*

Senec. Ep. 66.

Augustin. Epist. 7. Marcelino, Vide etiam lib. in Gen. ca. 18. & Confess. lib. 12. ca. 23.

De Jure Na-  
turali & Gent.  
lib. 1. ca. 7.

Brevis dis-  
quisitio An &  
Quomodo  
vulgo dicti  
Evangelici,  
&c.

interprete, aut Ministro seu iudice. Præterea neq; Ju-  
dici neq; Philosopho id unum aut primum est intuen-  
dum in Lege, viz. quis fortè sit Legis sensus; sed quæ,  
qualisque obligatio jure ei subjectis, eidem parendi;  
ne homines naturâ recte institutâ sociabiles, vernissi-  
ma Libertatis imagine delusi ferarum immanium ri-  
tu à se invicem dissipentur: dum sibi quisque sapit,  
credit, judicat. Nam ut optimè Seldenus qui pru-  
denter hanc materiam explicat, *Ratio quatenus talis so-  
lùm, & simplex, suadet & demonstrat, non jubet, aut ad  
officium, nisi superioris eo qui jubetur accedat simul autoritas,  
obligat. Quod legis data proprium est.* Paris autem or-  
dinis jurisque, & sibi ipsi Dictatores aut Consules,  
Obligationem universam à seipsis non fictam recu-  
santes, qui fuerint, nemo non videt quantum in præ-  
cipitum omnem agunt humanam & Ecclesiasticam  
societatem. Nulli itaque turpius contra rationem  
offendunt quam Sociniani, qui videri volunt unicum  
Rationis numen venerari, & tam divina quàm hu-  
mana cubito suæ Rationis pariter metienda docent.  
Unde vanissimus istius Gregis Anonymus Disquisitor  
non veretur contra manifestissimam experientiam  
Rationi, vel potius dementiæ suæ sic adolere: “U-  
bi sana ratio judicat, ibi id metuendum non est.  
“Vide Philosophiam, vide omnes artes reliquas in  
“illis omnium confessione Ratio judicat. Et an  
“non est certitudo aliqua? An nondum certus es,  
“An tres Anguli sunt æquales duobus rectis? Sic  
iste. Annon potius certum est ipsum Doctorem fæ-  
dissimâ & casu in prima disputandi principia pecca-  
re, qui argumento à sensibus ducto demonstrare ten-  
tat Rationis certitudinem? Sensus ipsi docent, fa-  
cto examine, Tres Angulos duobus Rectis æquales  
esse? Quanam vero tandem diligentia vel acumen  
demonstrabit sensibus quemvis fidei articulum?  
Dein,

Dein, quis nisi rationis inops Rationem naturalem rebus supernaturalibus dominari permittet? Quis demum nisi summè delirus (quemadmodum fastuosi propriæ rationis Idololatræ hujusmodi) ex manifestò falsis dubium comprobare admittitur? De Mathematicis quidem concedimus Evidentiam & Certitudinem dari, sed quæ tandem in sensus potius, quam rationem refunduntur. In proprie dictâ autem Philosophiâ vel Physicâ vel Ethicâ, Quis unquam non vidit innumeras & atroces dissidentias? Credo non fidei, non Authoritate illusi, sed perspicacissimâ, quam habuerint, ratione ducti antiqui Philosophi in trecentas opiniones de natura Dei scissi sunt. Siqua autem in reliquis concordia servetur, sanè ea minimè debetur Rationis faci prælucenti, sed tyrannidi magni alicujus Philosophi (qualis Aristoteles) qui in Scholis longè lateque imperitavit, & Rationes, Sequacium suo dictamini, potius quam suam Philosophiam rationis Regulæ inservire compulsi.

Quid autem opus est ut graviore ictu hæc confodiat opinio, quam ab ipso Authore infligitur, hoc suo exemplo De Animæ statu post mortem: cujus soporem nescio quem probaturus, totâ nocte ad diem usque novissimum, ita (pexâ proculdubio prius Rationis suæ Philosophicæ barbâ promissâ) orditur: *Homo* Id. ca. 8: *mortuus sentire nequit adeoque nec voluptate fruitur, nec dolorem patitur. Credunt ergo reipsa mortuos vivere. Hoc autem fundamentum est non solum Purgatorii, sed & nefanda illius Idololatria qua in Sanctorum demortuorum invocatione apud Pontificios cernitur. Tolle istud, & istis nullus locus est. Hæc ille. Tolle verò potius ignavum hoc pecus, quod solum cum suis sociis Animal rationale videri cupit, & veritas multò clarius elucescet. Quis autem ante Hunc nescivit? Quis nesciet post eum, Totum & Partes formali ratione distingui? Partes autem*



Proverb.

tem hominis etiam Essentiales realiter ita diversas esse, ut à se invicem divelli, & separari possint: & propterea posse hominem salvâ Animâ, & corpore non protinus dissoluto, interire, & Animam homine extincto vivere posse? Gratulandum ergò modestissimo huic Philosopho, qui non dixerit, *Tolle Deum, & Idololatriâ non est metuendum*. Sed rectius multo quis cum Solomone, *Tolle stultum, & jurgia con-* quiescant.

Stegmanus,  
lib. 1. ca. 2.

Hoc homine multò modestius subtiliusque in hac quæstione se gessit Stegmanus, qui ratione item omnia expendenda & determinanda putat: Et optimè quidem, si Ratio sensu communissimo sumatur pro Optimo medio, seu argumento veritatem eruendi, & confirmandi, & Partibus Litigantibus, quod rectum justumque est, distribuendi: Hoc namque modo Sapientiam consulta rectè Ratio dicantur, Difficile tamen fuerit futilius quid in hac causa prodere, aut minus dubio solvendo deserviens, quàm quod iste cum suis tradit, viz. *Suum cuique, si sanâ tamen ratione utatur, sufficere iudicium: nimirum quia non aliis sed sibi ipsi quisque iudicet*. Quam miserè verò est hoc à Quæstione & ab Instituto devagari? Nequaquam enim quæritur, quid homini isti faciendum, qui à seipso dissidet, pugnantemque in animo patitur sententiam. Tali enim proculdubio suum, si sanâ ratione utatur, sufficiat iudicium: Sed ubi dissensio cum aliis fit. An etiam isti fopiendæ liti sat erit suum cuiusque iudicium? Quis hæc non rideat? Quod, si verò quis omnia optimè consistere posse insperio isto condimento, [*Si sana tamen ratione utatur*] Primo, quæro, Quâ demonstratione patebit sanâ hunc ratione uti præ Illo? An non ratione? de qua adhuc dubitari possit, An sana sit? Dein, Posito quod quis sanâ utatur ratione, consequens erit summo jure deberi ipsi Judicare

dicare de aliis non minus quam de se, licet non ex auctoritate, ex meritis. Et si verum sit (quod non rejicio) quod alibi idem scribit, *Utrum aliquid à Spiritu Sancto profectum sit necne, non nisi rationis sana judicio constare debet*: Utrum quid à Ratione recta proficiatur, Ratione in infinitum probandum est plerumque: nisi rationes utrobique factæ, Judicis alicujus staterâ librentur, & determinentur. Nec valet quod infra subsidii gratiâ addit, *Se agere de sanâ ratione, eamque à carnalibus illis concupiscentiis distinguere*. Quæ enim proximo capite disputat contra Rationis erro-  
 rem, non solum Hæritico isti fundamento nituntur, negativo nimirum, Quod lapsu Adami nihil mali posteris obigit, (in quo mihi insanire cum suâ Ratione videtur) sed contra ipsam experientiam aperte pugnat. An quid nobis omnibus exploratius sit quam labi homines, etiam cordatos, etiam pios, & ratione haud vulgari præditos? Contra frequentissimam autem experientiam Argutuli qui videri, vel esse velint, mihi quantovis acumine tueantur provinciam stupidi habentur, vel Pessimi. Porro, quæ Capite ultimo doctè & breviter quidem scribuntur, De Abusu Rationis, potius Logicæ quàm Theologicæ considerationis sunt: Nec inficias ivero pulchras observationes & Regulas hominibus porrigi: sed vix dimidium facti præstitit, quum potius (quod credo superare humanas vires & ingenium) ut sinceram dent homines operam rectè & simpliciter uti Legibus loquendi & Ratiocinandi, instituire, & simul quasi catenis ineluctabilibus devincire oporteret, quoniam quod Author Imperfecti operis in Matthæum optimè tradit, sæpissimè fit, ut *Error non generet peccata, sed peccata generent errorem*.  
 Hom. 19. in Matthæum.

Quid autem in re tam clara certaquæ multis est opus verbis? Ratione omnia tam humana quàm

divina trutinanda, & dijudicanda, neutiquam negandum. Quali autem? Et Cujus, dignissimum est consideratione. Certè enim ut non purè Naturali in Divinis; ita nec privati adversus publicam, nec Unius adversus Plures. Hæc enim contra ipsam rationem pugnant. Et mihi quidem in re dubiâ ex summæ rationis esse Aliorum plurium, doctiorum, sanctiorumque judicio, potius quam proprio palmam tribuere videtur. Præterea qui Fausti Socini Viri proculdubio (nisi ejus nos mendacissimè fallant Scripta) tam ingenio quàm æquissimis & placidissimis moribus præclari, vel unas evolverit Epistolas, videbit, ridebitque gloriosum Officiosæ Rationis successum in veritate eruendâ, & coadunandis hominum animis in fide Christianâ, sive vera, sive falsa sit illa. Et sane puro ab amore, ira, invidia, & cæteris sequioribus affectibus oculo, si quis novos hos magistros intueatur penitius, non latebit ars artium Socinianarum quæ in hoc præcipue insignis est, ut vafritie, & subtili Priorum, Posteriorum, & mediorum discerptione, vel interpunctione in Sacro textu, allegata eludant: sed cum propria causa defendenda sit, fiunt instar abrahi Sampsonis, & recedit ab iis fortitudo, & deficiunt, fiuntque sicut cæteri homines. Sit exemplorum multorum unum illud. Apud Ecclesiam usquequaque Catholicam invaluit mos (uti hætenus receptum est) Verbo Divino nixus, ne cuilibet fas sit Ministerii Evangelici munus, nisi à Legitimis potestatibus Ecclesiasticis facultate prius instructo, suscipiat: Poterit ne quidquam frigidius, aut Lacertoso disputatore indignius dici in contrarium, quàm, *Non video quare non liceat homini in Scripturis perito, & probo illud officium assumere?* scil. abruptenda constans, & perpetua Ecclesiæ traditio, & Scripturæ vox neganda: quia non vident, non audiunt homines hi.

hi. Hujusmodi autem negativæ argutiæ quanti fuerunt ponderis apud Curcellæum in Præfatione ad Episcopium, & Episcopium ipsum de eâdem re disputantem, obscurum non est. Plus ergo Lectoribus se conciliasse animo demisso, & saltem simulante egregiam humilitatem profecisse arbitror Colubrum istum, agri Dominici populatorem, quam Rationum momentis: Amamus enim, naturâ impellente, liberam potius quàm vinctam captivamque Rationem summâ licet illud ratione fiat: & malumus eligere falsum, vel saltem dubium; quàm cogi ad verum. Nec minus arma argumentorum, quàm Ferrorum reformidamus. Et Plurima quæ admitteremus simpliciter proposita, rejicimus, quia rationum vi stipata, viam potius, ut aiunt, facere videantur, quàm invenire, aut quærere. Sed aliûs sunt loci hæc.

Non ignoro quid quoque in me & potest, & solet objici, viz. Dissidia non minus vexare istos qui tantopere Veteres venditant, appellantque: Quod ex parte quidem esse verum diffiteri nequeam: ex toto autem, non. Quoniam in veritate detegendâ longè major sit progressus hâc, quàm istâ methodo; quæ ultimum terminum Controversiarum statuit Propriam cujusque Rationem: de quâ quum meritò dubitari possit, quasi Naturæ ipsius ductu ad tertium aliquem properare consueverunt homines: qui si dirimere non possit Litem, ad Publicum Judicem, Ecclesiam nim. provocatur: Ecclesiæ autem si de Ratione ipsa, de Scripturis, de interpretationeque earum discrepent; Ad Remotiores confugere ipsa suadet Ratio. Non quod progressus sit infinitus, vel in Infalibili tandem consistendum; sed æquissimo, & Optimo Judice, quem nos hîc statuimus Lumen pondusque antiquioris & constantioris Traditionis.

## Caput quintum.

*Quatuor alii modi Controversias definiendi recensentur & refelluntur.*

**T**ertius autem modus omne humile, humanumque despectans, Sp. Sanctum constituit unicum controversiarum idoneum Judicem. Spiritualia enim, aiunt à Spiritualibus discernuntur. Et Scripturæ optimè omnium à Spiritu qui iis suggerendis, & condendis princeps erat, explicantur. Verissima hæc esse neget qui volet, qui audet: ego is non sum, Quid verò iis, qui his abutuntur, commodi hinc nascatur, aut damni aliis quibus obstrepunt inani hoc verborum tinnitu, laborat mihi adpectus. *Convenit enim (inquit Bellarminus) inter nos & Protestantes non, utrum Spiritus Sanctus sit maxime Idoneus Iudex, seu interpret sue mentis in Scripturis tradita, sed penes quos maxime sit ille, deque ejus subjecto.* Nisi ergo quis se vel hominum cœtum illum: cujus sit, Ipse membrum, uberiore gratiâ Spiritus divini præditum esse ostenderit quàm cæteri, futilissima erit jactantia illa de Spiritus Sancti sapientia, aut authoritate quam non habet; vel saltem habere se, nescit aliis probare dubitantibus.

Sunt ergo qui paulo speciosius stylum, non sententiam temperantes suam, diverticulum excogitarunt aliud. Aiunt enim Spiritum Sanctum Judicem esse, sed in Scripturis, de Scripturis. Quo effugio nescio an viri docti indoctius quid invenerunt. Quæro enim, Quomodo Spiritus in Scripturis delitescere dicatur. Nunquid aliter quam Causa in Effectu cernitur,

Bellarminus  
De Verbo  
Dei non  
scripto.

nitur, aut Artifex in opere? Hoc modo autem non minus Reprobis, & induratae pravitatis mentibus, quam probis sanctisve adest. Eadem enim omnibus Scripturae, Idemque in iis Spiritus. Verum dices, electis & piis copiosiore luminis & gratiae opem affert quam Improbis. Quis negat? Quomodo autem, Illis magis quam istis opitulatur? An ut in Scripturis, an ut in utentibus Bibliis? Certe posterius. Quid novi ergo nova verborum ambages apportat, quod re ipsa altera sententia non haberet? Est tamen hic non omittendum non omnes qui Spiritu Dei aguntur protinus devenire idoneos interpretes Scripturarum. Novimus enim juxta Theologos homines bifariam à Spiritu Sancto instrui, Donis, & Gratiis, Gratiis quidem Deo videmur acceptiores: Donis autem Ecclesiae utiliores. Judicare autem de Scripturis easve interpretari feliciter, ad Dona pertinere videtur. Unde non raro accidat ut Improbis magis polleant quam Sancti: sed his non est immorandum.

His ergo Quinta ratio succedat, viz. Analogia fidei. Est autem Analogia fidei (juxta Doctiss.

Whittakerum) *nihil aliud quam certa, constans, & perpetua sententia Scripturae in apertis & minime obscuris Scripturae locis.*

Perkinsio autem, est, *Summa Religionis collecta de manifestioribus Scripturae locis, & minime obscuris.*

Mihi autem fateor subrepere solere dubium; Unde nata aut coagmentata illa fidei Analogia?

Ecquid Scripturae secundum eam compositae sunt, vel vice versa, Haec è Scripturis petita?

Quod posterius verum cum sit, difficile statuere hanc, Illis magis amplam vel perspicuam Regulam esse: quin etiam compendii rationem habens, maxima ex parte obscurior erit, adeo ut Scripturae Illi, quam Illa Scripturis,

tam Rectitudine, quam perspicuitate praecllere videantur.

Whittaker de  
scrip. Quæst.  
s. cap. 9  
Perkins Ca-  
thol. Refor-  
matus.



deantur. Cæterum Caput tandem proferat diffamata illa Analogia fidei : vel si non adspectibus, captibus saltem nostris se proponat. Me hebetem quod attinet ; libenter agnosco me nullam aliam reperisse præter ipsum Dei verbum , aut Symbola Ecclesiæ Catholicæ, quorum longè augustissimum, Apostolorum dictum, Puritani nostri, nisi prius repurgatum deletili suæ reformationis Spongiâ, non recipiunt : Reliquas autem Analogias in censum Entium Rationis referendas judico, vel Lesbias Regulas, vel denique Sophistarum asyla. Quid enim clarius est quàm singulas Ecclesias, ne dicam singulas personas, quæ sapere ultra sobrietatem didicerunt ; pro Climates & ingeniorum varietate, varias quoque sibi confinxisse fidei Analogias, ad hoc tantummodo utiles, ut mentes mordicus adhærentium ejusmodi placitis, in iis fortius retinendis dirigantur ; ad litigia autem componenda, aut controversias solvendas planè inidoneas.

Sextus ergo modus inventus est, qui humanum laudat ingenium, & prudentiam, quibus diligenter expenduntur & excutuntur singulæ divinæ Legis circumstantiæ, scil. Personarum, Locorum, Phrasium, Idiomatum, Figurarum perspectio. Quæ omnia attentè & fideliter considerasse in enucleandis, Scripturis ingens proculdubio affert commodum ; & tam ab Antiquis quàm Recentioribus doctoribus imprimis Laudatur. *Est enim ( ut Cassandri utar verbis ) hæc ratio interpretandi Scripturas longè optima, atque certissima quam etiam Priscos Patres commendasse & surpassasse adversus Hariticos, imprimis Hilarium cognovimus : sed quum eâ ipsa ratione quâ sunt subtilitate & pertinaciâ, Heretici utantur, fit non rarò ut ad finiendas controversias hæc ratio minus valeat. Sed & ipsi Dallæo hæc via minus possit placere, cui displicet Patres hoc munere fungi*

Cassand. De-  
sens. Lib. de  
Officio Pii  
Virii, &c.

fungi (ut infra dicemus) Quia sollicitius exercentur in expiscanda Scripturarum mente, quod Judicem minimè deceat: & illud mihi solet gravissimam molestiam dare in hac causâ: Quod vix, aut ne vix quidem ratio probabilis assignari possit ob quam in collatione textuum diversorum, Hic ab illo, potius quàm Ille ab hoc dijudicetur: aut verba Christi ex. gr. potius ad verba Apostoli examinentur, quàm è contra. Litigiosis enim (quibus retundendis summus usus fuerit Judicis Controversiarum) non constabit textum quem nos celebramus, allegamusque manifestiorem, talem revera esse. In dubiis verò sine Adversario, multum proficiant cordati institutâ variorum textuum collatione.

F

Caput

## Caput Sextum.

*Septimus proponitur modus, & suadetur rationibus septem.*

**E**Xclusis superioribus viis, superest altera, vel potius modus alius loquendi à Primo, (quod enim ad octavum modum attinet, qui Papam, vel Papalem Concionem ad summum hpc cùlmen exchit, mihi eodem Loco habetur, & pondere quo Octavus sapientium Graciæ) qui Traditiones perpetuas commendavit, vel, (quod perinde mihi est) Veterum Suffragium, & Testimonium. In hoc autem ab istà potissimum dissidemus opinione, quòd neque tam facilis, neque tam manifesta, quam sunt quæ sensibus occurrere apta sunt, traditio illa reperiatur, neque sanè proprii Judicis subeat rationem, sed eo sensu judicant Veteres (Metonymicè scil.) quo, quod Effectus, Causæ attribuitur. Faciunt enim Patres & Traditiones Ecclesiæ Catholicæ ut nos rectè de capitulis inter Christianos controversis ex Regulâ Veritatis, Verbo Divino, judicemus. Faciunt item ut Ecclesiæ Primores suis Fidelibus Filiisque Leges tradant & documenta Scripturis & Primæ Veritati maximè conformia. Faciunt denique ut Creperi loci Sacræ Scripturæ mentibus hominum incompósitos securiùs hauriantur, & credantur, ratione hâc septicæ.

Prima illa est quæ Platonem persuasit, ut multò honestius sentiret de Priscis Heroibus quàm sequioribus viris, viz. Quòd multò quàm nos Deo viciniore, & Christo conjunctiores fuerunt. Apostoli enim Christo,

Christo, Apostolici viri, illis; His autem sequentes Doctores præsentis ævi fuerint, nec disrupta catena sacrarum Testium veritatis, multum lucis & fiduciæ innascitur nobis de Doctrinæ Christianæ integritate. Sed primis Doctoribus præcipuus honor debetur, qui propius ab ipsò Fonte Christo abfuerunt: quod etiam Cassander (ubi suprà) notavit, dicens. *Quia eorum quæ literis prodita sunt sensus & intelligentia primis illis discipulis & Apostolorum Auditoribus manifestissima & notissima sunt; ut quorum explicationem ab ipsis Apostolis Evangelis præconibus acceperunt.* Neque aliter sensit doctiss. Whitakerus. *Plus tribuendum est, (inquit) si autoritatem quaris, Ecclesiæ primitivæ, quam subsequentium sæculorum Ecclesiis; quandoquidem quod erant Apostolis propiores, ed longius ab erroribus aberant.* Et quantum ad Veteris Testamenti explicationem, mirificè hanc sententiam confirmat Helvicus his verbis, quæ paucis immutatis, novum pariter complectantur. *Occurrant, inquit, passim in Hebræâ Scriptura loca difficiliora, vel quoad constructionem, vel quoad vocabula insueta; quæ, quia lingua nulli populo amplius est vernacula, non perinde obvia sunt: unde diligentem investigationem & meditationem requirunt. Magnum hic momentum obtinent Veteres Interpretationes, quas, cum propiores sunt temporibus, ubi adhuc in vulgato usu lingua floruit, verisimilis est propius scopum tangere, saltem in aliquibus, si non in omnibus.*

Cassand. ibid.

Whitaker,  
Duplic. p. 187Helvicus de  
Chaldaicis  
Biblicorum  
Paraphrasi-  
bus, cap. 10.

Secundò, Vetustiores optimè nostris in diffiditis testes adducuntur, quippe, quod in docendo, probando, & judicando præcipuum est, ab affectibus qui præsentis ævi Doctores & Judices vitare, & à recto avocare solent partium studio deditos, fuerunt alienissimi: Secundum Aristotelicum illud, *Πρόσωπον ἐστὶν ἀνθρώπου ἀδύνατον ἰδεῖν*

Arist. 1. Rhet.  
tor. cap. 16.  
45.

Tertiò multum faciunt ad veritatem vitiis homi-

num demerſam in puteo evocandam & ſuſcitandam, recta puraque intentio, pietas eximia, prudensque Zelus in honorem Dei, & Religionis incolumitatem, quæ in Patribus illuſtriſſima extiterunt:

Baſil. Ma. De  
Spi. Sa. cap. 12.

Ὁ δὲ σαρκὶς ἀνθρώπου ἡρώμενος ἔχει τοῦ διεξιέναι τὸν νοῦν, ἀφωσμένον  
τοῦ τοῦ πνεύματος ὅς ἐστι τῆς ἀληθείας ἀνακλίνου.

Homo carnalis inexercitatus habens ſenſus in contemplatione, ſpiritu-  
alis veritatis lumen intueri nequit, (inquit Baſi-  
lius magnus.) Chryſoſtomus item non uno in loco,

Chryſoſtom.  
Hom. in Gen  
& Hom. 1. in  
Joann.

Οὐδὲν ἕως ἐκείνη τοῦ τοῦ ἀνθρώπου οὐδὲν ὡς πολλὰς ἀνέκοντα.

h. e. *Nihil pariter nos in veritatem ducit atque vite probi-  
tas.* Veteres autem Patres nobis Recentioribus non

minus pietate & ardente in Deum Zelo, quàm tem-  
pore præviſſe, perſpicuum erit cuivis, qui quos la-  
bores, quæ jejunia, quasque vigilias, & exilia for-  
titer amore Dei & Religionis cauſâ pertulerunt, ſpe-  
ctaverit: dum quidam primipilares novæ Religionis  
aſſertores nimis dediti ventri, palato, otio, inertia, &  
fortunis pinguibus, digna fanè Eccleſia inviſibili,  
inviſibili pietate, contra Veterum viſendam ſancti-  
tatem turgescunt. Præterea, quæ dira conſligia  
Chriſtianos hodie exercent, & quanto in discrimine  
veritas fit, nemo non videt.

Quarto, non tam vehemens altercandi prurigo Ve-  
teres inceſſit, qualis hodie nos miſerandum in modum  
irritat, & in perniciem veritatis divexat. Utinam  
(ſi Deo ita videretur) plures non aleret Eccleſia qui  
Ludovici Vivis ſodalem imitarentur, ſtatuentem,  
*priuſquam nihil novum aut mirandi ederet, editurum ſe quæ  
pro comperto haberet falſiſſima.* Quis etiam non horreſ-  
cat referens aut legens noſtri ſæculi perditiffimos mo-  
res apud Cornelium Janſenium: *Ed impudentia quidam  
proſilierant, ut quum religione quidam ductus non auderet  
aliquid in alterius Gratiam facere, quod ſciebat in principia  
morum impingere, & nullis autoribus tanquam probabile  
aſſertum*

Ludov. Vives  
de Art. Car.

Janſen. lib. 2.  
proam. 8.  
Auguſt.

assertum esse, respondit ei Magister recentis Theologiae expolitus, Aude tantum, Nos efficiemus probabile.

Quintò, Sancti Patres Scripturis divinis non minus, (Quid dico? Minus?) imò multò magis quam sumus nos eruditi, & sacro Codice exercitati fuerunt: & ut bene adnotavit Sylbergius de Justino Martyre, *Admirabili quadam in Divinis Scripturis allegandis promptitudine fuerunt, & interpretandi dexteritate.* Siquis ergo Modernorum eximia in Sacra Scripturâ peritia huic muneri idoneos reddat, multò magis Patres eodem titulo id sibi vendicent.

Sylberg. Præfat. in Justin. Mart.

Sexta itidem ratio non parum Veteribus debitam in hac materia auctoritatem asserit. Nam quid vel Primævos vel Posteròs commendet magis tanto Muneri quam uberrimus Sacra Spiritus ros mentibus ipsorum insidens irrigansque? Hoc autem egregio privilegio inclariisse Veteres præ Recentibus, certum est; ipso Dallæo ultro fatente ad finem libri Secundi, ubi hos, Pygmæos, ad Illos comparatos, esse affirmat. Quo etiam pertinent quæ haud obscurus Theologus Hyperius habet, de Sermonibus Prophetarum, Apostolorum, Evangelistarum, item Chrysostomi, Basilii, Nazienzeni, &c. verba faciens. *Cui dubium esse possit in Prophetis & Apostolis in plerisque vetustis Patribus tum eruditionem ampliorem, tum studium procuranda salutis hominum ardentius, denique & uberiores Spiritus Sancti potentiam eluxisse, quàm in ullis nostræ ætatis hominibus, ideoque non immeritò illos ut fidelissimos præceptores præ omnibus audiendos atque imitatione revera dignissimos?*

Hyperius Præfat. Method. Concion.

Postremò, Eò potissimum contendisse totos Veterum labores fere constat, ut populo Christiano, cui Scripturas jecerant fidei fundamentum, clarius refulgeat sanctiusque innotescat quid mentis Spiritui Sancto esset iis literis humano generi concredit.



Hæreticis enim cunctis ab autentibus auctoritate Scripturarum, ad propria somnia consistenda; (ut hodie quoque fit) graviter doctæque sudarunt Patres, ut fraudes eorum pateant, & impia sophismata circa textum sacrum ad aucthores reiciantur mendaciorum. Adeo falsa & ridicula est eorum suspicio & calumnia, qui propterea Veteres in exitum relegent, ut sincerius & splendidius Dei verbum regnet.

Septemplici prædicto modo divinam evadendi sententiam de Scripturis, adjici & alius poterit. Ecclesiæ Catholicæ non inauditus, licet minus probatus: qui extraordinarium de ipso Deo immediatius expectat iudicium, & suspensiones de Recta Fide moribusque puris auferat, miraculis editis: quomodo Nicephorus & Evagrius prodiderunt, (quàm certa Fide viderint alii) in Concilio Chalcedonensi, quum multum, atque desideraretur & dissideretur, inter Catholicos, & Dioscorum Eutycheremque de Naturis duabus Christi, controversiam adductam tandem esse positamque ad pedes Sanctæ Euphemie, in templo Ei dicato: precibus utrinque ad Deum sublati. Mane autem Catholici in templum regressi, suas theses in manu Virginis, Hæreticorum autem ad pedes jacentes aspiciunt, manifesto (uti putabant) veritatis augurio. Meminit etiam idem Nicephorus, (memorem autem esse oportet lectorem ne securâ sit fide erga Nicephorum) ut Catholicus quidam, cæteris mediis frustra adhibitis, adversarium Hæreticum provocaret in ignem procedere cum ipso, in Veræ fidei demonstrationem: Quod testatur quoque Bonaventura de Francisco de Assisiis, qui intrepidè contra Sultanum ejusque vates pro Christo disputans, paratum se esse pronuntiavit in ignem ingredi pro veritate signanda. Ritualistæ quoque ferunt, quum intensissimè litigaretur intra dissidentes Ecclesias,

Niceph. lib.  
15. ca. 44. 15.  
Evagrius, lib.  
2. c. 3.

Niceph. lib.  
15. cap. 23.

Bonavent.  
Legenda Sancti Francisci.

clesias) Utrum Ambrosianum, an Gregorianum Of-  
 ficiū in Ecclesia obtineret, ad Sanctum Petrum ri-  
 xam fuisse delatam, positumque utrumque supra Al-  
 tari ejus, manēque Gregorianum in plures partes  
 discriptum, per Ecclesie aream hinc inde spargi;  
 Ambrosianum autem integrum, & illa sum parman-  
 sisse; quod; eiq̃idem dissidentie Divini Numinis  
 radiiores oraculorum interpretes statim pronunciarent  
 argumentum fuisse: Acutissimi vero Papalis nomi-  
 nis & Potestatis Ordini facile inde signum elicerent  
 Approbativ Gregoriani Officii, & quod per univer-  
 sam Christa Ecclesiam longē datēque propagari oport-  
 rebat. Sed de hoc nos nihil amplius, in praesentia  
 ramus. *Utrumque ambrosianum & gregorianum non*  
 : Illam tamen contentionē, nem & modum litis defi-  
 niendae, longē celeberrimum hic memorasse, non erit  
 lectori molestum, quia Rodericus de Rubis Hispania;  
 cap. 41. apud Josephum Vicedominum. Cum San-  
 " cius Rex Arragoniae nihil non moliretur, ut Eccle-  
 " siae Romanae, (in qua religionis domicilium Deus  
 " locarat) statos ritus, & solennes caeremonias To-  
 " letum reciperet, omnes autem reclamarent, &  
 " nollent mores avitos mutare, ad singulare certa-  
 " men omnium consensu conspirante, res delata est,  
 " ut qui victor esset, is caeremonias suas, & ritus sal-  
 " vandos declarasse censeretur: cumque victoriam  
 " reportasset miles qui pro Gotthicis decertaverat,  
 " & Rex nollet acquiescere, rursus consentientibus  
 " utrinque statutum, ut duobus Missalibus, alteri  
 " Gregoriano, alteri Gotthico, ignis admoveretur;  
 " & qui ex iis flammam concepisset, is nemine re-  
 " pugnantē fereretur: profiliit autem Codex Got-  
 " thicus (rem miram dictu) illaesus omnino, & ab  
 " igne non passus; cum statim omnium in oculis  
 " flammis voracibus Gregorianus combustus esset;  
 " sicque

Joseph. Vicedom.  
 com. de Missae  
 Ritibus.

neque perſuaſum Regi, ut in aliquot Eccleſiis maneret ritus ille Gothicus; cui non potuit diſſuaderi Gregoriani Officii introductio. Quam æquus & modeſtus Arbiter ſit Romanus Pontifex, qui neque mediis ordinariis, neque extraordinariis victus cedere novit; hæc de infinita alia docent. Docent etiam non unum illum Infallibilem Iudicem Romanum, qualiſcunque tandem ille ſit, ſimpliciter eſſe neceſſarium ad veritatem eruendam, aut Eccleſiæ diſſidentis membra in pace componenda: Gladio enim, ut vidimus, decerni poſſint controuerſiæ: vel ut ætius quidam Vir ante me ſcripſit, Alex Jacm. Infallibilem quidem & adſpectabilem iudicem nullis non ardentiffimis votis expetendum concedimus, ſimpliciter autem neceſſarium eſſe pernegamus: Non enim omnia quæ nobis æſtimatoribus, perutilia videntur futura, Divinam Providentiam ſtatim de facto conceſſiſſe credendum.

Capit.

## Caput septimum.

*Prælibatum Primum adversus D. Dallæum quo ostenditur sententia ejus contradicere pleno omnium tam Judæorum, quàm Gentium consensui.*

**H**Is ita disputatis de instituto D. Dallæi, de necessitate tollendi ( quantum fieri possit ) controversias; de natura legis, ratione Judicis, variantibus hominum sententiis, hac in causa, denique de beneficiis promanantibus ex Veterum suffragiis; ordo instituti monet ut propius Dallæana sententia examinetur, quod his fiat prælibatis.

Primum autem hujusmodi sit: Disputationes, quas varias, acres, & eruditas contexuit adversus Veteres, nihilo mitius leviussve omnia hominum monumenta, & prophanas in suo genere historias, seu Traditiones, quam Ecclesiasticas, & maximè omnium Ipsas Scripturas appetere: quod singulari opera mox ostendetur. Si enim Veterum Sententiæ tanta laborent obscuritate, ut eas perdiscere vel difficile, vel impossibile videatur, multò à communi perceptione retrusiores esse Scripturæ voces, æquo earum aestimatori posthac patebit: Si pauca Veteres, pauciora Scripturæ: Si adversantia Veteres, re quidem non pugnantia, specie tamen (quæ non minus animum perplexum sollicitant suspenduntque) plurima continet, & sic fere de cæteris: de quibus mox dicendum. Interea temporis non nihil erit quod impotentia Patromastigis, dum (sive sciverit, sive nesciat) omnia perdere minitetur, parum aut nihil cuipiam arte nocendi profecisse exitu monstrabitur ipso.

G

*Multum,*

Seneca Epiſt.  
118.

Cicero Tus-  
cul. Q. li. 1.

Alexander ab  
Alexandro,  
lib. 6. cap. 10.

Lib. 6. D. de  
Just. & jure.

Cicero de  
Legibus.

*Multum, inquit Seneca, dare solemus presumptioni omnium hominum. Apud nos veritatis argumentum est aliquid omnibus videri: Deos esse inter alia sic colligimus, quod omnibus opinio de iis insita est: Item Cicero. Omni autem in re consensus omnium gentium Lex natura putanda est. Quid his Dallæus referat? Duo proculdubio illa, quibus deleret omnem Veterum auctoritatem: Primum, Omnium Gentium consensionem nullo modo obtineri posse, aut cognosci: Alterum, si fortè ad nos perveniret istiusmodi notitia, exiguo, vel nullo usui nobis esse dirigendis, aut instituendis: quia humanam non excedens fortem, Infallibilis esse non possit: Normam autem credendi, vivendique aliam quam infallibilis rectitudinis admittere, est cum auctoritate errare. Et tamen veluti Alexander ab Alexandro, cum aliis, scriptum reliquit, "Singulæ fere gentes primum omnium Legibus naturâ magistrâ notis & consensu Gentium roboratis, usæ sunt absque literis. Et postquam literis mandarent publica jura novam non acquisiverunt auctoritatem, non pondus, sed Veteri ratione valuerunt. Leges enim Scriptas primi proposuere Zaphyrii, Lacedæmonii verò non jure scripto, sed moribus tantum usu antiquorum corroboratis, pro Lege usi sunt: Ideo Lycurgus Leges scriptas nullas Spartanis dedit. Sed omnium consensu mores, tanquam si Lex edita fuisset, experiendo observârunt. Indi quoque literas non noverunt, sed æquissimos mores Legis vice habuerunt. Hique, &c. Sic ille. Denique cuique bene institutæ Reipub. & tam Græcis quam Romanis commune fuisse Legibus & consuetudinibus ineditis regi, scribit Ulpianus. Huc faciunt illa Ciceronis: Deinceps in lege est ut de ritibus Patriis colantur optimi: de quo cum consulerent Athenienses Apollinem Pythium, quas potissimum religiones tenerent: oraculum edi-*

tum

tum est, eas qua essent in more Majorum: quò cum iterum venissent majorumque morem dixissent sape esse mutatum, quaesivissentque, *Quem morem potissimum sequerentur, è variis: respondit, optimum.* Et profectò ita est, ut id habendum sit antiquissimum, & Deo proximum, quod sit optimum. Quæ viri Gravissimi verba videantur rem non minus incertam reliquisse quam cæpta est. Siquis enim quid sit optimum bene perceperit, sanè ipsi opus non est ut superiorum & præteritorum perscrutatione se fatiget: De Optimo autem dubitanti Antiquitas bene lumen possit præferre.

Quod si religionis Judæorum spectetur conditio, non inficiandum post Mosem severius astringi eos scriptis Traditionibus, quum prius vel perpauca, vel nulla literis consignata essent. Nihilo tamen minus locus Veterum Traditionibus non inhonestus servabatur, tum supplendo omiſsa Legis, tum obscura & dubia illustrando. Nam & hoc Calvinus ipse nobis largitur dicens, “Sed quum Judæi tam multa haberent ex Patrum Traditionibus, nihil absurdi esse video, si dicamus Judam retulisse quod jam à multis sæculis fuerat per manus traditum. Scio quidem multas ineptias hoc titulo receptas fuisse, quemadmodum hodie Papistæ quælibet insulsa Monachorum deliria in hoc catalogo recensent. Sed hoc non obstat quin historias quasdam habuerint, Scriptis non proditas. Calvinus hæc. Quid autem celeberrima Cabalæ doctrina aliud erat, quam Majorum dogmata quibuslibet non vulgata, cui tamen Temporis processu multa frivola & vana commixta fuſſe nemini dubium est? “Judæorum Cabala, inquit gravissimus Cassander, magis hominum vitio, ejus nomine ad ineptissima abutentium, quàm sua ipsius natura & conditione malè audit: quod idem & aliis præclaris rebus ut Ma-

Calvin. in  
Epist. Judæ.

Cassand. O-  
perum, p. 344.



Cunæus, lib. 3  
Reipub. Jud.  
cap. 8.

Vide Sixtum  
Senzf. Bib-  
lioth. lib. 2.  
pag. 59, 62.

Henricus  
Hortingerus  
Thesau. lib. 1.  
cap. 3. Sect. 5.

“thematicæ, Philosophiæ, Dialecticæ accidit. Nam  
“ut Doctissimi viri autores sunt, vera Cabala nihil  
“aliud est quam Doctrina viva voce tradita conti-  
“nens certissimam Mysteriorum quorundam divinæ  
“legis scriptorum interpretationem, quam oraculo  
“divino Mosem suscepisse & deinceps selectis seni-  
“oribus tradidisse, eoque modo ad Posterios propa-  
“gatam existimant. Huic autem & Cunæus suffra-  
“gatur, qui nihil aliud esse sentit Cabalam, quam  
“Mysticum intellectum earum rerum quæ in sacris  
“litteris latent. Is intellectus cum antea penes va-  
“tes esset, sed non vulgandus mortalium sæculis,  
“tandem divino munere Apostolis & Evangeliorum  
“concessus Scriptoribus est. Quæ nisi veræ esse de-  
“mus, quo pacto pleræque Sanctorum Scriptorum ci-  
“tationes in Novo Testamento ex Veteri petitiæ fugi-  
“ant calumniam Judæorum, aut fidem confirmet  
“Christianam? quum certissimum sit ab historico, seu  
“Literali sensu plurima loca in sensum Evangelii tra-  
“hi. Quid præterea Picus Mirandulanus, Reuchli-  
“nus, Paulus Fagius, & cæteri doctissimi Viri sen-  
“serint hæc de re, operosius referte juvet? Quid potius  
“non demiremur quorundam Recentiorum adversus  
“Papistas vehementiam, qui odio Romanarum Tradi-  
“tionum non imperciti, immeritò negant Judæis om-  
“nes saniores Traditiones Hebræorum, & præsertim  
“Henricum Hortingerum Hebraicarum Literarum  
“Professorum doctissimum Tiguri? qui disertè scribit.  
*Aliam non fuisse Cabalam veram præter eam que Deus Ele-*  
*ctis suis ubi, & quando voluit, revelavit.* Extant Ta-  
“bulæ Judæorum, visuntur Praxes tam antiquæ quàm  
“recentes contrarium testantes. Celeberrima nam-  
“que & notissima est historia de *מכור מורה* Sene Rebelli  
“seu cervicoso illo, qui, quod privatas vendicaret  
“Traditiones, sibi que proprias contra perpetuas re-  
“ceptasque

ceptrasque totius Synedrîi Judæorum, & dignitate & vitâ multatus est. Quibus præterea armis devicti, triumphatique sunt Samaritani à Judæis nisi Traditionibus alius repetitis? Delatâ enim acerbissimâ & gravissimâ contentione inter Hos & Illos de Templorum Antiquitate, & Sanctitate, ad Ptolomæum Regem Ægypti, Judicem, atque eâ Lege ut, qui causa caderent, capite plecterentur, Hierosolymitani Templi præstantiam Andronicus Judæus, Samaritani autem Jus divinum probandum sustinuerunt Sabbæus & Theodosius. Non autem Scripturis disputatio instituta est, sed Veterum monumentis, quibus causâ Judæorum vincente, Samaritani Doctores jussu Regis trucidati sunt, uti legere est apud Josephum De Antiquitate Jud. lib. 13. cap. 6. Anno item Domini 1127. (memorante Genebrardus) Sadducæorum Hæresis Judæos in Hispania degentes vehementer afflixit. Quidam enim Aben Altras librum composuit, quem inscripsit *Sepher Alprag Abbu*, quo Talmudem, Misna, & Reliquas Traditiones Majorum reconditas doceret, apud se autem Orthodoxam Synagogam esse. Contra hæc autem orsus Rabbi Abraham disputavit ex successione, Traditione, & Communionem, quibus (missis Scripturis) fraudes ejus retexit, & restinxit furorem. Non me latet, neque puto dissimulandum, plurimos abusos, & vitia plurima quasi nubes tetras faciem Traditionum Judaicarum infuscasse. Scio etiâ, quod solent obijcere Adversarii, Dominum nostrum iis putidas Traditiones meritò exprobrasse in Evangelio. An non autem & Sadducæos pariter objurgavit qui Scripturis mordicus inhærerent? Errârunt Pharisei nimium Traditionibus addicti, Sadducæi autem, qui nihil præter puras puras Scripturas spirabant, in quantum atrociores hæreses inciderunt? Neque valebit quòd

Josephus Antiq. lib. 13. c. 6.

Genebrardus lib. 4. Chrono.

docti quidam finxerunt De Sadducæorum errorum origine, putà, Quòd Pentateuchum duntaxat cole-  
rent. Scaliger enim, Cunæus, Spanhemius & alii  
viri docti tradunt eos integrà Biblià recepisse; licet  
paulò iis diuiniùs visus est Codex Mosaicus, quam re-  
liqui Libri Sacri Canonis: quod etià Judæi fere  
omnes hodie probant, creduntque.

Vide Selden.  
De Jure Nat.  
&c. lib. 1. c. 1.

Placet insuper viris nonnullis clarescentibus He-  
braica doctrinà, non solum Mosaicis scriptis compre-  
hensa omnia Judaicæ Religionis fuisse, verum inedi-  
tis eo tempore traditionibus: quarum partem tan-  
tum aliquam delibatam à Mose & Literis mandatam  
credunt.

Vide Sixt.  
Senenf. Bibl.  
pag. 122, 123.

Denique ne sine delectu Traditiones Judæorum re-  
cipiantur, consueverunt Docti certas statuere Tem-  
porum periodos, quibus puriores extiterint, & tan-  
dem vitia contraxerint: A Mose enim ad Ezram us-  
que incorruptæ permanserunt: Ab Ezra autem tem-  
poribus usque ad Christum variæ iis irrepsérunt labe-  
culæ: à Christo rursus in hunc diem in deterius per-  
petuò iverunt, pro modo scil. ampliorem vel tenuiorem  
quo Ecclesiam illam fovit & direxit Spiritus Dei. A  
Mose enim ad Ezram ubertim rigata est à S. Spiritu  
Vinea Domini; Vineam autem Domini, domus Israel:  
parcius autem ab illo tempore ad natum Christum:  
nequaquam tamen penitus deseruit. A Christo au-  
tem ascensò ad nostra sæcula translatus est Spiritus à  
Mose in Joshuam, h. e. à Judæis in Jesum, seu Eccle-  
siam ejus, & Spiritu soporis & erroris acta illa Ecclesia,  
seu potius Synagoga. Unde Caninius. *A tempore,*  
*inquit, Christi Doctores Judæorum multa illicita in Lege re-*  
*laxaverunt, & multa licita restrinxerunt; malè interpre-*  
*tantes Scripturas, ut habetur à Servatore, Matth. 7. quem*  
fere totidem verbis sequitur Grotius adversus Rivet-  
tum, vel Munsterum potius qui prior id notavit de  
Judæis. Caput

Canin. in loca  
Novi Testam.

Hugo Grotius  
contra Anim.  
Rivetti, p. 42.  
Munster Præ-  
fat. in Biblia.

## Caput octavum.

*De Antiquis Traditionibus quid senserint quos Lutheranos & Calvinianos appellant.*

**Q**ui Reformatæ Theologiæ Doctores consuluerit de hac Controversiâ, multa in contrarias partes disputasse videbit pro diversa ratione subiecti seu Instituti. Ubi enim Scribunt adversus communem Reformationis hostem multis & magnificentissimis præconiis Scripturas celebrant: ad Cœlos (ut par est) extollunt: Sacrilegas omnes execrantur traditiones, & multa & dira obijciunt adversus Humana inventa, quo probroso titulo omnia solent fidere sive Apostolica sive Ecclesiastica dispositionis, in divinis Scripturis (iis iudiciis) non comprehensa; Ubi verò causa vocat ut contra factiosos stylum stringant, qui nimiam vel majorem libertatem sibi arrogant, quam fert pax aut concordia suarum Ecclesiarum, parum se proficere experti jaculis è pharetrâ Scripturarum hauritis; ad Traditiones libentissimè confugiunt; si quas forte invenerint pro sua sententiâ militantes; vel adversarios configentes: & Scripturas ipsas tantùm non damnant. Neque sanè tam delicati sunt quin avidè corripiant testimonia Antiquitatis nomine falso grudentia, quæ aliàs magno clamore & Fastidio ablegant. Quod in Calvino ipso cernere est: qui blasphemias Serveti sententia Justin Martyris De Expositione Fidei redarguit: quem tamen Ipsius non esse puto ne ipsum latuisse; pro hac vice libentur vult Justin esse, ne argumentum pondere

Calvinus Re-  
fut. Error.  
Serveti.

pondere Antiquitatis, quæ summa est in illa causa, destituatur. Idem quoque Aretius Bernensis in Historia Valentini Gentilis fecit.

Arminius  
Declarat. suæ  
sententiæ, pa.  
103, 104.

Sit porro instar mille, illud unum exemplum; Remonstrantium, & Contra-remonstrantium litigium gravissimum apud Batavos. Jacobus Arminius ut primum insuetam auribus vulgi doctrinam suis Batavis proponeret, petiit obnixè ut Catechismus Belgicus ad Lydium lapidem Scripturarum paulò accuratius vocaretur. Quod scilicet *Videretur* (ipsi) *contineri quadam in eo minùs Sanctis Scripturis consentanea, & ut coram toto mundo appareat nos Belgas soli Dei verbo eum honorem habere, quod & decet, ut solum id extra; imò supra omnes disputationes statuatur?* Ecquid hoc modestius aut magis pium dici possit aut consonum doctrinæ istorum Reformatorum? Tulit tamen repulsam, triplicem ob hanc rationem, Primò, doctrina illa suffragio multorum gravium virorum approbata sit, atque, strenue adversus eos qui se ei opposuerunt, defensa est. Secundo, Quod sanguine tam multorum millium obsignata sit. Tertiò, Quod ex eo confusiones, scandala, destructio conscientiarum intra Ecclesiam, irrisiones verò, calumnia, & criminationes extra eam extitura sunt. Quid autem, si hoc non sit Scripturas fugere, & nobis nostrisque de iis metuere? aut, quam ob causam Antiqui numero, pondere, & sanctitatis, & doctrinæ, & Martyrii gloriâ Belgis multo præstabiliores, ad scripturas severissimo & plerunque iniquo iudicio revocandi sunt, salvo manenteque Catechismo Belgico, nisi verissima hic sunt quæ adversus Constantium scribit Hilarius, *Vetas non scripta dici, & ipse tamen non scriptis uteris, neque qua sunt scripta loqueris.* Ita profectò Moderni, vetant ut auctoritati hominum quidquam in Religione tribuamus, ipsis nihilominus assumunt, vel suis deferunt Religiosissimè, Pastoribus, quos auncupant. Neque perperam,

Hilarius contra Constant.

peram, de iis Anonymus iudicat, *Nihil nunc dicam de eo quod meritò deplorandum, quod Familia sue Autores & Doctores Lutherum, Chemnitium, vel Calvinum, Bezam, Zuinglium aliosque tanti faciunt, ut vel latum unguem ab eorum placitis recedere, magna ipsis sit religio. Adeo ut in dissentientes ferro, flamma, carcere servare non dubitent. Res nimis manifesta est, ut probatione nequaquam indigeat; hoc autem est Ecclesia neque ejus doctoribus controversias cum aliorum obligatione judicandi potestatem ascribere; Hæreticus ille sic vellem falsò: Cæterum quod Talæus pronuntiavit de Aristotele, quàm appositè quadrat in homines nostri ævi, quantum ad Veteres? Hoc, inquit, sibi erroris principium Aristoteles commune cum Epicuro posuit, qui cum Platonis præceptoris sui verissima & sanctissima dicentis sententiis non credidisset, credulitatem tamen istam à suis discipulis tribui, sibi postulavit, & iniquum esse judicavit, ut contra sua principia (quum tamen omnium Philosophorum principia calumniatus esset) disputaretur, viz. ut non modo nullà ratione, sed contra omnem rationem & veritatem discipuli ejus crederent, quæ ab eo imptæ & falsa tradita sunt. Siquis pariter Veterum traditiones contra desipientiam Modernorum attulerit, clamant illico Scripturas (quas semper sibi favere fomniant) violatas esse. Atqui, si Lutheri Scholiis, Calvini Commentariis, Bezæ Annotationibus ostendas Scripturarum hæc vel illa sensa, continuo perspicua subsilit Veritas Divina; nec dubii quicquam reliquum invenies de mente S. Spiritus. Unde haud vanus extitit vates Gualterus Tigurinus dicens, *Hinc omnia fere malorum genera scaturire, hinc pestem illam terribissimam rixandi, rupta charitatis vincula, & fidei ipsius fundamenta concussa, quod minus antiquos veneremur. Nec vereor hanc præcipuam contentionum nostri sæculi causam esse, affirmare, quod plerique Theologi in magistrorum suorum verba jurati, horum modò Libros legunt, nec quid olim**

Anonymus  
Disquisition.  
ubi supra.

Audomarus  
Talæus in A-  
cademia.

Gualterus  
Præfat. in  
Loc. Comm.  
Petri Martyr.



*erudita vetustas senserit, aut quis errores, aut hæreses damnavit, moverunt; neque etiam ab aliis edoceri volunt. Hæc ille.*

Luther. To. 1.  
pag. 143.

Quum primùm Lutherus Lernam Romanorum errorum moveret, multa quidem non modò modestè, verùm piè locutus est de antiquitate, & autoritate Ecclesiæ verè Catholicæ, *Et Periculosum & horrendum esse dixit, quicquam vel audire, vel credere quod adversatur unanimiti testimonio fidei & doctrina Sanctæ Ecclesiæ Catholicæ, quam inde ab initio unanimiter servavit.* Atqui ubi successus animum plus iusto attolleret ipsas, ubi se quasi in totius orbis Christiani conspectum venisse, & à compluribus coli persentisceret, pudet referre, quam contemptim, & insulsè Veteres tractavit. Legat qui velit Colloquia Mensalia, & siquid superbiùs aut futiliùs dictum de iis invenerit, libenter me falli agnoscam. Discipuli quidem ejus quanto doctiores, tantò æquiores in Patres semper fuerunt. Siquidem Misnerus & Gardius calumniæ Becanum postulant, quod scriberet Lutheranos solum Scripturas facere Judicem controversiarum & Religionis. Nam & Ecclesiam, inquit Gardius, admittimus Judicem, diverso tamen gradu atque respectu.

Becan. To. 4.  
pag. 154, 155.

Chemnitius  
Exam. Con-  
cil. p. 104. p. 1.

Pleniùs adhuc his doctissimus Chemnitius: *Grati, inquit, & reverenter utimur Patrum laboribus, qui multa Scriptura loca commentariis illustrarunt, & Veteris Ecclesiæ testimoniis in vero & sano Scriptura sensu nos non parum confirmari fatemur. Neque enim probamus siquis comminiscatur sensum pugnantem cum totâ Antiquitate, & cujus planè nulla sunt Ecclesiæ testimonia. Sed nec omittenda fortassis sunt quæ proximè præcedunt ubi, "Est, ait, hoc certum neminem debere suæ prudentiæ inniti "in Scripturæ interpretatione, ne in clavis quidem "locis. Illud enim manifestè scriptum est 2 Petri, "cap. 1. Scripturam non esse privatæ interpretati-*  
"onis,

“onis, & illi qui Sacram Scripturam ad suos sensus,  
 “quos præsumpserunt intelligendos contorquent,  
 “faciunt hoc in perniciem sui, 2 Pet. 3. Optimus  
 “enim Scripturæ lector est secundum Hilarium, qui  
 “dictorum intellectum non attulerit, sed retulerit  
 “ex Scriptura. Hæc ille. Mihi quoque confirmare  
 videntur prædicta, quæ Osiander ad annum Domi-  
 ni 1523. scripsit Norimbergæ esse decretum in Con-  
 ventu Principum Imperii pacis servandæ causâ;  
 nimirum, “Ut Concionatores nihil præter Evange-  
 “lium docerent, idque purè atque modestè juxta  
 “probatas, atq; ab Ecclesiâ receptas interpretationes;  
*Hoc enim decretum, inquit Adamus in vita Lutheri,*  
*cum alii aliter acciperent, Lutherus pro se est interpretatus,*  
*litteris ad principes datis: ac primum quod Evangelium do-*  
*ceri jubeant secundum interpretationes ab Ecclesiâ receptas,*  
*Se non de Thoma aut Scoti, sed de Hilarii, Ambrosii, Au-*  
*gustini, & horum similium accipere, interpretatione. No-*  
 stra verò sententia nihil amplius contendit. Exem-  
 plo autem insigni ex eodem Adamo in vita Osiandri  
 res clarior evadet. Habitâ namque disputatione ac-  
 cerrimâ coram Duce Borussiæ inter Martinum Sta-  
 phylum, Funcium, aliosque & Osiandrum illum qui  
 novissimum peperat monstrum opinionis, *Nos Essentiali*  
*Christi justitiâ justificatos,* res tandem post longas rixas  
 huc delata est, ut quoniam nequicquam ex Scripturis  
 ipsis argumentarentur, expectaretur Ecclesiæ judi-  
 cium. Quo satis perspicuè mihi videntur agnoscere,  
 utilissima esse Ecclesiæ suffragia, etiam post Scriptu-  
 ras. Quod si verò Præsentis Ecclesiæ vox, (de qua  
 credo potissimum ibi agi) nihil faciat in Scriptura-  
 rum præjudicium, verum subsidio potius sit, hoc no-  
 mine cessent scioli & malevoli Traditiones fugil-  
 lare.

Luc. Osiander  
Epito. Hilar.

Adamus in  
Vita Lutheri.

Et si sibi ipsi constans Calvinus cum suis asseclis

Calvinus De  
Libero Arbitrio  
adversus  
Pighium.

Bucerus in  
Matth. cap. 1.

Beza De Pa-  
ce Eccles.  
To. 1. p. 118.

And. Rivet.  
De Patrum  
Autor. cap. 2.

esset (quod plerunque desideres) non magis nos ab illo, quam ille se à Pighio distare asserit. “Non  
“difficulus, inquit, inter me & Pighium convenire  
“possit, si modo Ecclesiæ traditionem ex certo &  
“perpetuo Sanctorum Orthodoxorum consensu non  
“testimoniis hinc inde exceptis demonstraret. Bu-  
cerus item nomine fortassis non meritis Calvino se-  
cundus, de perpetua virginitate Beatæ Mariæ agens:  
“Ad quod credendum perpetuus Ecclesiæ consensus  
“momentum præcipuum adfert. De quo sanè du-  
“bitare, dum nullum illud certum cogit oraculum  
“Scripturæ, non est eorum qui quid sit Christi Ec-  
“clesia, didicerunt. Potuissem quoque cum moroso  
Beza dextram hic jungere, modo res verbis respon-  
deret. Quàm pulchra enim ista sunt? “Nec enim  
“Dei Gratiâ ignoro Ecclesiam esse veritatis testem,  
“extra quam non sit salus, & Orthodoxorum con-  
“sensum in Synodis adversus Hæreticos testatum  
“plurimi fieri par est, & Patrum interpretandis Scri-  
“pturis, refellendis erroribus, admonendis populis,  
“labores adeo non contemni oportet, ut secundo è  
“Scripturis loco merito habeantur, &c. Responde-  
bitne his D. Dallæus? Ita quidem esse, sed quinam  
sunt illi Orthodoxi, præter Genevenses Reformatos;  
vel Patres qui interpretentur Scripturas Orthodoxe?  
vel quæ Sententiæ eorum cognosci possint? Quis eas  
perdiscere valeat? Hæc quidem qui responderit,  
& admodum pueriliter luserit, & Bezam captiosissi-  
mè ineptire fatebitur.

Nec multum diversum ab his Rivettus ipse qui  
(ut ego interpretor) contra Veterum Autoritatem  
tractatum consarcinans ex aliis ita scribit, “Patres  
“igitur etiam nos agnoscimus veritatis testes & in-  
“dices: Scripturas verò & Patrum & Nostrorum  
“omnium Judices. Ut verbo dicam. Patribus ad  
“Scri-

“Scripturam comparatis idem tribuimus quod Prin-  
 “ceps Scholasticorum Thomas. Thomæ autem ver-  
 ba quia videntur mihi mirificè controversiam expli-  
 care hic subjungam. “Sacra doctrina Autoritati-  
 “bus Canonica Scripturæ utitur propriè ex necessi-  
 “tate argumentando, autoritatibus autem aliorum  
 “doctorum Ecclesiæ ex propriis probabiliter. Inniti-  
 “tur enim fides nostra Revelationi Apostolis & Pro-  
 “phetis factæ, qui Canonicos libros scripserunt, non  
 “autem Revelationi, siqua fuit aliis doctoribus  
 “facta.

Thom. 1 Pa.  
Qu. 8. A. 2.

Verum agmen claudat Hieronimus Zanchius his  
 verbis. “De me loquor, deque meo ingenio; A  
 “communi Patrum consensu nullâ cogente necessi-  
 “tate dissentire mihi religio est. Prius tamen quàm  
 de Tabula manum tollamus, qui nobis tempore ulti-  
 mus, locò quoque extremus sit Henticus Hortinge-  
 rus de Patrum usu ita differens. *Patrum lectionem mi-  
 nistro Ecclesiæ utilem esse & necessarium inter Orthodoxos  
 extra omnem dubii aleam positum est: ita ut calumniose sa-  
 tis & proterve spargant Pontificii; nullum nos in Ecclesiis  
 Reformatis Patrum scriptis relinquere locum, eaque tanquam  
 algâ viliora contemnere.* Hinc autem ad nostram sen-  
 tentiam transeamus.

Zanch. lib. 2.  
Epist. ad Bez.

Hortinger.  
Analest. Hist.  
Theolog Dis-  
sertat. 7. can. 1.

## Caput nonum.

*Sententia Ecclesiae Antiquae brevius, Anglicanae autem paulò fusius aperitur.*

Marcus Anton. de Domi.  
de Rep. Eccles.  
lib. 7.  
cap. 4. Sect. 7.

**I**N requirendo Veterum Judicio hâc in controversiâ eo contractiores erimus, quo uberius se nobis suggerit materia: & maximè quòd, tam copiosè & doctè à Spalatensî Episcopo tractata est, ut vix quicquam ex pauperi nostrâ supellectile addi possit. “Nam (quod ipse probat) Ecclesiam veram & Orthodoxam & puram nempe Antiquam posse, & debere esse tantam Regulam nostræ fidei, non potestate aliqua judicativâ, & definitivâ propriè, sed Attestativâ duntaxat, & actu exercito; Patres veteres confideraverunt, adverterunt, observârunt, docuerunt, declararunt: quod quidem jam ostendo, &c. Consulo autem dubium de hâc re Lectorem, ipsum adire Authorem prolixè Veterum sententiam & praxim colendâ Antiquitate explicantem. Inter Pontificios autem hanc Spartam ornârunt Innumeri doctores. Præcipue autem Hosius Cardinalis, Canisius locis communibus, Peresius & alii.

Cassander Epist. 2. ad Episcop. Mona

Sed modestiores & doctiores fidei Instauratores minimè ab hac sententiâ abhorruerunt. Nam ut optimè Cassander. “Non ut multi, hominis quantumvis magni & excellentis Lex nobis sentiendi & loquendi statuenda est — Sed in fidei dogmatibus Canon Scripturæ sacrae, & fidei quæ in Canone proponitur, Analogia & convenientia proponenda: ac deinde perpetua Ecclesiae consensus, quæ in Priscorum Patrum Scriptis, & cum Cano-

“ nice

“nica Scripturæ Regula & inter ipsos congruentibus  
 “extat, adhibenda. Et Hugo Grotius similiter in  
 Opusculo adversus Rivettum non dubitat affirmare,  
 “Omnes Veteres Patres pari loco traditiones habu-  
 “isse bene probatas, Apostolicas, cum Scripturis.  
 Fuit enim (teste quoque Daniele Tossano) tum ve-  
 tus tum laudabilis consuetudo, teste Irenæo, lib. 3.  
 cap. 4. “Ut si de aliquâ Quæstione disceputatione ori-  
 “retur antiquissimarum Ecclesiarum, in quibus A-  
 “postolos conversatos constaret, judicium inquirere-  
 “tur, & cognosceretur.

Adversus Ri-  
 vetum.

Tossanus  
 Præf. Synopsis  
 De Legendis  
 Patribus.

Notandum autem hic arbitror ex Augustino Dufm  
 generum controversias & olim, & nunc quoque mo-  
 veri in Ecclesia. Vel enim de Capite, vel de Cor-  
 pore dissidetur, “Quia (ut verbis ejus utar) cum  
 “Donatistis & nobis quæstio non de Capite, sed de  
 “Corpore, i. e. non de ipso Salvatore nostro Jesu  
 “Christo, sed de ejus Ecclesia: Ipsum Caput de quo  
 “non contendimus ostendit nobis corpus suum de quo  
 “dissentimus. De his autem sancti Patris verbis obi-  
 ter agens Baldwinus, ita scribit, “Rectè, sed si illi,  
 “ut nos, caput illud ostendent, ubi potius corpus il-  
 “lud existimabitur? Augustinus monet Capitis ver-  
 “bis, h. e. Sacris Scripturis id satis indicari. Qui-  
 “bus? Quæ Ecclesiam ostendunt esse Catholicam,  
 “Ubi cum iis Hæreticis, cum quibus de Capite, i. e.  
 “de Christo, ejusque sive Essentia, & Natura, sive  
 “Officio & beneficio imprimis quæstio erat, & de-  
 “inde de Corpore, i. e. de Ecclesia, vt cum Arria-  
 “nis Catholici simpliciter contendebant ad dignos-  
 “cendum corpus, inspicendum esse caput, & de ca-  
 “pite potissimum agebant. At ubi cum Donatistis  
 “agebant qui de illo capite consentiebant, alio, ut  
 “necesse fuit, argumento, Corpus, de quo solo con-  
 “troversia erat, penes se esse contendebant. Qui

Augustin. De  
 Unitate Ec-  
 clesie.

Franciscus  
 Baldwinus  
 Delib. Col-  
 lat. Carthagi-  
 nens.

pariter



pariter definiendis controversiis utiles Veteres asserimus, non id statuimus ubi lis de Ecclesiæ Veteris autoritate movetur, sed ubi dissentio sit de Capite, h. e. de Christo: vel, quod perinde est, de Articulo aliquo fidei.

Secundò notandum, vel recolendum potius, quòd supra tradidimus, nos Ecclesiasticas Traditiones non ut Verbum non Scriptum recipere, seu fundamentum Religionis: sed tanquam Interpretes, & testes Fidei sanæ, revelatæ in Verbo Dei Scripto.

Tertiò, non singulis divisim, sed conjunctis quantum fert humana conditio, quæ vix uno aliquo absque contradicente uspiam conspiravit, adhærendum judicamus.

Quartò nec universis adhærendum putamus Ecclesiæ vel priscae vel hodiernæ doctoribus, tanquam Causis *Διὰ*, seu propriè dictis Assensûs fidelis, sed Optimis mediis eruendi sensus penitiores Sanctorum Scripturarum, & motivis, ut credamus, non, vera esse quæ traduntur in Scripturis, sed verè istiusmodi Propositiones in iis contineri, & tradi.

Quintò tenendam existimamus quoque illam Veterum distinctionem quam adhibet Rivettus Lib. citato. “ Nam Patribus, de quorum autoritate controversia agitur, vix annueramus, qui post Gregorium primum aliquid exarârunt. Quia enim manifesta est scissura in Ecclesiâ circa annum 640. & Schismate factò, Papa illi parti, quæ verè factio erat, se signiferum dedit, & ex eo tempore factionem illam fovet, ideo à Patribus illis qui ab eo anno Papæ adhæserunt, nullum nisi invalidum, imò ineptum duci potest argumentum. — Refferri autem possunt testimonia Patrum vel ad Philosophiæ confirmanda dogmata, vel ad assertiones Fidei aut Theologiæ comprobandas, vel etiam ad  
“ historiam

“historiam suorum temporum, maximè Ecclesiasti-  
 “corum spectantia. Plura, & Pluris quidem essent  
 hæc Rivetti de Vero usu Veterum, quam integer Dal-  
 læi Liber Fallaci isto titulo insignitus, nisi processu  
 Dissertationis statim destrueret, quæ posuerat, ven-  
 to suæ doctrinæ fluctuans, & inconstans factus.

Sed his prætermiſſis propiùs accedamus ad nostræ  
 Ecclesiæ sententiam, quam optimè Vir Doctiss. Ha-  
 drianus Seravia nobis descripsit his verbis. “Con-  
 “tra unanimem & constantem omnium Patrum Ve-  
 “teris Ecclesiæ consensum, nihil sine expresso Dei  
 “verbo est innovandum. Hoc enim liberè dico,  
 “Quisquis Patribus omnem auctoritatem adimit, ip-  
 “se sibi nullam reliquit. Et rectè quidem. Quid  
 enim unus contra plures? Neotericus contra Pris-  
 cos, ut summam sibi, quam Mediocre[m] negat aliis,  
 auctoritatem arroget de Scripturis interpretandis  
 “Fortassis, ut alibi idem, Negat Dominus Beza,  
 “& quotquot cùm eo sentiunt: At Patres rem ta-  
 “men aliter intellexerunt; quorum concordia & u-  
 “nanimi sententiæ ab Apostolorum temporibus per  
 “tot sæcula deductæ, absit ut Bezæ, aut Calvini,  
 “aut alicujus cujuscumque ex Neotericis præferam ju-  
 “diciu[m], & hos sapere, illos verò desipuiss[e] judicem.  
 Noverat scil. probâratque Vir Optimus Ecclesiæ  
 Anglicanæ piissimum & sapientissimum decretum,  
 quo præcipitur; “Imprimis videant Concionatores  
 “nequid unquam pro concione doceant, quod à po-  
 “pulo religiosè teneri, & credi volunt, nisi quod  
 “consentaneum sit Scripturis V. & N. Testamenti,  
 “quodque ex illâ Scripturâ docuerint Antiqui Pa-  
 “tres, & veteres Episcopi collegerint. Quamprimum  
 Clarissima Elizabetha Regina imperii Angli-  
 can[um] Clavum teneret, fugatâ Feralis persecutionis  
 Marianæ tempestate, maximo studio contendit Soro-

Seravia Pro-  
 log. Def.  
 Contr. Beza[m]

Seravia, ibid.  
 cap. 7.

Constit. Ec-  
 cles. Anglic.  
 An. D. 1571.

rem pietate & mansuetudine antecellere, & diffidia de Religione flammis & cædibus nihilo leviora, pacatissimis mediis Publicæ Disputationis utriusque Partis (quam quidem & ipsa Maria initio Regni simularat) tollere flagitabat. In Ecclesiâ ergo Westmonasteriensî utrinque convenit. Romanenses suam, nostri Anglicanæ & Reformatæ Ecclesiæ fidem clarè scripto exhibitam pronunciant. Hornus Decanus tum Dunelmensis, postea Episcopus Wintoniensis Prælatione perspicua doctæque præmittit Fidem Anglicanæ Ecclesiæ Scripturis fundatam, & Catholicæ Ecclesiæ perpetuis traditionibus confirmatam, & nequaquam velle, aut oportere ab hac secessionem facere; quemadmodum literis conservatam ejusdem professionem apud diligentissimum nostrum Martyrologistam legimus. His maxime consentanea adversus Puritanorum calumnias, qui suggillare Ecclesiam Anglicanam soliti sunt, quod pro libitu admitteret, & respueret Veteres, Bilsonus Doctissimus Wintoniensis, tradit, "Ne fitis injurii, nihil eorum recusamus, quæ prima & antiqua Christi Ecclesia, tanquam aperte & tacite comprehensa in Scripturis generatim unquam approbavit, vel usurpavit. Mos ille vester est. Sic ille. Nec dissimiliter clarissimus Juellus Sarisburiensis, Accessimus, ait, quantum maxime potuimus ad Ecclesiam Apostolorum & Veterum Catholicorum Episcoporum, &c. Neque tantum doctrinam nostram sed etiam Sacramenta precumque publicarum formam, ad illorum ritus & Instituta direximus. Neque solummodo scriptis, sed dictis pro Concione habita ad Crucem Sancti Pauli rem confirmavit idem Episcopus: ubi densissimâ auditorum coronâ circumstante, sibi proposuisse dixit in Castra Romanensia transitum facere,

Foxus Mar.  
tyrolog.  
pag. 981.

Bilson. de  
Perpet. Ec-  
cles. Regimi-  
ne, cap. 15.

Juell. Apolog.

ad Joannem Dallæum.



facere; quam primum probarint dogmata istius Ecclesie in Catholicâ Ecclesiâ ante annum sexcentissimum invaluisse. Apud frementes autem adversarios ejus, cum crebesceret rumor hanc ob causam ab Umphredo in Vita ejus culpatum fuisse; & se isto crimine purgavit, & suum præterea calculum addidit contra Campianum, "Dixi Juellum, quâ erat multiplici doctrina & heroico animo præditus, non modo ad Scripturas, sed ad tot centurias provocasse, sed vobis majorem ansam præbuit reclamandi, & vobis nimium largitus est; Vobis plus æquo concessit; sibi interim nimis injurius. An cuiquam videri possit hæc oratio acris reprehensio? Imò excuso illum & laudo, quod pugna difficilior sit pulchrior. Whitakerus item plerunque plus satis Luthero & Galvino favens, pulchrum tamen hoc edit Elogium de Veteribus: "Consensionem; Antiquitatem; confessionem objicit Manichæis; Augustanus: Et quis negat in his argumentis magnam vim ad commovendos hominum animos inesse, ut illi potius Ecclesie quæ ista habet, quam quæ non habet assentiant? Et rursus adversus eundem Duræum. Modò concedas fidem solis nisi Scripturis; & omnes omnium Patrum sententias nullum nisi probabile argumentum efficere, te quidem Patrum dictis patiar non invitus oblectari. Sed quando nobis Patrum quorundam testimonia objiciuntur, & nos, quia dissentimus, hæreseos accusamus, atque ita omnes adversarii disputationes instituunt ut Patrum potius, quam Scripturæ sententiis utantur, quis non intelligit fidem nostram humanis judiciis alligari, quæ debuit divinâ autoritate duntaxat pendere? Huc illud etiam accedit, quod nonnullos Adulterinos libros venditant, quos satis constat non esse ab illis autoribus profectos, quorum

Humphredus  
Ad s. ration.  
Campiani.

Whitakerus  
contra Duræ.  
pag 386. Lond

Duræus con-  
tra Whitake-  
rus,

“ nominibus inscripti. Hactenus ille. Hujusmodi autem metus superstitiosus multos præterea in transversum egit ulla justâ ratione, Si quid vel Papistæ senserint de Patribus, fideliter à Duræo proditum sit, nim. Ecclesiasticos Scriptores, non ut fidei nostræ autores, sed tanquam illius doctrinæ, quam à Majoribus in Ecclesiâ didicerunt, testes sequimur, quemadmodum Augustinus Lib. 2. contra Julianum.

Perkinsius .  
De Unica  
Ratione Con-  
cion. pag. 31.

Sed ad nostros revertor, ex quibus ipse Perkinsius non nemo sit, qui de adminiculis interpretandi Scripturas agens, sic scribit: “ Præterea, è Scriptis Orthodoxis non solum novæ sed etiam Veteris Ecclesiæ auxilium accersendum est. Ratio. Satanas, ut Ecclesiæ instaurationem nostro sæculo captam impediret, Veteres Hæreticos ab Inferis excitavit. Antitrinitarii enim, &c. — Ergo similiter

Casaubonus  
Episto. ad  
Peronium  
pag. 20.

“ damnationes istarum non tam novæ quærendæ, quam Veteres illæ è Conciliis & Patribus in usum nostræ repetendæ, proque ratis habendum. Huic suffragatur doctissimus Casaubonus tam Ecclesiæ nostræ, quam Jacobi Regis mentis optimus interpret: “ Rex cum Ecclesiâ Anglicanâ pronunciat eam demum doctrinam se pro verâ, & necessariâ agnoscere, quæ à fonte sacrae Scripturæ manans, per consensum Veteris Ecclesiæ, sicut per Canalem ad nostra tempora fuerit derivata. Quod non minus ab Episcopo tandem Norwicensi præclare docetur his verbis, “ Profectò qui verbo Dei æternis literarum monumentis consignato, qui Symbolis quibusque primoribus, qui Conciliis quatuor Generalibus, qui communi Patrum per sexcentos annos à Christo, judicio lubens subscripserit, quod nos facere religiosè profitemur Reformati, si errare in minimis poterit, Hæreticus esse non poterit. Peccare facile potest.

Josephus  
Hallus Con-  
cione ad  
Clerum 1623.

" potest particularis aliqua Ecclesia, hæresin affigen-  
 " do sententiæ immerenti, sive veræ forsan illi, sive  
 " leviter erroneæ: graviter certè errare non potest  
 " anima, vel Ecclesia quæ universalis veterisque ve-  
 " stigiis sollicitè insistit. Nec ejus Antecessor aliter  
 doctissimus Montacutius. "Οι ἱεῖς *varius*, scil. Papi-  
 " stæ, patres crepant, ut juratos in causam testes,  
 " & ad Patres ad supremum Tribunal semper in om-  
 " ni quæstione solent provocare. Et nos libenter  
 " in controversiis dogmatibus eos facile admittimus.  
 In Originibus autem idem plenius multò & paulo as-  
 perius adversarios Antiquitatis, & præsertim Buce-  
 rum tacitè reprehendit, cui minus placerent ista ver-  
 ba in officio Baptismatis asserentia, [*Sanctificatus For-*  
*danis, & alias omnes aquas à Servatore, suâ ablutione*]  
 Consensum hunc & οὐ μὴν τοῦ totius Antiquitatis ag-  
 noscunt, qui nobis prodire nuper Theologi novi, stulti for-  
 tassiss, certè adolescentes. Sed non moventur traditione. Est  
 multum, aiunt, deferendum venerationi priscarum Ecclesia-  
 rum, & Sanctiss. Patrum: *Ἐν, ὡς, ἔστιν.* Sed quid  
 verba audiam quum facta videam? Veneranda Antiqui-  
 tatis canitiei insultantes non tantum obstreperantes, eos qui  
 nondum ore lavantur, capite censos, non fortunis: qui  
 sibi videntur Saperda, cum sint Caprea. Sed oportet Deum  
 potius audire quam homines. Et hoc præclare, si modo Deus  
 unum, aliud præcipiat homo. Sed est hoc τὸ νεώτερον: pro-  
 bandum ipsis fuerit, non pronuntiandum; imò ne νεώτερον  
 Constantè tenemus còtra totam Factionem Novatorum, à  
 Deo, Dei verbo, mente & sententia nequaquam recessisse  
 Antiquiores. Affirmant ipsi: Vah: nam quantula est No-  
 vatorum autoritas, ut cum ipsi dicant, illi negent, ipsis  
 quàm illis potius accedamus. Nam quando recessit Spiritus  
 Domini ab Ecclesia, ut contra Ecclesiam stantes alloqueretur?  
 Est hac intolerabilis ἀλογιστία δουλοπλοία, insolentia id est ἰδιω-  
 μιζεν νόμος ἀντὶ τοῦ Θεοῦ καὶ τῆς αὐτοῦ. Sed declamationes non pau-

Montacutius.  
 Epist. ante  
 Nazienze-  
 num,



gimus nec solutivum instituimus. Frangantur illi quædam & cisioni sua: nobis satis Ecclesia ductuque non esse alia, quàm quæ totius antiquitatis consensu commendata populis proponuntur.

Thorndicius  
de Ratione ac  
jure finiendi  
Contro. c. 27.

His cum primis accensendus Eruditissimus & gravissimus Vir succedat Herbertus Thorndicius, opere Anno superiore, edito, *De Ratione ac Jure Finiendi Controversias*, capite 27. ubi singulari judicio, & diligentia exquisita (ut reliqua) disputans de Scripturarum prærogativa, ut Instrumenta divinitus instituta, & Traditionis usu iis explicandis: *Hic ego Scripturæ instrumentum esse fidei agnosco: quomodo Instrumentum Veterum ac Novum, omnibus in ore est: nunquam agnoscam adhiberi à Deo Instrumentum, operi cui adhibetur non idoneum. Instrumenta naturalia sunt, quæ animantium corporibus natura providit, & moralia, quæ voluntatum assensu efficiunt quod efficiunt; sive humana, sive divina, si de donis adipiscendis agatur. Hujusmodi est omnis Scriptura testis pacti hominibus sive inter se, sive cum Deo initi: Sed num necesse sit, ut pacta rata sint, scribi omnia quæ pacta sunt? Equidem quum scriptum fuerit quicquid scribi potest, tamen ni testes supersint, nisi Leges auxilio essent, nisi aliud denique scriptum juvaret, vix sortiretur effectum, quod Scriptura ratum esse non facit, sed testatur. Jam autem ex positis manifestum est Traditionem sive Fidei, sive legum Ecclesia disertè agnosci ab autoribus Scriptura perspicua. Hæc ille, & alia perplura quibus egregiè vel concilientur vel tollantur Veterum apparentes pugnantia, de Perfectione & Plenitudine absolutis Scripturarum, & ministrante iis traditione; quæ invitus hinc pertransire cogor. Tandem Eruditissimus Hammondus cæteris succinit. Ecclesia Anglicana hoc se universo orbi Characterè dignoscendam, hoc æquæ posteritati æstimandam proponit, quòd in Controversiis fidei aut praxeos discernendis, illud ratum firmumque habuerit,*

Henri. Hammondus  
Disfertat. Contr.  
Blondel.  
Proem. cap.  
14. Sect. 13.

“buerit, & huic basi Reformationem Britannicam  
 “niti voluerit, ut Scripturis Primæ, deinde primo-  
 “rum sæculorum Episcopis, martyribus, Scriptoribus  
 “Ecclesiasticis Secundæ deferrentur.

His complures alios potuerim adjecisse nostratum:  
 nisi jam laudati sufficiant, & multi vernaculo, licet  
 doctè scripserunt, idiomate. Nequaquam tamen si-  
 lentio prætereundum duxi Principem Theologorum,  
 æquè ac Regum Augustissimum, Martyrem Carolum  
 Primum, Chartâ tertiâ ad Scoticæ factionis coryphæ-  
 um Henderfonum, datâ; cujus Verba fere de verbo  
 reddidi hoc modo; “Pace autem tuâ non arbitror te  
 “satisfecisse meo argumento. Quando autem Tu  
 “& Ego de Scripturarum interpretatione diffenti-  
 “mus, Ego verò ad Ecclesiæ Primitivæ provoco,  
 “unanimesque Patrum concentum, ut inter nos ju-  
 “diciū ferant, videtur mihi te decere magis ido-  
 “neum invenire Judicem, vel proposito à me acqui-  
 “escere. Hæc ille. Quartâ autem Charta ad Eundem,  
 Cavillum Schismatici abstergens, quod forte à  
 Dallæo vel Populâri suo Joanni Strangio qui in eun-  
 dem incidit errorem mutuo acceperat, sic scribit,  
 “Concludo, quanquam nullam unquam auctoritatem  
 “Scripturis æqualem judicem, unanimem Patrum  
 “concentum & Ecclesiæ Primitivæ praxim universa-  
 “lem optimos & maxime Authenticos Verbi divini  
 “interpretes, & per consequens maxime idoneos ar-  
 “bitros inter te & me, existimem.

Plura non desunt his addenda. Ex dictis autem sa-  
 tis constat: 1. Quantâ incuriâ & perplexitate hæc  
 quæstio à Reformatis nonnullis, præsertim Exteris  
 Theologis, tractata est. 2. Ecclesiam Anglicanam  
 plurimum tribuere sanioribus Traditionibus. 3. Ju-  
 re optimo nos adversus D. Dallæum has tam univer-  
 sæ quam nostræ Ecclesiæ vindicias apparasse.

Caput

Strangius De  
 Perspicuitate  
 Scrip. cap. 7.

## Caput decimum.

*Objectionibus contra superiorem doctrinam respondetur.*

Chamierus  
Tom. 1. lib. 2.  
cap. 1.

Acta Synodi  
Dordrestanx,  
pag. 74, 75.

**T**Ametſi attentè & cordatè expendenti, quæ ſuprà memoravimus de vero Quæſtionis ſtatu, difficile non fuerit diluere objectiones in contrarium factas; ut tamen luculentiùs eniteat, quid ſolent adverſarii contra afferre juvabit experiri. Ex Hunnio autem in Colloquio Ratiſbonenſi Chamierus ſic diſtinguendo ordiatur. *Judex alius eſt Abſolutus, Alius aſtriçtus Legi:* De proprio autem addit, *Non aliter Eccleſiæ auſcultandum eſſe, quàm quum ſe juxta Scripturas decernere demonſtraverit.* Unde duo ſequi videantur ad mentem Neotericorum quorundam; Nunquam non cogendum Judicem externum ad Legem Scripturarum; Dein, Liberum eſſe cuilibet, ubi manifeſta & irrefragabilis demonſtratio non coegerit, deferere Præpoſitorum de Scripturis interpretationem, & rejicere. Multò autem ſanius & modeſtiùs diceret, parendum ſemper eſſe Eccleſiæ conſultis, niſi demonſtretur contra Scripturas eam decreviſſe. Verum enim eſt quod experientia Delphicos Theologos docuerat, *Ordinem nullum, nullam pacem in Eccleſiâ eſſe poſſe, ubi Eccleſiâ non licebit de ſuis ita judicare, ut vaga ingenia coerecat inter debitos limites.* Rariſſimæ enim & inauditæ cum ſint iſtæ demonſtrationes, rara vel nulla erit fratrum concordia, vel in fide, vel in Charitate: Porro, neque ipſa diſtinctio viro prudenti placere poſſit. Nemo enim propriè dici Judex poſſit, qui Legi non eſt Aſtriçtus. Qui enim à Lege abſolvitur, eique

eique jure dominatur, non tam Judex est dicendus, quàm Legillator. *Nam cui dubium est* (inquit Catharinus) *quod est supra Papam Scriptura? & nihilominus Scripturæ dubia resolvit habens Clavem scientiæ ad certè & infallibiliter determinandum.* Videmus ergo etiam vanissimam esse distinctionem sive Hunnii sit illa, sive Chameri; quum ipsi Pontificii supra omnem potestatem Numen Papale evehentes, ipsum tamen Legi Divinæ subjiciant. Et ratio proculdubio est, quoniam Scripturæ non est Papæ aut universæ Ecclesiæ, sed Dei: Potestas autem humana Legibus propriis tantummodo dominatur, non Divinis. Neque enim ratio dispar est in Legibus divinis & humanis, quantum ad naturam Legis, licet quantum ad rem Legibus conditam, & Modum ponendi sit diversissima. In Civilibus autem Legibus secundum Ivonem Carno: *Quanquam de his homines judicent cum eas constituunt, tamen cum fuerint instituta & firmata non licebit de ipsis judicare, sed secundum ipsas.* Nequaquam ergo Ecclesia de Lege judicat Divinâ, sed munere defungitur Interpretis Optimi: Interpretis autem, vel Judicis propriè dicti Autoritas ex se non obligat Legi subditos, sed tantummodo ex virtute Legis. Vera sunt ergo quæ & Rivettus cum Dallæo scripsit, sed quæ tam longè à scopo aberrant, ut vel indocti vel otiosi plane ingenii sint. "Patrum enim, quantalibet pol-  
 "lent doctrina, & pietate, testimonium non ideo ve-  
 "rum esse existimari potest, quod ipsi scripserint, sed  
 "prout ratio ab iis adducta vel Scriptura citata per-  
 "suaserint. Eorum testimonium non per se sufficit  
 "ad fidem ingenerandum, & talis est omnium Patrum  
 "Autoritas. Rectè, inquam, hæc omnia, sed crudè  
 admodum prolata; quum nemo sobrius vel statuerit  
 fidei nostræ *Δίον*, seu fundamentum, esse Patrum vo-  
 cem consonam; vel negaverit tamen optime nostram

Catharin. in  
 Annotat. in  
 Cajetan.  
 Lib. 5.

Ivo Carno-  
 tens. apud  
 Gratianum,  
 Part. 1. Dist. 4.

Rivettus de  
 Autorit. Pa-  
 trum, cap. 6.

mentem posse dirigere ferendo iudicio de genuino sensu Scripturarum: Alioquin quid cessent superstitiosi illi tristius formidare sibi ipsis, pronissime sequentibus dictamina proprii Cerebri conjectantis de sensu Scripturarum? Nonne enim & ipsi iudicant de Scripturis absque injuriâ necessariò vel illis, vel Fidei illatâ? Quomodo autem vel Fides vel Scriptura non violetur privato eorum facto iudicio, non ostenderunt, qui lædi Veterum suffragio vociferantur.

Sæpe equidem & Pontificii rem ingenuè aperiunt:

Stapletonus  
Relect. Con-  
trovers. 4.  
Quest. 3.  
Canus Loc.  
Comm. lib. 2.  
cap. 8.  
Gammachæ-  
us summiæ  
Theolog.  
Comment.  
in 1.

Stapletonus enim fatetur vocem Ecclesiæ non esse objectum formale Fidei. Et Canus, *Si Ecclesia adiutum nobis præbeat ad hujusmodi libros sacros cognoscendos, protinus ibi acquiescendum non est, sed ultra oportet & solidâ Dei veritate niti*: Gammachæus Parisiensis fusiùs & distinctiùs adhuc, sic loquitur. "Objectum adæ-  
"quatum fidei materiale est Deus, ut Deus, ad quem  
"scil. reducuntur cætera fidei objecta partialia. At  
"verò ratio formalis fidei in se est suprema veritas  
"revelans, seu divina Revelatio, quæ fidem forma-  
"liter, essentialiter constituit. Unde si petatur à no-  
"bis, Quare aliquid sit simpliciter de Fide? Optimè  
"respondetur à parte Rei, Quia fuit divinitus revelâ-  
"tum. Sin autem jam spectetur fides prout in nobis, &  
"quatenus includit notitiam intellectûs nostri, nec so-  
"lùm notitiam sed firmissimum quoq; assensum, tunc  
"in genere Causæ efficientis assignari debet internum  
"& supernaturale Dei auxilium, quia sine eo impos-  
"sibile est ut res fidei cognoscamus, ac multò magis ut  
"sine eo firmiter assentiamur, Joân. 15. Sine me ni-  
"hil, &c. & 2 Cor. cap. 3. Non sumus sufficientes, &c.  
"Cæterùm ante hunc consensum, & actum Fidei re-  
"quiritur aliqua causa proponens seu explicans quid  
"sit credendum. Hæc ille. Quibus qui docuerit  
"contraria, sane, quantumlibet sibi videatur, mihi  
"videtur

videtur egere, qui eum, quæ sint tam Rationis, quam fidei principia prima, plenius instruat. Huc enim quæ Sanctus Hieronymus commentatur in Epistolam ad Philemonem, pertinent; ubi obiter verba illa, Exod. cap. 14. v. 31. "Credidit Populus Deo, & "Mosi servo ejus, perpendens, Una, inquit, & eadem credulitas in Moſem refertur & in Deum, ut "Populus, qui credebat in Dominum æquè credidisse credatur in servum. Hoc autem non solum "in Moſe, sed in omnibus sanctis ejus, ut quicumque "credidit Deo, aliter ejus fidem recipere non possit "nisi credat & in Sanctos ejus. Neque hinc vel Spiritui Dei vel Scripturis quid damni accedere possit: Nam quod optimè advertit Hilarius. "Si quid re-

Hierony. In  
Philem.

Hilarius de  
Synodis.

"tum atque ex doctrinis Apostolicis deductum deprehenditur, nemo ambigit non interpretantis in "eo esse gloriam, sed Autoris.

Dices præterea, Hujusmodi potestate Ecclesiæ concessâ in discrimine versari universam Libertatem, quam vulgò Christianam dicunt, omnemque tolli hominibus ratione & fortassis spiritu Dei præditis judicandi de summo æternæ salutis negotio, copiam; contra illud Lactantii, "Oportet in eâ re maximè in "qua vitæ ratio versatur sibi quemque confidere, "suoque judicio & propriis sensibus niti ad investigandam & perpendendam veritatem, quam credentem alienis erroribus decipi; tanquam ipsum "rationis expertem; Quare cum sapere, i. e. veritatem quærere, omnibus sit innatum, sapientiam "sibi adimunt, qui sine ullo judicio inventa probant "majorum, & pecudum more ducuntur. Paulò aliter Durandus. "Omnis homo admittens rationem "propter autoritatem humanam incidit in insipientiam bestialem. Hæc quidem & plura hujusmodi legenti Recentiores de Judice Controversiarum, occurrunt.

Lactant. In-  
stit. lib. 4. cap.  
8.

Durandus.



Arnobius  
Adversus  
Gent. lib. 3.

currunt. Illud autem quod miror omisisse dictos Theologos hic addere liceat, quod mihi visum sit plenius mentem eorum explicare; Quærit Arnobius autem: "Neque enim stare sine assertoribus potest Religio Christiana? Aut eo comprobabitur vera, si stipulatores habuerit plurimos, & auctoritatem ab hominibus sumpserit? suis illa contenta est viribus, & veritatis propriis fundamentis nititur, nec spoliatur vi suâ, etiamsi nullum habeat vindicem. Imo si linguæ omnes contra faciunt, contraque nitantur, & ad fidem illius abrogandam consensionis avitæ animositate conspirent. Sic Arnobius. Cui breviter respondetur, ibi non tractari negotium Interpretum seu Defensorum Religionis docendo, sed agi de patrocínio Civili & Assertionem Armatâ: quibus ut Religio vera sit, non probatur. Ad superiora autem, quibus utitur Eru-  
ditissimus Davenantius in Polemicis, respondeat idem in Commentariis. "Subditi, inquit, neque debent, neque possunt de superiorum decretis judicare judicio Autoritatis, sed possint & debent, quatenus ad se spectant, judicio discretionis. Hujus rei causam optimè explicat Thomas Quæst. de Conscient. Artic. 5. Unusquisque tenetur actus suos examinare ad scientiam quam à Deo habet, sive sit naturalis, sive sit acquisita, sive infusa: Omnis enim homo debet secundum rationem agere: Haftenus ille.

Davenant.  
De Judice  
Controversiarum.

Et satis salvâ ratione humanâ, in divinis, Superiorum jussa capescimus, & sequimur decreta, quando non pecudum ritu, supinâ & inerti credulitate ferimur sine examine in dictamina eorum, nec curamus quid nobis imbibendum propinatur. Cæterum quando modesta disquisitione pro ordine, & captu nostris expendimus traditam doctrinam, & sive necessitate,

cessitate, five liberi ei adhæremus, minimè dicendi sumus non ultra Jumenta sapuisse. Hoc enim maximè nos à bestiis distare facit, non quod incoacti propria sequamur dictamina, (quod nihilo minus Animantes quàm homines faciunt) sed quòd non nisi Intellectus disquisitione præeunte, hoc fiat, & iudicio quod vocant discursivo, quod quidem impeditur, non autem tollitur vi extrinsece adhibitâ: & multo minus Fide, quàm implicitam dicunt; quæ quandoque in se plus sanæ rationis continet quàm Acutiores & Perspicaciores Ingeniorum otiosorum & protervorum disquisitiones, Præcipue si Thomæ iudicium de illa sequamur, affirmantis, "Minores non habere fidem Implicitam in fide Majorum; nisi quatenus Majores adhærent doctrinæ divinæ. Unde & Apostolus dicit 1 Corinth. cap. 4. Imitatores mei estote sicut & ego Christi. Unde humana cognitio non sit Regula fidei sed veritas divina, à quâ si aliqui Majorum deficiant, non præjudicant Fidei simplicium, qui eos rectam Fidem habere credunt; nisi pertinaciter eorum erroribus in partem adherant, contra Universalis Ecclesiæ Fidem, quæ non potest deficere. Hactenus Thomas.

Thom. 2. Q.  
2. Art. 3. ad 3.

Sed instant: Lege Naturæ astringimur dictamini practico proprii Iudicii, seu Conscientiæ: Decretis autem Præfectorum Ecclesiasticorum obsecundare, solo Positivo Jure exigitur. Quando ergo Conscientia nostra Præceptis hominum contranitur, & in contrarium ducit, Illi magis obsequendum est, quam his. Resp. Ratio hæc tota à Medina conceditur. Neque sanè humano ingenio, aut Revelatione divina comparatum est (quicquid venditant Thraones inanes Romani quidam) ut omnibus perplexitatibus liberi prorsus sint, Neque enim (ut diximus antea)

*Inst.*

*Resp.*

Medina in  
Tho. Qu. 19.  
Art. 6.

Sensibilis aliqua Nota aut Infallibilis dux fidei Orthodoxæ uspiam oculis adspectabilis reperitur, in quo securè absque omni suspitione, aut sollicitudine conquiescat animus Fidelium. Omnium verò longe præstantissima magistra Credendi proculdubio Ecclesia est Catholica, tradendo mentem Dei revelatam, constans & invariata. Quoniam autem admodum paucis datur diligenti, & docto examine Archiva Ecclesiæ perscrutari, & seriem doctrinæ receptæ perspicere, Proxima cura erit, Voci ejus Ecclesiæ primùm attendere proponentis Vetustatis doctrinam inde ab initio ad nos derivatam. Quam qui zelo, (uti volunt) verbi Divini attollendi rejiciunt, periculum erit ne conijciant se in plures & longè graviores Errores. Ubi autem (quod sicis oculis nefas intueri) divisum est præsentis Ecclesiæ testimonium, (sicuti hodie fit) Expedit viro cuncta, quantâ potest prudentiâ, & simplici pietate trutinare, & amplecti quem sensum Deus ope suæ Gratiæ (quæ rite petentibus, & fructuosè utentibus rarè aut nunquam subducitur) dederit: Hoc semper fideliter servato, viz. Primas in judiciis de Religione ferendis deberi Ecclesiæ, quacum leviter errare tolerabilius coram Deo erit, quam ob veritatem non valdè necessariam, aut perspicuam, turbas movere, aut Schisma creare, vanissima superstitione conscientiæ tuendæ inviolatæ. Conscientiam enim lædi posse nisi vel à peccatis realibus, vel Apparentibus, nunquam auditum est, nunquam credendum. Adiaphorum autem definit esse quicquid vel est, vel videtur nobis malum esse. Denique quandocunque sententia Ecclesiæ nostræ opponitur, utile admodum fuerit nobiscum contemplari, Facilius Unum quàm plures decipi posse, & privatos quàm Præsides, & ignaros quàm doctos. Quod ubi ex animo fecerimus, Legi ipsius naturæ admodum con-

consentaneum erit relinquere illud practicum dictamen, & Conscientiæ obedire, quæ docet rectius, & sapientius nos facturos si aliis auscultemus; quoniam ea ipsa impedimenta & incommoda explorandæ veritatis multo fortius nostram gravent opinionem reddantque suspectam: quod & notavit Dominus Prideaux, Christianæ, inquit, erit modestiæ diffidere potius privatæ perspicaciæ, quam Reverendo Prælatorum cætui.

Prideaux  
Lect. 22.

Nec tamen negandum puto quædam Christianæ fidei capita tam certa & manifesta esse animis nostris, (concessis primis quibusdam principiis) ut non minus simplici obtutui intellectus se ingerant, quàm præclara Philosophiæ quædam principia; de quibus disputare nefas sit. Quemadmodum ergo discipulo non incumbit, Philosopho, doctissimo licet, assentire contra ipsos sensus instituenti, ita nec Theologo, nec Ecclesiæ docenti contra prima Fidei principia. Principiorum quilibet sibi iudex est. Principia verò hæc voco non Articulos fidei in Symbolo comprehensos, sed illa duntaxat quæ Baptismum, unâ & Christianum ablutum sacro fonte constituent, viz. formam seu verba Elementum consecrantia, & quæ ab ipsis simpliciter & immediate fluunt.

Hinc autem respondetur alteri objectioni Papistis & Puritanis communi, licet alio atque alio modo factæ. Dicunt enim hi Ecclesiam non esse Infallibilem, & proinde fidem ei non habendam. Ex adverso autem Pontificii argumentantur, Ecclesiæ credendum est, Infallibilis itaque erit. Nam Infallibilem concedo contra Novitios Fidem esse debere; hoc autem non aliter fieri posse quam Externis istis Mediis, & negavi & ostendi. Pulchrè enim libro sæpe laudato, Holdenus docet, neque in Sacris, neque in humanis, Judiciis necessario competere Infallibilitatem.

tatem. Qui verò remis & ventis agunt, ut suæ præfertim Ecclesiæ nulla fallibilitatis suspitio subsit, videntur ignorare Ecclesiam Judaicam eodem argumento uti potuisse & è fortiori, quo Romana Ecclesia persuasum it se à vera fide indeclinabilem esse. Præcipit enim Deus passim (gravissimâ denunciata pœnâ in contrarium euntibus) Obedire Sacerdotibus, qui tamen cum visibili Ecclesia prolapsi sunt in immanes errores; “ Venies, dicenti Mose, ad Sacer-

Deutero. 17.  
9, 10, 11, 12, 13, 14.

“ dotes Levitici generis, & ad Judicem qui fuerit il-  
“ lo tempore, quæresque ab eis qui indicabunt tibi  
“ judicii veritatem. Et facies quodcunque dixerint,  
“ qui præsumt Loco quem elegerit Deus, & docue-  
“ rint te juxta Legem ejus, sequerisque sententiam  
“ eorum, nec declinabis ad dexteram, neque ad fini-  
“ stram. Qui autem superbiêrit nolens obedire sa-  
“ cerdotis imperio, qui eo tempore ministrat Domi-  
“ no Deo tuo, & decreto Judicis, morietur homo il-  
“ le, & auferes malum de Israel, &c.

Obj.

Præterea, sunt qui opinantur Præcepta Dei Mose tradita & Ezechieli, & Joanni in Apocalypsi, quibus commonentur, ne Addant vel detrahant Verbo Divino: & ut omnia absolvantur ad mentem Dei in Tabernaculo, *Inspice & fac secundum exemplar, quod tibi in monte monstratum est*, huc facere. Licet multa

Resp.

multi his responderent, ex Pontificiis præfertim, illud Rabbi Mosis in Prolegomênis ad Chazahah (quem fateor me Peritissimo Sanctæ Linguae Josepho Voisin debere) mihi præ aliis arripit. “ Non est,  
“ inquit ille, Traditiones dare, addere quicquam  
“ præceptis Legis, quod verat Deus, ita ut non li-  
“ ceat prophetæ quicquam innovare, prætextu quod  
“ Deus jussit hujusmodi præceptum addi Præceptis  
“ Legis. Verùm cum novam constitutionem edit  
“ Consistorium cum Propheta sui temporis sive corri-  
“ gendo,

Joseph. de  
Voisin. Ob-  
ser. in Rai-  
mund. Marti.  
Pugion.  
&c. Proœm.  
Se. 66.

gendo, sive docendo sive decernendo, non est hoc addere. Nec enim dicunt Deum benedictum præcepisse. *Quod si loquerentur, sic Legi adderent: Sed ita loquimur, Prophetas & Consistorium ita præcepisse.* Peccant utique vehementer qui vel Traditiones non scriptas, aut Sermones suos aut expositiones Sanctorum Scripturarum sub prætextu Divini Verbi nundinant. Hoc est enim Scripturis apertè contradicere. Sed aperto capite proponere discentibus vel dubiis, vel eas Traditiones quas profitentur purè divinas non esse, vel sensus suos de Scripturis adferre, vel Canones præscribere commodius disponendi Ecclesiam gratiâ, & continendi Christianam Charitatem, & unionem, qui faciant contra citatos Scripturæ locos non video & in æternum ignorabo cum his S. Scripturæ interpretibus.

Atqui, aiunt, Christus Fidelis erat Deo qui fecit Eum, sicut & Moses in omni domo ejus. Moses autem integram Dei voluntatem suis communicavit. Ergo & Christus nihil dissimulavit. Ergo superflua & superstitiosa, si non Sacrilega omnes Traditiones præter Evangelicas. Ad quæ facilis admodum solutio: Fidelis enim Moses, Fidelis quoque Christus, Paulus quoque Fidelis, ut & reliqui Apostoli, qui non subterfugit, quo minus annuntiaret omne consilium Dei, suis; Neque tamen vel solus Moses, vel solus Christus, vel solus Paulus, aut quivis alii Apostoli annunciarunt omne consilium, ut nihil opus sit aliis Verbi Divini præconibus. Quare enim Prædicatores hodierni suos fatigant auditores prædicationibus crebris, si nihil supersit dicendum populo, quod abunde dictum non sit? Imo totum Dei consilium ab omnibus & singulis servis suis annunciatum sit, quod certè credo. Quid autem est Integram Dei voluntatem exequi his? Ecquid nihil aliis, vel posteris, vel

Inst.

Hebr 3.2.

Resp.

Act. 10. v. 27.

L

novum



novum vel diversum præterire quod dicant? Ecquid Fidelis non sit Villicus nisi qui universum penum Patroni famulis dispensat? An non ille secundum servatorem est *Fidelis dispensator & prudens, quem constituit Dominus. supra familiam suam, ut det illis tritici mensuram?* Qui debitam mensuram, & debito tempore largitur, est Fidelis servus in domo Dei: & omne consilium annunciavit Dei, qui quicquid tradendum acceperit, non fortassis quicquid tradi possit, aliis fideliter, absque fuco aut fraude ministrat; nihil abradens aut immutans. Probennt ergo hi, ita omnia vel à Christo vel Apostolis esse tradita, ut nefas sit vel ad formam & ceremonias religionis quicquam addere; Vel Traditiones & Veterum labores aliud esse quoad substantiam, & non tantum quoad modum dicendi in Fide, & per me continuò exulabunt in æternum. Sed quum nihil horum tentârunt miseri Zelatores, quid non cessant calumniosas voces sine modo, & causâ jaculari in Veteres? Quid si Deus noluit Legem in N. Testam. sanciri de singulis Ritibus, ac sub Lege Vetere, sed permitti plura Arbitris suæ Ecclesiæ hodie quam olim? Nunquid consilii Divini falsarii Evangelistæ sint habendi, qui quod à Deo acceperunt, tradiderunt? Annon potius hoc sit Deum ipsum incusare, invidiæ, & Spithamâ nostræ prudentiæ divinam sapientiam metiri?

## Caput duodecimum.

[*Duo alia Prælibata breviter proponuntur.*]

**S**Ecundò hic Lectorem præmonendum duxi de opere laudatissimo Dallæi, perpauca esse, quæ virum diligentem in Doctorum scriptis evolvendis movere debent: Perspicuam methodum cerno, auctiorem cumulum Instantiarum, & denique modestiorem orationem, quam in usu iis esse expertus sum, qui maledictis potius quam rationibus hoc argumentum tractârunt, & Antiquos Patres: Longum esset singulos hic nominare quorum præfidiis militavit hic D. Dallæus, quique suppetias ei tulerunt de Scripturis & Interpretatione earum scribentes. Duos solummodo hic afferam, quorum furtivis coloribus ornatus, & adjutus mirificè profecit; & non tam animo exprobandi, quam ut videat Lector quam temerè & infaultè cæteri in hac palæstrâ decertârunt. Jacobus ergo Laurentius quodam opusculo hoc sibi demonstrandum proponit, viz. "Patres non posse esse Judices Controversiarum, quia homines & labi, & errare, fallere, & falli possunt. Quod summo & longo conatu pertractat Dallæus, Lib.2. cap.3, & 4. "Laurentius item ostendit Patres reipsa sæpius errasse & in multis non leviter lapsos fuisse: Nam "Ecclesia post mortem Apostolorum, & Apostolicorum virorum non diu perseveravit illibata virgo, "teste Hegesippo, quem omnium in hunc finem primum citat Dallæus, pag. 3. nec non alias probationes Laurentii. Laurentius præterea, *Multa*, inquit, *docent Patres hæsitantes & dubiè*: hoc autem fusè profecit

Jacobus Laurentius Conscientiæ Jesuiticæ cauteriatz, cap.3

quitur D. Dallæus lib. 2. cap. 3. Ad hæc, Laurentius, ubi supra, Patres in quibusdam sibi contraxisse, ostendit: Hanc quoque materiam copiosè versat Dallæus, lib. 2. cap. 5. Præterea, Patres suos errores cognovisse & retractasse affirmat Laurentius: Eadem autem recognovens D. Dallæus exhibet, lib. 2. cap. 2. Laurentius porro disputat à testimonio Adversariorum, qui pro libidine Patres rejiciunt, Hos autem eosdem revocat ad se Dallæus, lib. 2. cap. 6. Et denique Laurentius Protestantes allegat adversus judicium Patrum. Dallæus autem, lib. 2. cap. 3. & 4.

Rivettus.

Quid autem à Plagiario (si Grotio credimus) Rivetto mutuatus est Dallæus, paucis accipe. Ipse enim Libro sæpe antè memorato, cap. 6. docto conatu cum Dallæo nihil agit, ostendens Testimonium Veterum humanum esse, cap. 8. A Sissinio diacono quoque disputat contra Ecclesiasticam Autoritatem, quod facit solenniter Dallæus, lib. 2. cap. 2. Capite autem nono, Rivettus fere singulos Patrum errores perstringit, quos repetit Dallæus, ubi supra. Rivettus item, Cap. 12. & 13. Monumenta Veterum multis modis fuisse corrupta & adulterata, librosque eorum supposititios esse scribit: & varia exempla adducit, quæ omnia Dallæus, cap. 3, & 4. Libri 1. prolixè repetit. Hujusmodi plura attulisse licebit nisi vetaret fastidium Lectoris, quod timeo.

Tertiò Prælibandum putavi, Generale vitium quod universum Corpus Operis adversus Veteres pervadit, viz. Quòd cum singulæ utriusque Libelli rationes tacito syllogismo consent; Illam quidem summopere confirmat exornatque, quæ ex se verisimilior erat, ad causam autem vel parum, vel nihil spectat: Illius autem, supra quam Cardo totius disputationis versatur, quasi extra teli sui jactum, ne  
semel

semel quidem meminerit : quod Adversariis risum excitet, Virum proculdubio strenuum, Lacertos in Aerem moventem adspicientibus, & doctè fortiterque nihil agentem : Amicos autem merito misereatur operæ & olei ejus perditorum. V. Gra. Ubi probandum incumberet, iis Veterum laboribus utendum non esse quos habemus, Probat Dallæus deperdita esse multa opera Patrum ; Ubi (siquid proficeret) oporteret probare Homines erroribus non penitus immunes, non Judicare posse de Controversiis, multum operæ insumit ostendens, Patres Homines fuisse, Falli potuisse, & actu errasse. Et sic ferè de cæteris ; prout subsequens singulatim ostendet examen.

---



# Responsio Particularis

A D

JOANNIS DALLÆI

## RATIONES

Contra Veterum Suffragium in De-  
finiendis Controversiis de Religi-  
one motis.

### Libri primi Caput primum.

Primum Argumentum quo Veterum Authoritatem  
Exinaniret, his verbis proponitur.

*Ægrè constare possit quid circa nostras in Religione Ratio  
controversias senserint Patres; cum pauca extent ab Prima.  
iis scripta, tribus præsertim antiquissimis sæculis.*



Ationis hujus in Syllogismum reductæ,  
hanc formam esse oportet, De quibus æ-  
gre constare possit quid circa nostras de  
Religione controversias senserint, &  
quorum pauca extant scripta tribus, præ-  
sertim antiquissimis sæculis, ii judicare nequeant nec  
definire nostras controversias: sed *Ægrè* constare  
possit,



possit, &c. Ergo. Cuivis autem mediocriter oculato, hæc utraq; propositio vacillare videbitur. Non enim quaeritur, An Aegrè an facile possint controversiæ definiri ex Patribus; sed, An possint? &, An debeant simpliciter? quod videntur argumenta Dallæi improbare. Citra dubium enim mihi est, Veritatem eruere ex strue insanarum opinionum & tenebris antiquorum, rem plerunque esse perdifficilem, opusque summis viris & ingeniis tam doctrinâ quàm pietate præstantissimis dignum. Deinde, turpiter laborat hoc argumentum vitio generali illo, de quo jam diximus, *supprimens* scil. illam præmissam quæ debilissima & falsissima; illam autem excolens & confirmans studiosissimè, quæ nonnullam veri speciem præ se fert. Quid enim si pauca Veterum scriptorum hodie sint Reliqua? Nunquid ea quæ sunt ad nostra sæcula conservata propterea ad causam nostram non possint spectare, aut dirimere? Vel quia omnia nostra dissidia paucis istis componi non possint, ideo & nulla possint? *Quamvis præstantissima quorundam & antiquissima monumenta aliqua interierant, tamen adhuc satis multa è naufragio vel incendio, reliqua essent, ex quibus veritatis testimonia sumi possunt;* Rectè monuit Cassander. Pauca fortassis non diffiterer, si comparentur ad ea quæ interciderunt inter Tricentesimum è Christo nato Annum: Pauca autem non sint, si ad Sacrosanctos libellos conferantur. Si multitudine ergo contendendum, videat Dallæus quæ Scripturas, quæ Veterum scriptis numero & mole cedunt, ab hoc munere non excludat.

De Offic. pii  
Viri.

Nec illud prætereundum, Offendere hoc argumentum alio falso supposito; viz. quod omnia sequentium sæculorum Lirigia, unius alteriusve sæculi scriptis dijudicanda sint. Prioribus sæculis quæ ad illa tempora salva manserunt, satis sint. Nos autem qui

qui jam Lites multas novasque quotidie peperimus, copiam majorem testium antiquæ Veritatis habemus. Deinde, nec illa penitus interiisse sunt dicenda, quæ licet nativâ non extent formâ, vivunt tamen maxime in scriptis sæculorum succedentium; quibus quæ nobis sunt prorsus negata, familiaria admodum essent, & ab authoribus proximis in sua opera digesta: adeo ut penitus destitui nos judicio, & suffragio eorum, qui nunc non leguntur, verum omnino non sit; licet aliis sub nominibus. Et plura multò fuisse illorum sæculorum scripta quàm ad nos usque sunt traducta, verum patebit Eusebium Cæsariensem, Hieronymum, Gennadium, Photium, Stobæum, aliosque Ecclesiasticos Historicos, & denique Spalatensem Archiepiscopum, (qui id datâ operâ ostendit) consulenti. Quibus tandem sibi ipsi contrarius D. Dall. Opere Gallicè exarato ad nos nuper perlato, suffragatur, Adami calumniam adversus Veteres depellens: qui Protestantium eluderet Appellationem æquissimam ad Patres trium superiorum sæculorum, quod pauca sint & incerta eorum scripta; Respondet autem D. Dallæus. *Extrema illos afficitur injuriâ & auferitur maximam gloria partem, quæ iis jure competit. Neque enim negaverit quis; quod præter unicum & incomparabilem Apostolicarum Scripturarum thesaurum, quem primo debemus sæculo, & qui regule esse oportet omnibus reliquis; Christiani duorum insequentium sæculorum Ecclesiam ditarunt; Fidemque illustrarunt magno librorum numero: ut miro cuipiam sit, quomodo tempestate tam rudi habuerint quicquam vel animi vel otii, tanta scribendi. Historia Eusebii, &c. Hactenus ille. Longissimam autem & multiplicem seriem Veterum ex antiquis Historiis contexuit Vetustissimorum Patrum, qui scriptis clauerunt: tam vana sibi ipsi maturiore judicio rem expendenti, hæc ingenii sui junioris querela visa est.*

M

Quod

Euseb. Ecclesiast. Hist. lib.

5. cap. 16.

Hieron. Cata-

log. Scripto.

Ecclesi.

Gennadius

De Viris Ill-

lustribus.

Vide Anton.

de Dominis,

De Republ.

Ecclesi. lib. 7.

ca. 6.

Mais vous leur

faites une ex-

trême injus-

te, &amp; leur

ôte un total

partie de la

gloire que

leur est deire;

&amp;c. Daille

Nove-aute

des Traditi-

ons Romains;

Part. 1. cap. 2.

Whitakerus  
de Scripturis  
Quæst. 3. ca. 3.

Hortingerus  
Thesaur. The-  
olog.

Petrus Mart.  
Loc. Com.  
Class. 1. ca. 6.  
num. 27.

Zanchius in  
Hoseam ini-  
tio fere.

Bellarminus  
De Verbo  
Dei, lib. 4.  
cap. 4.

Quod si quis periisse dixerit varia Priscorum Do-  
ctorum opera; non repugno: aio tamen commune  
hoc fuisse fatum iis cum sacris Scripturis, quarum  
partem aliquam bonam intercidisse Whitakerus di-  
sertè affirmat, *Canonica*, dicens, *quadam periisse credo  
esse neminem qui dubitat.* Fallitur autem Henricus  
Hortingerus in Modernis licet versatissimus, qui scri-  
bit *solum omnium Reformatorum hæc fuisse opinionem whita-  
kerum*, Quandoquidem & Ipse Dux Calvinus in E-  
pistolam Judæ, & Petrus Martyr non uno in loco  
confitentur idem; ut & Zanchius Commentario in  
Hoseam.

Hinc autem & rationi illi respondetur qua, uti  
Romani Scripturas, Evangelici Traditiones petunt:  
"Vel enim (inquit Bellarminus) totus Canon Scri-  
pturæ sufficiens est ad salutem, vel singuli libri per  
se sufficientes sunt." Non totus Canon, nam  
multi libri verè Canonici perierunt. Quid autem  
Dallæus & Rivettus? certè sic disputant contra Tra-  
ditiones Ecclesiasticas, viz. vel omnia Veterum scri-  
pta judicare, vel pauca: Non pauca, quia hoc ini-  
quum esset, non omnia, quia multa perierunt. Ve-  
rùm & his, & Illi breviter respondemus, Tam Scri-  
pta Canonica, quàm Ecclesiastica suis sæculis sem-  
per suffecisse. Deus enim, qui secundum concredi-  
ta munera sua, & Talenta rationem exigit à servis  
suis, ubi parcè sparserit, multum non repetit. Po-  
pulo Dei sat erat bene uti, & locare in Domini ho-  
norem illas Scripturas quas à Deo acceperant pri-  
mum; quas cum auxerit, fructus Fidei & morum  
uberiores facere oportebat: Scripta Ecclesiastica  
illa pauca, suis sæculis sufficientia erant; nèque ta-  
men superflua erant postera opera, natis postea novis  
de Religione diffidiis in Ecclesiâ.

Irritum ergo quòd suspexerit hoc telum D. Dal-  
læus

læus aliunde Veteres petit, eorumque auctoritatem labefacit. Ostendit ex Hegesippo apud Eusebium (de quo antea diximus) subito vitiatam fuisse Ecclesiam Antiquam. Præcocem autem hanc calumniam, quæ ad alium propriè spectat locum, Quid opus esset ut post tot tantosque Modernos mutila citatio: ne tandem Dallæus adferret, hic non est difficile conjectura assequi. E medio autem sententiæ hæc tollenda verba honestum, vel saltem utile putavit.

Ἐν ἀδύλῳ πῦ (καὶ τοὺς παλαιοὺς εἶναι τὴν πῦ, καὶ τὴν πῦ ἀπὸ τῆς  
 οὐσίης ἐκείνης τὸν ὅλῳ κἀνὰ τὴν σωτηρίαν καὶ ὅλῳ).

His inquam sublati duo extrema copulat piâ scilicet fraude: quæ si starent, vel cum Patribus corruerint Scripturæ, vel nullius planè esset momenti ratio, vel auctoritas potius Hegesippi. Per ὅλῳ enim κἀνὰ σωτηρίαν καὶ ὅλῳ nullus dubitet intelligendum sacræ Scripturæ Canonem. Quod autem potius de moribus Christianorum, quàm fide Ecclesiæ corruptela illa accipiendâ, unâ cum Poeticâ illa similitudine quàm à Petro Ramo, vel tertio fortassis aliquo surripuit D. Dallæus, viz. [Quemadmodum enim quatuor Ætatum mundi, sequiores semper deteriores legantur, ita cum Ecclesia fuit] mihi perspicuum est. Unde in tenues auras fumum argumenti hujus evanescere, certum est. Ut tamen nihil reliqui sit virium in hac pervulgata antiquissimæ etiam Ecclesiæ obtreccatione, plurimum quoque facit, quod summi judicii vir de hoc ipso Hegesippi loco monuit volentes, videntesque: nimirum Sermonem ipsi esse non tam de Ecclesia universali, quàm Hierosolymitana tantum; in qua etiam superstitis Apostolis, erant qui adulterare studerent salutaris prædicationis regulam, etsi latitantes quasi in speluncis suis. Hoc enim etiam ex Apostolorum scriptis, quam verum sit constat, &c. Monendos ergo semper putavi simul ac incre-

Euseb. Eccles.  
 Histor. lib. 7.  
 cap. 26.

Petrus Ramus  
 Epist. ad Cardinal.  
 Lotharing.

### Responsio Particularis

pandos istiusmodi invidiosissimos Scripturarum zelatores, qui modo quid durum durumve denuncient in Traditiones Ecclesiasticas minimè ipsis Scripturis, aut cætibz propriis, cavent parcuntve. Superesse autem in hoc capite varias Instantias, quæ nihil ad institutum probent, & colores seu pigmenta ad incautos & indoctos fallendos apta sint, non eo inficias; indigna tamen judico quæ subruto fundamento cui nituntur, nos diutiùs demorentur ad secundum merito properantes argumentum.

### Caput secundum.

Ratio secunda,

*Quæ nuper sunt à tribus prioribus sæculis scripta maximam partem agere de rebus alienissimis ab iis quæ hodie circa Religionem in Controversiam vocantur.*

**U**Troque pede hæc ratio claudicat: Illa verò propositio, quæ hîc subticetur, Expressâ hæc multò debilior est: Negatur enim primò, Scripta illa, quæ ut plurimum materiam continent à nostris controversiis remotiorem, non item agere de multis propiùs eas spectantibus. Deinde, Quid si non immediatè & disertè nostras attigerunt Controversias? Si polemicè de iis non scripserunt? Si simplicem tantùm veritatem Credendi, & vivendi Regulam tradiderunt, quum ex Philosopho notissimum, sit, quod,

Aristot. de Anima, lib. 1. cap. 7.

August. Epist. 3. ad Dioscor.

*Τὸ ἐνδεῖν καὶ αὐτὸ καὶ τὸ χρημύλον γνώσκουσιν, καίτοι καὶ ἀμφοῖν ὁ Κανὼν;*  
 Recto, & Curvum cognoscimus; Utriusque enim  
 Judex Norma est: Et illud præclare ab Augustino dictum sit, *Cognitio veritatis omnia falsa, si modo profectantur,*

vantur, etiam qua prius inaudita erant, & judicare & subvertere idonea est.

Atque his quidem paucissimis vires hujus argumenti concidunt, Quoniam tamen ita statuimus, paulo distinctius excutiamus maximam illam partem rerum à nostris alienissimarum. "Hi, inquit, pro  
"suorum temporum ratione vel Christianismum cri-  
"minationibus, quibus per calumniam gravabatur,  
"purgant, vel insulsa & impia Ethnicorum sacra ex-  
"agitant, vel obduratam Judæorum pervicaciam  
"coarguunt, vel portentosa sui temporis deliria con-  
"futant, vel Fideles ad patientiam & crucem Chri-  
"sti fortiter perferendam hortantur. Hæc omnia  
"perparum ad nostras Controversias faciunt.

Dall. pag. 8.

*Id est p[ro]p[ri]o t[em]p[or]e d[omi]ni C[on]trovers. quod de p[ro]p[ri]a.* Adeone enim videtur parum Nostra ab inimicis tueri, hostes veritatis justâ refutatione prostrasse, Hæreticos devicisse, Judæos cervicofos fregisse, Animos & fidem Catholicorum confirmasse, Denique Illustribus Commentariis Scripturas explicasse? Ita sanè, Dallæo omnia hæc nihil sunt, Quare vero? cum Hæretici sint perpauci vel Schismatici (nisi forte demamus omnium novissimos) qui non pullulârunt ab execrabili stirpe antiquorum Hæreticorum, quos ab Arêâ Domini, quasi paleas, Majores nostri Catholici non ejecerunt? Nisi jam periit (quod gnaviter contendit Dallæus) omnis Fides Ecclesiasticis Historiis, nisi oculi mei nebulis, quas suo hoc opere suffundit Dallæus, prorsus caligârunt, ut nihil videam, Dæmonia illa meridiana Arrius, Aerius, Valentiniani, Donatistæ, Novatiani, quibus multa habent communia nostri temporis Hæretici, atque Schismatici, victrici Veterum manu ceciderunt. *At quid ista ad Transubstantiationem?* Quænam verò? Nihilne nobis confectum dederunt Patres, quia hanc unam non definierant



controversiam? Vel hanc quæstionem non elucidârunt, quia liber nullus de Transubstantiatione Inscriptus extat? Si de Eucharistiâ, non pauca scripserunt, quomodo Transubstantiationem omnino omiserunt? De cæna Domini Justinus Martyr, Clemens uterque, Romanus scilicet & Alexandrinus, Tertullianus, Origines: & Cyprianus (ut taceam reliquos qui intra Centuriam tertiam vixerunt) plurima & egregia tradiderunt: Transubstantiationem verò tam re, quàm nomine nuperam, qui poterant Antiqui expressè damnare? Satis sobrio erit, quod plurima non desint apud Priscos illos, quibus Hæresis illa refellatur: Quod jure dicatur de furculo illo prioris Erroris, Adoratione Sacramenti; de quo pariter offenditur D. Dallæus quod minus memoretur ab Antiquitate; Vel enim de his egerunt Antiqui, vel, ut hîc vult Dallæus, conticuerunt. Si prius, frustrâ quæritur ille. Si posterius, optimè contra se ipsum disputat, ad finem sui Operis his verbis: *Ubi exurgunt Hæretici Carnis suæ sensu inflati, qui ex ingenio, non ex ullis vera Religionis principiis hausta dogmata procudunt, ad horum hominum compeſcendam audaciam peropportune potest Veterum autoritas adhiberi, viz. Si doceas Patribus penitus incognita fuisse quæ isti obtrudunt Dogmata.* Hæc ille. De Transubstantiatione satis actum est apud Veteres, quòd de eâ ab iis, Judice Dallæo, nihil dictum est. Præterea, plena non est enumeratio, licet ampla sit, operum antiquorum. Ingens namque utilitas affertur Ecclesiæ Christianæ ex Historiis Ecclesiasticis. “Est enim Historia juxta Ciceronem, “Testis temporum, Lux veritatis, Vita memoriæ, “Magistra vitæ, nuncia vetustatis; & quâ res gestæ superius ad nostra usque tempora descendunt: quibus compertis & Caveri Errores Pristini, & felicius Præsentes actus dirigi possint.

Postremò,

Pag. 36c.

Cicero lib. 2.  
De Oratione.

Postremo, videant tandem cæci Scripturarum Veneratores quam exitialiore vulnere ipsas per Latera Traditionum hoc argumento trajiciant. Quantula enim pars Controversiarum, quæ suscitantur ab Argutulis Sophistis hujus temporis in sacris Literis tangitur? Ad vetus enim Testamentum quod attinet, scio equidem phanatica quædam Capita multum eo delectari, & credulo artificio solere quodlibet ex quolibet extrahere. Tam familiares enim & liquidi (si Diis placet) sunt eis Prophetici sermones, ut facili negotio (qui fere nihil uti decet illuc callent) omnes fidei Christianæ inde probare se posse putent, unde docti vix nudis verbis unicum Fidei Christianæ articulum possunt astruere, sed per figurarum typorumque mysteria. In ista autem sacri Codicis parte quæ Hagiographa complectitur, multa certè agnosco apertè facientia ad mœurs informandos, & pietatem augendam, sed quàm pauca ad Fidem nostram confirmandam secundum Literam, non dicam: Peragremus etiam Novum Testamentum, divitem Fidei nostræ gazam, & certè haud plura inveniemus ad Controversias spectantia nostras, quàm tria priora sæcula ex Veteribus nobis porrigunt. Quid vexati-  
us apud Recentes Theologos reperitur quàm Quæstio de Justificatione per fidem solam, & non solitariam, prout pueriliter ludunt quidam dicti Evangelici? Ausim apertè affirmare contra utramque familiam tam Lutheri quàm Calvinì, istiusmodi Justificationis neque volam neque vestigium percipi posse à sincero perscrutatore S. Scripturarum omnium; nullam, nè semel quidem, Fidei istius specialis mentionem incidere, quàm Reformati plerique doctores explicant, vel potius non explicant, sed novis & arduis distinctionibus quotidie luculentam ex se veritatem; & genuinam corrumpunt. Fide enim  
merâ

merâ Justificari nos, absque operibus, h. e. Legis, non ipsius Fidei, statuendum est. Fide justificamur rursus non meritis, sive fidei, sive operum; sed ut medio à Deo ordinato: Fide, inquam, solâ justificamur prout comprehendit Fœdus integrum Fidei, seu Evangelium: non quatenus specialis Gratia non rarò audit. De hujus autem virtute disputant acriter dicti Lutherani & Calvinistæ: & immodestissimâ irâ incenditur Lutherus, & stomachatur Johannes Calvinus, quòd Veterum Patrum nulli viderunt illud quod non est; scil. fide, quam sinxerunt ipsi, nos justificari: Hinc verò tam impotenter contra optimos Patres sæviit Martinus Lutherus ut nihil abjectius aut contemptius illis ipsi sit magno Numini. Unus Brentius inquit, in Johannis Evangelium mille Chrysostomis, Ambrosiis, & Basiliis, &c. præponendus.

Lutherus  
Colloq. Men-  
sal.

Aio præterea De Eucharistiâ, scil. Transsubstantiatione, & Adoratione Elementorum, haud pauciora apud Veteres trium antiquissimorum sæculorum reperiri, quam apud Scripturas. Nisi ergo hæc unâ cum Priscis autoribus eliminandæ sint à foro, aliud genus argumenti quærendum viro doctissimo putarem. Serò autem sapient Phryges hi. Nam hanc ipsam rationem consueverunt invertere Pontificii adversus ipsas Scripturas. Ita enim Becanus, "Multa sunt controversiæ circa fidem & Religionem, quorum vel nulla fit mentio in Scripturis, vel certè non sufficiens ad hoc ut Scriptura de illis sententiam ferre possit, Qualia sunt De Libris Canonicis, De numero Sacramentorum, Rebaptizatio, Terna demersio in Baptismo, Dies Dominica. An Virgo Maria permansit post partum. Hæc ille; Nec aliter Bellarminus, & alii ejusdem partis; quam verè, hîc non laboro; certè contra Dallæum invictissimè. Vel sua ergò neget, vel Adversariorum argumentis, invitus succumbat.

Becanus De  
Jud. Contro-  
vers.

Caput

## Caput tertium.

*Quod Patrum verè certoque non sunt quæcunque nunc Ratio  
eorum nomine circumferuntur. Sed pleraque vel tertia.  
olim, vel his demum postremis sæculis afficta aut  
supposititia.*

**H**Actenus mitius Patribus nobisque egisse vult vi-  
deri D. Dalleus. Nunc verò animum vires-  
que colligens, nihil minus quam triste & ineluctabile  
fatum his verbis spirat. "Accedo jam ad longè Pag. 11.  
"maximi momenti rationes : cum superiores illæ  
"duæ, licet non contemnendæ, leves tamen sunt  
"præ iis quæ sequuntur. Argumenti autem Achil-  
læi quantæ sint vires supra positi, jam experiendum  
restat. Quantillæ autem revera sint, quis non vi-  
det ? Quis enim nesciat pleraque Scripta tributa  
Veteribus mentito titulo gaudere ? Plura autem  
longè esse illa quæ eorum revera sunt, quorum nomi-  
na præferunt ? Hac tamen Lactucâ tam crudè & in-  
fipidè positâ Labra Laurentii, Rivetti, & Hender-  
soni, & similium mirificè delectata sunt : quibus  
omnibus pluris mihi est Reverendissimus noster E-  
piscopus & Martyr Ridlæus : qui contra Papistas dis-  
putans sic huic respondet Cavillo. "Sive Joannes  
"Chrysostomus ille fuit Constantinopolitanus Ar-  
"chiepiscopus, sive Autor alius quisquam, parum  
"refert. Illius certè sæculi fuisse ac magni nomi-  
"nis virum pro confesso habetur, adeo ut si aliam  
"ab receptâ illius temporis, opinionem literis man-  
"dasset, multos sine omni dubitatione in re tanti

Ridlæus De  
Cæna Dom.

N

"mo-

“momenti concitasset sibi vel ætatis suæ, vel saltem  
 “subsequentis Antagonistas. Vult scil. Episcopus  
 evertens dogma Transubstantiationis ex Opere Im-  
 perfecto in Matthæum, tanti non esse ad testimonium  
 veritati perhibendum, Sintne Opera illa ipsorum  
 Patrum quorum nomina præ se ferunt, modo recepta  
 ab Ecclesia sint, & nullus istius sæculi doctor notave-  
 rit tantum errorem, qui sententiæ totius Ecclesiæ con-  
 traiverit. Quod & ipse Dallæus male opinor me-  
 mor postea, tradit dicens, “Neque enim profunt  
 “aut juvant libri quod ab hoc vel illo scripti sunt,  
 “sed hoc maxime quod vera atque utilia doceant:  
 “quod ab errore avocent, atque à vitiis deterreant.  
 “Expunge si libet Augustini nomen à fronte præ-  
 “stantissimorum librorum De Civitate Dei, & De  
 “Doctrina Christiana; me atrumque opus, etiamsi  
 “nomen auctoris nesciero, docebit tamen egregiè, si  
 “legero, multa scitu dignissima.

Pag. 38.

Sed & illud satis prodit Rationis vanitatem quod  
 nihil habeat peculiare Ecclesiasticis scriptoribus, fa-  
 tente ipso Dallæo, sed, “Simile quid (inquit) in  
 “omni cùm literarum tum disciplinarum genere ac-  
 “cidit, nec in ulla alia re, vel in Philosophicis, vel in  
 “literis humanioribus magis defudant Critici, quam  
 “dum delectum inter ejus foetus nothos, vel Adulteri-  
 “nos, & genuinos legitimosque adhibent: sed nullibi  
 “foediùs impudentiusque quam adversus Scriptores  
 “Ecclesiasticos fraus grassata est. Et nos quidem non  
 omnino negamus non nihil prodesse Certorum auto-  
 rum nomina cognovisse; spectanda autem primùm sæ-  
 cula in quibus floruisse dicuntur, & judicium Eccle-  
 siæ de istiusmodi operè contendimus.

Pag. 11.

Ibid.

Sed torquet (credo) Virum doctissimum, “Quod  
 “tale sit hominum ingenium ut Veterum qui adver-  
 “satur, exploditur; qui favet, laudatur. Ita ut  
 “quod

“quod res est dicam ; plerique non de suis opinionibus ex Libris Patrum, sed de Libris Patrum ex suis opinionibus iudicium ferunt. Qui nobiscum sentit aut loquitur, is Cyprianus & Chrysostomus est: si secus, Scriptor est recens. Ad hæc autem aperte respondemus ; Exigui momenti quidem esse istos Libros in controversiis definiendis, quorum neque Authorem neque sæculum probabili admodum conjecturâ adsequi possumus. Neque sanè displicet quod scribit Perkinsus hac de re. “Cuncti Authores non à sequentibus scriptoribus laudati, & non Authentici facti aliquo Authore probato, vel revera sunt supposititii, vel ab Ecclesia rejecti. Hujusmodi quam pauci sint, non est quod pluribus explicando Lectorem abducam à recto tramite.

Perkins Præpar. ad Problema.

Verum quod soliti sumus invito extorquere, ultro hic vir doctus nobis largitur, viz. hoc quicquid est infortunii sacros etiam Codices infedisse : “Nam passim, inquit, occurrunt Patrum voces de Hæreticis conquerentium : quod ii ut somniis suis auctoritatem conciliarent, libros quibus ea in vulgus profeminabant, celeberrimi cujusque in Ecclesiæ doctoris, imò & Apostolorum ipsorum nominibus inscribere ausi sunt. Ut autem quam vel leve sit hoc argumentum adversus Ecclesiasticos doctores, vel grave Scripturis, manifestum sit ; breve hîc specimen dabimus tam eorum Hæreticorum qui exclusērunt è Sacro Canone libros verè divinos, quàm eorum qui adulterina Scripta & spuria in Sacrosanctum censum accerferunt. Prioris ordinis sunt illa quæ doctissimus Whitakerus fere omnia collegit. Sadducæi nullas Scripturas recipiebant nisi quinque Libros Moïsis : Hos secutus est Simon. Manichæi totum V. Testamentum rejiciebant ; ut & Saturninus. Ptolomaitæ Moïsis Libros damnârunt. Librum Psal-

Whitakerus De Scripturis, Q. I. c. 13.



morum Nicholaitæ, & Gnostici è sacro Cānone egerunt; quam Hæresim Anabaptistæ nostris temporibus renovârunt. Salomonis libros multi olim reprobârunt. Jobi Librum Anabaptistæ rejicere atque irridere dicuntur. Novum porrò Testamentum variè fuit ab Hæreticis convulsus, à Manichæis, à Cerdone & Marcione, qui nihil fere aliud præter Lucæ Evangelium receperunt. Valentiniani nullum nisi Joannis receperunt: Alogiani contrà, Joannis omnia respuerunt. Hæc & plura in Whitakero videre est.

Ex alterâ verò parte, ea solum (nec tamen omnia) quæ tenuis nostra exercitatio in Veteribus ministravit, memorabo. Petri ergo ἀποκάλυψις primùm occurrunt à Clemente Alexandrino sæpe laudata: Stromat. Lib. 1. pag. 357, & pag. 635, 636, 637, &c. Petri deinde Apocalypses, pag. 806. Petri Periodi à Sancto Hieronymo Adversus Jovinianum, Lib. 1. cap. 14. citantur. Item in Comment. in Galat. cap. 1. tanquam à Clemente Romano scriptæ laudantur. Petri Praxes à Clemente, pag. 289. memorantur. Apostolorum autem Periodi etiam Photii temporibus extitisse videntur, Bibliothecæ, pag. 292. Evangeliorum autem Apocryphorum, vix ullus esset numerus apud Antiquos. Ægyptium Evangelium Sabellianos magni fecisse, testatur Epiphanius, Lib. 2. Hæres. 62. & Gnosticis charum fuisse Evangelium Philippi, idem testatur, Lib. 1. Hæres. 26. Evangelium duodecim Apostolorum, laudant Origines & Ambrosius, Præfatione in Lucæ Evangelium: item, secundum Matthiam, Canonicum factum. Prætereo Evangelium Marcionis apud Isidorum Pelusiotam, Lib. 1. Epist. 372. Thomæ item Evangelium scripsisse Manichæos, author est Origines in Lucam, Homil. 1. Quod quidem Thomæ fuisse Cyrillus Catechif.

chif. 6. pag. 61. esse affirmat; verum non Apostoli, sed unius discipulorum Manis Hæresiarchæ. Evangelii porro secundum Hebræos meminit Clemens Alexandrinus Stromat. pag. 380. Origines, Homiliâ 8. in Matthæum: & Proœmio in Lucam: & Hieronymus Comment. in Caput ultimum Micheæ, se illud vertisse latinè, scribit: scriptum autem fuisse sermone Chaldaico, & Syriaco, Literis Hebræis testatur, fragmentum quoddam citans. Porro, Matthiæ Traditiones à Clemente Alexandrino allegantur, pag. 380. Stromatum. Enochii quoque Prædicationes à Tertulliano De Idololatria, cap. 3. & 4. & 15. Item De habitu Mulierum, cap. 3. laudantur. Nec Apocalypsim Pauli rejecisse videtur Sanctus Augustinus Tractatu 98. in Joannem. Ambigere sum solitus, qualis fuerit *Ista* *Ματθαιου* de quo Hieronymus, Epist. 127. Mansionem 185. tandem autem Scriptum fuisse idem reperi cum isto quod Georgius Cedrenus *Λειτουργικον* nominat: & Conventiculum Tridentinum sub titulo Flosculorum Bibliæ pridem damnavit: de quo vide Sixtum Senensem in sua Bibliotheca: apud quem (cui hæc farrago non sufficit) plura liceat conspicere hujusmodi. Mitto autem quæ huc faciunt apud Eusebium, Nicephorum, Hieronymum, Gelasium Papam, Athanasium, & Gratianum; denique apud ipsum D. Dallzum: quæ satis superque probant, Nihil singula jacula hic tanto conamine, & artificio ab illo adversus Veterum monumenta intorta, minus hos, quàm Scripturas Sanctas vulnerare: & præterea; operam omnino superfluum insumpsisse Virum Doctiss. per paginas cæto supra quadraginta, varia licet lectione relucens, quibus fraudes inhonestissimæ Pontificiorum palam fiunt. Non enim (sicuti lepidè D. D.) solum Cypriani, Augustini, Chrysostomi erunt nobis, qui ad palatum nostrum

N 3

scribunt;

Sixtus Senensis Biblioth. lib. 2. in Moiss.

Item Scaliger Animadv. in Euseb. pa. 16. Euseb. Eccles. Hist. 3. lib. 3. xrp. 28. Nicephorum, lib. 2. cap. ult. Hieron. intro. Comment. super Matth. Gratian. Decret. Par. Distinct. 15. Dallæus ubi supra. Vide etiam Baronium De Martyrologio Roma. cap. 2.

scribunt ; verum etiam Libri erunt Canonici vel (quod perinde valet) interpretatio Canonica qui revera Apocryphi sunt : & Apocryphi vice versa, Canonici illico, prout faverint nostræ sententiæ, vel contradixerint. Dolendum autem puto vicem hinc nostram, Veterumque, quod vel suam non maturasset Apologiam D. Blondellus, vel præcipitaret D. Dalæus has Veterum sugillationes : Nam si quantum ex inanibus nominibus Fictorum Patrum accepisset adjumenti Causa Presbyteralis, noverat, proculdubio levius tractasset hunc locum ; Eum, enim qui Ignatianas Epistolas *μεταποιησις*, uti ipse loquitur (ne suppositas dicere necesse sit) ad corvos potius quam ad Scholas utiles esse vult, quando Disciplina Calviniana ex iis impugnatur, non disputet ex supposititiis, ipso non solum fatente, sed doctè probante, tanquam ex primigeniis Ecclesiæ Archivis multo sui sudore, & Lectoris fastidio disputare pro Presbyterio ab Episcopali jure absoluto, & totus ferè est in gemma illa ex stercore, Decretalium Epistolarum Antiquissimis Papis falsissime ascriptarum, offendenda : nec pollicitus Lineam perpetuam testium suæ causæ, aliam nobis vendit quam cadaverinis istis Decretalibus contortam, arteque Sophistica potius quam sanâ : Non omittit fateor melioris fidei Patres, sed meliore fide non usus in iis allegandis : sed alii id curent, me aliud aliò vocat.

Blondel. Apolog. p. 231.  
Item Præfat. pag. 40.

Idem Præfat. ad Apolog. pag. 25, &c.

## Caput quartum.

Prioribus & posterioribus sæculis, tempore, im- Ratio  
 peditiâ, fraudibusque cum piis, tum malignis genui- quarta.  
 na Sanctorum Patrum scripta variis in locis im-  
 mutata & adulterata fuisse.

EUndem hîc quoque erranti errorem D. D. do-  
 ctamque, sed inanem elocanti operam, accidit  
 quod olim Adolescenti, qui cum *nonnullis* & *regibus* & *regibus*, *de-* Clemens A.  
*claus* *monita*, cum nequisset pulchram depingere, pinxit Alexandr. Stro.  
 divitem faminam. Solidis enim sanisve rationibus pag. 110.  
 nescius Patrum evertere fidem, suamve principalem  
 Thesim confirmare, divite nos copia quidem lectissi-  
 marum Observationum, & A catholicorum Romano-  
 rum Stropharum, & Sacrilegiorum versus Veteres  
 hic permulcet. Quoniam verò neque locus, neque  
 usus fuerit hîc singula excutere, triplici hoc clypeo  
 excipere, & refellere visum est, universas hujus Ca-  
 pitis incurvationes in Veteres,

Primò autem, ex suppositis, quòd verè sint illa  
 cuncta dicta quæ hîc obijciuntur, ejusmodi non sunt  
 quæ more Cataclysmi Ecclesiæ faciem ita operiant  
 & dehonestent, quin longe plura sana integrè emer-  
 serint, manserintque. Turbari quidem, & nonnihil  
 deturpari claram Ecclesiæ diem pessimis his artibus,  
 non penitus inficiar; tam crassam autem superinduci  
 noctem Antiquitati, quâ auferretur omnis ejus usus,  
 pernegem.

Secundò, (quod sæpius monuimus) hortandus ef-  
 set Vir Doctus cautius iis ageret argumentis, & fu-  
 nestis

Pag. 61.

Tertul. Præ-  
ſcript. contra  
Hæret. cap. 38

Pag. 69.

Ibid.

Pag. 61.

Genebrard.  
Cronolog.  
An. 655.

neſtis artibus quibus, ſcripta fere omnia ordinis hu-  
mani, &, (quod inconſultius factum omnes affirma-  
bunt) Divini quoque petantur. Neque verò ſat e-  
rit ipſi aſſeruiſſe Volumina divina longè majore ſtu-  
dio aſſervata eſſe quam ulla alia. Manus enim ſacrile-  
gas omnino abſtinuiſſe Hæreticos, nullâ dici probabi-  
litate poteſt, contra innumeras Catholicorum accu-  
ſationes. Tertullianus, & alii quos ad manum ha-  
beo teſtes multos, tradit, *Illic & Scripturarum & ex-  
poſitionum adulterationem deputandam eſſe, ubi diverſitas  
invenitur doctrina: aliâs enim non potuiſſe aliter docere,  
niſi habuiſſent per quâ docerent Hæreſim.* Imò, quod ma-  
niſeſtus Scripturarum delator non niſi timidè pronun-  
ciaret, hic ipſe earundem Patronus aperte ſcribit,  
non ſolum Hæreticos, ſed Catholicos quoque Scri-  
pturas violafſe: Sed acutus verſutusque cùm ſit, fa-  
cile adverſus Eccleſiaſticos Scriptores invertit, hoc  
modo. "Hoc unum inde, & quidem ut mihi vide-  
tur evidentiffimè colligo, Nullam Veteribus Ca-  
tholicis Religionem futuram fuiſſe, vocem ali-  
quam, ſi eam ſententiæ ſuæ repugnare, aut Hære-  
ticorum corruptelis obnoxiam eſſe cenſerent, ex  
Patrum Scriptis expungere. Vera, quando ita pla-  
cet, ſint hæc. Aſt minus eſtne veriſimile modeſtio-  
res fuiſſe erga ſanctos Codices? Eſt proculdubio fla-  
grantius & multo magis horrendum crimen: at quan-  
tum abſterreat iniquitas, tantum alliciet utilitas, &  
ingens telum neceſſitas ſubmovendi irrefiſtibile ma-  
lum. Quid autem moverit ut diceret, Patrum libros  
maximam partem negligenter habitos, lectoſque, u-  
tinam rationem aliquam addiderat; quæ cum nuſ-  
quam appareat, magis ſuadet contrarium illuſtre  
illud exemplum à Vaſſæo apud Genebrardum memo-  
riæ proditum, Theodiſci Hiſpalenſis Epifcopi & to-  
tius Hiſpaniæ Primatis, qui conſicta quædam à ſeip-  
ſo,

fo, quum Isidoro ejusdem sedis Archiepiscopo tribueret, in Arabica versione Operum ejus, reliquorum Episcoporum consensu, sede depulsus est; ex illoque tempore Metropolitana Sedes inde Toletum translata est. Porro, Quid rogo in causa sit, quo minus quam Scripturæ (quæ multoties censoriam virgulam & unguis sunt passæ) concessio quod læsa sunt Patrum scripta, corrigi & restitui possint collatis invicem exemplaribus sinceris? Hoc paulò æquior adversarius non negabit. “Quid ni enim *Codex palmarum* illud quo laborantibus Scripturis occurri posse scribit Augustinus, & Veterum scriptis sælici successu applicemus. Si de fide exemplarium quæstio vertetur, sicut in nonnullis, quæ & paucæ sunt, & sacrarum literarum studiosis notissimæ sententiarum varietates; vel ex aliarum regionum codicibus, unde ipsa doctrina commeavit, nostra dubitatio dijudicaretur: vel si ibi quoque Codices variarent, plures paucioribus aut vetustiores recentioribus præferrentur: & si adhuc esset incerta varietas, præcedens lingua unde illud interpretatum est, confuleretur: Hoc modo quærunt qui quod eos movet in Scripturis Sanctis tanta auctoritate firmatis, invenire volunt, ut habeant unde instruantur, non unde rixentur. Hanc inquam rationem qui modesto & candido animo tenuerit scriptis Veterum evolvendis, haud mediocriter difficultatibus hinc injectis superatis, inde proficiet. Qui vero has salebras multum sobrio Lectori molestiæ parituras objiciet; respondeat, idem quæ Scripturarum eadem fere incommoda possit devorare.

Tertio, hinc maximè labascit principale argumentum, quod justo facto scrutinio, neque tot neque tantæ sint corruptelæ monumentorum veterum, quot nos cupit persuasos reperiri D. D. Plurimas sanè osten-

August. contra  
Manichæos,  
lib. 11. cap. 1.



tati, ostendit autem pauciores, & leviores. Singulas instantias quas hic in dedecus conflavit, Veterum, persequi, fere infiniti laboris esset: Ad quatuor ergo Classes revocare eas juvabit, proderitque.

Ad Primam pertinent quæ malè obtrestandi animo conquisita fuisse, jure censeantur; nullam autem apud sobrium Theologum tantam querelæ justæ præbent. Non enim præcipuam venit in Controversiam quod tantopere à V. D. exagitur, Utrum, quod uno modo à Vetere traditur Autore, aliter ab alio recitetur, verum, Utrum ipsæ Scripta quæ dicuntur Originalia, corrupta sint. Nonnulla esse violata & corrupta apud Origenem ipsam, res agante fanè & ridente Hieronymo, credo: fidemque mihi facit In-  
 vectiva Secunda, vel, uti ipse Rufinus velit, Apologia contra Hieronymum: Item Epistola Rufini ad Macarium, denique Excerpta quædam ex ipsius Origenis Epistola apud Rufinum; conquerentis & detegentis dolos adversariorum ejus. Sed & idem illic Origenes commune ipsi & Apostolicis Literis malum fuisse testatur: & fere nisdem verbis disputat Rufinus quibus supra D. D. sic. *De Hæreticorum verò temeritate, ut credi ista facile possit, illa res maximum credulitatis præstat exemplum, quod abstinerè impias manus, ne à Sacrosanctis Evangelii vobis potuerunt. Apostolorum vero vel actus, vel Epistolas, qualiter polluerint, qualiter corroserint, qualiter in omnibus macularint, vel addendo impia vel auferendo quæ pia sunt, si quis vult plenius scire, ex his libris Tertulliani, quos adversus Marcionem scripsit, plenissime recognoscet. Hæc & multo plura Rufinus. Profitetur insuper quædam se immutasse Origenis libris reperta; nec tamen quæ dictata sunt ab ipso, sed ab Hæreticis inserta. Esto verò, ne jaculi ictum declinare, non ferre posse videatur*

Ruffini In-  
 vectiva 2.  
 Idem Epist.  
 ad Macarium

Idem De A-  
 dulatione  
 Librorum O-  
 rigen. ex Epi-  
 stola ipsius.

deatur causa nostra, Fateatur Hieronymus apud D.D. Rufinus quoque fateatur se ad Catholicam Normam quædam Origenis reduxisse: non dissimulem ipse solummodo autoritatem istorum Interpretum ut plurimum habere illa, non autem Origenis. Extant tamen quædam à Sanctis Patribus excerpta ab ipso, extant alia Græco sermone quo scripsit ille Pater, & nuper Rothomagi prodierunt duo ejusdem Volumina, quæ immutata fuisse arbitrio Expositorum dici nequeant. Quod etiam dici de Hilario, & Eusebio Vercellensi possit. His namque propositum non fuit interpretum munus agere, & propterea quæ ab Origene desumpserunt, non Origenis autoritate sed propriâ pendent. Monstrandum potius hic erat vel Hieronymi, vel Rufini vel Hilarii, vel Eusebii Vercellensis interpretationes adulteratas fuisse, & à genuina puritate descivisse.

Secundæ Classis sint illæ Alterationes, non autem Adulterationes Liturgiarum antiquarum, quæ Apostolorum vel Virorum Apostolicorum nomine circumferuntur. Nemo enim nunc dierum invenitur, (nisi forte impudentes quosdam Pontificios doctores dempseris) qui asserit istas, eadem, quâ nunc leguntur, formâ editas fuisse à Viris istis, Jacobo scil. Clemente, vel Chrysostomo, vel Basilio. Probabili tamen conjectura utuntur qui existimant ab ipsis, quorum nomina præferunt, prima accepisse elementa, & postea, pro temporum ratione, Ecclesiæ ædificatione, & sequiorum (ut quod res est recludam) superstitione, aucta in præsentem conditionem. Fas namque esse Ecclesiæ officia Publica mutare pro suo arbitrio, quatenus tulerit Verbum Divinum, credimus: quod & Andreas Massius Cassanderque apud D. Dallæum, aliique observarunt. Tantum ergo habent illæ autoritatis, quantum fidei Ecclesia in quâ recipiuntur,

piuntur, si integrum corpus spectemus; Majoris autem, sicubi præsentī Ecclesiæ isti contradixerint: nisi forte excipias res conditionis purè adiaphoræ, quarum potestas in Ecclesiâ residet.

Tertia Classis meritò ea multò levioris notæ complectatur, quæ Recentiores Panicâ fide ab Antiquis citârunt. Quomodo autem istiusmodi querelæ huc attineant, ne suspicari quidem possim. Quis autem dubitat Cumulum criminum quibus Veteres gravantur, omnem modum superaturum, si posterorum quoque iniquos mores æquum sit Ipsiis deputari. Extra

Pa. 68, 69, 70.

A pag. 71. ad 75.

Pag 76, & 77.

oleas ergo prolixâ oratione, quæ Gratianus imperitè admodum corrasit ex Patribus, his, non soli ipsi tribuuntur: ut & quæ vilia Romani fastus & Tyrannidis mancipia affingere & assuere Nicæno Concilio, & forsan aliis conciliis, etiam post detectas fraudes & impudentiam victam, erratis Veterum accensentur: & illa non ad saturitatem, sed nauseam ex Dionysii exigui inhonestis artibus producta oratio. Probandum certè erat vel ex Dionysii unius fide, rem Religionis gerì; vel Anastasii Bibliothecarij, & non potius ex fontibus ipsis, vel fontium fidem lædi ex turbidis istiusmodi Rivulis. Nec Novum desiderant responsum, quæ arguunt infensissimos mores Latinorum, Græcorumque in Conciliis habendis, & altercationibus de Religione, detorsionibusque in utramvis Partem Antiquorum. Nec ad aliud, quam ad pompam Sermonis, chartamque pingendam multis magnisque nominibus faciunt, quæ hic ex Thoma, Bellarmino, & quando ita velit, sexcentis aliis afferantur, quibus indicatur Veteres per fasque nefasque trahi in Factiones contrarias; quod fieri quotidie vidimus, tam in prophanis quam Sacrosanctis Scriptis. Unde Ambrosius Hæretici definitionem ingredi vult: "Quod per verba Legis Legem impugnât. Propri-

Ambros. in ca  
3. Epist. ad  
Titum.

"um

“um enim sensum astruit verbis Legis, ut pravita-  
 “tem mentis suæ Legis autoritate commendet. Sci-  
 “ens enim Impietas auctoritatem Legis multum va-  
 “lere, fallaciam sub nomine ejus componit, & quia  
 “res mala per se ipsam acceptabilis esse non potest,  
 “bono nomine commendetur. Hæc ille Putativus  
 Ambrosius.

Proxima his sunt naturâ, loco, & pondere, quæ  
 memorantur, & justissimâ notantur censurâ, sed  
 superflua; quod scilicet corruptè & truncatim inse-  
 runt Breviariis & Missalibus Pontificiis. Ex his  
 enim non disputari volumus, sed Libris ipsis Vete-  
 rum. Quod dicendum pariter, de iis quæ fusè  
 disputantur, quibusque ostenditur, non tam mutata  
 quam abolita & deleta esse quædam scripta Vete-  
 rum; vel rectius dixerit quis, nullius plane esse  
 momenti: nisi simul probaverit solitum fuisse Cui-  
 piam in suæ sententiæ confirmationem citare illa quæ  
 nusquam extant, sed perierunt ab hominum memo-  
 riâ. “At ridiculum est (Cicerone teste) ad ea quæ  
 “habemus nihil dicere, quærere quæ habere non  
 “possumus.

A pag. 93. ad  
 99.

A pag. 99. ad  
 102.

Cicero pro  
 Archia Poeta.

Sequitur post hæc non dissimile argumentum de  
 malitia Expurgatorum sumptum: qui certè am-  
 plam segetem Querelis sobriorum cum Theologo-  
 rum, tum hominum cordatorum ministrarunt: Præ-  
 dentibus enim & oculatis longè suspectiorem quàm  
 tutiorem suam inde causam reddiderunt. Majo-  
 rem tamen animum quam vires hic sumpsisse V. D.  
 paucis demonstrabitur. Iphis etenim Expurgatori-  
 bus ad manum est purgatio; Veterum putà scri-  
 pta se non violasse, sed in Recentiorum duntaxat  
 animadvertisse. Illorum tamen Indices correxisse  
 non negant; non autem ipsos textus mutasse affir-  
 mant: quod maxima ex parte verum est. Quasi

Pag. 106.

verò inquit D. D. post Rivettum, Chamierum, Perchinsium & alios, *Diversus ab Indice textus, aut à Textu Index.* Quibus ego magnis licet Theologis, Quasi non esset, satis regero. Instanti autem D. D. viz. "Quæ ex Indicibus expurgantur, plerunque sunt ipsius autoris verba, v. gr. Athanasii, Augustini, Respondeo, Hoc pacto ipsos Autores vitari, nequaquam sequi. Sunt enim Indices non ipsorum tractatum pars quævis, sed appendicula ab alio, quam autore Operis, confecta. Indices autem grassatam esse Papistarum fraudem, res ipsa, Expurgatores ipsi, & ipse adversarius Prefator agnoscit dicens, *Quo tectior fuerit & excusatio eorum improbitas, injuriosi præcipue in Indices fuerunt; obelisco conspicientes quicquid Pontificiis erroribus repugnare videatur.*

Index Exp.  
Cardinal.  
Quirogæ  
pag. 267.

Pag. 119.

Quarti ordinis objecta de versatili genio, & versuto ingenio Papistarum, quibus eludere consueverunt Veterum contra ipsos testimonia, unde sequi videatur, nullius momenti fore aut usûs in controversiis dirimendis, ante hac tulerunt responsum; nim. argumentum esse nimium probans: quia pariter convellat omnem usum testium mortuorum, quos non minus vaftris deludere responsionibus possint ejusmodi Sophistæ; sint vel Divinæ autoritatis. His ergo expensis immeritò importuna hac ratione hunc Locum clausisse videbitur D. D. "Quisquis es, qui salutis tuæ doctrinam in Veterum libris investigare, tua referre in animum induxisti, ex hujusmodi Strophis Fallacisque, quas velint nolint in lucem protrahimus, disce quot & quantis curis, Veterum circa Sacra sententiam, ubi vel tantillum à suâ recedebat, oculis nostris subducere statuerint. Attende etiam, quàm ipsis facile fuerit, & nunc etiam fit, hac in re omnino

“nino suo more gerere, & apud testatue magnos  
 “conatus pares successus non defuisse. At quam  
 inanis ante victoriam triumphus hic fit, & con-  
 silium intempestivum, perspicient statim illi, qui  
 probè norant post toties saltem repetitum quæsti-  
 onis articulum, neminem scriptis humanis aut au-  
 toritate velle fidem suam subniti; sed solo Verbo  
 Divino: quod ut iis certius feliciusque succedat,  
 Divinis oraculis adjungunt Ecclesiasticam Traditi-  
 onem, non tamen eodem ordine; sed Doctorum,  
 Judicum, testiumque veritatis; Rectene, vel secus  
 ex iis Philosophemur: quod haud dubiè consequi  
 quivis Mediocriter exercitatus possit, multò faci-  
 lius quàm privato suo spiritu aut ingenio; quam-  
 vis detur plurima hîc quoque offendicula occurrere  
 solere; & præjudicia, quovis lectione non amoven-  
 da vulgari.

---

Caput



## Caput quintum.

Ratio  
quinta.

Non facile esse Patrum scripta intelligere, tum propter linguas & Idiotismos quibus utuntur, tum propter rerum explicandarum varietatem, Rhetorica & Dialectica artificii obscuratam, & impeditam rationem, tum quod plerasque voces alio, quàm qui nunc in usu est, sensu, usurpent.

**A**ntiquum hîc obtinens Dallæus, frustra se lectoremque fatigans, deludensque, factus est (ut Propheta habet) quod Ephraim, *Panis subcineritius qui non reversatur*: Altera scil. pars torrefit, alterâ argumenti sui parte crudâ & frigidâ manente. Unde enim tam inopes iudicii rationisque esse convincimur, ut non nisi edocente & demonstrante D.D. Homines fuisse sanctos Patres perdiscamus; & potuisse factis & dictis delinquere? Hoc potius viri tanti acumen desiderare videatur; ut doceamur, quòd, quia Veteres sancti, Homines fuerunt, Moderni doctores, sint licet Reformatissimi, & duces suorum Gregum, Angeli sunt; & à communi Labentium sorte exempti: aut quia isti possunt, solentque errare, Hi non possunt: His demum Scripturas suo more explicantibus fas sit auscultare, imò pene nefas non auscultare, illis autem superstitio, & sacri-legium.

Præterea, Quis hîc V. Clariss. non perdolet cæcam miseramque antiquos remordendi Libidinem, Scripturas ipsas atrocius morsibus istis lacerantis?

Præter

Præter enim figuras illas, & modos dicendi, quos Lingua Sancta unâ cum aliis habet, nulla Lingua plures habet Idiotismos, nulli authores plus Peregrinitatis habent auribus nostris dissonæ, quàm Scriptores Sancti. Quod quoniam cuivis satis sit notum mediocriter docto, odiosâ illâ operâ Instantiarum libenter nos subducimus. Qui dubius fuerit, adeat si placeat, Flacci Illyrici unius Tractatum De Gausis Difficultatum Sacrarum Literarum, ubi quinquaginta & unam inveniet causas obscuritatis Scripturæ. Vel sex Idiomata Sanctæ Linguae perpendat quæ Henricus Hortingerus notavit in suo Thesauro. Secundum solum hic proferemus, atque eò magis quòd non dubitem Rabbiorum mentem malè ab eo redditam, "Non egreditur Scriptura extra simplicem & "Literalem sensum. De quo sic Glossam facit Hortingerus. "Viderunt nempe illi sensum Scripturæ "(qui forma ejus est) non esse nisi unicum, literalem, "Grammaticum, Historicum: quod repugnat universæ Scholæ Rabbiorum, apud quos nihil crebrius auditur quam Allegoricus, & Mysticus sensus. Sin autem unicus esset tantummodo probandus Literalis sensus, quid obsecro fiet argumentis Evangelistarum & Sancti Pauli, qui rarius quidè secundum Historicum sensum Veteris Testamenti disputant? Si respondeatur cum Modernis nonnullis; Non esse diversum sensum, sed modum diversum tradendi eundem sensum: nihil aliud dicitur quam Literam quidem esse eandem, fundere autem varios sensus. Puto ergo mentem hanc fuisse Rabbini, Talem viz. Linguae esse rationem, & idiomata talia, quæ non patiantur eam in exteris traduci linguas, aut rotundè & plenè reddi. Quod Hieronymus non uno in loco affirmat, "Difficile est, inquit, Idiomata Hebrææ Linguae in Sermonem Latinum vertere: Un-

Flacc. Illyric.  
De Ratio  
Cognosc. Sa-  
cras Literas  
cap. 1.  
Joan. Croius  
Observ. ca. 34  
Hortingerus  
Thesaur. li. 1.  
cap. 2.  
Munster. Præ-  
fat. in V. Test.

Hierony.  
Quæst. in  
Genes.

Id. Episto.  
145, & 146.

de paulò post Barbaram illam appellat, "Nec mire-  
"mur, inquit, Barbaram Linguam suas habere pro-  
"prietates. Et alibi, sed quoniam hæ minutia, &  
"istiufmodi disputationis arcanum propter Barbari-  
"em Linguæ pariter ac Literarum legenti molesti-  
"am tribuant, &c. Siquis hîc ad singula descende-  
rit, quæ speciem in Historicis Contradictionum ha-  
bent, in Metricis tentata, potius quam comperta  
sunt summè eruditis (utut Ludovicus Capellus ja-  
ctet se metrorum Hebræorum accuratam rationem  
habere) quæ in Propheticis involuta sunt, quæ in  
Evangeliiis Parabolis ornata, & in Epistolis divinis,  
figuris & Prosopopœis variegata sunt, facile experie-  
tur Scripturas tam Humanis, quàm Ecclesiasticis  
scriptis perspicuitate cedere. Plus quam viro pru-  
denti aut Theologo sobrio, aut denique Critico pe-  
rito satis esset, quod à Ludovico Capello præstitum  
sit in eo genere.

Dallæ. p. 280.

Lege Irenæ-  
um, lib. 3. c. 7.

2 Corin. 11. 6.

Neque quid causæ sit, quare succenseat Hierony-  
mo hîc Dallæus, video: quod sæpe inculcat, "Pau-  
"lum Hebræum ex Hebræo profundos sensus alienæ  
"linguæ exprimere non valere, solocismos in verbis  
"facere, non posse Hyperbaton reddere. Nam quis  
susplicari debet Apostolum ex animo non locutum,  
quum ipse de se scribat, *Sermone* (h. e. Græco) *imperitum*  
*se fuisse*? Unde manifestum est cupiisse sibi Comites  
Evangelii prædicandi Græcis adjungi, qui linguam  
istam optimè callerent. Hinc Hieronymus in verba  
illa, Epist. 2. ad Corinth. "Non habui requiem, &c.  
sic scribit: "Ergo Paulus valesfaciens Trojanis, sive  
"Troadensibus profectus est Macedoniam, ut inveni-  
"ret sibi Titum, & haberet Interpretationis Evan-  
"gelii solatium. Quanquam enim Divino Lingua-  
rum munere instructus esset pro re nata, & impellente  
Spiritu mirabilia Dei variis sermonibus eruere po-  
tuit,

ruit; Dona tamen ista non ad modum naturalium principiorum pro libitu habentium, sed ad placitum Donantis operari, certum ex Scholis est: Propter ordinariam ergo Evangelii dispensationem, Interprete opus fuisse Apostolo, probabile est admodum, nec immodestæ Sanctum Hieronymum meritas Dallæo dare poenas, debere.

His vero in tergum rejectis propius accedat sermo noster ad præjudicia D. D. Sint autem duum generum: viz. Peccata Grammatica, & Logica; Loquendi, & Disputandi. De priore sic post Rivettum nos præmonet: *Ad Veterum libros probe intelligendos imprimis est necessaria linguarum, quibus scripti sunt, Græcæ scil. atque Latine, accurata cognitio.* Solis scil. Patribus legendis atque intelligendis hoc pernecessarium est; non verò pariter omnibus Philosophis, Rhetoricis, Mathematicis, maximè verò omnium, Poetis, & Scriptoribus divinis: Porro, Quis constituit quemlibet Judicem, vel ignarum Literarum? Paucorum quidem ex Doctis id muneris est, sive ex Doctoribus Ecclesiæ sive Scripturis; Tum demum doctum satis erit vulgus, quando noverit doceri, & regnabit, quando parere. Quod Hilarius innuit, ubi tres linguas (quot scil. titulus Christi Crucis præferebat) à studioso Divini verbi postulat. *Mysterium voluntatis Divina & expectatio beati regni tribus istis linguis erat annuntianda.* Augustinus asserens tres istas linguas suffecisse ad scripturas intelligendas, monet expedire saltem accedenti ad illas ne *ἀναστέλλω* iis sit. Veterum nulla fere in usum pervenerunt opera, quæ Linguâ Latina & Græca non complectantur: Neque quæ duabus istis originariè extant, habemus. Et quemadmodum diffuescentibus Linguis in quibus primùm Scripturæ exaratae fuerunt Hebræa, Græcæque, erant qui sensum earum commoda interpretatione ig-

naris impertirent, ita teste Epiphanio in solatium & ædificationem populi introductus est ordo in Ecclesiam Ministrorum, quos ille ἱερὰς τῆς γλώσσης εἰς γλώσσαι, ἢ ἐν ταῖς ἀναγνώσεσιν, ἢ ἐν ταῖς περὶ σομίας nuncupat, h. e. Interpretes linguæ in Linguam, sive in Lectionibus, sive in Homiliis: quod hodie quoque fit providentia Divina & Eruditorum industriâ; fere omnibus Græcis Latinè loquentibus, imò plerisque vernacula lingua cujusque gentis Christianæ, perlectis.

Ab hoc autem loco, malevolo equidem revertitur animo Dallæus ad præteritum: & suprâ jugulata novo Spiritu animat. Nam Recentiorum vitia (si qua sunt) Veteribus affigit longâ operâ. Ruffinum enim, Pameliū, Baronium, Christophersonum, & alios pessimâ fide Patres tractasse ostenditur. Hoc cine autem vitio vertendum ipsis est? Dicet fortasse quis, Et Patres ab ipso obscuritatis & ambiguitatis postulat: quod manifestò patet ex Cardinali Perronio, verba Theodoretī Transubstantionem destruētia, pro ea contorquente. Quasi verò ingeniis nodum in Scirpo quærentibus tutum quicquam esse poterit. Amphiboliæ enim (teste Quintiliano) innumera sunt species, adeo ut Philosophorum quibusdam nullum videatur verbum, quod non plura significet. Rectè enim Chrysippus apud Aulū Gellium dixit, *Omne verbum suâ naturâ ambiguum esse*: quoniam ex eodem duo, vel plura accipi possint: licet Diadoro cui Crono nomen erat nullum verbum esse ambiguum placuit, nec quenquam ambiguum dicere, aut sentire. Quam Philosophorum Discordiam ab ipsa Ortam ambiguitate, suspicio. Verbi enim in nobis nulla est ambiguitas, Vocabuli autem ut in se est spectati multiplex acceptio esse possit. Unde optimè huc faciunt quæ Doctissimus Ridleius contra Papistas observavit. “Me minimè latet ni-

“hil

A pag. 122.  
ad 131.

Pag. 129, 131,  
132, 133.

Quintilian  
lib. 7. Orat.  
Instit. cap. 9.

Aul. Gellius,  
lib. 11. cap. 12.

Ridleius De  
Coeni Dom.  
pag. 74.

"hil tam apertè tam integrè vel dici vel scribi posse,  
 "quin callida & fucata oratio eidem non dico tene-  
 "bras offundere, sed aliâ atque alia formâ induere  
 "queat, quod à quibusdam pro suo qualicunque in-  
 "genio & eloquentia, quibus tamen se palam vendi-  
 "tant, factum videmus, ut & oculorum & aurium  
 "sensum rudioribus adimerent, adeo ut nec auri-  
 "bus persentiscere; nec oculis cernere illis liceat,  
 "quod nihilominus ab ipsis autoribus clarius scri-  
 "ptum est, quam ut lippos & tonsores, quod dici so-  
 "let, fugiat quod in hac re retinendum sit. Quod  
 nequis putet Ecclesiæ solis doctoribus contigisse, au-  
 diat quod Panstratiastes Chamierus nescivit de Scri-  
 pturis dissimulare; "Aliquando ita contexta sunt  
 "ejus loci vocabula, ut varium sensum propter ho-  
 "monymiam vel amphiboliam pariant. Quædam  
 "ex ignoratione morum rituumque Antiquorum fa-  
 "cta sunt obscura: Et in eo Lutherus quid sentiat  
 de Scripturis: "Hoc sane fateor, Ecce multa loca in  
 "Scripturis obscura, & abstrusa, non ob Majestatem  
 "rerum, sed ob ignorantiam vocabulorum & Gram-  
 "maticæ, sed quæ nihil impediunt sensum omnium  
 "rerum in Scripturis necessariarum—— Stultum  
 "autem & impium est scire res Scripturæ omnes in  
 "luce clarissima positas, & propter verba obscura  
 "res obscuras dicere. Hæc de Veterum scriptis  
 possintne responderi, vel secus, arbitrium sit apud  
 authorem Argumenti. In confesso tamen est nobis,  
 Patres, inclinante in deterius Linguae Latinae puri-  
 tate, plurimis seorundem sæculorum phrasibus delecta-  
 tos, non servatâ vetustiore loquendi formulâ, sed no-  
 vâ affectatâ. Hujus tamen generis admodum pauca  
 habemus à D. D. hic notata. Joannes autem Fi-  
 lesacus multo plura animadvertit, & in sciorum  
 & superstitiosorum gratiam justo commentario illu-  
 stravit;

Chamier.  
 Panstrati.  
 To 1. lib. 15.  
 cap. 4. Sect. 6, 7.

Joan. Filesa-  
 cus Selectio-  
 rum, lib. 1.  
 cap. 14.



Pag. 137.

Sen. Epist. 95.

Origenes  
contra Cel-  
sum. lib. 1.  
Clem. Alex;  
Strom. lib. 5.

Basil. M. De  
Spiritu Sanct.

Isaac Casau-  
bon. Exercit.  
16. nu. 43.

stravit; quem Lector, si placeat, adeat.

De illo proxime dispiciendum, "Quod interdum  
"student Veteres animi sui sensus penitus occultare,  
"vel saltem ostendere non nuda, & aperta in clara  
"luce, sed objecto ut dicam velo, & quidem aliquan-  
"do satis denso, ita ut non nisi Lynceis oculis sit  
"pervium. Consultò factum hoc esse aio. Omnia  
enim Religionis mysteria quibuslibet Christianis sta-  
tim non esse prodenda, cum Seneca existimo: "qui  
"Sanctiora Sacrorum (inquit) tantum initiati sci-  
"unt: ita in Philosophia arcana illa admixtis & re-  
"ceptis in Sacra ostenduntur. Habuerunt enim

Gentes λόγους ἱστορικὰς & ἱστορικὰς, teste Origine contra  
Celsum, qui Christianis hoc quod Bonus Dallæus,  
objecit. Rationem autem reddit Clemens Alexan-  
drinus Consilii tam Ethnicorum quam Fidelium se-  
moventium mysteria religionis à vulgi conspectu,  
τὰ κέλυμνα κέλυμα τῶν λαϊκῶν ἀπέσται. h. e. Tegumenta sunt  
impedimenta Laicæ incredulitatis. Cui suffragatur

Basilii M. τὸ ἥ ὅς τις τυφλὸς εἴηται τὸ τῆς σωτηρίας μυστήρια καὶ  
πάντας ὁμοίως παραδέχεται τὸς μὴτε βίῳ καὶ θάρσει μὴτε λόγῳ ἐξετασμένων  
καὶ ἀκριβοῦς κριτικῶν, ὅμοιον δὲ τοῖς ἄλλοις οἷς ἐν ἀγῶνι τὸ βυβαῖον τὸ  
πολυμήμον μύσας ὑμῶν ἀλλοῖς. Rectè utique Eruditissimus

Casaubonus Hodiernos vulgi palpones Ministerculos  
ferit, "Qui officio suo nunquam se satis fideliter de-  
"functos putant, nisi gravissima quæque arcana sa-  
"pientiae Dei cuius ex ima facie Populi exposuerint,  
"nihil reveriti τὸ ὅτι αὐτοὶ διδασκαλοῦσιν. Quod ergo (ut  
cum Comædo loquar) Ille maledictum vehemens esse  
existumat, Eam laudem hic ducit maximam. At quomo-  
do controversiæ ex his nubibus clarescant? Respon-  
deo, Nubes quidem indoctis, sed Lux eruditis satis  
clara erit. Et ego nullo modo Plebeculæ sciolæ esse  
putem judicare de iis, sed iudices etiam vivos sequi  
apertâ non contranitenti Luce Sacrosanctorum Scri-  
ptorum.

ptorum. Nulli Genti Veteres quàm Græcis religiosius coluntur : ipsi tamen cavendum maximè tradunt usum eorum imprudentem & temerarium. Unde Nicetas Bizantius sobrium admodum Consilium Viro cuidam Clarissimo dat.

Nicetas Bizantius pro Synodo Chalcedon.

Πολλὰ δὲ (inquie) τὰς πατέρας οὐκ ἔχοντες χρῆσθαι, ἅτοι κατὰ μεταφορὰν, ἢ ὁμοιοπαίαν, ἢ ἀντιφράσιν ἢ ἄλλως πῶς ὅτιν ἔχουσιν λέγοντας, καὶ ἢ μόνον τῶν, ἀλλὰ καὶ αἱ θεῶν γέγραπται, καὶ ἡ (καὶ ὅσα ἄλλα τὰ δόγματα μετατρέχει).

viz. Quoniam multa invenire est à Patribus catachresticè, vel Metaphoricè, vel equivocè, vel per contrarium, vel alio quovis modo dicta: Neque ab istis solummodo, verum etiam & Divina litera istiusmodi transmutationes habent. Hoc quoque argumentum fusius pertractatum ab Eulogio Alexandrino; apud Photium legere est. Nemo autem vel Antiquiorum vel recentiorum propter hos naves (siqui dicendi) ablegandos Patres Sanctos aufit affirmare, ante seculum unum, aut alterum novissimum. Viderunt scil. Majores nostri præter rei improbitatem, & moris hujus immodestiam, unâ tam divinos quàm humanos authores eodem pugione confodi.

Photius Biblioth. num. 225.

Atqui non fortassis mentio obscurior, sed Studiosa (inquie) reticentia eorum quæ ad Hodiernas Controversias spectant; De Eucharistia, De Confirmatione, & aliis Christianorum sacris cæremoniis. Meminisse oportuit Virum D. eorum quæ paulo superius recte tradidit, *Sapientes quam minimum possunt dubia in religione morvent.* De Eucharistia autem satis supradictum est. De Confirmatione autem, an conticuerint penitus, Ipse sit testis qui Libellum ea de re scripsit: item contra ipsum, Doctiss. Hammondus, Libello de Confirmatione; & præterea complures Veteres; adeo ut videatur potius negare Patres ad mentem suam aut palatum, quàm simpliciter scripsisse de Confirmatione. De Cæremoniis quoque satis

Pag. 137.

Pag. 133.

tis

tis quam velint Hodierni plerique ediderunt, sed parum fateor, aut nihil ad cor eorum: Ita autem valgo comparatum, ut quæ pro nobis dicta non sunt in dicta habentur.

Pag. 133, 139.

Jam vero post communem aliis Patribus, ad singularem pugnam cum Epiphanio descendit V. Doctus, nisi enim ceciderit Epiphanius, stare nequeat Papismus Genevensis: & nisi in vitam revocetur Patriarcha Disciplinariorum Acrius, quem extinctum multis jam sæculis elapsis vidimus manu Epiphanii, nova Presbyterianorum Dynastia Ecclesiæ Dei imperitans æternâ nocte obruetur, cum suo primo Autore. Hinc illa simplicitas, hinc inscitia, hinc Credulitas Epiphanio exprobrantur. "Fuit (enim inquit) Vir  
"ille Sanctus sed Grammaticæ rudis admodum &  
"Rhetoricæ: ut satis apparet ex ejus Operibus, in  
"quibus non solum rationis nitorem, sed etiam Syn-  
"taxim & periodorum structuram, orationis omnem  
"lucem desideres. Et aliud agens, Epiphanius ve-  
"rò (inquit) ut ingenio erat simplici & aperto, & si  
"dicere licet incauto, & nimis credulo, sic acer fuit  
"& vehemens in iis omnibus retinendis, quæ sancta  
"esse & vera in animum induxit, ideoque facilius  
"abreptus ad multa admittenda, quæ ut semel susce-  
"perat, non facile dimittebat, sed retinebat mor-  
"dicus. Petavium priore parte iniquæ censuræ  
"imitatum fuisse D. D. crediderim; apud quem haud  
"dissimili nota inuritur, quod (sat scio) quasdam  
"Pontificias superstitiones, ut & Presbyteriales con-  
"fodit. Acrem fortassis, & non minus æquam tulit  
"sententiam in ipsum Petavium Vir Doctus, scil. mi-  
"nus summâ expectatione ipsum præstitisse in Com-  
"mentariis in Epiphanium: Quod ni fallor sobrius &  
"cordatus experiatur Lector, dum redundare quidem  
"in Locis quibusdam communibus inveniet, in arduis  
autem

Pag. 172.

Montacut. in  
Episto. Photii  
Annot.

autem & obscuris sibi cavere, & lectorem dimittere suspensum. Acrior vero an verior sit illa Eruditissimi Croii de Editione ista Petaviana Epiphaniî censura statuatur alii: *Mille, nim. eam scelerè mendis, & diligentiore & doctiore manu indigere.* Magis me fateor moverent quæ de eodem Patre dicta sunt ab Erasmo nimis asperè, nisi fere morem fuisse docto illi Viro animadverterem, ubi proponit sibi laudibus evehendos antiquos à se editos, non putasse satis se suo instituto fecisse, nisi adversarios, aut æmulos, si quos haberent, aliquanto dejiciat. Hinc fit, Chrysostomum commendanti, dicitur Epiphanius parum eruditus. Quando autem Basilius ederetur ab ipso, Chrysostomus dilutus & verbosus præ illo audit. Ad Hieronymum item præfatus subsidere cogitur Augustinus. In Libros autem ejusdem præfatus, tantum non ad cælos attollit. Plus verò ponderis apud me habet Sancti Hieronymi Elogium, qui non solum Grammaticum sed Pentaglottum fuisse scribit, non uno in loco; item Suidæ, qui Epiphanium Legi à doctioribus propter res, à sciolis autem propter verba. Recentiorum autem Angelus Caninius non modo Sanctum, sed Sanctissimum, nec Sanctissimum solum sed doctissimum laudat. Quibus concinit Maldonatus, contra Dallæum toto cælo. Qui sic scribit, *Si antiquitate res dubia finitur, Origenes vincet; si judicio, diligentia & gravitate testium, Epiphanius; vir Eruditus, & minime levis ad credendum ingenii.* Denique Casaubonus virum judicat Sanctissimum Epiphanium fuisse, & ea retulisse in literas quæ certa fide essent comperta: Nec verò vel ignorem vel dissimulem Jacobum Capellum credulitatis nimie Epiphanium fuisse ea in re de quâ Casaubonus, affirmare. Quis autem mores Censoris D. D. patienter tulerit, qui Veteres utrinque lancinat? Nunc enim inido-

Q

neos

Observat. in  
Nov. Testam.  
cap. 19.

Erasm. Præf.  
Lat. in Chryf.

Hieronymus  
Advers. Ruf.  
fin. lib. 1. ca. 3.  
Item De  
Scripto Ec-  
cles.  
Angelus Ca-  
nin. de Lo.  
No. Testam.  
cap. 2.  
Maldonat. in  
cap. 14 Lucæ.

Casaubon.  
Exercitat. 13.  
num. 22.

Jacob. Capel.  
in Vindiciis  
pro Casaub.  
lib. 1. cap. 4.

Epiphanius  
Hæres. 31.

Pag. 140, 141,  
242.

Antonius An-  
dreas Com-  
ment. in lib. 7.  
Arist. Meta-  
phys.

neos arbitros in Causis Religionis statuit, quod ni-  
mum Rhetorizantur: Nunc vero quod elegantuli  
non sint: quum ipse Epiphanius suum institutum  
simpliciter exponit, Orationem scil. secundum artem  
comptam ipsi non fuisse curæ, sed beneficium legen-  
tium.

Quoniam vero parum tanto animo fuerit unum ju-  
gulasse Patrem, extra ordinem & institutum, Ter-  
tullianum, Hilarium, & Chrysostomum cum aliis non-  
nullis percellis Vir. D. de quibus post hinc proprius  
dicendi locus erit. Superest ut hic alterum Excep-  
tionum caput breviter exequiamus, quo V. D. à mo-  
do loquendi ad modum disputandi Veterum, transi-  
ret, nisi tam sterilem agrum versaret, ut nihil prius  
aut posterius exagitandum reperiret, nisi æstum dis-  
putandi talem fuisse Patribus, ut arriperent quasdam  
occasionem aliud quam oportere, dicendi, quam ca-  
villationem non dubitem, quin à Cardinali Peronio  
mutuatus sit, ut multa alia. Falsam autem omnino  
esse hanc accusationem illi soli ignorant, aut defi-  
cientes, qui post inculcatam Dallæi monitionem, nesci-  
unt Patres homines fuisse. Humanum enim hoc  
modo errare, esse, vel argumento esse possit, sum-  
mum illud Sophistarum flagellum Aristoteles, cui  
vehementi sophismatum everfori, morem fu-  
isse, testatur Andreas fidus comes & interpret e-  
jus, quod dum pertractat materiam aliquam dis-  
putando, non solum reddit rationes probabiles, &  
necessarias, sed etiam sophisticas. Et, si quod res  
est liceat aperte proferre, nunquam me legisse me-  
mini vel Theologum, vel Oratorem, vel Philoso-  
phum, qui sit Antiquus, sit modernus, proluxa ora-  
tione vel veritatem defendens, vel errores damnans  
veris argumentis non interdum admiscuerit fallacia;  
semper

semper tamen excipere soleo Scriptores *divinos*, & solatii quidem & spei nonnihil erit comites Patribus hoc infortunio adjunctos esse Protestantes charos nihilominus D. Dallæo: *Qui* (fatente ipso) *Inanes & evanidas illas figuras quas Romani Sacramentarii, nescio quibus commentitiis, tribuant à se ampliant, & ita incedunt agunt ut prima fronte videri possint, Eucharistiam* quam vocant, realitatem, statuere. Imo his ipsis verbis reprehensor, & Magnus noster Literatorum Censor, haud recte stetit. An enim unquam sic auditum apud Pontificios, aut Protestantes, ut quis in questione vocaret Realitatem Eucharistiae? An quis utriusvis partis Theologus statuerit unquam fictam Eucharistiam vel imaginariam tantummodo celebrari? Credo ergo & debuisse, & velle potius ipsum dixisse Realitatem Corporis & sanguinis Christi in Eucharistia; Fortassis autem & ipse Figuræ locutus est Dallæus; Rogamus ergo ut idem per ipsum liceat Veteribus.

Pag. 147.

1118 R  
1118 J

Ad ista denique quæ hoc claudunt caput, ubi queritur Vir Doctus, multa instituta, & consuetudines tam sæculares quam Ecclesiasticas fuisse jamdudum mutatas, & significationis quoque verborum variationem non parum conferre ad difficultates, quas in legendis & intelligendis Patribus offendimus, puto non opus esse ut multa respondeantur, quandoquidem singula perscrutanti (quod nobis festinis, & superflua fugientibus non licet) satis erit perspicuum, non de doctrina hic agi, nedum Fide Ecclesiæ, sed de Ritibus, qui si temporis diuturnitate exoleverint, si pro potestate Ecclesiæ à Christo commissâ vel sensim desinere sunt passi, vel sprete, parum admodum ad controversiam facit, cum eorundem, si quis fuerit hodie ignarus, tuto sit ignarus.

Pag. 148, 149



Caput sextum.

Ratio  
sexta.

*Patres saepe quae ipsi credunt tacere, & quae non credunt, dicere; seu aliorum nomine tacito referant sententias, ut in Commentariis, seu contra adversarios disputent, ubi nihil non adhibent, quod ad argumentum suum faciat, seu ad caput Auditorum se accommodant, ut in Familiis.*

**I**mperfectam hanc & valdè inartificiosam Scriptorum antiquorum partitionem, suprà non indebità percussimus censurà. Ne autem de futuro securè agamus, quid nobis Veteribusque in posterum sit metuendum, discere fas est ex his Dallæi verbis. “*Vidimus quantum tenebrarum in Scripta primi & secundi ordinis inferant ornamenta Rhetoricæ, quantumque obscuritatis Dialecticæ trica, & acutmina in Scripta postremi generis offundunt. Videmus jam an, cum Patrum Sermones ex illa caligine eduxerimus, eorum sensa accuratè perceperimus, certò tandem constituere liceat quæ fuerint eorum sententia. Negat, ut æquum est, pro ratione instituti Vir Doctus nos posse clarè sensa Veterum percipere: Maximum sane præjudicium, nisi minimo argumento fundaretur. Unus namque Hieronymus satis quidem prolixè, minus autem fideliter in thesim confirmandam assertur. Summa huc redit. Tradit Pater ille consuevisse Commentarios Alterius dicta edisserere, & quid alii sentiunt, quam quid sentiendum sit, docere: quam valdè miram esse* Com-

Commentandi rationem censet D. *Quid enim certi* (inquit) *Quid comperti haurire lector possis ex hujusmodi variarum opinionum in acervum ita congestarum, sarragine?* Quibus Ego, è converso; Quid non certi & comperti hauriat Lector ex vario isto delectu? Quare insuper, quod Recentibus tandem licuit, Antiquo Patri nefas sit? Quod Munsterus fecit nuper, Hieronymus non olim fecerit? Ille autem consilii sui rationem apertè sic prodit. *Consulimus ob id in Pensateucho ex Hebrais Scriptoribus Chaldaum interpretem R. Salam; D. Kimhi. Aben Ezram R. Menahem, Abraham Hispanum, &c. & quosdam alios: & cujus expositio in obscurioribus locis nobis commodior visa fuit, hunc secuti sumus. Recitamus etiam non raro quid ipsi sentiant, suspendentes judicium nostrum, & lectori suum liberum permittentes, &c.* Audiat D. Dallæus quam iniquus sit in Veteres & recentes ex ipso Hieronymo præclaro suæ & Veterum consuetudinis vindice: Imo ex eo loco quem citatum ab ipso videmus, nisi majore astutiâ, quam fide visum ipsi esset è medio hæc verba tollere, & capiti caudam orationis connectere; quo Patrem suo gladio conficiat. “Mos (inquit) in Commentariis, & illis, & aliis nostram & aliorum sententiam explicare, Apertè confitentes quæ Hæretica quæ Catholica. Operæ item pretium erit quo conspectior sit cunctis dolus Dallæi, Patrem eundem fufins hac de re alibi tractantem, & cavilla hujusmodi abunde dissipantem; audire, Epistolâ ad Minerium & Alexandrum (ita enim habent Codices vulgati, malè tamen, si Joan. Croiq credamus, & hic & in Præfatione ad Malachiam. Malè quoque restituunt quidam Numerium. Verum enim hujus viri nomen est Minervius: quod nos ipse Hieronymus docet, Præfat. in Lib. 3. Comment. in Amos) hoc modo: “Si

Sebast. Munster ad Lectorem ante V. Testam.

Hieronym. Adversus Ruffi. lib. 3. cap. 3.

Hieronym. Epist. 152.

Q3

“ expli-

"explicationes legam, quorum dogmatibus non ac-  
 "quiesco, sciat me illud Apostoli libenter audire,  
 "Omnia probate, quod verum est tenete. Et Sal-  
 "vatoris verba dicentis, Estote probati nummula-  
 "rii, ut si quis nummus adulter est, & figuram non  
 "habet, nec signatus est moneta publica, reprobe-  
 "tur, qui autem Christi faciem claro præfert lumine,  
 "in cordis nostri marsupium recondatur. Ego in a-  
 "dolescentia, & in extremâ ætate profiteor & Eu-  
 "sebiu, & Origenem viros esse doctissimos, sed  
 "errasse in dogmatum veritate, quod etiam de  
 "Theodoro, Acacio, Apollinario possumus dicere;  
 "& tamen omnibus in explanationibus Scripturarum  
 "sudoris sui memoriam reliquerunt. In terra aurum  
 "quæritur, & de fluviorum alveis splendens gla-  
 "rea: Pactolusque ditior est coho, quam fluens.  
 "Cur me Lacerant inimici mei; & adversus silen-  
 "tem Crassæ suæ grunniunt? Meum propositum  
 "est, antiquos legere, probare singula, retinere quæ  
 "bona sunt, & à Fide Catholicæ Ecclesiæ non re-  
 "cedere. Hæc ex ipso Hieronymo, quæ quantum  
 "Dallæo faveant, aliorum esto iudicium. Haud di-  
 "versum autem Augustino animum ab Hieronymo fu-  
 "isse de variis interpretibus Mosaicorum verborum in  
 "Genesi, ipsius suadent dicta: "Jam vide quàm stul-  
 "tum sit in tanta copia verissimarum sententiarum  
 "quæ de illis verbis erui possint, temerè affirmare,  
 "quam earum potissimum senserit Moses, & perni-  
 "ciosis contentionibus ipsam offendere Charitatem,  
 "propter quam dixit omnia cujus dicta conamur ex-  
 "ponere? Et postea haud dissimiliter: Sensit ille  
 "[Moses] omnino in his verbis, atque cogitavit,  
 "quum ea scriberet, quicquid hic veri potuimus  
 "invenire, & quicquid nos non potuimus, aut non  
 "dum possumus, & tamen in iis inveniri potest.  
 Adhuc

August. lib. 2.  
 Confess. ca. 25

Idem cap. 31.

Adhuc luculentius etiam, rem præsentem aperit idem Pater Epistolâ 59, dicens, "Utile est ut obscuritas Idem Epist. 59  
 "tibus Scripturarum quas exercitationis causâ Deus  
 "esse voluit, multæ inveniantur sententiæ, quum  
 "aliud aliâ videtur, quæ omnia sanæ doctrinæ con-  
 "cordant. Prætere hîc quæ facile hæc possunt ad-  
 "duci ex iis aliisque Patribus, quia levi ratione nulla  
 longam refutationem adhibere, non tam satietatem,  
 quam nauseam pariat Lectori. Nam eodem redeunt  
 quæ sequuntur inculpationes hæc, 3<sup>a</sup> Patres (quod rei Dall. pag. 152.  
 "caput est) nullo discrimine, jejunis, imo quando- 153.  
 "que periculosis, & ex autoribus susceptis infamia-  
 "que apud Ecclesiam laborantibus, desumptis ex-  
 "positionibus commentarios suos refertiunt. Pu-  
 ratne autem Dallæus Patres illico renasci pueros,  
 quodd, quoniam ex Didymo, Apollinari, commenta-  
 rios ornârunt, absque iudicio, aut ratione nugæ  
 cum rebus sanis, paleasque cum frumento absque  
 discrimine congesserint? Quid, quæro, in causa  
 fuerit, quo minus cautè legerent, vel magis temerè  
 abuterentur Veterum scriptis, quam ipse Dallæus  
 Papistarum, & præsertim Peronii, cujus labores de-  
 floravit plurimùm, nulla sæpe hominis facta menti-  
 one? Taceo interim hoc ipsum argumentum (uti a-  
 lia plurima) à Rivetto desumptum: Non enim ne-  
 gaverim Patres pariter multa transcripsisse à majori-  
 bus suis, tacito eorum nomine, rarò tamen absque  
 nota discriminis; quæ si forte defuerit, non verear  
 laudata tribuere Citantibus, ac si ex proprio animo  
 fluere. Unde puto vires hujus fictæ difficultatis  
 omnino frangi, & sequentis quoque: Quodd enim  
 in alio genere offenderunt Veteres scil. Homiliis, vi-  
 dendum, pene dixerim ridendum. Quæritur enim  
 hîc, An hîc certi esse poterimus ipsos ex animo loqui, lin- Pag. 155.  
 guam non alienam, sed suam sententiam exponere? Re-  
 spondetur.

spondetur. Vel posse nos, vel non posse. Si prius steterit, cadit penitus quæstio: sin non possumus, deputanda sunt ipsis quasi autoribus & suffragatoribus, quæ tam recte traduntur. His vero quæ ad augendum dubium ex Peronio (uqi solet) traxit huc Dallæus, de Allegoricis sermonibus Patrum, de Eucharistia coram Catechumenis, supra respondimus: & præterea extra oleas dicta hæc esse perspicuum est, & importune.

Pag. 158.

Quam feliciter & ingenuè in ultimo ordine, scil. Polemico genere scribendi Veterum se gesserit Vir Doctus, & ardore disputandi, quem hic rursus jugulat, penes Lectorem sit, cujus palato sæpius repetita arriserint.

Hic enim superioribus nihil additur præter satis protritam similitudinem hanc, "Quemadmodum  
"quum quandoque accidat ut aqua sursum ascendat  
"quo spacium quod alioquin futurum esset vacuum,  
"repleat, non ideo motum eum naturalem seu usitatum esse inferes; idem Patribus in disputationum  
"angustiis versantibus accidit, ut vitandi, ut ita dicam, vacui cujusdam, à quo sibi metuebant, gratiâ, motum suum naturalem, genuinamque sententiam nonnunquam omitterent, & in contrarium  
"tantisper concederent, dum se expedirent. Hac profectò comparatione mihi potius nomen & autoritas Veteribus conciliari videntur, quam detrahi. Quis enim de re quapiam putârit judicandum potius ex fortuitis, quam necessariis, vel actibus præternaturalibus, & non ingentis? Naturale autem hac imagine statuit D. Patribus debitum ordinem motumque tenere, secus verò in errores exorbitare. Omitto autem deceptum hic fuisse (me saltem æstimatore) in Philosophia, quia minimè rem nostram spectat. Primo enim contra vulgus Peripateticorum asserendum

afferendum est, nihil eorum quæ quovis modo ad terrenum hunc nostrum orbem pertinent suâ naturâ leve esse: h. e. propria virtute in supera loca tendere, non ab alia vi pulsum à sede inferiore, quam suâ natura quicquid mundi terreni naturæ particeps est, occupare cupit. Deinde, Nihil finis intuitu, (ut ita loquar) movetur è loco, sed impulsu causæ Efficientis. Quærenti enim, Quare huc vel illuc corpus movetur quodpiam, valde crassè & ineptè respondebit, propter hunc finem, qui dixerit; & causam impulsivam tacuerit. Quid ergo accidat D. D. ut triumphos hic ante victoriam agat, me omnino latet. *Nihil Patribus inconstantius, & frequenter idem laudare & damnare, edificare destructa, & destrungere edificata, quod autore Hieronymo hebetum est.* Calumniæ autem pessimæ argumentum simile fabricatur ex verbis unius Hieronymi, quod alicubi proficiscentes Hierosolymas laudat, alibi verò, condemnat; quod & Nysenus quoque commisisse, hic dicitur: iniquè utrobique. Peregrè enim proficiscentes animo prudenti, pioque, nunquam non laudant, h. e. affectuum excitandorum causâ; in quo ab illis minimè me habent dissentientem. Montacutium autem nostrum plenis velis in eam sententiam se transvehentem, “Quod magnus ille Patriarcha Jacob de loco suæ nocturnæ quietis dicebat; *Hic locus est Bethel Domus Dei*; “multo ego magis de Natali Servatoris usurpem, in “quo factus Emanuel *ἰσαῦανος ἐν ἱερὺ* Palestinam licet pollutissimam propter inhabitantium enormia “peccata, hanc tamen ipsam ob causam, Jesu Christi *ἱεραγῶν*, non immerito solemus Terram Sanctam “appellare. Non quòd sanctitas ulla locis adhærescebat jam prophanatis. Non quòd debeatur loco cultus aliquis specialior, ne quidem reverentia, “vel respectus nisi relativus; sed propterea quòd

Ibid.

Montac.  
Origin.  
Par. 1. Sect. 40

R

“cum



“ cum gratissimis animis recolere debeamus Dei Opt.  
 “ Maximi collata in nos beneficia, multò efficacius  
 “ id, quicquid est officii, præstamus, cum mentem,  
 “ oculos, digitos intendere ad memorias eorum præ-  
 “ sentes possumus, & quasi singulos actus ad sua  
 “ momenta temporum, per circumstantias rerum,  
 “ locorum distantias intueri. Hoc ipsum erga Pau-  
 “ lam suam observat Hieronymus. Damnant verò  
 è contrario superstitiosulos illos qui *fucò* Religionis  
 exterius illiti, vel in exterioribus operibus pietatem  
 constituentes, Pedibus potius quam affectibus cælum  
 versus tendunt: & præcipuum Religionis opus con-  
 sectum putant viâ Naturæ, non Gratiæ, quod imma-  
 ne sanioris omnis pietatis vitium sequiores Christia-  
 nos vana fide & opinione delusit, perdiditque. Quæ-  
 nam autem hic contrarietas oculi invidia læsi soli vi-  
 dent.

Quis verò non facile unius Adami Jesuitæ, qui  
 cum Puritanis (ut multa) hic quoque cupit ita rem  
 Religionis & Ecclesiæ dispositam, ut nemo impune  
 vel ex Sacris Literis aliter sapiat, quam ipsis placu-  
 erit Jesuitis, opinionem contempserit? qui Veteres  
 nunquam non crepant, suis tamen moribus & legi-  
 bus vivunt: nec ferunt Augustini sententiam aliter  
 quam ex suis ipsorum libris (quos Præsentis etiam  
 Ecclesiæ vocem statuunt esse) recipiendam. Illud  
 demum cautius oportuerat dictum à Viro Docto Pa-  
 tres de ponte dejiciendos, quòd personarum obscurâ  
 varietate opera eorum scatent, nisi mallet S. Scriptu-  
 rarum autoritatem infringere, quam illorum pati,  
 vel complurium autorum humanorum, quibus hoc  
 genus scribendi est usitatissimum. In his Ludovicus  
 Vives quondam observavit offendere plurimos incau-  
 tiores Lectores, “ Qui quicquid à Terentio aut aliis  
 “ Comicis, aut Tragicis, quicquid à Platone & Cice-  
 “ rone,

“rone, & aliis qui dialogos scripserunt, literis est man-  
 “datum, eam putaverunt auctoris esse sententiam, quā-  
 “cunque inducta personā: nec saltem admoniti non  
 “ea Job sentire, quæ loquebantur socii, nec Solo-  
 “monem aut Davidem, quæ personā stultorum &  
 “impiorum dicuntur. In quem errorem miserè est  
 prolapsus non obscurus inter Schismaticos Minister  
 quidam, qui novem Concionum sive Commentario-  
 rum volumina confarcinans nullo discrimine verba  
 Amicorum Job, à suis accepit, & tractavit, quan-  
 tum ad Authentiam: In quo magis in Canone Scri-  
 turæ distinguendo, quam Estius inter Papiſtas erra-  
 vit: qui apertè scribit, *Ecclesiam Romanam non inten-  
 dere canonizare verba Interlocutorum cum Job.* Sanctus  
 pariter Hieronymus eis divinam abrogat autorita-  
 tem: Ipse demum Deus eorum prævaricationes in-  
 crepat.

Estius in sent.  
 lib. 2. Dist. 3.  
 Sect. 8.  
 Hieronymus  
 Advers. Pela-  
 gium, lib. 2.  
 cap. 2.  
 Job 42. 7.

Manifestiores quidem ad scopulos adiguntur pleri-  
 que in Libro Job. In Psalmis autem, Ecclesiaste,  
 Cantico Canticorum, Prophetis perlegendis pericu-  
 losius alliduntur. De Psalmis ergo non immerito  
 Lectorem ita præmonet Ludolphus de Saxonia. “De  
 “modo tractandi sciendum est quod poeta frequen-  
 “ter personas mutat. Talis est enim frequenter mos  
 “Prophetæ, prout in singulis locis patet, modo con-  
 “vertit se ad familiarem Domini locutionem, mo-  
 “do ad Auditores, ut eos ædificet, & instruat  
 “per suum sermonem: modo loquitur in persona  
 “sua, modo in persona Christi; & Capitis; modo  
 “in persona membrorum & Corporis, modo in per-  
 “sonâ utriusque. Neque diversam sententiam de  
 Prophetis tam ab Augustino, quam Hieronymo pro-  
 latam legimus. “O altitudo Prophetica (inquit  
 “Augustinus) dum de illo ad illum loquitur, non in-

Ludolphus  
 Carthusien.  
 de Sax. Pro-  
 æm. in Psal.

Augusti. De  
 Doctrina  
 Christi lib. 1.  
 cap. 44.

Hierony. in  
Nahum. cap.  
2. v. 1.

Id. in Isaiam  
cap. 2. v. 1.

“tellectum, &c. Hieronymus verò in Nahum,  
“Hinc (ait) vel maximè obscuri sunt Prophetæ, quod  
“repentè dum aliud agitur, ad alios persona mutatur.  
Et alibi: “Prophetæ ideo obscuri sunt; quia per-  
“sonæ in his plurimæ mutantur. Porro Rabbi Sa-  
lomon peculiare Sanctis Literis obscuritatis genus  
esse notat Abbreviationem quandam quam מקרא קצר  
appellat, qua scil. per frequentem Ellipsim Personæ  
reticentur, adeo ut quis loquatur, ignoretur. Quod  
si penitus inspiciamus morem Scriptorum Novi Fæ-  
deris, crebriores id genus obscuritates occurrent,  
quam apud Authores Ecclesiasticos. Quot enim ita  
textæ apud Evangelistas Parabolæ ut incertum red-  
dant Lectorem non attentissimum & cautum, utram  
in partem sint accipiendæ. Nec hac difficultate E-  
pistolæ Paulinæ vacant, uti expertus sciat, qui hæc  
loca paulò diligentius perpenderit; unde fieri judi-  
cium de reliquis velim: viz. 1. Corinth. 10. 29, 30.  
& 4. 6. & 6. 12. & 13. 2. Gal. 2. 18. Item Rom. 7.  
ubi doctissimi interpretes diversa commentantur, seu  
adversa potius de persona loquente. Quid opus au-  
tem plura adjicere, quum certò crediderim Docto  
viro sua argumenta maximè displicere, ubi quo fe-  
cerint maturius perspexerit.

Caput

## Caput septimum.

*Patres in iisdem fidei capitibus non semper persistisse, sed è quibusdam suis sententiis nonnunquam discessisse, prout exercitatione vel ætate eorum maturuerat iudicium.*

Sophistici differendi generis D. D. lectorem sæpe monuimus; & sæpius quidem monendus esset, nisi opera digiti, non minus quam ingenii monstrari queat. In debitam tamen formam argumentum hoc revocemus, ut soli cæco sit non manifestum, quibus telis adversus Patres pugnatur: Hæc autem, ni vehementer fallar, erit. Qui in iisdem capitibus fidei non semper persistenterunt; sed à quibusdam suis sententiis nonnunquam discesserunt, non debent de Controversiis judicare. Sed Patres in iisdem, &c. Ergo, &c. Cui autem attento non friget Propositio? Quis non rejiciat? Et tamen quæ ipsa nullo nititur fundamento nullis rationibus suffulcitur, fundamentum toti dissertationi huic substernitur. Qui enim in nonnullis sententiam mutarunt; calculumque revocarunt, in nullis perseverarunt; vel perseverantes prorsus submovendi quia, aliquibus deliquisse deprehendantur? Hic labor, hoc opus Dallæo dignum esset, siquid proficeret criminationibus Veterum. Hic autem securus, & nullus, in superfluis omnem operam elocat; omnibusque viribus contendit illa probare & exornare, quæ nemo sobrius controvertit, viz. Patres aliquando à sententia discessisse: Unde tam turpi ignoratione Elenchi hic

deprehensus meritò nos liberet à studio refutandi.

Ne verò hîc vacuas relinquamus paginas, superfluum operam suscipiamus aliquantisper; & experiamur non quid debeat, sed quid possit in sua sphaera Vir Doctus. A toto autem neque Animus neque opus est Veteres excusari à nobis. Damus juxta Patromastiges, homines fuisse eos; humanumque esse errare, & aliquando decernere quæ paulo post melius sunt statuenda. Qui verò quantillum præstitit Magnus hic eorum Adversarius, consideret; næ ille multò confirmator redierit in recta æquâque de iis opinione. Quale est enim istud principem querelarum locum tenens, viz. *Quod sermo eorum nisidior sit?* Hincne sequetur, Patres in fide, vel sententiis fuisse instabiles? Unde verò vel vitiosus ille nitor evincitur? Hieronymus, nimirum in Epistola ad Heliodorum, adolescens lascivit; cano autem capite maturius multò scripsit. Quis vero neget? Nonne & apse Christus dicitur profecisse sapientia & ætate, & Gratia, apud Deum & homines? Homines fuisse Patres satis superque audivimus: Nos præterea & pueros fuisse, & Adolescentes credimus, & aliquando non solum crepundiis, sed sermonibus & scriptis immaturioribus lusisse, quæ tamen admodum pauca reperiuntur nunc dierum. Idem enim quod Hieronymo, & Cypriano, Juniori novimus accidisse: de quo quid prudens senserit Augustinus, placet hic recitare. "In populo gravi nec illa suavitas delectabilis est, quia non quidem iniqua dicuntur, sed exigua & fragilia bona spumeo verborum ambitu ornantur, quali nec magna nec stabilia decenter & graviter ornantur. Est tale aliquid in Epistolis Beati Cypriani, quod ideo puto vel accidisse, vel consulto factum esse, ut sciretur à posteris quam linguam, doctrinæ Christianæ sanitas ab ipsa redundantia revocaverit,

Pag. 165.

Luc. 2. 52.

Augusti. lib. 4.  
cap. 14. De  
Doctr. Christi

“caverit, & ad eloquentiam graviolem modestio-  
 “remque restrinxerit, qualis in ejus consequentibus  
 “litteris securè amatur, religiose appetitur, sed dif-  
 “ficillimè impletur. Quapropter iste vir Sanctus  
 “& posse se ostendit sic dicere, quia dixit alicubi;  
 “& nolle, quoniam postmodo nunquam. Hactenus  
 De Cypriano Augustinus, quæ & rectè possint de Hieronymo aliisque (siqui fiat) Veteribus dici, quorum nemo bis eodem genere offendit.

Post phrasés exagitatás descendit ad rem Veterum Pag. 165, 166.  
 minius maturè gestam. “Origenes enim (inquit D.)  
 “ut refert Hieronymus, longo antè tempore in se-  
 “nectute sua Epistolam scripsit, ad Romanæ urbis  
 “Episcopos, in qua testabatur pænitere se multorum  
 “quæ docuerat, ac scripserat. Nec dubitandum  
 “sit quin simile quid plerisque Patribus acciderit, ut  
 “quæ pro veris aliquando tradiderant, ea postea im-  
 “probaverint. Cumulum auget proximè Augusti-  
 nus, & Vincentius Lyrinensis: quorum ille, *Fassus* Ibid.  
*est se multis à recto deerrasse, in Libris Confessionum: Hic*  
*verò ea solum rata & fixa habenda esse scribit, quæ ipsi Pa-*  
*tres constanter docuerant, & quibus permanserint.* Et de-  
 nique agmen ducit, qui Dallæo idem est, qui Davus  
 in Fabula, Peronius. Quibus junctim omnibus satis  
 fuit respondisse argumentum potius fixæ eorum opi-  
 nionis esse, quod eos constat suas opiniones fortasse  
 crudius antea expositas severiore trutina postea re-  
 cognovisse. Attamen quærit D. Unde? “Et Quo- Pag. 167.  
 “modo arcanum istud expiscabimur, cujus vix ullum  
 “vestigium apparere potest, Patrem scilicet, qui ob-  
 “jicitur, sententiam quæ opponitur in senectute non  
 “mutasse? Prius ergo idem de tua mente scriptis-  
 que efflagitamus nobis responderi: Librum enim  
 scripsisti eruditissimum, nondum, opinor, adulto  
 judicio, *De Vero Usu Patrum, &c.* quo multis argu-  
 mentis,



mentis, & gravibus censuris nomen & auctoritatem  
iis obrivisti: Quæ me quoque haud leviter commo-  
verent, & flecterent in tuam sententiam, nisi suspi-  
caci meo animo infœlix & permolesta subnasceretur  
cogitatio, Hominem quoque te esse ipsum, perinde  
ac Patres, & hanc tuam opinionem posse revocare,  
& jam provectiore ætate reipsa retractasse; vel si for-  
te reliquis mortalibus constantior, nescio quo privi-  
legio, fueris; hoc mihi ipsum perobscurum est, &  
dubium: Intutum ergo concludo te hîc sequi, vel di-  
mittere propriam opinionem. Ad hunc autem diem  
credulus ego putâram, satis pro more hominum fu-  
isse amovendæ suspicioni, justè accusari criminis non  
posse. Alioquin, quem invenimus innocentem?  
Vel enim nos sumus omnes de facto homicidæ, & per  
consequens Capite plectendi, vel si non simus, Judex  
nullo certo augurio cognoscere possit, puros nos esse:  
ideoque minimè absolvendi sumus: nisi forte dam-  
nandi potius sint hujusmodi nostri, & Veterum qua-  
druplatores, & temnendi disputatores, quibus non  
solum satis est ad Majorum frangendam auctoritatem,  
& fidem corrumpendam, accusasse, sed suspicari.

---

## Caput octavum.

*Neceſſarium & idem difficillimum eſſe ut certo ſta-* Ratio  
*tuamus quid de ſuis ipſorum ſingulis ſententiis* octava.  
*Patres cenſuerunt; & an eas ut neceſſarias, an*  
*ut probabiles tantum; & quo in gradu neceſ-*  
*ſitatis, vel probabilitatis eas habuerunt.*

**H**uc rationi omnium fallaciſſimæ falſiſſimæque  
 conſultò V. Clariſſ. poſtulatam fere ejusdem  
 monetæ præmittit, viz. *Propoſitiones veras non eſſe om-* Pag. 169  
*nes æquæ veras, Logicorum eſt pronuntiatum. Quorum*  
 verò, obſecro, effatum eſt hoc? Illorum ſiquidem  
 eſſe nequit apud quos illud non incelebre eſt axioma,  
*Quicquid eſt quando eſt, neceſſe eſt eſſe:* Nam ut pleno  
 nihil plenius, ſic & vero nihil verius. Poſito, ergo  
 quod Propoſitio vera ſit, omnimodo & neceſſario eſt  
 vera, & illa dari verioreſt eſt impoſſibile. Poſito  
 enim quod Socrates eſt Rufus, non eſt minus verum,  
 quàm quòd Socrates eſt Rationalis. Cum D. tamen  
 non contenderim de Propoſitionibus contingentibus  
 & neceſſariis, in actu ſignato, non exercito, intelle-  
 ctis; niſi acuratiùs paulo quàm fert vulgaris uſus  
 diſtinctionem illam ſumamus. Propoſitio enim hæc,  
 quæ eſt Actus ſignati proprie, ni fallor, dicti; *Con-*  
*tingit hominum eſſe doctum,* neceſſaria eſt. In actu au-  
 tem exercito, hoc eſt, quando individuum humani  
 generis actu eſt doctum, ex natura rei neceſſarium non  
 eſt; quandocunque autem ſit verum non eſt minus  
 verum quam prior propoſitio. Neque hoc pacto tres

illi gradus necessitatis à Philosopho memorati impugnantur.

Pag 170.

Mittamus autem has argutias, hominisque potius infortunium miseri, qui tam splendida tecta tam instabili superinducit fundamento; & exemplum longe horridius præmissis examinemus. "Verbi gratiâ, inquit, Christus est Deus; & Christus mortem pertrahit, annos natus triginta quinque. Quis, etsi  
 "ambæ veræ sint, inter utramque tamen summum  
 "esse discrimen non videat? Prior enim necessario  
 "vera est, i. e. ut fieri non potuit quin Christus es-  
 "set Deus, cum hominum salus obtineri non possit  
 "alio modo? Quid hoc rei quod audimus? Indignum Theologia heri initiato, Dallæo autem exercitatissimo longe est indignissimum. Anne Christus Deus est, Quia hominis salus obtineri alio modo non possit? Fidei quidem nostræ ratio optima, ipsius rei pessima est. Puto tamen in priorem prolapsus errorem D. D. duce Peronio, qui non distinxit inter rationem fidei seu Assensus Naturalis, & Divini. Assensus enim humanus intenditur, & remittitur pro Evidentiâ aut incertitudine Objecti. Fides autem divina augmentum aut decrementum admittit non secundum rem ipsam clarius aut obscurius relucens, sed secundum lumen ipsius Revelationis, v. g. Admissio quod Scripturæ nobis tradunt Christum natum triginta tres annos, aut quatuor, Patibulo affixum, Fideli non minus hoc est necessario credendum, atque quod Christus est Deus, aut mortuus nostra causa fuit; quia eadem formalis ratio fidei, quæ est Revelatio Divina hoc efflagitat: unde præclare Doctissimus noster Davenantius, "Quod  
 "non est articulus fidei aut forma, si materiam spectes, potest tamen esse propositio Fidei Theologicè  
 "credenda, si modum Revelationis attendas. Nam  
 "quævis

Davenant. de  
 Iudice Con-  
 tro. vers. cap. 5.

"quævis Propositio Physica, Astrologica, Historica  
 "fit objectum fidei, si a Deo nobis in Scripturis pro-  
 "ponatur. Hæc ille; Ex quibus duo consequuntur.  
 Primum omnia divinitus Revelata necessariò esse  
 credenda, sed non credenda ad necessaria creden-  
 da: Dein Primarios Fidei articulos necessariò cre-  
 denda esse, Fide quidem directâ, ut ita loquar, non  
 reflexa: h. e. Satis esse Fideli assensum dare iis sim-  
 pliciter, non autem requiri fidem qua salutis necessa-  
 rii esse credantur. Neque enim (quod vult Dallæ-  
 us) magni momenti sit ut te anxia excrucies solli-  
 citudine, utrum probabile, an necessarium habuerint  
 Veteres, quod nobis proponant, modo rectè cum iis  
 de fide sentis. Nec contrarium evincunt verba ejus,  
 nim: "Ex eo quod Vetus Ecclesia ultro admiserit  
 "aut rejecerit ad se accedentes: primò secundum ea  
 "quæ credebant, vel non credebant: deinde secun-  
 "dum varias rationes quibus credebant, vel non cre-  
 "debant, &c. Prius hujus dicti membrum non invi-  
 tus concedo, alterum nequaquam: quinimo tam  
 Veteribus quam Modernis impossibile esse arbitror.  
 Duo enim Majoribus nostris imprimis necessaria sunt  
 habita: Alterum ut pura fide filii Catholici imbue-  
 rentur, Alterum ut Pacem & unitatem Ecclesiæ stu-  
 diosè colerent, & religiose, in rebus à fide remotio-  
 ribus. Posterioris sunt ordinis quæ de Paschate, &  
 Jejuniiis hîc memorantur à Viro D. quæque pro con-  
 suetudine Ecclesiæ Catholicæ, & charitate alendâ  
 tenendâque summo opere caverunt Veteres. Nec ali-  
 ter quam de Hæreticis senserunt qui cerebrosa phi-  
 lautia Leges moremque Ecclesiæ contemnerent:  
 Διὰ τὸ μὴ τῇ ἀκολουθίᾳ καὶ τῇ διδασκαλίᾳ, καὶ ὅτι τὰ ἴσα τοῖς αὐτοῖς δεσμεύ-  
 νουσιν, ut scribit de Quartodecimanis Epiphanius. O-  
 bedientiam ergò postulat quidem Ecclesia in Licitis  
 & honestis, necessariò. De gradibus autem credu-  
 litatis

Epiphan. lib.  
 2. Hæret. 30.

Pag. 175.

August. lib. 16  
De Civit. D.  
cap. 2.

Pag. 174.

litatis aut fidei, nihil quod sciam extat apud Veteres. Est tamen ubi magis, & ubi minus explicitam fidem exigant, pro conditione objecti, & explicatione Ecclesiæ sententia, de Actu autem seu habitu ipsius fidei altum apud eos silentium. Hinc Hieronymi illud apud Dallæum, & alios multos, "Antequam in Alexandria quasi dæmonium Meridianum Arius nasceretur, innocenter, & minus cautè quidam locuti sunt. Augustinus pariter, Multa ad fidem Catholicam pertinentia dum Hæreticorum callida inquietudine agitantur, ut adversus eos defendi possunt, & considerantur diligentius & intelliguntur clariùs, & instantius prædicantur, & ab Adversario mora quæstio, discendi existit occasio. Nec aliter Clemens Romanus, Hilarius Pictaviensis, Cyprianus & ipsi Apostoli, Act. 15. v. 28. judicarunt, qui ea tempestate necessarios istos Judæorum ritus decreverunt, quos hodie devitare non minus est necessarium. Ecclesiæ autem unquam in animum venisse certa ab incertis non solum dispescere, sed proprios quoque gradus & momenta vel personis singulis, vel articulis fidei definire velle, merum est figmentum. Gratis, ergo, & nulla probabili ratione dicitur à D. D. "Cum de Communionem Ecclesiæ agatur, & de salute quæ ab ea pendet, pro certo nobis statuendum est, quo in ordine, ea capita quæ hodie reluctantis Protestantis obtruduntur, Patres habuerint, simpliciterne, vel magis vel minus ea existimaverunt necessaria. Frustra autem & à quæstione longissimè, multiplices citationes ex Sancto Augustino & aliis hîc cumulantur de necessitate quam Antiqui statuerunt Eucharistiæ Infantibus tradendæ, & Baptismo. In hoc enim nihil à vero alienum dixisse probantur: In illo, perurgere quidem necessitatem Sacramenti illius sumendi;

mendi; nusquam autem docere Fidei necessitate tenendum, modo teneretur ad mentem & praxim Ecclesiæ. Postremò, si Augustinum fuisse falsa opinione universalis Traditionis deceptum, dixerò, hac in re; non putârim me dissuere Ecclesiasticæ traditionis catenam, sed confirmare: nam aliter sensisse non minimam Ecclesiæ partem Augustinum latuisse crediderim: & Quid ni? Cætera verò hujus capituli cùm eodem omnia faciant, ampliorem non videntur desiderare orationem nostram.

### Caput nonum.

*Necessarium esse ut nobis constet oratio non de unius Ratio  
aut plurium Patrum, sed etiam de Totius Vete- nona.  
ris Ecclesiæ sententiâ, quod difficillimum est per-  
noscere.*

SI D. D. propositum non fuisset verborum numero, potius quam pondere rationum rem gerere, optimè potuisset tres insequentibus in unam compellere. Verbis enim, potius quàm reipsâ distinguuntur, nec pluribus una solutione opus fuerit. Quoniam verò justum est me, Authorem quâ via duxerit, sequi; hîc oportebit pauca, primùm de necessitate, deinde de difficultate colligendi singulos Ecclesiæ universalis calculos, disputare. Si enim, autore Beato 1 Cor. 14. 8.  
Apostolo, *incertam vocem det tuba, quis parabit se ad bellum?* Tubam autem Evangelii & Ecclesiasticæ Autoritatis vel omnino silere, vel in pluribus dubiam vocem edere, nemo rectè inficias iverit. Quærent ergo adversarii Traditionum, Quid factu opus sit,  
S 3 rebus



rebus sic urgentibus? Quibus breviter respondeo, Vix Tanti esse posse res istas de quibus dubiam profert sententiam, vel nullam, Ecclesia, ut vel hæreat Salus fidelium, vel perplexus esset Fidelium animus. Ubi enim vox Ecclesiæ, verbique divini desideretur, locus erit humanæ prudentiæ, salva manente pace Ecclesiæ: Verissimum ergo est quod hîc Vir Doctus suggerit, "In capitibus, in quibus quid suæ esset sententiæ nondum significaverat "[ Ecclesia ] non poterant Illi [ Veteres ] utut "maximè vellent, ejus autoritatem pro suæ sententiæ normâ sequi: Recte proculdubio hæc. Quid verò ad illa, in quibus apertè fuit Antiquitas concors? "Atqui Canus (inquit) non multos, non "plurimos, sed omnes Patres, Latinos requirere, "Autor est. Si ita, nullum unquam hæc disquisitio "exitum habitura est. Quis enim Patrum de ulla "hodie Controversia sensum omnium explorare potest, cum eorum ne millesima quidem pars quicquam literis mandaverit: qui vero scripserunt aliquid, ii vel interciderint, vel de paucis, certè "rari de omnibus fidei articulis scripserint? Difficillimum fateor esse, & tantum non planè impossibile singulorum vel in Ecclesia vel in Repub. suffragium consentiens reperire. Quid ergo? Nam subortis in Republica Civili diffidiis de rebus gerendis oportet prius conveniri in unum ab omnibus Liberis, aut singulos prius in idem unanimiter & liberè conspirare, quam feratur sententia de Publico sospitando? durum hoc sanè dictu & factu iniquissimum. Est ergo, est proculdubio, ubi disceptationibus finem imponere & necessum, & honestissimum sit, manentibus diversis sententiis votisque. Potest etiam rei naturâ simpliciter spectatâ cum Philosophis, quod uni aut alteri accidit, (quod postulat Vir Doctus) aliis etiam

Pag. 180.

Pag. 184, 185.

etiam quamplurimis contingere, nãm, ut aliis errantibus se adjungant comites, & præeuntium cæcâ fiducia vestigia calcent: Potest tamen (credimus) non accidere, & crebrius ita esse, si ingenia hominum paulò altiora vulgari captu spectemus: alias enim conclamatum esset de omni tam humana quam Ecclesiastica societate, quam cernimus, non obstante illo communi infortunio, publicis Consiliis administrari, & decretis regi, in quibus rarò aut nunquam ab omnibus, quorum interest, conspiratur.

Accedat quoque & illud, quod vult D. Dallæus, quòd, "Quando istorum sæculorum Ecclesia, quid suæ esset sententiæ super capitibus hodie controversis nondum ex professo aperuisset, profectò non plura (scripsit opinor author Plures) magis quam pauci, id eo tempore nobis exhibere potuerunt. Qui, quod adhuc latebat, vidissent? Rectissime quidem hæc omnia: Soli enim cæci id quod nec est, nec sensibus apparet, vident. Innumera fortassis sunt quæ & illos, & nos latuerunt, etiamnum latent. Facessant autem nugæ istiusmodi, quæ in regno non Entium triumphant, in Præsentibus autem obmutescunt vel ridentur. Respondeat ergo tandem sine fumo fucove sophisticis: Nullane ad nos ab Antiquis traditiones sunt transmissæ? Nulliusve sint prætj aut ponderis clara & manifesta, quoniam nonnulla obscurius tradita occurrunt? Hoc ex argumento & Soli ipsi sibi metuendum, ne è cælo dejiciatur, quia sæpe inter nubila caput suum occultit. Scripturas autem ipsas tristius manere fatum, necessum est. Unde enim de naturâ, de numero, de Authoribus Libellorum Scripturæ nobis conket, nisi à Traditione antiquâ? Num à conjecturis vel nudis assertionibus Modernorum? Num à Spiritu privato, ejusque cæco dictamine, aliis quoque pateant hæc nondum illuminatis?

natis : Sic equidem nugantur Socinus & Episcopius, & quos invitus genuit aluitque Pater Calvinus.

Pag. 184.

Josephus  
Mascardus de  
Probat.  
August. Bar-  
bossa de Of-  
fic. Sacerdot.  
Part. 1. Tit. 7.  
cap. 2. Sect. 3.

Dionys. Pe-  
tavus Theo-  
lo. Dog. To. 1.  
Lib. 9. cap. 6.  
Sect. 7.

Angit tamen forte non solum quod nobis præparcâ manu Antiquitas tradidit de suo penu, sed (verba Doctissimi viri sunt) "Quod sensum [Patrum] ulla de re controversa explorare nullus possit, cum eorum ne millefima pars quicquam literis mandaverit. Primò responderetur: usquequaque verum non esse quod concessum hic supponitur: viz. oportere necessario omnia omnium Veterum placita aut traditiones scriptis mandari. Fama enim annosa absque scriptis, & communis vigenisque hominum mentibus oreque traditio non est facile spernenda, teste Mascardo, & maxime relucens factis, ex plurium Juristarum opinione quos Barbossa recitat (regulam inique illam torquens pro Donatione Constantini) nam usus & consuetudo plurimum faciunt ad mentem antiquorum capiendam. Denique quæ desiderantur, apud prudentes & cordatos non debent, eorum quæ adsunt labefacere auctoritatem; nec nobis nocere, quæ prodesse desierunt. Quare autem idem non liceat Politicâ Ecclesiasticâ, nihil ex dictis hætenus obstitit, aut produci possit. Non enim in puncto, vel articulo Vertitur humanum vel Ecclesiasticum judicium, quæ si defuerint, intercipi hoc necesse sit. Nec rectè de Latinis Judicavit Canus, si ubique omnes vel suffragantes, vel non discrepantes Veteres à Romanâ Ecclesiâ dixerit, Doctius ergo multo de hoc negotio judicium tulit Petavius. "Ut de cujusque à Patribus sententia constet, præcipuè illud intuendum est, non quid uno alterove loco quæ si obiter injecerit, sed quæ sit per ejus Scripta constans ac perpetua doctrina, ut id in Augustino, &c. Eademque ratio diligenter tenenda colligendis variorum

variorum sententiis: quæ si difficultate non careat, saltem nos edocet; Cujusvis non esse adire Corinthum, & Sacrarum Literarum mentem statim capere in omnibus. Canum verò ipsum tam laxè & crudè de Veterum autoritate colligendâ disputasse, credibile mihi non sit, vel cuivis aliî rectè perpendenti quid ex illo môx adjiciemus, contrarium omnino isti sententiæ. Et sane non indiligens scrutator mentis istius, nequaquam comperi citata hæc. Interim non erit absolum eorum quæ supra tradiderat Vir Doctus pauca huc transferre. *Nunc illud dicimus, in communi omnium controversiâ, certum argumentum ex communi fide-  
lium sensu depromi: quamvis non oporteat singulorum sensum perscrutari. In fide autem earum rerum quæ propria sunt doctorum atque sapientium, solum horum sententiam expetendam, vulgi ne expetendam quidem.* Aperte hic affirmat Canus, non necessarium singulorum sententiam perscrutari ad animum stabiliendum juxta communem sententiam. Nec hîc nos moveri scommate Dallæi debemus, qui ut addiscamus quid sensit de nostris controversiis Ecclesia antiqua, oportere putat, (vel fingit potius) è tumulis eos nos resuscitare: Immortale enim est, quod superest ipsorum, & instar Optimi Abelis) per opera sua etiam defuncti adhuc loquuntur. Præter hominis suavitatem ergo, & errores aliquos Veterum (de quibus posthinc dicemus) strictim notatos, nihil habet hoc caput vel examine vel mentione dignum, & multo minus refutatione prolixiore.

Quoniam verò otia nobis hic fecit Do. Dallæus inopia ipse laborans, summè necessariam tam rei Literariæ generatim, quàm nostro instituto disquisitionem, de Communi sententia dignoscenda breviter percurramus. Sæpius enim usu venit animos etiam doctorum cruciari & nutare inter Affirmantium &

Lib. 2. cap. 1.

Can. Loc.  
Com. lib. 4.  
cap. ult.

Azorius In-  
stitut. Moral.  
Lib. 1. cap. 3.  
To. 1.

Julius Cla-  
rius.

Negantium variantes de ipsa communi Opinione (quæ solet multum confirmare mentes modestorum hominum) opiniones. Verbi gratia (ut Azorii diligentissimi hic vestigia sequar) Julius Clarius scribit esse communem sententiam, posito statuto; ut quilibet publicè relegatum & proscriptum (quem Bannitum vocant) occidere posset impunè; imò etiam suum Patrem proscriptum necare, jusque esse cuique id facere: & tamen prædictus author, eo loco ait alios asserere tanquam communem opinionem, Nemini licere id facere, etiam posito statuto prædicto. Idem author ibidem tradit communem esse opinionem, posito prædicto statuto, jus esse publice proscripto, sese defendendo, occidere eum qui in ipsum iraverit, ad eum interimendum; Alii verò tradunt esse communem sententiam, nefas esse si quempiam publicè proscriptus, sui tuendi causâ, occidat. Sicut nefas sit si reus ad mortem damnatus se defenderet à Judicum ministris, eosque interficeret: nunquam enim bellum potest esse ex utraque parte justum. Jam verò non tam quæritur in hac disputatione, Quanam harum opinionum verior sit & magis consentiat juri sive humano, sive divino; quàm, quanam sit quæ Publici suffragii titulo meritò decoretur, palmamque eâ parte cæteris præcipiat. Responsio enim prior Azorii hæc est, viz. Quando Scriptores ita dissentiant, tunc si ex lege, vel ex more, vel ex consuetudine recepta nihil certi elici possit, tutior pars est eligenda, siquidem communis opinio facile internosci non possit. Hoc, inquam, est difficultatem declinare non solvere; docere scilicet qui nos ipsos istiusmodi arctati angustiis geramus: nam, An, & quomodo communis opinio distingui à non communi, quæsitum præcipue erat. Paulò ergo propius accedens ad quæstionem addit. *Deinde non-  
nunquam*

nunquam etiam communis opinio discerni non potest, cum sæpe contingat, ut sententia quæ olim erat recepta communi sententia, modo non sit. Hic tamen desideratur appositæ solutio dubii, quo inquiritur, Quæ hodie, Quæve heri esset communis opinio, quum res diversissime ageretur? Neque enim sufficit quod sequitur ex eodem: Tum tempora sunt distinguenda, & Scriptores studiose, attentè, & diligenter legendi: Nam usu venit non raro ut Scriptores doceant hanc vel illam esse sententiam communem, ut in Theologia dicere solent Bonaventura, Ricardus, Henricus, &c. In iure Pontificio & Canonico Glossæ, Joannes Andreas, &c. & tamen intelligendi sunt isti auctores loqui juxta tempora in quibus ipsi scribebant. Quare videndum est, an qui postea successere Scriptores, eam opinionem, an aliam habuerint: quoniam frequenter accidit ut quæ opinio paucis ab his auctoribus in usu non erat, modo communis confessionem recipiant. Id super est animadvertendum habendam esse rationem Provinciarum, Nationum, & Gentium; nam solet etiam evenire ut quæ opinio in una Gente, Natione, Provincia communis sit, in alia communis non sit, &c. Quæ verba Azorii nodum quidem non parum expedientia; non tamen eo sint trahenda à Sectariis, & Antiquitatis osoribus, ac si nihil certi colligi possit ex superiorum ætatum scriptis in re Fidei, quæ ipso iudice non admittit Locorum aut temporum varietatem, sed de casibus à doctrina Fidei remotioribus, in quibus erit optimum & consultissimum communi se consensui subdere doctorum & Præpositorum inter quos degitur. Quæritur tamen adhuc, An communis opinio æstimari & intelligi debeat, ex numero, an potius ex autoritate Opinantium: & Respondetur à dicto Autore, Potius ex autoritate opinantium quam ex numero solo esse judicandum. Nam opinionem aliquam plurimi multum aliquem auctorem sectati docuerunt, more ovium vel volucrum, quæ



plures unam præeuntem secutæ, eandem viam arripiunt: ut tradit Navarrus, Decius, Alexander: & sciendum plerique, Patrum, quos dicunt, suorum, nullo rectè factò iudicio, doctrinam sequuntur, & defendunt, quod perspicuè videre est in Scholasticis, quicquid sui Ordinis Scholæ princeps docuerit, sollicitius requirunt, retinentque firmitus, quàm quid vel Scripturæ ipsæ, vel purior antiquitas tradidit. Proculdubio tamen, distinguendum est nobis inter verio-rem, & communio-rem opinionem: & fatendum quidem, (quod monet Azorius) Verio-rem opinio- nem non temerè æstimandam ex numero docentium, sed dignitate & præcellentia. Communem autem dicendam illam putamus quæ multitudine aliis antecellit: sive vera illa sit, sive falsa: sive sana, sive Hæretica. Porro dubitanti, Quot sunt, & Qui, qui opinionem communem constituunt: Azarius ex Navar- ro respondet, "Oportere eos autores esse Classi-  
"cos: h. e. quorum autoritas in Scholis sit appro-  
"bata: Item oportere eos esse plures: non enim  
"unus tantum aut alter ad communem opinionem  
"sufficit: v. g. Si quinque aut sex ex instituto quæ-  
"stionem tractent aliquam, & quinque eorum unum  
"opinientur, uno aut altero contrarium docente,  
"communis est opinio ea quam quinque unanimi  
"consensu tradiderunt. Præterea animadvertendum  
"est posse nonnunquam unius auctoris sententiam  
"multorum & majorum opinioni præferri, &c. His,  
"licet haud vulgari acumine & cautela hoc modo dis-  
"putatis non clara elucet Quæstionis principalis defi-  
"nitio: Et quanquam sobriè & modeste Inquirentes  
"non temnendos progressus faciant conscientis stabi-  
"liendis, prædictis servatis regulis, tamen nondum  
"removetur omne dubium de communi opinione. Ad-  
"dendum ergo censemus absque diffugio: 1. Possè  
"non-

nonnunquam & solere accidere ut nulla certa divinatione quis assequatur quæ dissidentium Partium communis sit dicenda. 2. Hoc, si quid est mali, nihilo magis in Theologia, quam Politia, Oeconomia, & Physica occurret; vel traditioni, quàm Scripturis ipsis sæpius accidet. Quemadmodum ergo in dictis facultatibus propter varias & incertas opiniones, non tollitur certitudo Legum, non Justum, æquum, verumque, quo minus humanæ scientiæ & Societas solide consistant: eodem modo fit in divinis, ut vel non dubitetur graviter de necessariis, vel satis liquidò pio & cordato constet, quid, quique sequendi sint. 3. Hoc prudenter tenendum censemus, eam opinionem, quæ publicâ autoritate fulcitur, quæque cunctis pro modulo cujusque perpensis communior videtur, talem revera esse: neque fas esse cuiquam illam deferre priusquam certiore & manifestiore ratione abducatur ab illa. Donec enim mortalitas in immortalitatem transfiguretur, & humana natura induat divinam, sapienter admodum & providè factum non dubitem à Deo, ut in multis palpemus, hæreamusque, & claræ lucis usura destituamur, ut animi nostri ab humana ope, mediisque naturalibus ablactati, se ad Deum conferant, auxiliumque humiliter & ardentius implorent. 4. Postremò, id omittendum non esse putem, paulo aliter de communi Ecclesiæ voce, quam de hominum, Philosophandum. Sententiæ enim Civiles non semper eadem & constantes fuerint: rebus ipsis, vel hominum moribus, vel Regionum statibus diversim euntibus. Ecclesiæ autem uniformem, etiam temporibus & locis diversissimis, rationem in Fide & doctrinis saltem oportet esse: adeoque, non quærendum duntaxat. Quæ hodie, Quæ heri fuerit ejus sententia: sed conjunctim agendum: & nullam admittendum opinionem fuisse Ecclesiæ.

clesiæ communem, quæ contrariis per pristina æquæ ac sera sæcula potior non fuit. Salva semper libertate singularum non subordinatarum Ecclesiarum, qua fas iis sit se rerum & fidei circumstantiis accommodare.

Solet, me nequaquam nescio, à Viris Doctis hîc fere rideri & temni operosior omnis disputatio & sollicitudo de Traditione & Communi opinione: Aiunt enim, nisi vulgatissima & nulli non manifestissima sit, Traditio non erit. Magnificè quidem dictum: utinam tam verè quoque: Mihi verò luscioso fortassis, nihil Luculentius apparet quam ne millesimam Litium momentosarum Religione partem, tanta in luce positam esse. Et si aliter sentirem, certe nolentem me in aliam sententiam pertraheret opera diligentissimi Dallæi ad quam redeundum nobis est.

---

Caput

## Caput decimum.

*Ægerrimè sciri posse, Num Patrum de hujus sæ. Ratio  
culi controversiis sententia ab Ecclesia universalī, decima:  
an ab ejus parte tantum recepta fuerit. Id  
ipsum tamen scitu pernecessarium, ut locorum  
qui ex iis proferuntur usus aliquis apud nos esse  
possit.*

**A**lteram jam partem, vel rectius fortasse dixerō, modum paulo diversum ejusdem argumenti, hīc habet Lector. Neque enim Thesis solum reipsa eadem, verbis paululum mutatis, sed eadem instantiæ cum superioribus hīc opponuntur. Quis enim ignoret, Utrum Doctrina aliqua sit Orbis totius, vel Urbis, seu Provinciæ, & ignarus non sit, Utrum Ecclesiæ sit Universalis, vel Particularis? Illud tamen fortè novum erit; Quod difficillimum sit Ecclesiæ in varias scissæ partes sententiam expiscari, & quæ sententiæ alteri sit proponenda: Diximus modo ad hæc, nullo in foro ad plenum numerari posse, aut debere necessariò singulos calculos in idem probandum, aut rejiciendum. Dicimus præterea jam, hoc non minus incumbere inimicis Traditionis se expedire modo, quam defensoribus. Tum demum enim rectum nobis & facilem aditum patefaciendum Doctorum sententiis colligendis non dubitamus, quum filo Dallæano ad sensus Scripturarum ducemur, collidentes inter sententias Ecclesiasticorum interpretum. Scindi enim Ecclesiam quis unquam audiret.

verit inviolatis, aut indivulsis scripturis? Si qui verò in tam tristi discordia, & undarum concursione speret se tuto posse navigare ope Spiritus sancti: Quid desperet idem in diffidiis Ecclesiasticis? Ad hæc. Nunquid quia perdifficile erit dijudicare verum, ubi contraria tradit Ecclesia; ubi consensus fit, contemni oportet? Aut qui alicubi discordes, nullibi convenient? Postremò, Immane illud schisma quod Ecclesiam divulsit, hodieque dividit, non nisi post Annum à Christo nato sexcentesium grassatum est, citra quam Periodum, quam Rivettus & reliqui rigidiores Protestantes constituunt doctrinæ & cultus sinceriorum, cæpit nobis etiam Ecclesiæ autoritas suspectior haberi, & levior. Superioribus verò temporibus etiam si variis Errorum portentis sæpenumero colluctata est; divina tamen ope eluctata est Ecclesia Catholica, Pharumque eminentissimum erexit Posteris, Fidei, moribusque dirigendis nostris, ingruentibus Errorum tempestatibus. Adde, quod quum non magis quam adversarii simpliciter nostræ fidei imperare optemus Veteres, sed hoc unum obnixè petimus, & probamus, juncto lumine Ecclesiasticæ autoritatis, verbique Divini; clarius quàm ex singulis divisisque veritatem enitere, & dubia de Religione plenius & clarius solvi posse; contra hoc planè nihil tentavit, nedum profecit D. Dallæus; ac si quæ fugit, vicisse se crediderit.

Quæ cum sic se habeant, inanis operæ esset singulas Exceptiones, quas hic adducit, ad examen vocare; sintne appositæ, vel non. In quo tamen mala fide rem curasseprehenditur. Nam notissima illa altercatio inter Victorem & Ecclesias Asiaticas, non rectè hic statuitur. Neque enim ille, neque Hæ universalem Ecclesiam juxta suam sententiam uspiam, definiisse asseruerunt: sed praxim utriusque  
Partis

Partis Apostolicam fuisse, meritò & constanter affirmabant: Apostolis enim (Socrate teste) in opere Evangelii & Ecclesiis in magni momenti rebus disponendis, summo opere desudantibus, vix dignum, si congruum esset, temporum & reliquarum circumstantiarum minutias religiosius definire universis Christianis: Ipsi autem pro sua quisque prudentia, mores variantes diversis in regionibus suo facto & exemplo probarunt: quos Posterì summâ curâ coluerunt: quod impotens dominatio Victoris agrè ferens, in turpiorem lapsa est errorem, & Ecclesiam funestiorē. Neque (quod putare videtur D. D.) Cyprianus & Firmilianus Ecclesiam Catholicam ab antiquo abstulisse omnem baptizandi potestatem Hæreticis aut Schismaticis, affirmarunt; licet contrâ acriter ipsi disputarunt; fieri scilicet nequaquam oportere. Neque Lapsis quod negavit poenitentiae beneficium, ideo credidit Antiqua Ecclesia, apud se nullam esse potestatem, eandem indulgendi (quod suspicatur V. D.) Sed congruum putavit in terrorem sublabentium à fide, flagrante persecutione, non concedere: quam Ecclesiae consuetudinem, quàm Montanistæ & Novatiani in Legem ire cupiebant; Sanior Ecclesiae Pars fortiter se tantæ opposuit immanitati: uti Episcopus Aureliensis Albaspimæus recte observavit. Haecenus ergo sibi pugnantem Catholicam Ecclesiam non habemus ex Dallæo.

Albaspimæus  
Observat.

Nec feliciter procedunt quæ sequuntur de Canone Scripturarum ex Concilio Laodicensi, & Carthaginensi; quæ paulo diversa de Scripturis decreverunt: Facili enim compendio distinctione adhibitâ Sancti Augustini & Hieronymi, concilientur Concilia; de *Canone ad Mores, & Canone ad Fidem*: de quibus commodus non est hîc differendi locus. Supponamus autem Ecclesiam contrariam, vel incertam in con-



troverſiæ de Libris Canoniciſ ſententiam tradidiſſe. Age, quo, obſecro, pharmaco huic malo medebimur? Num ipſiſ Scripturiſ, vel Spiritu proprio? Quare autem non verentur iſta aliis objicere, & improperare, quæ fortius ſeiſpoſ vulnerant?

Denique quod Eccleſiæ Orientaleſ Sabbatho feriandum, Occidentaleſ jejunandum eſſe docuerunt, aliquid ponderiſ habere videatur, quod tamen facile elevemus; dicendo, Superiore Jure dirigi in hac cauſa oportere, quod permittit, imo præcipit in hujſmodi diſcrepantiis, cum Romæ fueriſ Romanum ſequi morem; cum Conſtantiſnopolſ, Conſtantiſnopolitanum; fremente etiam & renitente Papa Romano, qui ſolus in omnibuſ coli vaniſſima arrogantia cupit. Quod ſiquiſ importunius adhuc percontetur, Quomodo ſaltem Eccleſiæ vocem, de qua jam agitur, internoscamus in hiſ diſſenſionibuſ? Reſpondetur aperte, in hujſmodi rixiſ iniquum & ſuperfluum eſſe petere decreta peculiaria, & præciſa; ut & ſpernere, ubi ſatiſ conveniat in rebuſ fidei Corpus vel conſtituentibuſ, vel cohoneſtantibuſ. Nihil enim ſanctius, nihil fundatius in Eccleſiaſtica ſit Politiâ, quam privata ingenia oportere dictiſ ſuorum Præpoſitorum, ubi non colliferint cum Sacro-ſanctiſ Scripturiſ, aut Jure Eccleſiæ verè Catholica, acquieſcere. Quæ verò ſint Jura Eccleſiæ Uniſverſaliſ & Partiſulariſ, tum demum rite perdiſceſ, quando modum fueriſ aſſecutus humanarum poteſtatum mentem cognofcendi, & autoriſtati parendi.

## Caput undecimum.

*Fieri non posse ut super ullo eorum capitum quæ sunt Ratio  
hodie in controversia, clarè liquidòque perno- undecima  
noscamus, quæ totius Veteris Ecclesiæ sive Uni-  
versalis, sive particularis sententia fuerit.*

**Q**Uæ paulo superius diximus futura, hîc Lector  
facta experiris; semel iterumque eadem reco-  
cta fercula, additis tantummodo quibusdam  
condimentis, secundum artem Rhetoricam. Princi-  
piò enim Terminos uti antea, distinguit, & quotu- Da pag. 192,  
pliciter Ecclesiæ vox accipi solet, docet, de quibus 193.  
satis jam dictum à nobis. Hîc verò superest ut orer,  
peroret, instet, colligat, atque concludat, secundum  
Officinam Rhetorum, novi autem nihil pariat. Dig-  
num tamèn observatù judicem, quòd hîc, quæ suprà  
invidiosius negavit nobis, concedit, dicens, *Possu-* Id. ibid.  
*mus quidem quæ verorum Ecclesiæ membrorum fides fuerit,*  
*rationando colligere.* Optimè jam se res habet; &  
ferenior, post rugosam aliquandiu frontem, vultus  
apparet. Quod hætenus non potuimus, aliquo sal-  
tem modo nunc possumus, non solum contra argu-  
menta duorum proximè præcedentium capitum, sed  
totius hujus Libri institutum, quod huc præcipuè fa-  
ciebat, ut demonstretur, non posse nos, quid sit men-  
tis Antiquis, expiscari. Necessarium erat tamen ut  
vinum hoc generosum aqua statim dilueret, hoc mo-  
do: *Id imprimis non ad omnia religionis capita refertur, sed* Ibid.  
*ad ea tantum quæ sunt necessaria: præter quæ multa sunt*  
*alia, de quibus dissentire licet salvâ non solum Ecclesiæ com-*  
*munionè,*

*munione, sed & hereditatis aeternae spe. Quæ verba Scorpiorum virus quod trajiciunt, propria virtute auferunt. Magnum proculdubio beneficium, solatium ingens est modestè dubitanti de fide, cum fiducia eam amplexari commendatam. Hoc Patres, hoc*

*Traditio præstant: Fidei autem <sup>inveigantur</sup> nihil vetat quo minus securâ Ecclesiæ pace, liberius à veris Ecclesiæ membris colantur. Secunda autem exceptio à re adhuc alienior, nisi me fallat conjectura de Authoris mente, qui sic pergit; Deinde ejusmodi ratiocinatio non valet nisi eorum ratione qui sunt genuina Ecclesiæ membra. Qui verò Christiani non revera, sed solâ tantum professione sunt, eos professio neque servari, neque ea fide quæ ad salutem requiritur, præditos esse necesse est. Possunt sub hujusmodi Larvâ omnis generis opiniones etiam maximè impia latere. Sensus, uti auguror, huc redit: Parum scilicet valere ad salutiferam fidem Christianorum, decreta Ecclesiæ, Traditionisque secreta calluisse, nisi verme Hypocrisis longe remotâ, & tineâ Larvatæ pietatis: quod verissimum agnoscimus, sed à scopo longissimum. Putâram enim ego, & quisque æquus arbitrer controversiæ hujus, nihil hic omnino agi de Fide seu doctrina Christiana in concreto seu subiecto; sed absolutè & in propositione tantummodo: nec spectandum quam sincerè & Catholico corde quis in se credat, sed quam pura sanaque fide, quâ quis sive fidei, sive seriò imbuitur; de re, inquam, non de Persona quæritur: De Fidelitate Matris Ecclesiæ tradentis, non de fide Filiorum recipientium. Neque enim quæ manifestissimè exhibet S. Scriptura, quæ Symbola sanctissima Ecclesiæ porrigunt, rutos quosque reddunt ab Hypocrisi: solius hoc Spiritûs divini opus erit, quem phanatici idcirco ambiunt unicum controversiarum judicem, quia, cæci ut sunt, vident se hoc obtentu, Liberâtos ab omni  
humanâ*

humanâ Lege & coercione. Adest tamen tertium <sup>Ibid.</sup> hoc, *Demique quod maximè ad rem nostram facit, hæc cognitio ratiocinatione paratur, cum de ea nunc agamus quæ ex citatis & interrogatis testibus habetur, qui de ea re quam scire avertimus, certiores nos facere possunt.* De testibus quidem veritatis hîc imprimis agitur: at non solum sub ista ratione. Mistæ enim rationis recte Ecclesiæ suffragium esse dicamus: nam, quod antea scripsimus, Testimonium ejus summa ratione sit conjunctum, licet assertoriè duntaxat proferatur. Deinde, non tam stupidos quærit Ecclesia filios, ut sensibus gaudentes sufficiant tramitem rectum absque errandi periculo incedere. Revera indaganda, evolvenda, consulenda, & conferenda plerunque Ecclesiæ monumenta sunt studio Veritatis, & mentis Ecclesiæ priscæ: Quod quoniam otiosi non sit tardive ingenii, redit necessitas dicta suprâ, quâ tutissimum sit vulgo Duces in Christo tam de Ecclesiæ quam Scripturæ mente subsequi. Quod utcunque rideant & aspernentur nonnulli emunctiores Protestantes, clamitentque in contrarium; quasi Spiritus Sanctus nunquam suos regere desinat in omnem veritatem, postulant tamen ubi possunt, & se judices cogunt nos agnoscere. Verum, *Rationatione paratur notitia Traditionis*, quereris. At non omnis, vel si omnis, ejusmodi profectò est, quâ nulla in humanis actibus clarior certiorve reperitur. Præterea, non tam de modo, quam factò laboratur; quod si successerit, collabente primo fundamento Libri prioris id fit. Neque quod ex Augustino & Hieronymo assertur in præjudicium cedit Ecclesiasticæ Traditionis: qui piè & prudenter consulunt propter Ecclesiæ pacem, quædam sequi potius quam probare. Nam hoc inter primas & utilissimas Ecclesiæ traditiones semper sanctum fuit, ut post articulos Fidei & necessariam dis-

Pag. 195.

ciplinam Ecclesiæ, unitas & pax religiose servantur, & minus anxie de veritate extrinsecorum contendamus. Nec aliud responsum desiderant quæ à Cypriano & Ambrosio huc adducuntur, de variante à se Ecclesia, & diviso ipso clero aliquando. Nam & disperdi, & dissipari eam justo Dei iudicio posse, facile concedimus; non tamen de his contingentibus ferri iudicium debere. Sit ergo (quod lubens agnoscam) hæc nostra sententia, Cassandri quoque, viri sanè incomparabilis; Cassandriani quoque audiamus, qui pro antiquitate certamus: nihil moramur: Fuit enim semperque erit (quod docuit optimè Cassander) in medio corruptionum genus hominum qui religiosius adhærescunt avitæ Traditioni; frementibus Papalibus & Puritanis Innovatoribus.

Pag. 197.

Addis verò probrosè satis, *Si clancularia illa, quæ se reliquo, cujus se partem profitetur, corpore saniora sentire existimat, paulatim vel per se ipsa extinguatur, vel vi opprimatur; omnis ejus memoria sic peribit, ut posteri, nisi forte divini fuerint, quæ fuit eorum religio nunquam sunt intellecturi*: Nos hæc temerè supposita nequaquam patimur convalescere adversus inconcussè posita à Domino Christo. Neque enim absque incredulitatis labe, suspicio animis nostris nasci possit, ne Ipse in tantum Ecclesiam deferat, ut disertis non stet promissis, quibus fidem nobis facere vellet, Inferorum portas nunquam prævalituras supra Ecclesiâ suâ: quam tamen tum demum necesse est deficere, quum extincta sit ubique pars aliqua Fidei integralis, & apud omnes; ut, ne Clancularia secta supersit testis Veritatis. Ex malè suppositis tamen haud malè corruptissima dogmata moresque Romanæ Ecclesiæ notas: quam, si tollantur testes (quod supponitur) sanioris doctrinæ, profectò omnis spes unâ videtur mihi sublata, corrigendi & restituendi. Verùm singulari bene-

beneficio Dei Tabulæ prostant quæ defectionis eam coarguant. Quoniam verò supposita odiosa Dallæo placent, supponamus quoque Scripturas ipsas extinctas, & ex Ecclesia profligatas, ut ad idoneum Judicem nondum natum perveniatur. In causa verò tantarum Tragoediarum quæ per scripta hæc moventur adversus Veteres, nos certiores facit: Gratiâ scilicet Divi Aerii, & formosulæ Disciplinæ, quam ambierunt Protestantes quidam, vel deperierunt potius. Per plures enim & longas ambages de dubia fide Ecclesiasticorum testium, singulari certamine Epiphanium adoritur, errorisque accusat, quod existimavit Aerii dogma contra Universalis Ecclesiæ judicium esse, cum Hieronymus in eadem sententia esset. Non patiemur nos ad finem Primi Libri perductos, novæ & arduæ disputationis de Regimine Ecclesiæ in Pelagus rapi; præsertim cum locus commodior posthinc non desit de hac quæstione differendi. Sufficiat hinc breviter dixisse & ostendisse verbis Hieronymi non concludi Epiphanium, ipsumque contraria scripsisse, Hieronymus dicit, "Apud Veteres eosdem Episcopos & Presbyteros fuisse, quia illud nomen dignitatis, hoc ætatis fuit. Epiphanius tradit, Aerii dogma contra Catholicam fuisse Ecclesiam: Nulla tamen est Contradictio, quippe quod de Ecclesiæ mente ad tempora Aerii locutus est Epiphanius, Hieronymus verò post Aerium suam sententiam prodidit. Hic autem quis non demiretur viri proculdubio Antiquiorum seculorum callentissimi incredibilem temeritatem, nisi studiosum potius mallet dicere errorem; Davidis Blondelli, qui projecto omni pudore scribit, *Aerium hæreticum non habitum ob sententiam quæ ei cum Hieronymo & universis propemodum Veteribus communis fuit, & Presbyteratus cum Episcopatu identitatem inculcavit, sed ob falsum ac perperam à verissima illa sententia*

Pag. 201.

Hierony. Epist. ad Occasum.

Blondellus. Præfat. ad Apolog. p. 59.



*tentia deductam* *nitens*. " Ab iis scil. qui nullam inter  
" Episcopum & Presbyterum consuetudine Eccle-  
" siastica inuestum discrimen, quomodocumque ad-  
" miserit secedendum esse.

In qua non quod pro suo dogmate contendit; sed  
iis mediis, quæ nullum, seclusis suis Fide & autori-  
tate, fundamentum habent. Primò enim id nimis  
absurdè & falsò asseritur: viz. *Universos propemodum*  
*Veteres cum Aërio communiter de Episcopatu & Presbyte-*  
*ratu sensisse*. Cum ipse subtilissimus & accuratissimus  
hac in Lite Antiquitatis perscrutator ne unum adhi-  
beat testem ante Aërium, qui id *enunci*, uti Aërius,  
affirmaverit. Et quæ à quibusdam haussit per conse-  
quentias ex ingenio & conjectura suis textas, facile  
solvantur. Dein quod audacter, Thesi deserviens,  
nullo præeunte, vel comite, Aërium asserit Hæreti-  
cum habitum, quòd ab iis secedendum docuerit qui  
admiserint distinctionem Graduum seu ordinum isto-  
rum. Ast quem unicum ex universo Veterum choro,  
quibus perquam familiaris videri vult Blondellus, in  
suam traxerit sententiam, precor? Quare tam ino-  
pem in tanta copia se invito prodit, nullum memo-  
ret, nisi quia neminem invenerit? Epiphanius e-  
nim quem paulum ante testatur, contrarium potius  
scribit. Nam ejectum dicit ab Ecclesia, non sponte  
exiisse. Cæterum dices (quod alio in loco profers  
de contentione Augustini & Hieronymi de Anima)  
nullo modo esse probabile Hieronymum in istiusmodi  
sententiam ivisse, quæ omni Antiquitati contradi-  
ceret. Ergo falsò proditum est ab Epiphanio uni-  
versam Ecclesiam aliter sensisse: Mihi equidem nul-  
la ratione affirmari videtur Sanctum illum Patrem  
velle quicquam convellere, vel facile potuisse igno-  
rare quod universa docuerat Ecclesia: Siquidem cre-  
brius vix quicquam occurrit Venerabilis Patris, quàm  
summâ

Idem initio,  
Apologiæ,  
&c.

Epiphan.  
Hæref. 75.

summa religione se Veterum calcare vestigia, quale illud ad Theophilum est; "Tu scito nobis nihil esse antiquius quam Christi jura servare, nec Patrum transferre terminos. Transferunt autem Principes Judæ terminos quos posuerunt Patres eorum, quando commutant mendacio veritatem, & aliud prædicant quam ab Apostolis acceperunt. Quapropter nec sibi ipsi, nec Traditioni inviolatæ repugnat Hieronymus. Non enim sunt contraria quæ dispositione divina instituuntur, & Instinctu Diaboli: Quemadmodum enim in statu Innocentiæ Lege, seu dispositione divina omnia omnibus communia esse, & postea Diaboli instinctu primos Parentes à fastigio honoris illius deturbantis, Jus Divinum singulis privata sua constituit. Juxta illud Gregorii Magni: *Sicut in Libris Moralibus dixisse memini, liquet quod omnes homines natura aequales genuit, sed variante meritum ordine alios aliis culpa postponit. Ipsa autem diversitas quæ accessit ex vitio, divino judicio dispensatur, ut quia omnis homo aque stare non valet, alter regatur ab altero.* Primo item Evangelicæ lucis crepusculo, forte isti ordines nullo jure divino divisi erant; postea suadente humanâ malitiâ, & instinctu Diaboli, schismate & diffidiis Ecclesiam discerpentibus, visum fuerit Spiritui Sancto legem novam Hierarchiæ Ecclesiasticæ dare, quâ melius femina discordiarum tollantur. Occasio ergo à Diabolo, causa Distinctionis à Deo esse possit; quomodo pessimi mores optimis Legibus originem dare soliti sunt. Porro hoc non gravatim sumus jam largiti, non raro contigisse Patrem aliquem (homo cum sit) æstu posse rapi disputandi contra Hæreticos vel Adversarios importunos, quales habuisse quando hæc scripserit, diaconos quosdam Presbyterorum æmulos, certum est, Hieronymum; ut parum consentanea vel Ecclesiæ vel sibi ipsi posteritati mandet:

X

de

Episto. 68.  
ad Theo.Idem lib. 1.  
Com. in cap. 1  
Osee.Gregor. Mag.  
Pasto. Curæ  
Part. 1. cap. 6.  
initio.

de quo jam Libro Secundo nobis superest dicendum, fatiſ superque ſuccidiſſe ratiſ nervoſ Prioriſ Generaliſ argumenti, quo lectorem cuperet perſuaſum, Vel plane impoſſibile, vel perdifficile eſſe Veterum ſententiam de controverſiſ Religioniſ expiſcari.

---

**Reſponſionis**

---

# RESPONSIONIS PARTICULARIS

AD

Joan. Dallæum *De Usu Veterum, &c.*

## LIBER SECUNDUS.

### Caput primum.

**P**riore generali exceptione absolutâ adversus Veteres: hoc secundo libro ad alterum genus argumentorum se Vir Doctus confert; ubi sex rationibus sagaciter ostendere, Patres tantæ autoritatis non esse ut nostras de Religione controversias possint decidere: quarum prima hæc sequitur.

*Patrum de Fide Ecclesiæ testimonia non esse semper certa veraque.* Ratio prima.

**P**ostquam, quod magni & felices Duces partâ jam victoriâ, cæsisque vel profligatis hostibus consueverint facere, stragem, quam se fecisse Veterum, superioribus argumentis credit, non nisi summâ

ostentatione collustraverat Dallæus, (quæ ego omnia lubens omitto) ad deprædicatam illam Lernam errorum, quibus omnem Ipsi autoritatem penitus obrui putat, movendam, omnes intendit vires.

Prius verò quam speciatim Veterum fidem famamque querelis suis atterat, summam earum exhibet: Dein notissimâ distinctione, utitur de autoritate Patrum, quatenus Doctores, & quatenus testes doctrinæ sunt traditæ: quam sanè receptissimam, & aliàs utilissimam, in hac quæstione neque simpliciter probandam, neque damnandam existimem; sed potius distinguendum inter varios modos & occasiones Scriptorum à Veteribus, non minus quàm ab aliis. Sunt enim non pauca fortasse, quæ, quasi securis, nemine adversante aut excitante, exciderunt. Alia verò ab iis profluxerunt maturiùs re expensâ, & attentius literis mandatâ, & constantius, crebriusque inculcatâ. Non pari veneratione illa, atque hæc sunt recipienda. Non enim tantum Doctorum munus sed & Testium quoque hi obeunt. Docent enim, argumentantur, testanturque ex Antecessorum autoritate & traditione. Nec expectandum semper ut in Synodos cogantur Patres: ut solenniter testimonium perhibeant de Fide Christiana: quod enim in eorum scriptis legimus, aliam ob causam proditum posteris non credimus, quàm quia & Spiritui sancto & Veteribus ductui ejus parentibus, ita visum fuerat: Quam cum Viro Docto non contenderim, *Sitne* (quod scribit ipse) *inter ista duo magnum discrimen*: quia in genere saltem latum est; tantum tamen in rixosâ (quam vocant) Theologiâ non esse, quantum in aliis scientiis sit, aut in Ecclesiæ conciliis, atque in Foris Civilibus asseveranter dicam. Doctores enim Ecclesiæ semper se astringendos probe noverunt Traditioni, ideòque docendo testantur quodammodo Ecclesiam

Ecclesiâ quoque ita docuisse: aliter enim aliud docuissent. At *In teste* (inquis) *requiritur Fides, in doctore eruditio*: Optimè sanè, si Logicè de rebus disputemus: sed nihil obstat quo minus quæ naturâ sunt diversissima in unum cadant subiectum, idemque docendo testetur & testando doceat. Verum ergo concedimus, sed nobis non incommodum quod sequitur, viz. *Falli* etiam posse probos & pios Veteres quantum testes sunt. *Sape enim accidit* (pergis) *ut viri etiam optimi ea se vidisse innocenter testentur quæ se vidisse putant, tamen si eos falsos id putasse certis postea documentis deprehendantur.* Nihil his inesse dubii posset, quandoquidem nec tua te probitas ratiove summa effecit ne erroribus hic variis sis deprehensus. Quo verò te calumniandi studium, etiam ubi maximè deneges, asportavit, postrema hac ratione discimus. Tametsi enim multum sæpeque egimus de veneranda Patrum autoritate, nunquam tamene videntiâ sensuum communium testimonia exæquare diximus: Neutiquam ergo pudebit profiteri non minus nos erroribus obnoxios auscultantes Voci Antiquitatis, quam sequentes externorum sensuum dictata. Detur ergo par ratio in utroque: non opus erit ut Fallibilitatem Ecclesiæ Spiritus divini extraordinario adjutorio (quod tamen non est nihil) sublevemus: Christus enim prænuncians & promittens ad futurum Spiritum Sponsæ suæ, ait, *Cum autem venerit Spiritus ille veritatis docebit vos omnem veritatem, non enim loquetur de se ipso, sed quæcunque audiet loquetur, & quæ ventura sunt annuntiabit vos.* Sed ad particulatim objecta deveniendum, laudandumque imprimis Viri Clariss. ingenium, præ innumeris Novatoribus modestum: non enim, ut solitum his effervescentia pravi zeli, apertis convitiis invehitur in Traditionem, sed honestâ loquendi formâ præmissâ sæco verbere, & amici

Ibid.

Joan. 16. 13.



vulnere conficiendos Patres statuit: eos scilicet imitatus divitum hæredes, qui quos extinctos intus & animatus lætantur, eorum corpora amplo funere efferrî curant.

Pag. 106.

Ex iis autem primus omnium malè audit Philastrius Brixienſis, quod “ Inter Hæreticos eos censuit, “ qui levissimis rebus, & fortè veris, ab aliis discrepant. Quomodo autem hoc huc pertineat, aut Capituli titulo respondeat, difficile mihi est assequi; quod eò potissimum videbatur collimare ut incertam fluxamque Veterum fidem in deferenda ad nos Traditione Ecclesiastica proderet. Hic autem eorum potius fides symbolica quàm Historica perstringitur: quæ duo ipse in Limine hujus capituli distinxerat. Atqui si neque ut Doctor offendit Brixienſis, gravius multo ab Inquisitore peccatur. Facile autem Polyfemia vocis Hæresis tam apud Antiquos humanæ, quàm Divinæ doctrinæ autores hoc constitit. Cicero enim in bonam utitur partem eo vocabulo, in Paradoxis, *Qui Cato*, inquit, *in ea hæresi est*: à quo non dissentit vel Tertullianus, vel Isidorus Hispalensis. Neque enim Græci illam refugiunt dictionem in materia honesta: Nam & Aristobulus Pontifex Maximus Judæorum sic apud Eusebium de sua loquitur Religione, *Ὁ μάλιστα σεβασμὸς τῶν θεῶν καὶ τῶν ἀνθρώπων ἀρετῶν*. Et apud eundem Constantinus M. & Ethnicis suam superstitionem, & Christianis *τῆς αἰρέσεως ἡ ἰσχυρὴ καὶ ἀληθὴς ἐκκλησία* permittit. Nec denique Sanctus Paulus dissimiliter Epistolâ ad Titum loquitur, ubi monet Hæreticum hominem post unam aut alteram admonitionem fugiendum: de quo sic commentatur Calvinus. “ Vulgo trita est distinctio inter Hæreticum & Schismaticum, quæ tamen hic à Paulo, nî fallor, confunditur. Neque enim tantum eos designat, qui “ certum errorem, aut perversum aliquod dogma fovent,

Tertull. Præf. adv. Hæret. cap. 6.

Isidor. Hisp. Origen. lib. 2. cap. 1.

Euseb. Præp. Evangel. lib. 13. cap. 12.

Tit. 3. v. 10.

Calvinus in Locum.

“vent, aut tuerentur: sed in universum, quiconque  
 “sanæ doctrinæ non acquiescunt, quam nuper pro-  
 “posuit. — In summa, quisquis Ecclesiæ pacem  
 “suâ protervitiâ abruptit is Hæreticus vocatur à  
 “Paulo. Quæ cum ita sint, impudenter hîc Phila-  
 strium & Epiphanium obelis criticis Dallæi perbissos  
 esse, constet. Poterit his Augustinum quoque & alios  
 adjunxisse complures, qui interdum laxius, in-  
 terdum strictius Hæresis vocem usurpârunt. Ita enim  
 de Civitate Dei ille, *Qui in Ecclesia Christi morbidum*  
*aliquid pravumque sapiunt, si correpti ac sanum rectumque*  
*sapiunt, resistunt contumaciter, suamque pestifera & mortifera*  
*dognata emendare nolunt; sed defensare persistunt, hæretici*  
*fiunt; & foras exenites habentur in exercentibus inimicis.*

August. De  
 Civ. Dei,  
 lib. 8. cap. 51.

Jam verò videamus si vel alterum Par Ecclesiasti-  
 corum Herorum Hieronymus & Augustinus modestius  
 inter se committantur: quod Ille ponat ex sententiâ  
 Ecclesiæ, Animas hominum à Deo immediatè crea-  
 tas; Augustinus autem aliter scripserit; “Quod si  
 “vero Hieronymi veram esset Testimonium, ea (in-  
 “quit D.) fuit Augustini modestia ut sine injuriâ di-  
 “ci nequeat eum receptam in Ecclesia sententiam  
 “ut privatæ indulgeret, reliquisse. Quorsum verò  
 hæc, si quod res ipsa est, respondeamus, Utramque  
 opinionem Ecclesiæ fuisse; Ecclesiam verò in neu-  
 tram unanimiter consensisse: quod non tantum vi-  
 dit, sed aperte tradidit Cælestinus Papa de hoc du-  
 bio loquens, “Profundiores verò, difficilioreseque  
 “partes intercurrentium quæstionum, quas latius  
 “pertractârunt, qui Hæreticis restiterunt, sicut non  
 “audemus contemnere, ita non habemus astruere.  
 De his autem verbis sic Cornelius Jansenius in suo  
 Augustino. “De his intellexit Cælestinus, quas  
 “Augustinus disputando & in omnem partem se-  
 “(pro assequenda veritate) vertendo, in medio in-  
 “decisas

Page 206.

Cælestinus ad  
 Episcop.  
 Galliar.

Jansenius  
 August. To. 2.  
 Proœm. ca. 16

“decisas præteriit. Talis est illa latebrosa de Ani-  
 “mæ origine, quam multis locis propter Pelagianos  
 “latè pertractavit. Hæc ille. Quibus si addamus,  
 Augustinum ipsum hanc controversiam nusquam de-  
 finiisse, & suam sententiam nunquam Ecclesiæ tri-  
 buisse, merus Paralogismus hæc tota crepatio Dallæi  
 erit.

Pag. 107.

Nec multum dissimile erit responsum ad similem  
 reprehensionem Veterum, docentium, Angelos esse  
 Corporeos, juxta Joan. Thessalonicensem Episco-  
 pum. Primò enim, Nihil hæc in quæstione defini-  
 tum invenimus ab Ecclesia. Dein, Est res potius  
 Philosophiæ quam fidei: Denique hæc ipsa senten-  
 tia, si æquius quam à vulgo Peripateticorum solet,  
 perpendatur, à vero minus abhorret, vel judicio Præ-  
 sentis Ecclesiæ. Verbis enim & loquendi formulis  
 licentia neganda non est, quam quævis ætas delege-  
 rit. Placuit autem priscis Philosophis, æquè ac Chri-  
 stianis, quolibet subsistens & in rerum natura per-  
 manens, *Corpus* nuncupare. Unde Lucretius.

Lucretius,  
 lib. 1.

*Præterea nihil est, quod possis dicere ab omni  
 Corpore secretum*——

Tertul. de  
 Carn: Christi  
 cap. 11.  
 Idem contra  
 Hermog.

Idem contra  
 Marcion.  
 lib. 2. cap. 16.

Apuleius de  
 Deo Socratis.

Item Tertullianus, *Nihil est (ait) incorporale, nisi  
 quod non est.* Et contra Hermogenem, *Ni fallor, Om-  
 nis res aut corporalis aut incorporalis*, ut concedamus in-  
 terim aliquid esse *Incorporale*, de substantiis duntaxat, cum  
 ipsa substantia corpus sit rei cujusque. Contra Marcio-  
 nem autem adhuc apertius sic scribit. *Quis negabit  
 Deum corpus esse, etsi Deus Spiritus sit?* Platonici au-  
 tem Philosophi hoc idem senserunt, ut ex uno Apu-  
 leio pateat. *Dæmones sunt in genere Animalia, ingenio  
 rationabilia, Animo passivi, Corpore aerei, tempore æterni.*  
 Enimverò nisi quis tandem (quod mihi videtur hu-  
 mani

mani ingenii vires & acumen superare) clarè & præcisè definierit extremos corporeæ puritatis terminos, quos excedere Divinæ potentiaë fuerit impossibile, non putârim contra Angelorum corporietatem pertinacius aut morosius disputandum, vel Anima nostræ; qui, utut se res habeat, non immerito Spiritus dici possint, quod spissiore materiâ, qua Sensibilia constant, eximuntur. Me verò quod attiner, fateor probabiliorem & temperatiorem videri illam Augustini sententiam, quam explicat latè, Epist. 28. Aug. Ep. 28. Puerile autem & novum illud nostri sæculi argumentum esse duco in contrarium, quod è Penetratione Scholastici solent usurpare. Nam hodierna explicatio Penetrationis vel admodum futilis, vel nulla est, vel talis, quæ ad aures Veterum vix pervenisse videatur. His proximis Epiphanius, reprehensus quòd traditum ab Ecclesiâ scripsit, ut ter in Hebdomade conveniret ad sacram Synaxim, *quod Petavius, an satis certò constet, se haud scire dixit.* Dall. ibid. Mirarer equidem Virum doctissimum potuisse latere, non ter solum, sed quotidie, per septimanam convenire solitum Christianis antiquis fuisse, ad Eucharistiæ celebrationem, quod Augustinus & Origenes expressim affirmant. Quæ verò est illa discrepantia, quæ pro temporum locorumque varietate, facile conciliatur? Nam autore Augustino Ecclesiæ aliquæ quotidie, aliæ ter celebrarunt in Hebdomada: Aliæ, singulis Festis.

De Augustini, Fulgentiique opinione de summa necessitate baptizandi Parvulos, cujus verba satis quidem rigida hic ponis, viz. *Firmiter tenendum & nullatenus dubitandum de aeterno eorum supplicio;* primò dicimus, mirum nobis videri, ut te, tuumque Petavium præteriret, hæc quæ allegantur quasi Fulgentii verba, ipsius potius Augustini fuisse, in opere illo ad

Y

Petrum

August. To. 3. Petrum Diaconum De Fide: imo integrum tractatum istum transiisse (nescimus quo errore) ex Operibus Augustini in Fulgentium; & potius Filium populi esse, quam utriusvis Patrum. Nasutissimo enim Erasmo figmentum olebat: easque ob causas quæ utroque abjudicant: nim. Styli impuritatem, quam Fulgentius videatur magis quam Augustinus perhorruisse. Neque tamen dissimulem Erasmus inadvertere arguisse opus esse supposititium, à formulis inconcinnioribus loquendi, Augustino minimè competentibus: qualis illa est, *Pergere Hierosolymam*, quod nollet ab Augustino dictum: non meminit scil. Augustinum non semel ea phrasi usum in Epistolis. Primò enim ad Marcellum scribens, ait, *Per Diaconum Peregrinum, qui cum illo perrexerat commonitorium direxi.* Item alibi, *Perreximus*, inquit, *comitantibus non paucis.* *Pergere* scil. dixit Pater ille, ubi non dubitem discretissimum Erasmus meritò *Proficisci* dicturum. Nec multò firmior altera ratio conjectantis est, sumpta à toties repetita illa phrasi *Firmissimè tene*, & *Nallatenus dubita*; non *simplici* (inquit) *virio latinitatis*: Nam ab hac formulâ non abhorruisse Augustinum, alicubi experti sumus. Ratio ergo tertia, ut sanior, ita magis nostra refert, viz. *Toties hic iteratur, infantes, qui citra baptismum hinc decesserint æternis ignibus cruciandos, quòd aliàs apud Augustinum nunquam legi, licet pena damnationis & Interitus vocabulis frequenter utatur.* Distinguamus ergo de Pœnis Infantum Baptismali fonte illorum, & mollior veriorque erit sententia Fulgentii & Augustini. Nam æternis puniuntur pœnis secundùm doctrinam Ecclesiæ, qui damnum beatificæ Visionis æternum patiuntur. Pœnam verò, quam dicunt *Sensus*, luere infantes ob carentiam Baptismi, non adeo communis aut constans est, fuitve unquam opinio Ecclesiæ. Hanc differentiam la-

tam

Erasmo.

Augustin.  
Epist. 158.Augustin.  
Epist. 161.

ram satis non attendens quisquis ille fuit Collector Opusculi istius ex operibus Augustini (ut probabiliter admodum conjectavit Erasmus) errare facile potuit de mente Augustini, ut & Dallæus isto duce, de Fulgentii.

Virum insuper liberalis ingenii dedecere putarem famæ Veterum inequitare propter lapsus eorum Chronologicos; ubi, si quempiam mihi sistat Recentiorum, qui non prolapsus in ejusmodi errores sit, & manum exhibentis, & pedes tam foeliciter procedentis polliceor me ambitiosè exosculaturum. Peccasse ergo, & dormitasse agnoscimus aliquoties Bedam; sed doctrinam fidei, quò minus recipiantur, vel illum vel alios hoc modo læsisse pernegamus.\*

Dall. ibid.

Quid verò audimus post hæc nisi Salmonei tonitru: viz. *Autoritatem nullam contra rationem admittendam: Pag. 111.* & *Sanctum esse, veritatem cujuslibet amicitia anteponere: Sumo ergo (inquit) si places, eadem in Christiana Philosophia loco, quo in seculari est Aristoteles. Fatebor eorum de Religione sententias reverenter esse habendas atque expendendas. Fateor de viris maximis & præcipue eruditionis ac sanctitatis fama florentibus non esse temerè quisquam secus suspicandum; neque eorum sententia absque gravi & evidenti ratione erroris aut vanitatis, præsertim in re momentosa, infirmulanda, ita tamen ut memineris eos homines fuisse. Egregia hîc Apophthegmata habemus. Rectissimè enim & æquissimè Ratio sana autoritati insanæ præponitur: sed rationes nullas habemus hujusmodi contra autoritatem quam defendimus. Præterea consilium & constantiam in te, Vir eximie, desideramus, qui Libro superiore negasti, & pro virili probasti mentem Antiquorum à nobis non posse capi; quod si verum demus, evanescant necesse est ampullæ hîc veterum laudes: non alio certè animo adornatæ, quam ut postmodo securius & certius jugulentur.*



Pag. 110.

Pag. 112.

Joan Gerard  
Vossius de I-  
dolatria,  
Lib. 1. cap. 7.Melchior  
Canus Io.  
Com. Lib. 7.  
c. 1. 2. & 3.

lentur. Optime sanè & liberalissimè consultum à re illis crederem, si vel tantam revera tribueres ipsis auctoritatem, quantam Aristoteli pridem in Scholis vidimus ubique concessam: & sic quidem utrique homines fuisse Patres meminerimus: Vos, ne dum homines creditis, deteriore loco quam pecudes habeatis: & non quia possunt errare, ita contra ipsos disputare, ac si non possint non errare: Nos verò, ne vel supra rectè institutâ demonstratione, (quam nusquam hætenus assecuti sumus) vel divino verbo constituamus: quod unquam hominum Christianorum in mentem venisse, nondum accepimus. Imo concedimus (quod multa prece supra postulas) in minimis, & si vis, in majoribus, & potuisse falli, & actu cepitasse: Agedum verò experti judicent lectores, an necessitate, an detractandi animo, Veterum publices nœvos, ex sequentibus. Cæterum hanc litem dirimere non opis est nostræ, nedum D. Dallæi definire. Post Scholasticos videat, cui sit volupe, succincte hanc quæstionem explicatam à Cl. Gerardo Vossio.

Quoniam verò multa hoc libro Veteribus objiciuntur, animo existimationem eorum denigrandi, quæ simplicioribus negotium haud leve serant, ex numerosissimis instantiis; utile hic existimavi ea semel enervare, quæ postea per partes conficiam: atque invidiæ declinandæ causâ Cani potius quàm meis verbis, quantum per compendium fas sit. Postquam enim ipse fere singula quæ Dallæus hîc Patribus exprobrat, & nonnulla alia, Lib. 7. cap. 1. & 2. contraxerat: tertio capite propriam sententiam hoc modo explicat. Conclusio prima sic se habet. *Sanctorum autoritas sive paucorum, sive plurium; cùm ad eas facultates affertur, quæ naturali lumine continentur, certa argumenta non suppeditat, sed tantum pollet quantum ratio naturæ consentanea persuaferit.* His concessis tolluntur illæ

illæ quæ infra fiunt exceptiones adversus Philosophicos errores Sanctorum Patrum.

Secundo, concludit. *Unius aut duorum Sanctorum autoritas, etiam his quæ ad sacras literas & doctrinam pertinent, probabile quidem argumentum subministrare potest, firmum non potest. Ita dispicere & pro nihilo habere, impudens; suscipere & habere pro certo, erit omnino imprudens.* Hujus eadem, quæ nusquam non occurrit apud Do. Dall. ratio redditur, scil. *Quia homines fuerunt & spiritu humano sunt locuti.*

Tertia conclusio est. *Plurium Sanctorum autoritas, reliquis, licet paucioribus, reclamantibus, firma argumenta Theologo sufficere & prestare non valet.*

Quarta conclusio. *Omnium etiam Sanctorum autoritas in eo genere questionum quas ad fidem diximus minimè pertinere, fidem quidem probabilem facit, certam tamen non facit.* Hoc ex superiore colligitur.

Quintò: in Expositione Sacrarum Literarum communis omnium Sanctorum Veterum intelligentia, certissimum argumentum Theologo præstat, ad Theologicas assertiones corroborandas: quippe, cum Sanctorum omnium consensus S. Sancti sensus ipse sit.

Sexto: *Sancti simul omnes in Fidei dogmate errare non possunt.* Hanc plurimis Veterum testimoniis conclusionem confirmatam apud ipsum legere autorem, mallem Lectorem remittere, quàm hîc prolixiore eum oratione defatigare. Ex his autem satis non planè obtuso sit perspicuum, quàm sublesta Fide caput ipsum quæstionis tam secundùm Pontificios, quam Reformatos pertransiit Vir Doctus.

## Caput secundum.

Ratio  
secunda.

*Patres ipsos negare nudis suis assertionibus absolute  
standum esse, in iis quæ de Religione ipsi in me-  
dium proferunt.*

Vide Whitak.  
contra Du-  
ræum lib. 5.  
initio. Rivett.  
ca. 8. De Au-  
toritat.

**S**uperfluum planè esset Lectorem hîc demorari & defatigare iis recensendis; sanè quam plurimis; quæ D. D. ex Whitakero, Rivetto, aliisque, comparavit hujus Thesis tuendæ & ornandæ causâ: Transeo ergo ad æquissimas illas conditiones quas huic præmittit capiti, cupiens istam de Veteribus valere sententiam, quæ & ipsis iudicibus est præponenda. Summa omnium hûc redit. Patres, tali se non dignantur (ergo iis non debetur) honore; aut à nobis, ipsis renitentibus, concedendus. Quid autem fiet huic rationi si ne illud quod supponitur verum sit? æquum scil. ut secundum verba Veterum de seipsis, ferenda sit sententia? cum aliud longè sit Civilis, & Theologica seu divina confessio? & ista reatu fatentes innodet, poenâque hæc absolvat? Ea sanè foret esse Sanctorum modesta & humilis de seipsis opinio & voces, quæ infra quàm par est, ipsos dejiciant: quod pie & eleganter à Chrysostomo legimus observatum. Hom. 58. To. 5. Τοῦτοι οὐδ' αὖτις τὸ εἶδος· εἰ μὴ πὶ σεβάζουσιν φαῦλον, ἐκποιποῦσιν αὐτὸ καὶ ἐξ' ἡμῶν ἡμῶν ἀποτίσιν καὶ πῶσι ποίῃσι κατὰ δόλον· εἰ δὲ πὶ ἡμῶν, καὶ μέγα ἀπεκρύπτουσιν, καὶ λήθην ἐπαίουσιν. In Politicis autem aliter res se habet. Non ergo sequitur, Patres illum Arbitrorum honorem à se modestè amoliuntur, ergo ab aliis tribui fas non fit. Justus enim, secundum Solomonem, est prior accusator sui:

sui: & rectè Augustinus de sobrio Christiano: *Neque enim quisque nisi imprudens ideo quia errata mea reprehendo, me audebit reprehendere.* Is tamen est Dallacus qui hoc naviter facit, his verbis. "Hunc nihil opus est longis sermonibus probare in rebus ad Religionem pertinentibus errare potuisse, quàm id ultro luculentissimè Retractionum opere confessus est, quo varia quæ quidem præter, vel contra veritatem scriptis styli ipse mucrone confodit. In hoc scilicet Sanctus ille Pater potissimum erravit, quod crederet errores, quos exposuit & retractavit ipse, ipsi ab il- liberalibus ingeniis non esse exprobrandos. Qualis verò est illa auctoritas tandem quam nolunt sibi ipsis, vel Ecclesiæ dari Veteres? Juxta ipsam Dallacum, Fundamentæ fidei. Hanc autem & nos, & sancti omnes negant Patribus. Nemo autem nisi cæcus hanc nequaquam esse illam, de qua contenditur, non videret, uti sexcenties fere jam dictum est. Dolosè ergo non nervosè, de proprio, uti antea, hic quoque suggerit, *Nudas assertiones Patrum absoluta fundamenta, aut religionem absolute stare;* quum id abundè sobriis cunctis sufficiat, non absolutam seu primariam Regulam credendi Veteres habendos; sed Secundariam, & ministerialem tantummodo. Facile ergo prolabuntur nullo impellente adversario, quæ contra nullum adversarium fortiter facere videatur. Vir Doctus, Ne tamen penitus huic Capiti desimus, placet hic, quanti sint istæ exceptiones, quæ hic contra Veteres moventur, præcipuas delibantes exploremus.

Primò, nego fideliter memorari hîc dissidium illud Augustini inter & Hieronymum, de Scripturis, & Antiquorum auctoritate. Nequaquam enim quærebatur, An illarum, an horum auctoritas staret, quod credi à Lectore pervelit Dallacus. Quis enim animo non exhorret, (nedum Sanctus Hieronymus) tam insulsum

August. Prolog. in Lib. Retract.

Pag. 18.

Pag. 112.

sulum errorem? Quin imo, rectè expendenti litem istam, perspicuum fuerit, Hieronymum non simpliciter Augustini opinionem rejecisse, quæ statuit Petrum à Paulo rêvera fuisse reprehensum, non simulate; sed locum pariter suæ & Veterum quorundam sententiæ quæsiuisse; & commodiorem judicasse ad retundendum Ethnicorum quorundam importunos latratus, qui inde arriperent convitiôrum materiam, adversus fidem Christianam, & fideles. Est porro quod huc maximè attineat, Neque Hieronymum neque Augustinum uspiam tradidisse suam, fuisse etiam Ecclesiæ sententiâ; quanquam consentaneam utrâvis fuisse eidem crediderint. Denique, si per suppositionem fortè Augustinus eo esset animo ut putaret Ecclesiâsticos Patres à Literâ deerrasse hujus Textûs, propterea putaverit in iis fidem non esse habendam. Iplis, quibus liquido non constet offendisse? Quid opus autem est prolixiore certamine; non video, ubi dupliciter vacillat Dallæus, Primo, quod haud rectè facta Veterum æstimet, Dein, quod Normam seu cardinem quæstionis perpetuâ Fallaciâ pervertere laborat. Qui autem vel Antiquorum vel Recentium somniaverit dogmata Veterum S. Scripturis opposita, locum obtinere debere, eat per me ad Anticyras, & qui operosiùs contrarium disputando demonstrat, eum, si placeat, comitetur.

Secundò vero notandum duxi Diffidia ista quæ hic tantopere exagitantur, Problematica (ut loquuntur) ut plurimum esse, nec nostra multùm referre in quam partem pedibus eamus; neutrà enim vel Ecclesiam, vel fidem periclitari.

Tertiò manifesta ignoratione Elenchi Lectorem deludit integro hoc capite, eò quod non ut Veritatis Testes; sed ut Doctores deliquisse Veteres accusat, contra proprium institutum. Age verò utrum tanto hiatu

hiatu strepituque dignum quid hac in parte præstitit, paucis probemus, luci publicæ exceptiunculas expONENTES.

Ad Palmarium argumentum ab Augustino sumptum jam supra satis respondimus, & nunc cum Cardinali Hosio (quem non latuic) dicimus, "Libenter cum Augustino solis Scripturarum libris, qui Canonici vocantur, timorem hunc honoremque deferimus, ut earum authorem nullum errasse scribendo firmiter credamus; alios autem ita legimus, ut quantalibet doctrinâ aut sanctitate præpolleant, non ideo verum putemus quod ipsi senserunt, sed quia nobis vel per istos auctores Canonicos, vel probabili ratione, quod à vero non abhorreat persuadere potuerunt. Quæ ex ore summorum Pontificiorum tam perspicuè dicta, immeritò admodum secutundum mentem, uti opinatur, Augustini, docent triumphare Dallazum his verbis, "Unde liquido sequitur quam nunc adhibent methodum ad demonstrandam veritatem, non sufficere. De opinione quadam vel de Scripturæ alicujus sensu ambigitur. Assertur ad eam rem Patris sententia, planè contra quam vult Augustinus hic, ut ex Patribus de Scripturis fiat judicium: His quoque quæ infrà habentur consentiunt, viz. "His si subjungas quam disertè celeberrimi quique supra [locis scil. laudatis] in hanc rem dixerunt, videbis hoc eos velle & cupere, non ut suas opiniones pro oraculis & decretis habeamus, sed ut de iis ex Scripturâ & ratione judicemus, tanquam de doctorum hominum placitis. Sed nec uni Dallæo, sed & Petro Martyri, Rivetto & pluribus aliis arrisit nimium hoc cavillum, cujus (nisi quos planè deseruit pudor) pudere omnes oportet. Martyr quidem solito turbatior sic scribit, "Quod denique ad illud attinet de Pa-

Hosius de  
Fide & Sym-  
bolo. cap. 19.

Pag. 114, 115.

Petrus Mar-  
Loc. Com.  
Class. 4. ca. 4.



"erum iudicio, pronuncio, mihi non videri Chri-  
 "stiani hominis ad hominum iudicia provocare à  
 "Scripturis Dei. Hæc autem quorsum spectant e  
 Ecquis Christiani nomine insignitus à Deo ad homi-  
 nes provocat? vel à verbo Dei ad hominum vocem  
 confugit? Vel qui Patrum consilia Scripta de Scri-  
 pturis divinis, has deserit? *Mihi sane videtur*  
*multo eas religiosius colere quam qui suo tantum*  
*Marte, & acumine eas adit.* Tam altè tamen ani-  
 mis hominum complurium infedit hic paralogismus,  
 tam crebrò linguis volutatur, & Scriptis scæset, ut  
 mihi in dubium sapienter & serio venerit, utrum minus  
 cordis an iudicii hac in re is infit. Quis enim eodem  
 modo de Scripturis ex Ecclesiasticis scriptoribus, quo,  
 de his, ex divinis Oraculis iudicandum est, putave-  
 rit? Aut quis denique tam desipienti mente sit, ut  
 credat ex Scripturis petendum, quid senserint Ve-  
 teres aut scripserint in locis obscuris, vel non de-  
 cere tam Sanctis & peritis ducibus uti in exploran-  
 dâ mente Spiritûs S. & elicienda ex fontibus illis  
 Divinis? Non enim dubii, an vera tradiderit Spi-  
 ritus Sanctus in Scripturis, Veterum prudentem &  
 piam operam quarimus: Absit plane. Sed, an ve-  
 re illa sunt à Scriptoribus Theopneustis tradita quæ  
 passim præsumuntur. Sensus scilicet. Literalis seu Gram-  
 maticus indagatur. Quando autem Veteres ex Scri-  
 pturis examinantur, non de Mente eorum tam labo-  
 ratur, quàm de naturâ doctrinæ ipsius: an, putâ, se-  
 cundum fidem vel seculi scripserint. Est ergo horri-  
 ficum illud monstrum impietatis nullibi à me visum,  
 aut inventum extra operationem superstitionum  
 quorundam ingeniorum, quæ primò fingunt nescio  
 quas belluâs sibi, quibus postea conterritos se esse  
 conclamant, aliisque fugam consulunt: Hoc equi-  
 dem mirandum in modum nos solet conturbare, quod  
 qui

qui Libertati Christianæ quàm maximè opëram dare videantur, & Sacræ Paginæ plus aliis deferre, eandem credulitatem immodestè pronique habent erga quosdam insigniores, modernos, quàm extremâ abominatione Antiquæ Ecclesiæ denegant; quasi, verbi gratiâ, tam securi ab errore essent Lutherus & Calvinus quàm eo penitus absorptus, est Romanus Papa: unde accidit quàm sepius ut vix quicquam ab his Verbum Dei obtinentibus tam crudum, inconditum, falsum fallaxque tradatur, quàm discipuli jurati, conamullico devotens, & defendant. Hinc Chamierus

Chamierus  
Fol. 1. lib. 15,  
cap. 21.

proculdubio qui hujusmodi argumentâ vitium, pon penitus ignoravit, mallet steriles quasdam versatias meditari, & suffragia quàm nem ipsam cordatè nri est, prodere, quibus rebellendis operâ pretium don duxilectorem demorari, & non audire. No tunc

Quis potius arguendo à se allato respondeat, hic videndum. Si non est Patrum in fide definita

pag. 223, 224.

dâ quæ his vulgo tribuitur auctoritas, cur ergo Patrum sententiis & resolutionis in suis de Religione disputationibus utuntur, & Athanasius & Cyrilus, & ipse ille qui hæper à nobis memoratus est

Augustinus? Prius autem quam satisfacit huic dubio, quasi trepidè iter prætentat, quid nonnulli rectè annotarunt, præmittens, viz. "Patres non aliter quàm ab Adversariis provocatos in hanc arenam descendere. Quinam autem isti sint, nobis

expectantibus invidet, nisi me verò conjectura fallat (quæ facile possit quàm potius plerique Recentiorum, quàm Veterum quispiam, sic eludunt rationem istam) Laurentius, à nobis haud rarè memoratus, eorum Pars magna sit, ex quo fere integram hanc objectionem, unâ cum solutione, desumptam contenderim. Quantillum autem, rôgo, interest, Utrum

Lacesiti, an sponte fecerint, quod frustrâ est, & ini-

quæ factum? Frustra autem omnino facient qui eadem cum D. D. fuerint opinione, nequaquam posse nos ad sensa Veterum pervenire investigando: Inique, qui existimaverint oppositis eorundem vocibus refelli posse vel tolli argumenta à Testibus illis adducta. Sponte verò & prudenti consilio hanc sibi methodum elegisse, verum esse quæ prius diximus de Praxi Antiquæ Ecclesiæ, satis probant: & plura infra dicenda probabunt: Unum hic obiter Tertulianum audiamus. "Non ergo ad Scripturas provocandum est, nec in his constituendum certamen, in quibus aut incerta victoria est, aut parum certa. Nam licet non ita evaderet conlatio Scripturarum, ut utramque partem sisteret; ordo rerum desiderabat illud prius proponi, quod nunc olim disputandum est. Quibus competis fides? A quo, & per quos, & quando, & quibus sit tradita disciplina? Unde sunt Christiani. Ubi enim apparet esse veritatem disciplinæ & fidei Christianæ, illic erit veritas Scripturarum, & expositionum & omnium traditionum Ecclesiasticarum. Hæc ille. Non nihil est etiam quod (paule benignior) largitur ipse Dallæus, qui hæc prioribus subiungit: "Hoc assu- per moneo, nos tamen si negemus Patrum autoritatem ad fidæ caput probandum sufficere, non ideo tamen prohibere quo minus illi legantur & allegentur. Sapientum Ethnicorum, &c. Quis hanc Viri Docti pietatem in Patres non demittetur, vel potius derideatur? Non frontibus eorum Expurgatorium illud stigma inurit, Auctores omnino Damnari, aut Poetarum subfellum detrudat, contemptus ut habeantur non est in causa: Quod nullo pacto possit prohibere, non prohibet Vir bonus: Legi illos & allegari quoniam (ipso nolente) ita velint homines per

Tertull. de  
Præscript.  
Advers. Hæ-  
ret. cap. 18.

Dall. ubi su-  
pra.

per ipsum licet. Cui autem bono? Quare hoc? Num ut calculos clarè aliter Scripturarum voci afferant, & Scripturarum absolutissimæ autoritati superpondium sint? Hoc est: ubi Quæstio liquidò solvitur, ut resolvatur? Enimverò nihil amplius fundere nobis laxum hîc Dallæi gremium, quàm hujusmodi vanitatem; hæc quæ adduntur, ostendunt. *Quid juvabit demonstrasse sic sensisse Veteres, si nulla apud* Pag. 225.  
*eos extet ratio quâ ad idem sentiendum commoveri queamus?* Quid si autem rationem attulerint? Non plane rejicientur, credo. Sed Rhetorum & Poetarum numero & censu habebuntur. Quid autem si & ipsa Autoritas ratio interdum non temnenda sit sobriis? Ita quidem Ciceroni aliquando visum est de Platone agenti. *Si rationem (inquit ille) nullam afferret (vide quid homini tribuam) sola autoritate me frangeret.* Huc quoque spectant quæ & Aristoteles scripsit in Ethicis. Hanc denique Cartwrighti immodestam olim morositatem optimè Hookerus refutavit, qui quod res est ostendit, Deficiente ex utrâque dissidentium parte pondere rationis, Virorum præclarorum auctoritatem haud levis esse momenti. Quanquam enim Scriptores docti non semper unâ cum sententia sua rationes prodiderint, tamen non facile quis statere possit nullâ eos ratione flexos, nixosve nullâ. Quod non negaret nisi plus Sophistarum deliriis apud Gellium deferre Dallæus videretur, quam doctorum istorum gravi judicio. Isti enim eodem fere contra Patres argumento sunt usi, quo ille contra Patres, sic disputantes. "Aut rectè imperat Pater, aut  
 "perperam, si rectè imperat, non est quia imperat,  
 "parendum: quoniam id quod fieri ius est faciendum  
 "est. Si perperam, nequaquam scil. faciendum  
 "quod fieri non oportet. Nunquam est igitur Patri  
 "parendum, quæ imperat. Pariter & Vir Doctus.

Cicero Tusc.  
Quæst. lib. 1.

Arist. Ethic.  
Lib. 6. cap. 11.

Hooker. Ecclesiast. Polit.  
Lib. 1. Sect. 7.

A. Gellius,  
Lib. 1. cap. 7.

Dall. ibid.

“ Quid verò incommodi erit si ea fuisse sententia  
 “ Veteres nesciamus, modo ita se rem habere apud  
 “ nos constet. Quasi dixerat, Si verum esse liquebit  
 quod Veteres docuerint, Quid juvabit à Veteribus  
 didicisse? si non, quid juvabit demonstrasse sic sen-  
 sisse eos? Miramur autem huiusmodi propria in-  
 vidia & vanitate disrumpi argumenta, & videamus,  
 An felicius fingat quàm solvat argumenta. Equi-  
 dem nisi ipse magis Modernorum Rivetti scil. Lau-  
 rentii, & aliorum auctoritate, vel exemplo movere-  
 tur, quàm Ratione, cohera institutam methodum,  
 neutiquam hic (quod fecerunt prius illi) à Sisinnio  
 Diacono Novatiano contra Auctoritatem disputaret:

Rivettus ca.3

Dall. p.126.

Viz. Hoc modo ut Arrianos impugnaret debet consilium Ne-  
 ctario Constantinopolitano Episcopo, teste Sozomeno, lib. 7.  
 cap. 12. Ita fane. Quid autem inde? Fuit, inquit,  
 homo iste veterator, & schismaticus. Ergo, &c. Quid  
 ista? Nunquid (quod Cyprianus parum Novatiani  
 favens respondit simili disputatori) Quia Novati-  
 anus facere audet, nos putabimus non esse faciendum?  
 Tantane ira Evangelicis Animis contra Novatianos  
 ut continuè oderint, quod illis arriserit? Scoticæ  
 quidem Reformationis nebulo insignis, longe aliter  
 de Novatianis (ut æquum est factioni isti) judica-  
 vit, de quibus parum honestè loqui posse se putavit  
 nisi Clarissimos Catholicos, Chrysostomum, & Cy-  
 rillum Alexandrinum, infami notâ dehonestet, quod  
 Puritanos, scil. Novatianos persequerentur, & prop-  
 terea vindicem scribebat manum Dei cernis, quâ ille ex-  
 ilio, hic Sedem repetens, periret.

Cyprianus de  
Confirmati-  
one. Episto. 71Meditatio de  
Antipurita-  
nismo, pag. 70

Pag. 126.

Urget autem Dallæus, “ Si ea fuit Legitima me-  
 “ thodus, cur tot Catholicis Episcopis non venit in  
 “ mentem? Nesciebant scil. isti quibus armis pug-  
 “ nandum esset adversus Ecclesiæ hostes? Qui vero  
 D. Dallæo sit compertum hanc methodum Catholicis





"cupiebat, sensisse, & vidisse ipsum à vero alie-  
 "num. — Nihil ergo homo ille respondet, nisi  
 "futurum ut non fallamur, si modo nulla nisi sancta  
 "dogmata admittamus. Sic solent pueri ludere dum  
 "te negant moriturum, si modo cibum semper sump-  
 "seris. Ne verò nesciat quis verba Vincentii quæ  
 tam faceto ridet scommate Dallæus, hæc sunt.  
 "Catholicis hac lege credendum est, ut quicquid  
 "vel omnes, vel plures uno eodemque sensu mani-  
 "festè, frequenter, perseveranter, velut quodam  
 "consentiente sibi Magistrorum concilio, accipien-  
 "do, tenendo, tradendo, firmaverint, id pro indu-  
 "bitato certoque habeatur. His canino risu Vir Do-  
 ctus respondens, æquum erit ut humaniore paulo con-  
 temptu excipiat & dimittatur. Id nihilominus  
 dicendum, quod candidum non latet lectorem, non  
 ita intelligenda esse verba, aut Legem, de qua agit  
 Lyrinensis, ac si sola & una illa sententia dubiis fide-  
 libus esset tenenda quæ nemine dissentiente aut desi-  
 tente in Ecclesia aut Conciliis vignet, sed more hu-  
 mano, quam pars longè major, præstantiorque de-  
 creverit, in illa perseveraverit, & superioribus sæ-  
 culis ad nos descendisse ostenderit.

Pag. 131.

Quæritur autem præterea, quum juxta Augusti-  
 num, "Nos nullâ cujusquam auctoris sententiâ te-  
 "neamur, nisi vel Scripturarum Canonicarum aucto-  
 "ritate, vel aliqua ratione constituta confirmataque  
 "fuerit, Hic Lyrinensis Eremita, quam vel Scrip-  
 "turam, vel rationem attulit, quæ suam illam nobis  
 "assertionem probaret? Quæritur etiam à nobis  
 ubi locorum tandem Augustinus tam crudè est locu-  
 tus? Sæpe quidem Scripturarum auctoritatem me-  
 ritò exigit in rebus fidei, at non iis quæ humanâ  
 prudentiâ absolvi & concludi possint. Quam porro  
 tu Scripturæ vocem affers, quâ tam morosa tua fun-  
 detur

detur opinio? Nihil profectò isto homine injustius, qui suo non patitur se æstimari modio: Nihil imperitius, qui suo se telo transverberat. Quod novum Neotericis non est. Petunt ea ratione cum Veteribus agi, qua ipsi occidione occiduntur omnes. Ridentque ipsi maxime omnium ridendi, & temnendi.

Pergamus tamen. *Non solum*, inquit, *delirus Eremita, sed Semipelagianus erat idem Vincentius*: quod indubitato affirmatur; quum tamen in medio sit à Doctis positum, Utrum idem, an alius sit à Collatore isto apud Prosperum; quod fundamentum unum suspicionis est. Esto autem, Semipelagianus erat. Non statim in omnibus damnandus qui in aliquibus fortassis graviter peccaverit. Bene equidem & sobriè Sirmondus haud dispari casu: "An inter Ecclesiasticæ historiæ scriptores, fidem omnem abrogabimus Eusebio Cæsariensi, aut Socrati, aut Sozomeno propterea quòd Arrianus ille, hi vero Novatiani? Sic scil. sapiunt scribuntque sophistæ, qui doctiores promptioresque multo sint aliena inanire & evertere, quam sua implere aut stabilire.

Sirmond. Hi-  
storiæ Præ-  
destin. cap. 4.

## Caput tertium.

Ratio  
tertia.

*Patres ea ratione scripssisse ut manifestum sit iis inter scribendum de Religione pronunciare non fuisse propositum. Errorum, in quibus lapsi sunt, & erraverunt, exempla quadam.*

**V**eteribus nobisque pariter gratulemur oportet, quod paulo aliter non temperavit stylum V. D. qui si dixisset, Propositum fuisse Veteribus *Non judicare vel pronunciare de Religione*, omnino actum fuisset de Autoritate Patrum. Mitius autem quid sonat, *Non iis propositum*. Nihilo tamen est minor aut modestior jactantia quâ Rationem hanc celebrat : quam tamen ego non hîc minutim contundam ; Quæ ad confirmationem faciant Thesis, tantum examinaturus, cujusmodi hæc sunt, viz. *Tantum suas in varias Religionis partes nobiscum meditationes communicarent, eâ lege, ut liberum nobis esset eas prout commodum videretur, examini subicere, admittere vel repudiare.* Poenitet scilicet opinor, Virum eorum quæ largiore manu tribuerat Patribus. Supra enim Homilias, Commentarios in Scripturas, & Polemica scripta Veterum adversus Hæreticos & Schismaticos iis non invidet : hîc verò nihil præter Meditationes quasdam iis relinquit. Quibus nos simpliciter respondemus, aperte negantes vera hic tradere D. D. Falsum quippe est primum, simplices solummodo suas meditationes Posteritati à Patribus traditas : Dein haud minore inscitia (quam tantam esse in viro Eruditissimo nefas suspicari) vel inverecundia dictum, *Liberum nobis*  
linqui

linguis ea omnia, quæ à Veteri decreta sunt Ecclesiæ, admittere,  
vel repudiare: quum infinita sint Conciliorum ana-  
themata contra dissentientes.

Nec istud multum nos movet quod sequitur, " Si Ibid.

" Judices haberi vellent Veteres, tempus non tri-  
" vissent quod plurimum faciunt in colligendis variis  
" aliorum sententiis. Hæc diligentia in doctore lati-  
" dem meretur, in Judice ridicula. Neque verò co-  
" rum stylus Judici convenit. Nos enim de tam ri-  
" goroso sensu nequaquam contendendum putamus,  
qui non solum Patribus verum & universis tam hu-  
mani, quam divini ordinis Authoribus munera judi-  
candi eripiat: sed tam lato, quo vel ipsi clare de no-  
stris pronunciant, vel suis laboribus effecerunt, ut  
facilius & rectius nos ipsi judicemus.

Superest tamen alterum cavillum quod vice argu-  
menti factum, si excutitur, habebit Lector quicquid  
in eo genere hic reperiri possit. " Inter Patrum ope-  
" ra (objicitur) non pauca occurrunt raptim scripta,  
" quedam etiam extempore fusa, adeoque ejusmodi,  
" ut admodum probabile sit, autores ipsos contra so-  
" esse emendaturos, si recognoscere licuisset. Omnia  
hic ultro concedimus: Conclusionem autem perne-  
gamus hinc sequi quam suspicatur. Quamquam enim  
pleraque subitis animi motibus populo dicerent, pro  
re nata, non temerè, aut crudè ad dicendum access-  
serunt, sed re secum generali saltem meditatione &  
dispositione, librata. Præterea longè plura debitâ  
curâ elimarunt, quàm extemporaneè ederent. Imo ea-  
dem ipsa quæ rudius forte Auditoribus porrexerunt,  
postea scriptis mandantes excoluerunt: quod Resse  
advertit Grodecius, de Patribus sic scribens. " Quæ  
" ad Populum verba fecerunt, ea etiam literis man-  
" dabant, ut certa Orthodoxæ fidei & Doctrinæ ra-  
" tio constaret. —

Joan Grode-  
cius de Scri-  
tis Cyrilli  
ante Opera,

Hac de causâ orationes istius

“modi extemporaneæ fuerunt editæ quod non longâ  
 “meditatione verborum fucō expolirentur, sed sim-  
 “plici puraque verbi Dei interpretatione prout Spi-  
 “ritus dabat eloqui. Hactenus ille. Hujusmodi  
 autem fuerunt Catecherici sermones Cyrilli Hiero-  
 solymitani; Magni Basilii Homiliæ; Chrysostomi  
 Homiliæ Antiochenæ; & in Genesim; & aliæ alio-  
 rum plures quas domum reuersos Patres postea expo-  
 livisse rectè judicat Grodecius. Quod & Gregorius  
 Ma. fecit, ut author est Joannes Diaconus in Vita  
 ejus. & Prophetas ipsos divinitus inspiratos fecisse,  
 doctè post alios, advertit Perkinsus; & homiliâs ad  
 populum factas postmodo in breviculum contraxisse,  
 & publice exposuisse: quorum vestigiis Patres insti-  
 tuisse, non dubitem.

Vide Joann.  
 Diacon. in  
 Vita Greg.  
 M. lib. 4. cap.  
 70. & cap. 72.  
 Perkins. in  
 Symbolum  
 initio.

Pag. 236, 237.

Quod autem de foliis Hieronymi apologiis huc at-  
 trahit Dallæus, sanè meritò ex parte facit: Nemo  
 enim Veterum vel crebrius vel sollicitius quæri ex-  
 culationes Festinanti calamo, quam ipse. Cujus Ra-  
 tio mihi videtur, quod præ cæteris purissimo dicendi  
 genere oblectato; displiceret quicquid (præter na-  
 turam sermonis) asceticis destitueretur coloribus  
 Rhetorum. Unde illa in Esaiam Commentantis,  
 “Dictamus hæc, non scribimus; currente Notario-  
 rum manu, currit oratio. Nolumus enim nostra  
 “laudari, sed prophetæ dicta intelligi, nec jactantes  
 “eloquentiam; sed scientiam quærimus Scriptura-  
 rum. Hanc autem sermonis simplicitatem quam  
 ipse oratorum præstantissimus in Philosophia lauda-  
 vit, non putârim Theologiæ posse nocere; aut Apo-  
 logiam hanc nocivam reddere.

Hieronymus  
 in li. 5. in Esa.

Cicero.

Pag. 237, 238,  
 239.

Quocirca, his rejectis, ad ingentem illum errorum  
 acervum quibus gravantur Patres; jam accedamus.  
 Quæ autem ille potius ornate & prolixè quàm solide  
 tractat, nos succinctâ prosequemur oratione, & ma-  
 ximè

ximè quia uberius & fortius hujusmodi reficit opprobria, proximo Capite. Quæ autem Veterum sphalmata in Chronologiâ, in Historiâ, in Philosophiâ, & Mathematicâ, denique in Grammaticâ notantur, hic & immiti censura feriuntur omnia, quid ad fidem? In his nihilominus ipsis qui accusat, non qui accusantur, plerumque labitur. v. g. Non per inscitiam errârunt Veteres, qui nomen Jesu à Græco derivârunt fonte; non quod propriè hebrææ originis non sit, verum quia percommoda allusione ex *Yâsus* duci possit; ut Hebraicè *in ovmelas* ducitur: vel, uti habet Cyrilus Hierosolymitanus eleganter, ex *omnibus* *Yâsus*. Ipse pariter Hieronymus, quo nullus sui sæculi doctor extitit Veterum, multis quidem etymologiis utitur Hebraicarum vocum, non quas sciverit genuinè fluere à dictis fontibus, sed quas existimârit rei rationem optimè explicare. Hinc Seth à Thesi, Græco scribit oriri. Et Author Commentarii in Marcum Hieronymo ascripti, *Philippum*, quod vocabulum Græcum est, *Os Lampadis* interpretatur, ab Hebraicis *נֶחֱמֵץ*: His plura hujusmodi adjungere licebit, quibus pateat, Patres non ex ignorantia sed illustrandi ornatique causâ subjectum quod tractarent, ita datâ opera ingeniosè & piè magis quàm solide scripsisse.

Præterea, Credibile est, Viro Docto si in mentem unquam venisset optima illa Thomæ distinctio inter Etymologiam, & Significationem Nominis, fuisse prospecturum si non Patrum, Sui tamen hic famæ, missis tam inanibus quam iniquis censuris. Nam inquit Thomas, *Etymologia attenditur secundum id à quo imponitur nomen ad significandum. Nominis verò significatio attenditur secundum id ad quod significandum nomen imponitur: quæ quandoque diversa sunt. Nomen enim lapidis imponitur à latione pedis, non tamen hoc significat. His addi possunt disertissimi Viri Gerardi Vossii haud*

Cateches. 10.

Hierony.  
Quæst. seu  
Tradit. in  
Gen. pa. 379.Thom. 22.  
Quæst. 92. I. 2.



Gerard. Vof-  
sius de Idolo-  
lat, lib. 1.

temnenda verba contra vim characterificorum incantamentorum disputantis. *Aliis si esset, verba eadem idem apud omnes valerent, cum contra videamus vocem eandem huic genti illud; alii, aliud atque aliud, denotare.* Pro exemplo nunc sit vox, Amen. E Latinis hac nititur Arnobius in septimo; cui idem est, ac amentum, ut dicitur momen momentum; &c. Est verò, Amen, sive amentum id quo hastu aut jaculum vincitur ut mitti possit—— sed Græcis αἰνός est ἰδὲ ἡσαννῆ, ut interpretatur Hesychius. At quando aliud est Hebræum, Amen, quo liber quisque Psalmorum terminatur; ut Psal. 41. & alibi: quo item crebrius utitur Christus, quodque in Ecclesia primitiva populus respondebat post recitatas preces, ut videre est, 1 Corinth. cap. 14. Hoc Amen idem valet ac ἡσαννῆ. Possam trecenta id genus vocabula adferre, quorum diversa pro linguarum ratione significatio. Quæ solidam respon- sionem præstant Carptori Veterum, qui sæpe delectantur ingeniosis exquirendis nominum notationibus, quas à fontibus fluere nativis non credebant: In quo si nollet Veteribus non solum veniam sed licentiam concedere, frustra ab aliis peret, si me audiant. Hinc autem est quod v. gr. Patres Phasæ seu Pascha Græce explicant ἀντὶ τοῦ μίσην; propter mirandam Hebrææ Græcæque linguæ conspirationem, significando Redemptionis nostræ veneranda mysteria peracta isto tempore. Quòd verò Optatus Milevitanus ultimus ἡσάννῆ deducere videatur,tribuendum non tam ipsi Patri, sed scholiastæ imperito marginem suo glossæmate oneranti; quod irrepsit in ipsum textum postea, uti haud malè auguratus est Franciscus Baldwinus Commentario in Locum istum. De corruptela autem huiusmodi Veterum, quam sentio statim exprobrandam nobis, suus erit dicendi locus. Errarunt proculdubio in Chronologia, ut prius diximus, magna tamen autoritate, sæpissimè Septuaginta

ginta duorum interpretum: quorum supputatione usi sunt: In Chorographia quoque Paradisi scil. minus attenti fuerunt: nisi Recens Lutherus rectè de loco, seu potius de natura ejus judicavit, qui universam terram Paradisum fuisse ante inobedientiam Adam putavit.

Dal. 241.

Luther. Colloq. Mensal.

His ergo nugamentis præteritis, graviora siqua impingit D. audiamus, qui "Tametsi (inquit) Patres in Scripturis essent versatissimi, easque longè "majore veneratione quàm reliqua omnia scripta "prosequerentur, sæpe tamen in iis allegandis hallucinantur. Magnum profectò, si attendamus, argumentum hoc est: quod si omnimodo esset verum, nullo modo validum esset. Soline qui rejiciunt Patres, homines fuisse eos norunt? vel homines memoria labi solitos? Quanto verò zelo, quanta opera & sudore Veteres Scripturas S. manû diurnâ & nocturnâ volverunt, & curâ memoriæ mandarunt, ex Hyperio diximus: idem paulo aliter ut hîc quoque dicatur postulat occasio; exudito Croio nobis præeunte, qui de Patribus agens, & primùm Augustini Confessionibus: *Scriptura, inquit, sacra verba ita locis suis posita in illis sunt, ut vermiculatum dictionis Prophetica & Apostolica emblemata illius oratio esse videatur. Atque hinc factum est sapissimè, ut sacros Codices, licet occasio esse videatur, non consulerent, sed extemporales suas dictiones, suosque tractatus locis quos memoria mandatos in promptu habere videbantur sententiis quidem iisdem, sed verbis aliquanto diversis exornarent.* Hinc natos leviores aliquos errores Patrum Scripturarum voculis paulum immutatis, prolixè observat Croius, & eos in certos locos communes conjicit; quos non indignos curiosorum ingeniorum operâ existimem notatu; sed ab instituto nostro paulo alieniores: & diligentia majore quàm usu collectos, & sæpius ad styli potius ornatum, quàm subjecti

Pag. 245.

Respons. Gen. cap. 6.

Vide Joann. Croium Ob-serv. in Nov. Testam. cap. 18, 19, 20, 21, 22, 23, 24.

Heinsius Pro-  
legom. in Ex-  
ercitat. Sacras

Franciscus  
Nancius in  
Nonnum.  
Hierony. in  
cap. 6. Amos.

Idem in cap.  
2. Joelis.

subjecti confirmationem. Permulta ante ipsum con-  
gesserat D. Henisius huc spectantia; non tamen ab-  
sque hac præfatione: *Jam verò Patribus qui verè hoc no-  
mine sunt digni, quid quantumque tribuendum sit, qui  
nescit, multum sanè nescit, neque qui antiquitatis ortho-  
doxa affectum profiteatur, dignus sit. Quid autem si &  
ipsi divinitus moti scriptores eadem interdum admi-  
serint, quod ex incogitatione Veteres? Quod per  
œconomiam quandam Ipsi Evangelistis accidisse  
Chrysostomus haud veretur alicubi affirmare, non abs-  
que commodo legentium. Nihil tamen me fateor  
ausum hîc in re tam gravi definire. Siquidem sive sit,  
sive non sit verum, negari non possit à Scriptoribus  
Evangelicis Scripturas veteris Instrumenti præter ge-  
nuinam formam, si non sensum literalem, sæpius re-  
citari. Qui aliter senserit collationem, si placeat,  
instituat. Cui autem illud sit grave, adeat diligen-  
tissimum Franciscum Nancium qui multis id probat  
instantiis. Ex veteribus autem Hieronymum audiat,  
“ In omnibus scripturis Apostolicos viros inponendis  
“ testimoniis in Vetere Test. non verba considerasse,  
“ nec eadem Sermonum calcare vestigia, dum sen-  
“ tentiis non recedunt. Idem quoque alibi sic, *Sunt  
qui asserunt in omnibus testimoniis quæ de Vet. Test. sumun-  
tur istiusmodi esse errorem, ut aut ordo mutetur aut verba,  
aut interdum sensus quoque ipse diversus sit, vel Apostolis  
vel Evangelistis non è libro carpentibus testimonia sed me-  
moriam credentibus, quæ nonnunquam fallitur. Hæc au-  
tem à me allata non sunt ut vel nebulam tenuissimam  
serenissimo Sanctorum Scriptorum nomini inducam,  
sed quo quisque rectè judicet quam vana sit hujus-  
modi conclusio viri Docti, viz. “ Ex his prudens  
“ Lector (ni fallor) intelliget hanc docendi formam  
“ luculentissimè significare sanctis istis Patribus,  
“ cum libros scripserunt, non fuisse consilium ut de  
“ fide**

“fide nostrâ judicarent. Atqui hic falleris Erudite Domine: non enim ex hac loquendi forma vel nobis Veteres Judices constituimus, vel nos de Veteribus judicare æquum arbitramur. Denique toto distant cœlo, Patribus [aliquando] non fuit consilium de fide nostra judicare: & Fuit iis consilium vel semper, vel unquam de nostris non judicare.

## Caput quartum.

*Patres sive seorsim singulos, sive conjunctim plures in variis Religionis capitibus errâsse.* Ratio quarta.

**L**Evi quadam prolusione superiore capite factâ famam Veterum & auctoritatem elevando, hic certam necem iis interminatur D. D. & priorum errorum strue quasi contumulare. Quâ viri exquisitissimâ diligentia in mentem revocatur quod de Ave apud Indos scribit Scaliger, quæ nullo alio pabulo vescitur, quam stercore quod à cæteris avibus excernitur; unde alicujus semper assecla assidua. Nec alio animo D. D. assiduus videtur fuisse in Veterum scriptis, quam ut retrimenta, lapsusque eorum corradens vitam viresque novis suis, suorumque dogmatibus addat, ruentibus Veteribus. Quam ut certius feliciusque conciliet longo primùm & honestissimo sermone eos compellat, quos acerbissimâ tandem hac ironiâ (sicut ego judico) excipit. “Facile adducor  
“ut credam ipsos patres, si nunc superessent, grati-  
“am nobis de conatu hoc habituros, quos ut ab er-  
“rore teterrimo abducamus, nævos etiam suos nu-  
“dare audeamus. Ab uno autem Vincentio Lyri-

Jal. Cæf. Ser-  
liger Exercit.  
235. 2.

Pag. 257, &  
283.

Vincent. Ly-  
rinenf. Com-  
mon. cap. 11.

Peron.

Dal. pag. 34.

nenti quæ s quantasque reddituri essent gratias, dif-  
camus omnes. "Qui Sancti cujusque viri memori-  
am tanquam sopitos jam cineres profanâ manu  
ventilant, & quæ silentio sepelire oportebat, redi-  
vivâ opinione diffamant, sequentes omnino vesti-  
gia auctoris sui Cham, qui nuditatem venerandi  
Noæ non modo operire neglexit, verum quoque  
irridendum cæteris enunciavit, &c. A paritate ta-  
men rationis egregiam Apologiam sibi natam putat  
Vir Doctus. Si enim Perronius Cardinalis (inquit) ut  
probareret, jure ab Ecclesia Rômana prohibitum nequis non im-  
petratâ prius veniâ libros divinos legat, non dubitavit Scri-  
ptura non quidem errores (qui revera nulli sunt) sed falsas  
errorum & contradictionis species quæ nonnullos in Sacris li-  
teris offendunt: quanto aequius est hanc nobis veniam con-  
cedi ut Patrum — hallucinationes notemus. Quòd  
eo apparentes Scripturarum pugnantias, Perronius  
collegit, ut usus eorum prorsus populo negetur, pes-  
simè bonas horas elocavit: haud malè verò, ut mo-  
destiores sint indocti & superbi (nemo autem perni-  
ciosiore præsumptione solet Scripturas sollicitare  
quàm imperitus rerum & verborum sacrarum) qui  
ingerunt se in profundum Scripturarum sola opinione  
Divini auxilii ipsis præ aliis, assistentis; certis indi-  
ciis colligant, quam prorsus sint ipepti interpretes  
divinæ legis, nisi forte in iis quæ propius Fidem &  
mores necessaria spectant. Pejus tamen adhuc face-  
ret si propterea abolendam auctoritatem Verbi Divini  
existimaret. Perspicuum autem est Perronium non  
adeò ambiguum aut incertum sensum Scripturæ velle  
probare, quin Ecclesia satis explicatè eum capiat  
tradatque. Tu verò longè aliter cum Patribus agis,  
qui non in specie, sed re, falsa, contradictoria, hære-  
tica, stulta, & impia docuisse totis viribus contendis  
probare: ut ne Ecclesia ipsa in sanam mentem eos re-  
vocet. Hæcque paria sunt?

Parum

Parum autem Vincentio fuisse videtur hominis vanitatem repressisse, nisi & alio loco, argumentum principale quo duci se prodit D. præoccupatione per vetusta diluat. "Quid (inquit) si in ipsâ vetustate Idem cap. 4.  
 "duorum aut trium hominum, vel certè civitatis uni-  
 "us aut etiam provinciæ alicujus error deprehenda-  
 "tur? Tum omnino curabit ut paucorum temeri-  
 "tati vel inscitiae, siqua sunt, universaliter, anti-  
 "quitus universalis Ecclesiæ decreta proponat. Quid  
 "si tale aliquid emergat, ubi nihil hujusmodi repe-  
 "riatur? Tum operam dabit ut collatas inter se  
 "consulat interrogetque sententias. Quibus Vin-  
 centii verbis consona sunt quæ scribit Hermannus Mo-  
 nachus, sive, ut alii malint, Anselmus Comment.  
 in 1 Corinth. cap. 3. v. 15. viz. "In libris Sancto-  
 "rum doctorum quos authenticè legit Ecclesiæ, non-  
 "nunquam interveniunt quædam prava & hæretica,  
 "non tamen pro his, vel autores damnantur, &c.  
 Hactenus ille. Exemplo autem fiat quæ de Origene  
 petit, diciteque M. Basilus. Quem tantum absuit  
 ut Beza (ipse certè purissimus) cum Erasmo Veteri-  
 bus omnibus anteponat, ut contra liberè profiteatur  
 nullum sibi magis impurum Scriptorem videri. Et  
 in multis quidem offendisse non diffitetur Basilus ip-  
 se: non tamen cum Neotericis, vel ipsum, vel Tra-  
 ditionem quæ & ipsa interdum vacillare deprehendi-  
 tur, prorsus rejiciendam arbitratur, verum ex ad-  
 verso egregium hinc Traditionis usum colligit, sic  
 scribens ad Amphilochoium, viz. *Ουτως δὲ ἡμεῖς τῶν Σε-  
 βαστιανῶν ἐκείνῃ πολλὰ καὶ τῶν ἀνδρῶν καὶ τῶν οὐκ ἐκείνῃ ἐκείνῃ  
 ἀν-πλῆρου*: Ac si dixisset, Erravit quidem in multis  
 Origenes, Traditiones quoque Ecclesiæ aliquando  
 suos habent nævos: verum Tanta est vis Traditionis  
 ut cogat Errones suis ipsos non rarò contradicere  
 dogmatibus.

Vide Usseri-  
um de Suc-  
cessionem Ec-  
clesiarum,  
cap. 1.  
Sixtus Senen-  
sis Biblio.  
Sanctæ lib. 5.  
Præfat.

Beza Episto.  
Dedicat. in  
Nov. Testam.

Basil. Ma. ad  
Amphilo. de  
Sp. Sa. c. 29.



Ridleius.

Præterea, quanti sit hæc D. exceptio æstimanda, responsio viri sanctitate pariter & doctrinâ clari Ridleii nostratis refellentis quorundam Papistarum tergiversationem, qui hoc prætextu clarum contra Transubstantiationem testimonium Antiquitatis eluderent, cordatos doceat. “Quam verò frivolum sit (inquit Martyr Beatus) ita respondere & perniciosum, facile intelligat, qui hoc pacto omnes damnari veteres videat, qui in vetustis Bibliothecis situ & squalore obfiti nunc tandem sedulâ doctorum operâ à tineis & blattis vindicati in lucem emittuntur. Altera eorum [Pontificiorum] responsio sequitur. Fidem scilicet idcirco illi Origeni non adhibendam quod in cæteris fortè opinionibus erravit. Quæ sanè eorum responsio non potest desiderare doctiorem confutationem quàm secum ipsa adfert. Nam ut libenter fateamur errasse illum quibusdam in rebus, ejus tamen errores tam per Hieronymum, quàm Epiphanium sunt animadverti, & descripti, ut eo magis debeat valere apud nos ejus auctoritas. Hactenus ille. Eleganter & solide Facundus Hermianensis. Errores Patrum Luminarium sunt defectus, quæ licet nonnunquam splendoris damnum sustineant, non tamen amittunt luminaria esse quod sunt. Nec plura opus est hîc congerere quibus abstergantur importunæ calumniæ in genere. Placet tamen illa Augustini his subicere, quæ imitemur. Non enim cæci & præcipites ferimur in verba Veterum jurantes, sed quod ille de Cypriano, nos quoque de Reliquis Patribus dicimus; eos scilicet deserimus in iis quæ Ecclesia non accipit, pro quâ illi sanguinem fuderunt.

Augustinus  
contra Cresc.  
con. lib. 2.  
cap. 1.

Pro more tamen particularia quædam libemus, ad certa capita revocantes quæ adversus Veteres hîc fusus sparguntur: singula namque persequi tantum non

non infinitum esset. Primò autem notandum existimamus; pompâ hîc magis quàm pondere pugnatum à Viro Docto: & quo atrociores suspiciones animis infideant suorum, sæpe eadem vitia repetere, & obicere Patribus. Hîc enim rursus novâ invidiâ vetus querela, De Chiliastarum deliramentis movetur. Tertulliani quoque & aliorum opinio de Corporitate Angelorum: De Ætate Christi Patientis Parachronismi quidam de novo instaurantur: Errores item De Eucharistiâ Infantibus traditâ; Negato Hæreticorum baptismo: De Sole, de Luna, de statu defunctorum & id genus referuntur, & secunda nece conficiuntur.

Secundò, quod supra meminimus advertisse, occurrunt problematica quædam & in utramque partem disputata ab Antiquis, Fide Christianâ incolumi & inconcussa manente: quallia hîc sunt arduæ & dubiæ controversiæ de salute Priscarum Gentium, & Infidelium præsentium: De Loco, & pœnis defunctorum, Animarumque statu ante Judicium Extremum; quas quidem decretorio suo stylo, & quæ est autoritate in Ecclesiâ Catholicâ, definiit Dallæus: cujus tamen Novi sententia haud minus displiceat nobis, quàm Veterum Patrum quos propter suas opiniones liberè exagitat, & quod aliter quàm ipse, sentirent, scriberentque.

Cum enim, Christo docente, Multæ sint Mansiones in domo Patris sui; Paulus insuper Gloriæ diversos Gradus ponat; Patres uno concentu docuerunt, Antiquos Sanctos in refrigerio quodam secretos tam à perfectissima beatitudine, quam miseriâ; quod Paradisum placuit appellari: Post Christum autem mortuum & resuscitatum, eductos in superna loca & Claritudinem excellentiorem. Quod rectè secusve dictum sit, manifestioribus eget argumentis quam

Joan. 14.

quæ à curiosis nonnullis Recentioribus adduci in medium solent. Quæ vero sententia in his tutior & sanior, non facile possit doctius aut modestius exponi quam à Viro Clarissimo Regio quondam professore in Cantabrigia. Anno Domini 1599, Publica disputatio ipso Præside habita in Scholis de Statu Sanctorum; qua finita pro more Vir Gravissimus Problemata determinans docuit, nequaquam ex Scripturis constare, Sanctos ante Christi Resurrectionem animâ ad sedes illas in Cœlo beatissimorum conscendisse: Imo Ecclesiam antiquam, fere uno consensu, aliter docuisse, neque se posse temerè ab ea dissentire: Quæ modestia Puritanos quosdam tantopere incendit, ut non levibus opprobriis nomen ejus incescerent: & Proximis Comitibus renitenti dicto Professore, proponitur Quæstio disputanda pro immediato transitu Sanctorum ab hac vita in Cœlum Beatorum; etiam ante Christum natum. Alter Professorum Dominæ Margaritæ Plaiferus, flumine dicendi potius quam acumine præpollens, multis verbis eam sententiam exagitavit: quæ omnia vir doctissimus prudenter tum temporis devorans, paulo post plurimâ eruditione & judicio justam instituit disputationem ea de re: qua probavit, neque Veteres, neque Celeberrimos Reformatores discessisse ab ea opinione, quæ statuit negatam cælestem animabus piis beatitudinem: Quam Determinationem aliàs perituram ex Autographo Authoris, Montacutus meritò perennitati consecravit, unâ cum accurata Facti Historia, in Apparatu Suo: unde quam importuna hæc Domini Dallæi sit accusatio, cuivis sit perspicuum.

Montac. Apparatus. I. Sect.  
104, 105, 106.

Huc fortassis attinet, (vel ad tertiam cuivis liceat reducere classem) error Irenæi De Ætate Christi. Mihi quidem longe probabilior receptior Ecclesiæ opinio videtur: Neutram autem ex Scripturis apertè consequi

consequi perspicere possim. Quanquam enim ex quatuor in Evangelio Paschatis memoratis à primâ Prædicatione seu Baptismate Christi conjecturam solent facere interpretes de Ætate Christi, certa tamen illinc conclusio non sequitur, quia non repugnat œconomix divinæ, ut nulla eorum quæ præterea celebravit, mentio fieret, quum Pentecostarum totidem non meminerint Sacri Scriptores. Christum enim sapientissimum vel nescivisse, vel, juxta Paulum, divina dispensatione factum sub Lege, volentem neglexisse Ritus antiquos nulla probabilitate dici possit. Lex autem statuit, *Ter in anno apparebit omne Masculum tuum coram Domino Deo tuo*: Scripturâ ergo altè tacente de prioribus Paschatis à Christo celebratis, Quid absurdum erit credere potuisse plura interjici inter primum memoratum & extremum, de quibus nulla mentio fiat in sacro codice: Et Juveni Distichon illud verum fuisse testatur,

Exod. 23. 16.

17.

*Ad Templum lætis puerum perducere Festû,  
Omnibus annorum vicibus de more solebant.*

Falsa enim bliteaque est opinatio Maldonati in Locum, contra Irenæum disputantis, Ubicunque volebat Joannes Pascha intelligi, ibi nominatim Pascha, & non per Periphrasin designare. Generali enim appellatione Festum dicitur, Matth. 27. 15. Item Joan. 4. v. 45. *Viderant quæ Hierosolymis fecerat in Festo.* Nec alium admittunt sensum quæ Judæi requirebant, Joan. 11. v. 56. *Quid putatis quod non venit ad diem Festum?* Et Barradius clarè asserit, non quatuor duntaxat, sed quinque intervenisse Paschata à Baptismo ad Passionem Christi: Baptizatum enim 6 Januarii consentiens est traditio, eodemque die Epiphania Virtutis divinæ miraculo aquæ in vinum conversæ

versæ claruisse. Pascha autem integro isto anno interfluxo unum celebratum, necesse fuit. Ante Miraculum autem illud in Nuptiis Canæ Galilææ editum, nulla injecta est mentio Paschatis. Non ergo Irenæus tam crassè erravit, uti Dallæus autumaverit. Et alii quidem errores qui hîc percentsentur tam leves sunt, ut Viri Docti potius livorem, quam Patrum levitatem indigent, & coarguant. Quis enim mentis sanæ invideat Posteriorum sæculorum gloriæ quæ accuratiorem multò temporum calculum quam superiora explorarunt? Nondum tamen infallibilem constituisse vel invenisse, nimium omnibus in re Chronologica mediocriter versatis patet. Unum hîc Spanhemium testem, de quo nulli Dallæanæ causæ fautori suspicio insit, adhibemus his verbis.

“Quum verò facillimum cespitare in talibus, haud-  
 “quaquam ob id convicium dicimus viro eximio  
 “[Buchholzero] & de re Chronologica bene merito,  
 “sed ista tantum adducimus ad cautelam, ut pateat  
 “quam ardua sit Epocharum variarum collatio, &  
 “quam difficile sit hîc non quodòque impingere,  
 “&c. Et paulo inferius. “Hæc ~~medietas~~ loco in an-  
 “tecessum prolixius præmittenda duximus, ut osten-  
 “datur lectori perplexitas ejusmodi Quæstionum  
 “Chronologicarum, & ut æquitatis simul, & can-  
 “doris in hallucinationibus Scriptorum observandis,  
 “habeatur ratio, si alicubi fuerit peccatum in cal-  
 “culo. Quæ rectè & modeste observata fuisse ipse  
 “noster Reprehensor turpiter labens suo exemplo com-  
 “probavit: in iis utique rebus quas in Antiquis re-  
 “prehendit.

Ultimi ordinis sint quæ fateor quidem graviora esse, iisque Patres incogitanter admodum deliquisse. Verum quum nec constanter, nec perseveranter ea tradiderunt, contrariâ alibi doctrinâ leniuntur. Malè equidem

Frederic.  
 Spanhemius  
 Dubiis  
 Evang. Par. 1.  
 Dub. 1.

equidem (quod hic non omittit D. D.) scripsit alicubi de Providentia Sanctus Hieronymus ; quam non ignorem Scholasticos commodâ ipsum (uti rentur) explicatione tueri solitos ab Hæresi ; qui si minus præstiterint, illud sanè *ὁρδὸν φάρμακον* fit quod legimus eundem Patrem Catholicam doctrinam in Commentario in Matthæum præclare astruxisse. Nec aliter dicendum de triumphis Schismaticorum hodiernorum, propter Hieronymi opinionem (de qua sibi maximè blandiuntur) de Regimine Ecclesiæ Antiquæ : Cùm quod sæpius & liberius sinceram in hoc articulo tradit doctrinam, tum quod ipse sibi non tam contrarius Pater videatur, quam pii & prudentis lectoris idoneâ interpretatione concilietur. Quod dicendum etiam puto de gravi (uti videtur Authori nostro) errore Ambrosii, qui hic magno clamore excluditur quòd dixerit Adulterium non esse interdictum ante Legem. Simplex enim Adulterium, de quo ibi Ambrosius, quod nos Christiani damnamus, quando scil. plures uni conjugio copulantur, vel assumuntur in Genialem Thorum, certum est vetitum non fuisse antè, vel Post Legem Mosaicam. Deinde de interdictione quæ Lege fit, agit Sanctus Pater, apertis verbis. Vultne autem Dallæus ingentem haberi errorem quòd dictum sit aliquid Lege prohibitum non fuisse ante latam Legem istam ?

Atque de his quidem hætenus, hæc ; quæ si cordatus lector tenuerit, prælongam & sanè satis ornatam D. Dallæi disputationem facili negotio dissolvat, laqueosque quos tetendit multiplices ad capiendos incautiores, devitet, ipso malè irretito autore. Specialius autem remedium variis Veterum dictis qui adhibendum, quam hic locus postulet, putaverit, adeat Sixti Senensis Bibliothecam : Ferdinandi Vellossilli advertentias Theologiæ Scholasticæ

Οἱ δὲ λοιποὶ  
πότε τὸ Ἰουδαί-  
οι ἐπέσειον ὡς  
ἐκείνη ἐπι-  
κλήσει, τὸ ἐκ-  
τὴ τὸν νόμον  
ἐκείνουτος γα-  
λιν. ἔτι ἐν  
ἐπιστολῇ τὸν μό-  
ρον ἐν τῷ γλυ-  
πῶν ὡς ἐκείνου-  
ντος, τὸ πᾶν ἡκού-  
σαν. Κύριος δὲ  
Θεὸς σε, Κύ-  
ριος ἐστὶς ὁ δὲ  
ὅτι ἐν ἐκείνῳ  
ἐν τῇ γυναι-  
κὶ ἐστὶ πλῆσι-  
ον διαφθερεῖται,  
τὸ πᾶν ἡκούσαν, ἡ  
φθορά ἐστὶ ἐμοί-  
χεται, ἐν τῇ  
ἀλλὰ δὲ πᾶσι  
ὁμοίως. Chrylo.  
Sermon. 56. To. 5  
Pag. 379.



in Chrysostomum, Ambrosium, Hieronymum, &c. unde soleo dubitare num lapsus Patrum ibi notatos non collegerit inque suum digesserit Librum neglecto omnino *origen quædam*, ibi confecto, Dallæus. Adeat denique Virum summe Eruditum Herbertum Thorndicum, qui cap. 25. De Ratione ac Jure finiendi Controversias Ecclesiæ, De Veteris Traditionis erroribus agit.

## Caput quintum.

Ratio  
quintum. *Patres inter se aliquando dissentire & quidem interdum in rebus magni momenti.*

**Q**Uæ superiore capite præparata sunt pharmaca adversus virus D. Dallæi, plurimum etiam hujus capitis ad tollendas dilationes, valent. Multiplici enim errore ipse implicitus Veterum errores impotentius infectatur. Adeo ut in genere sufficiat perstrinxisse quæ ille nimis copiosè & singulatim prosequitur. Nos enim cum Ambrosio Catharino, "Credimus de Sanctis, etsi in multis à Domino & "Spiritu Sancto directi fuerint, ut vera loquerentur, "tamen dimissos nonnunquam sibi ipsis, & idcirco "in nonnullis non solum non probabilia dixisse: verum etiam improbabilia valdè; imo certissimè falsa. Nam sæpenumero inter se dissident, opposita "docent, & nonnunquam secum etiam non constat "quavis eorum. Probatur autem ab Ecclesia eorum "doctrina, non quia in quovis articulo verà sit, aut "probabilis, sed quia si spectetur in universum bona "est & utilis: quia plurimas continet veritates, & "rectas Sacrarum Scripturarum interpretationes ad confirma-

Cathar. An-  
notat. in  
Comment.  
Cajet. Lib. 4.  
pag. 272.

"confirmationem verorum dogmatum & Sanctorum  
 "præceptorum Dei. Et quia hoc quoque in ea do-  
 "ctrina sit, quod illi sincerè profiterentur, nolle  
 "quicquam à se accipi quasi assertum, quod pugnet  
 "cum veritate, sed cuncta, quæ dixerunt, subdunt  
 "examine & probationi Sanctæ Ecclesiæ. Primò  
 enim, quod solidè olim à Vincentio Lyrinensi obser-  
 vatum est, "Non in omnibus divinæ Legis quæsti-  
 "unculis, sed solum præcipuè in Fidei Regula magno  
 "nobis studio antiqua Sanctorum Patrum consensus  
 "& investiganda & sequenda. Secundò, in articulis  
 magni ponderis, rarè dividuntur. Tertiò, Posito  
 quòd à se invicem diffideant rebus gravioribus, non  
 sunt omni propter eà autoritate (quod contendit D.  
 Dallæus) denudandi. Siquidem verum sit, & ap-  
 positum quod Duditio suo Respondet Beza, scanda-  
 lum passio propter varias & atroces discordias Prote-  
 stantium, viz. "Istas non debere nos permolestè ha-  
 "bere; jam pridem enim laborare Patres necesse fu-  
 "erit in demonstrando ipsorum Evangelistarum con-  
 "sensu. Si neque summi, neque infimi, neque Pri-  
 mi, neque Ultimi, neque Apostoli, neque Prote-  
 stantes ipsi prorsus ab hac inculcatione fuerunt immu-  
 nes, unde fit ut soli Medii, Viri Apostolici, & Pa-  
 tres sequentes hanc causa rejicerentur? Bene ergo  
 Gerardus Vossius, "Non enim audiri merentur (in-  
 "quit) qui ullum in Antiquis consensum iniri ne-  
 "gant. Quemadmodum enim infinita sunt in qui-  
 "bus disconvenit Ecclesiæ Reformatæ magistris, ne-  
 "que hoc impedit quo minus consentiant in necessa-  
 "riis, (uti arguit Harmonia quæ tot Ecclesiarum con-  
 "fessiones comprehendit) Similiter non, si Veteres  
 "dissentiant in multis, eò negari debet consentire  
 "etiam in nonnullis. Zanchius verò non solum non  
 obesse, sed Ecclesiæ prodesse arbitratur dissidia Fide-  
 lium

Vincent Ly-  
rin. Com-  
ment.

Beza Epist.  
ad Duditium

Vossius ad  
Lectorem  
ante Histori-  
am Hæresis  
Pelagianæ.

Zanchius  
Tom. 8.  
Quæst. 11. de  
Scripturis.

Pag. 358, 359.

lium Fratrum. "Quod Deus, ait, permittit ut in  
 "multis Scripturarum interpretationibus inter se  
 "dissentiant Patres, hoc facit propter ipsorum &  
 "nostram utilitatem. Neque credo, si fortè malè  
 convenient his quæ alibi scribit Dallæus hâc de re  
 disputans, ideo nullius unquam momenti cætera e-  
 runt, quæ multa & varia scripsit, vel inscitè, vel in-  
 doctè scripta habenda. Quid autem dicemus de his  
 quæ propè finem hujus operis scribit? "Illa verò  
 "sententiarum de quibusdam Religionis capitibus à  
 "nobis supra memorata diversitas, quæ interdum  
 "apud Patres occurrit, adeo nullum ipsorum de  
 "Christianæ doctrinæ veritate testimonio pondus de-  
 "trahit, ut etiam plurimum ad id momenti adjicere  
 "videatur, quæ eorum scil. in hac parte consensum  
 "omni syncretismi suspicione liberet. Sic enim con-  
 "stat eos non ex compacto, neque ex communi ali-  
 "qua conspiratione eadem de Christo loqui. Nam  
 "quos, &c. Hem ipsum Autoritatis Ecclesiasticæ  
 everforem jam factum Apologistam, & vanitatem vi-  
 ctam à saniore ratione.

Pag. 173.

Sed novum illud munitum autoritate Petavii con-  
 tra Epiphanium, multis interpositis paginis, non tam  
 secure dimittendum: Hunc enim fere omnium Anti-  
 quorum solent Calviniani maximè destomachari, &  
 cupere sublatum ex hominum mente & memoria, ut  
 Calvino & Aerio potiùs honos amplior accedat.  
 Quid verò hîc offendit Epiphanius? Falsò (teste  
 Petavio) narrat, *In Ecclesia in initis decrevisse Apostolos*  
*ut Judaico ritu Pascha celebretur, aut cum iis etiam Christi-*  
*anis atque Episcopis, qui Judaicè & minimè legitimo tem-*  
*poreungerentur.* At tuum testem, doctissimum qui-  
 dem, obtestamur, ut posito præjudicio rem sincerius  
 tradat: & ne, salva ut sit Romana traditio, infamet  
 alias omnes. Epiphanius enim non alia ab Eusebio

Petav.  
Pag. 191.

&amp;

& Socrate scribit ; non à protestatione Polycarpi & Polycratis, qui recte proculdubio affirmârunt se à Joanne Apostolo recepisse morem Paschatis observandi: quod tamen non contradicit traditioni Victoris, quæ non diffitetur Joannem tradidisse legem illam, sed Romanos diversimodè ab antiquis Pascha coluisse ; quadam Apostolicorum virorum varietate, contrarietate nulla ; quibus (teste Socrate) præcipua erat cura fidem per omnia eandem ubique disseminare, circumstantias autem non exigere ab omnibus Ecclesiis pares. Porro, ipse falsi vel contradictionis Petavii est arguendus. Quid loco à te laudato scripserit non habeam quod definiam. Illud tamen certò mihi certius constat ipsum disertè scripssisse utriusque Traditionis Apostolos fuisse Autores, Romanæ scil. Petrum & Paulum ; Asianæ Joannem Apostolum, juxta sententiam Polycarpi & Polycratis.

Vide Petavium Ecclesiast. Hierarchiæ, lib. 1. cap. 1. Sect. 12.

Alterum quod attinet Epiphaniî errorem, de Spe quam putavit Diabolum cepisse salutis ante nativitatem Christi, neque probem neque defendam ; neque pretium atramenti eum notando existimem Virum Doctum Causæ suæ fuisse lucratum. Et tamen si absurdum videtur falli vanâ Spe diabolum, quem crediderimus scripturas ipsas non ignorasse, non erit absurdum nos quoque falli posse, qui à longè ingenii subtilitate eum sequimur : Neque enim credibile est eum velle decipi in propria causâ. Sed Spiritus forte infallibilis nos ducat in omnem veritatem : Verum equidem : sed suo, non nostro modo, spirans ubi vult,

Tertium est, quod revera primum locum obtinuisse debebat, contra Epiphaniû objectum : Quòd Sexto Januarii scripserit Natalem Domini observatum ab Egyptiacâ Ecclesia, secus quam unîversa alias Ecclesia tradiderit : quæ *Decembris 25 celebravit* : Sunt, Ibid.

fatemur, hæc perobscura & quovis Sphingæ (ut ais) perplexiora: non tamen sunt ejusmodi quæ Patrem probent tam simplici, aperto, & incauto ingenio & nimis credulo fuisse, ut hinc penitus diloricetur à Novatoribus. Tam luxa enim sunt in hac causâ ejus verba & incerta, ut nullâ invicem Grammatica arte cohæreant partes orationis: quod ante me Clarissimus Episcopus Norvicensis Montacutius acutè subodoratus est: & proinde minimè pigebit quid sensit ipse prolixius referre. Scripserat autem Epiphanius in Athyr Christum fuisse baptizatum: contra communem opinionem. "Est autem Athyr (inquit Episcopus) Mensis October. Dies Octobris 12 quomodo poterit esse 6 idus Novembris? Dissentit etiam Egyptiis, cum tamen, Episcopus Constantiæ Cypri, Ægypti *improba* accenseretur. Intra Ægypti regionem (ait Cassianus) mos iste antiquissima traditione servatur, ut peracto Epiphaniorum die, quem provinciæ illius Sacerdotes, vel Domini Baptismi, vel secundum Nativitatis esse definiunt, & idcirco utriusque sacramenti solennitatem, non bifariam, ut in occiduis provinciis, (ubi tum Cassianus versabatur) sed sub una diei istius Festivitate concelebrant. Atque ita non triplici tantum sed quadruplici mysterio insignitum unum atque eundem diem volebant: Nativitate, Magorum adoratione, Baptismo, & vini ex aqua confectio: quæ quidem Ægyptiorum consuetudo (Nam conclamata & deplorata Epiphanii sententia) non abhorrebat ab Ecclesiæ communi praxi. Qui enim nobis est 25 Decembris, Ægyptiis Januarii primus reputabatur: Annum illi à Septembri inchoabant. Theth sive primus anni dies à tricesimo Augusti inchoabatur: cumque omnes ipsorum menses diebus 30 plenis constarent,

"rejeçtis

Montacut.  
Origen. Eccl.  
cl. Part. 2.  
Sect. 66.

" reſectis qui in ſingulis menſibus erant ſuperflui  
 " dies, 25 Decembris & primus Januarii coincident.  
 " Hoc eſt, In Auguſto, extrito uno die, in Septem-  
 " bri item uno, in Octobri duobus, in Novembri,  
 " duobus; in Decembri tribus, ſumma conficietur  
 " dierum 8: quod ſpatium intercedit inter Decem-  
 " bris noſtri 25, & Januarii 1. atque ita inter ſe con-  
 " ſpirant hæc <sup>ſanctiſſima</sup> & fixum atque ratum manebit  
 " etiam ſecundum Ægyptios & univerſalem Eccle-  
 " ſiam, diem Januarii primum tot ſolennibus myſte-  
 " riis conſecratum. A qua ſententia Epiphanium  
 " minimè arbitror reſeſſiſſe, ſed ipſius Códices com-  
 " maculatíſſimos circumferri. Atque, ut in cæteris,  
 " receptam illam Traditionem antiquitatis ſequitur,  
 " & tuetur in ſuis Liturgicis, Eccleſia Anglicana,  
 " &c. Ex his vero Viri Reverendiſſimi verbis ſuccur-  
 " ritur deplorato Epiphanió; & Puritanorum iſtus  
 " contra ſolennem Natalem Domini noſtri declinan-  
 " tur: Dallai tamen ancipulam his non effugimus:  
 " qui vel Falfi, vel interverſionis labores Veterum ac-  
 " cuſare ſolet. Prius evanuit: poſterius non eſt omni-  
 " no nihil, ſed tanti negamus eſſe quod ſæpius in Vete-  
 " res quam Novos graſſetur: præſertim in hoc caſu,  
 " ubi potius Veri damnum, quam Falfi incommodum  
 " patimur.

Hic verò theſi deſerviens ſua, quod Magni mo-  
 " menti, & præ cæteris memorabile prædicat eſſe, præ-  
 " teriri penitus non debet. " Si enim, ait, Judices <sup>Pag. 303.</sup>  
 " noſtri conſtituantur ſubinde, ac pene affiduè con-  
 " ſulendi ſunt de locis quorum ſenſus apud nos con-  
 " trovertitur, Quid fiat ſi de horum expoſitione a-  
 " pud ipſos Patres non major quam apud nos concor-  
 " dia ſit? Reſponſum ſanè facile & clarum eſt; In  
 " eo caſu (quem aliquando accidere poſſe non negárim)  
 " parum aut nihil facere poſſe ad noſtras lites compo-  
 " nendas:



Hilarius de  
Synodis.

Keckerm.  
Rhetor. Ec-  
clesiast. lib. I.  
cap. 7.

Nilus Theſſal.  
πρὸς ἡγεμονίαν  
ἐν τῇ πνεύματι.

Arthur Duck.  
de Authorita-  
te Juris Ci-  
vilis, lib. I.  
cap. 8. n. 9.

nendas: Non tamen propterea pro rejiculo habendam esse tunc Antiquitatem, si vel Vincentium prius laudatum, audiamus, vel Hilarium de Synodis, qui, "Si contraria, inquit, invicem senserint Concilia, debemus quasi judices probare meliora. Longè etiam melius Dallæo, ipse Keckermannus difficultatem dirimit, hoc modo. "Quod si autem in "Loci alicujus interpretatione interpretes clari videantur inter se dissentire, antiquiores, clariores, & doctiores præferendi erunt aliis, ita certè merito in negotio cœnæ præfertur Augustinus Damasceno. "His accedat Nili Theſſalonicensis, vel, ut aliis videtur, Nicholai Cabasilæ non temnendum consilium. 'Οὐδὲ γὰρ δυνατὸν τὸ αὐτὸ πῶς ὡς διαφόροι διδιδόναι ἑνὸς ἐφορμᾶζον ἀπὸ τοῦ ὁμοίου. 'Αλλ' ἡμᾶς δὲ τὰς κρειωντέρας τῶν ἐκκλησιαστικῶν καὶ συμφωνήσας τοῖς ἑκκλησιαστικαῖς δόγμασι, τὰς λοιπὰς ἐν δευτέρῳ τίθει. h. e. "Impossibile cum sit eandem dictionem quæ diversos reddat sensus, utriusque accommodare, principalem nos decet eligere, & Ecclesiæ doctrinæ consentaneum, reliquos verò post-ponere.

Postremò, quum eadem omnino difficultas sit in Jure dicundo, quæ hîc Theologiæ objicitur, eadem methodo procedendum in utrâque Facultate. Nam Juristas maximos contraria sibi scripsisse, imo Baldum Jurisperitorum Coryphæum hâc in parte crebrius deliquisse, à doctis censetur. "Ideo (inquit quidam) pro distinguendis doctorum contrariis opinionibus, Regulæ nobis traditæ sunt vel ex eorum numero, vel ex scribendi modo, vel causarum naturâ, vel interpretum personis, vel temporis cursu, vel aliunde sunt desumptæ quas hîc breviter apponendas censui, &c. Cuiusmodi autem potius dubium, quum se expediat in colluctantibus vel Theologorum sententiis vel Jurisperitorum, authoris citati consulat admi-

adminicula, quàm ut tanta ego utar hîc excursionē;  
Vel potius placeat ipsi ipsum Codicem Theodosia-  
num adire, qui hunc nodum Authentice solvit. Pro-  
clive autem erit eodem Ariadne filio à Labyrinthis  
quos hic conficit D. dubium pedem extruere, & tu-  
rum facere incessum. Quibus expeditis, tenuis erit  
operæ fugare nubeculas istas, quibus per hoc inte-  
grum Caput studet Author noster claram alias veri-  
tatem infuscare credulis Lectoribus suis. Ne tamen  
minus curasse præsentem videamur Provinciam, de-  
crevimus paucis plurima jugulare.

Vide etiam  
Cod. Theod.  
lib. 1. Tit. 4.  
De Responsis  
Prudentum.

Notandum ergo primò, meliorem Pugnantiarum  
partem, quam hic visum est Calumniatori recoquere  
non aliam à superioribus esse, sed terque quaterque  
repetitam, de nova apparari; ostentationis procul-  
dubio causâ. Sunt verò hujusmodi, dissidia de Ani-  
mæ Origine: De Sabbaticis Jejuniis, De Ætate quâ  
Christus est passus.

Secundò, vix vicesimam tantæ ferraginis partem  
substantiam Religionis vel Ecclesiæ attinere: sed  
corticem, seu Problemata, & Circumstantias fidei  
arrodere: quo fere unica objectio revocanda est De  
Spectro Celebratissimo formâ Samuelis indûto. De  
quo, An merum phantasma divinâ permissione fa-  
ctum, An verus Samuel, tam docti hodie, quam olim  
Veteres fuerunt dissentientes.

1 Sam.  
Vide Micha-  
elem Rothar-  
dum de Sa-  
muel redivi-  
vo.

Denique Contradições quas hîc amplificat D.  
Dallæus, Apparentes potius quam Reales, factâ  
prudenti & diligenti disquisitione, dicentur meritò:  
quales sunt rixæ inter quosdam Patres ortæ de vocum  
nonnullarum significatione idoneâ Mysteriorum Tri-  
nitatis. Non illi omnes errores dati, sed accepti  
quos graviores esse hîc vult D. D. nec studio brevi-  
tatis committere debemus, ut illud Theodoreti con-  
tra Cyrillum quod disertius Dallæo videtur, quam ut

Page 191.

D d

eludi

eludi queat, prætereamus intactum. Dissimulari hoc quidem nequeat, Patres istos nimis invicem exacerbari, & perlibenter alterum alterius sententiam vel le exagitare, humanum quid passos: Non tamen vel hujus vel illius dicta respuere debitam medelam. Ait quidem Theodoretus, ( quod tam horrendum primo auditu videtur ) “ Si proprium Spiritum filii, “ & quidem ut ejusdem cum eo naturæ & ex Patre “ procedentem dixit, simul confitebimur, & tan- “ quam piam suscipiemus vocem, Si verò ex filio, “ aut per filium, existentiam habeat, hoc ut blasphemum & impium rejiciemus. Hic vocem fatemur à forma saniorum verborum multum variantem: Si tamen quis, quid Cyrilli Anathematismus damnavit, spectaverit, & ordinem Reprehensionis Theodreti, haud difficili negotio utrumque rectam & coluisse & docuisse fidem perspiciat.

Anathemate percutit Cyrillus quicumque Jesum Christum non propriâ virtute clarnisse, sed accepisse totam à Spiritu Sancto: Quod Catholicè admodum dixit, loquens de Naturâ Divinâ Christi: Theodoretus verò avidè arripiens hinc ansam stomachi levandi contra Cyrillum, disputat summo ardore quasi verba Cyrilli de humana Christi natura proferrentur: Quod facile cuipiam argumenta ejus perlegenti constabit, A Gabrielis enim Archangeli salutatione ad B. Virginem factâ probat, Sp. Sanctum supervenisse Virgini: A monitu dato Josepho in somnio, ostendit, Quòd natum, ex Spiritu S. esse. Item aliis ex textibus tam Veteris quàm Novi Test. quæ omnia necessariò de Christo homine sunt intelligenda. Concludit ergo blasphemum & impium esse affirmare hoc sensu Spiritus essentiam à Christo quoquo modo promanare. Quo nihil fidei nostræ consonantius dici poterit. Vides ergo ut nulla quidem arte, verum  
simplici

Luc. 1.

Matth. 1.

simplici interpretatione quæ monstro similia videbantur, jam nihil in se vel contrarii vel erronei continere. Et si otium nobis, aut multis opus esset, id genus plura his addere queamus, quæ magni momenti quidem sunt, sed grano salis accepto optimè secum, & fide Catholica conveniunt. Et Hieronymo suspecta potius vox Hypostasis, quàm res eâ denotata displicuit. De schismate verò, de Processione S. Sancti, nato inter Græcos & Latinos, quid dicam vix invenio, quum docti utrobique Viri asserant, negentque causam fidei verti in eo articulo. Sufficiat instituto nostro dixisse, hoc malum Ecclesiam Catholicam non discerpisse ante annum 800 post Christum natum, ad quæ tempora rarius consuevimus quosvis adversarios provocare: & tum quidem in levioribus, vel iis in quibus integra & unanimis permansit Ecclesia, inde ab Antiquo.

Quoniam verò steriliorem versat agrum nomen Veterum juxta sulcando, injuste admodum de fide ipsa non dubitat accusare. "Nullus enim, (quod sciam) Patrum Sanctorum illa Sancti Joannis verba, *Pater major me est: & illa, Ego & Pater unum sumus*, Orthodoxè non exposuit: Nisi manifestos Hæreticos Patrum titulo decorat Dallæus, quo speciosius omnes confodiat. Nam quod de Tertulliano & Ambrosio queratur quòd Christum Unum cum Patre amore dicant, immeritò facit; quandoquidem nihil præsidio S. Scripturarum destitutum astruunt, vel quo Naturæ quoque unitatem destruant. Ambrosius enim comparisonem instituens inter duo hæc, *Verbum Caro factum est; & Christus factus est peccatum, & Execratio*: Non modum, sed res ipsas confert; innuens Christum tam verè factum esse peccatum, quàm Caro factum esset Verbum; licet ratione longè diversâ. Hoc fortassis Viro vel parum in hac causa

Joan. 14. 28.  
Cap. 10. 30.

attento iob studium accusandi, vel pronissimo in verbera & vulnera Priscorum, vel denique nimium credulo Supparum censuris, imposuit: quod occurrit apud Veteres prærogativam quandam Patri præ filio concessam *Auctoritate Originis* (ut loquitur Sanctus Hilarius) non dignitate, aut diversitate naturæ. Sunt quidem fateor qui & *Daxovii* Patri satis incautè scribunt. Novimus tamen in eo durius dicto, non penitus à phrasi Scripturarum abluisse quæ commodam ferant interpretationem. Quæ enim tradunt (sunt autem tam Canonica quam Apocryphæ quæ hunc faciunt) Mundum à Deo per filium conditum, tanquam Medium sanè non otiosum aut inefficax nobis proponunt: Quod secundum Veteres nonnullos *Ministrare*, dicatur. Quoniam verò nullus Veterum hic adducitur qui fidem incurfasse ostenditur; cui sufficit Dallæi Accusatio, satis sit nostra Negatio. Sacrilegum illud commentum Novorum potius quam Veterum fuit: & qui hesternos Magistros potius quam antiquos secuti sunt, vel proprii cerebelli prolem, partum S. Spiritus celebrarunt. Socini scilicet hoc fuit: & paulo modestioris Episcopii cujus hæc sententia est, hæc verba. *Certe ego nullus dubito quin filius ipse Patrem suum ob hanc etiam prærogativam & ex hoc se majorem vocare potuerit, Joan. 14.28.* Et post pauca. *Quod enim ad primum attinet, quo filium Patrem suum se majorem esse dixit, etsi id ad Christum quatenus & Mediator inter Deum & homines erat, referri maxime potest, tamen nihil vetat id etiam referre ad totum illud, quod filius qua filius est. Sic enim minor Patre est, &c.* Hæc ille, qui & Zanchium suffragatorem, quærit. Hæc non Veteres. Imo contra hæc Symbolum Athanasianum, expressè.

Episcopius  
Instit. Theo-  
log. Lib.4.  
cap.32.

Ubi supra.

Sed restat jam in hoc genere ultimus Dallæi conatus ter maximus sanè, nisi fallatur. *Eorum* [Patrum]

trum] *expositiones non modo inter se pugnant, sed, quod sanè gravissimum est, plerasque frigere comperiet [quis] raroque apud illos occurrit solida illa simplicitas.* Mihi autem multò magis frigutire ipse videtur Dallæus, qui nescio quæ pollicitus monstra, satisfactum suo delatorio officio abundè puter, si per omnia plenè & solidè non scripssisse Veteres ostenderit, vel potius dixerit, quin addi possit quid. Et quidem bene densæ sphalmatum Veterum sylvæ quam proposuit & contradictionum, fortasse plura potuit adjecisse ex Stephano-Tritheita, Hæresiarchâ apud Photium, qui Dux viæ Dallæo (uti auguror) in hoc negotio, Sexaginta articulos ex Authoribus variis Antiquæ Ecclesiæ, conatu invidiosissimo compulit, in quibus inter se disconvenit Priscis Ecclesiæ Doctoribus. Dignus profectò ille tali Authore, & Causâ Patronus, Indignus verò uterque cui aliter quam contemptu respondeatur, qui vera quidem sed valida nesciit objicere.

Photius Bibliothec. num. 232.

Dd 3

Caput



## Caput sextum.

Ratio  
sexta.

*Neque Protestantes, neque Pontificios agnoscere Patres Judices rerum ad Religionem suam pertinentium. Hos quoque non minus quam illos, quæ ad palatum suum non faciunt nulla religione respuere. Satisfit duabus quæstionibus quæ ex superioribus omnibus oriuntur.*

Pag. 303.

**H**Actenus se demonstrasse Vir D. venditat Patrum scripta non tantum habere in se auctoritatis ut judicent de nostris controversiis, *Restat jam, ait, sibi dispiciendum, Quæ nostri ratione sit auctoritas eorum: & proinde se jam monstraturum promittit, neque Pontificios neque Protestantes hanc dirimendi controversias probare methodum, Quæ promissa postquam compleverit, nulli non sit Magnus Apollo: quum & nos supra, Protestantium proceres contraria huic thesi scripsisse docuimus, De Ecclesiâ autem Romanâ fere nihil à nobis dictum, cum quòd vitio ei verti contrarium solet; tum quòd præcipuum totius Operis hujus Dallæani sit Ecclesiæ Pontificiæ doctrinam de auctoritate Veterum refellere. Quid verò sua Reformatâ sentiat Ecclesiâ, nobis curat proponi; quæ ut salva sit imprimis, has turbas excitari credam, & supercilium contrahi.*

*Quamquam autem facile concederem rectius ipsum, quæ sit ejus Ecclesiæ mens, quam me, callere; non verear tamen affirmare verba ab ipso allegata parum probare thesim suam.*

Conf. fs. Gall.  
Artic. 4.

Verba autem Confessionis Gallicanæ hæc apud  
Dallæum

Dallæum sunt, viz. "Libros quidem Ecclesiasticos  
 "esse utiles, sed non ejusmodi ut ex iis constitui pos-  
 "sit aliquis fidei articulus. Satis equidem mirari  
 nequeam ut proprios oculos sibi eruerit Vir Acutissi-  
 mus, ne videat, quod saltem se non videre Sexcen-  
 ties simulat, secundum nullos, Ecclesiasticos docto-  
 res vel Ecclesiam posse fundare levissimum fidei Ar-  
 ticulum. Forte inter marcidos Romani Pontificis a-  
 dulatores, vesanus quidam nebulo tale quid suo Vi-  
 ce-deo tribuat. Id autem sobrii constituunt, Ecclē-  
 siæ tam Antiquæ quam modernæ esse, non simplici-  
 ter condere, sed subobscurum punctum posse in apri-  
 cum proferre. Est itaque illa Conclusio vâldè lu-  
 brica, & præter Præmissas, viz. "Qui credunt Scri-  
 "pturas complecti quicquid ad cultum Dei & salu-  
 "tem hominum requiritur, nullo alio Judice opus  
 "habent, frustra que ad Veterum autoritatem confu-  
 "gerent. Quam toto scopo aberrat hic Vir Do-  
 ctus? Leges enim quæ omnia non minus comple-  
 ctuntur ad Civilem vitam dirigendam, & justitiam  
 custodiendam, quam Leges Divinæ ea quæ ad cul-  
 tum Dei & hominum salutem faciunt, Judice indi-  
 geant tam ad Legem enarrandam, quam applican-  
 dam. Et nulla in Politia Judicis est (quod falso  
 suspicatur Dallæus) Leges fundare, sed duntaxat  
 declarare: uti dictum sæpiusculum est à nobis: quod,  
 posthac diruens quod hic & antea passim extraxerat,  
 ipse fatetur, viz. "Hinc apparet Patrum autorita-  
 "tem veluti secundum quoddam post Scripturas re-  
 "pagulum esse, ad eorum impostorum comprimen-  
 "dam ac retundendam audaciâ, qui novam fidem  
 "procudere, novaque & inaudita mysteria falso  
 "Christi nomine orbi obtrudere aliquando moliun-  
 "tur. Nec ista quæ mox sequuntur hæc destruunt,  
 sumpto argumento de Apostasiâ Celeberrimâ de quâ  
 Apostolus

Pag. 307.

Pag. 307, 308.

Apostolus 2. ad Thessalonicenses, cap. 2. agit. Hinc tamen concludit, quum à primavâ simplicitate & puritate fidei defecerit Ecclesia, juxta præmonitionem S. Sancti, auctoritatem ejus perexiguam præferim nunc dierum esse apud nos oportere.

Huic verò objectioni in Limine Prioris Libri satis respondimus, de Hegisippo agentes. Hic verò libenter è Dallæo quærerem, Quorsum hæc sunt adducta verba, si forte hic non de Ecclesiæ defectione, sed potius de Judæorum apertâ Apostasiâ, quâ Antichristiana eorum doctrina & mores manifestissima essent, & quam prope è tergo secuturum esset Luctuosissimum illud excidium, de quo ibi tractat Apostolus; quod gentem illam irreparabili internecone deleteret; contra quam, credo Fidelibus. (qui & ipsi nuper è Judæorum numero erant) solatium parat Apostolus. Hanc sanè post innumeras interpretationes mihi multo verisimiliorem videri fateor. Cæterum, Quid si de Ecclesiæ discessione intelligendus sit Apostolus? Non de apostasiâ è Fide, sed à piis moribus accipi optimè possit, & Sanctitate; quæ inconcussâ fide accidere possit. His ergo missis ad reliquas Ecclesias Reformatas transeamus.

Hic verò tam jejunos est, & quasi gradu suspensio incedit, ut ex cunctis, ne unius; tres solummodo Viros quidem, Ecclesiæ vocem aut decretum huc adduxit in jacturam Traditionum. Et quod antè Archischismaticus Cartwrightus nostras delirârat, ipse probat dicens; " Non nego Primarios quosdam inter ipsorum [ Protestantium ] Scriptores quales " sunt Bucerus, Martyr, Juellus Episcopus Sarisburiensis, & Recentiores fermè omnes Patrum libros " in disputationibus adhibere; sed si eorum mentem " atque institutum accuratè inspexeris, reperies eos " ad refutandum, non ad confirmandum; ad ever-  
" tendas

Cartwrightus  
lib. 7. pag. 22.

“tendas opiniones Romanas, non ad suas constitu-  
 “endas, Patrum uti testimonio. Rectè quidem: quid  
 autem faciunt hæc vel ad confirmandam vel illu-  
 strandam Thesim Propositam, viz. *Protestantes non*  
*agnoscere Patres Judices rerum ad Religionem pertinenti-*  
*um?* Siquidem parum interest, An quis è Veteri-  
 bus monstret Adversarios falsa pro veris colere, &  
 veritatem ipsam nobis favere, si contrarii sumus.  
 Et tamen non dubito & Dallæum, & Cartwrightum,  
 & hodiernos Sectarios, quibus mirificè aridet hoc  
 effugium, vehementer errare. Nam & Patres, &  
 Viri inter Reformatos maximæ notæ, non minus ad  
 veritatem stabiliendam, quàm errores retundendos,  
 purâ utuntur Antiquitate.

Superest ergo, post munus negligenter illa in parte  
 curatum, ut Pontificios hanc methodum legemve  
 controversias definiendi recusasse ostendat. Ubi pri-  
 mum jucundum sit contueri duos primarios Symmy-  
 stas, qui junctis dextris viribusque adversus Vete-  
 res processerunt hucusque, Rivettum putà & Dallæ-  
 um, in contrarias sententias rapi. Sic enim ille,  
 “Omnes Pontificii in eo conveniunt in expositione  
 “Sacrarum Literarum, communem omnium Sancto-  
 “rum veterum intelligentiam Theologo præstare ad  
 “Theologicas assertiones corroborandas. Hic au-  
 tem hoc modo scribit, “Discrepant inter se, quod  
 “alii scripturis, alii præsentī Ecclesiæ sui sæculi  
 “summam auctoritatem tribuunt, sed in eo utrique  
 “conveniunt, quòd eam auctoritatem non minus hi,  
 “quàm illi Patribus negant, adeo ut incassum terant  
 “tempus, &c. In hac discordiâ fratrum, Ille tan-  
 tum habet veritatis, quantum valeat ad convellen-  
 dum Institutum Dallæi. Hic autem quantum suffi-  
 ciat ad Pontificios jure accusandos: qui, juxta Ri-  
 vettum quidem, nihil gloriosius tonant quàm Patres,

Rivettus ca. 3  
 de Authorit.

Dall. p. 313.

& Ecclesiasticas Traditiones cunctas suæ soli fidei faventes. Ubi autem ad rem ipsam devotum fuerit, clavis datis instantiis contra ipsos militantes, innumeris cuniculis & versutiis vel elabuntur, vel re ipsa fugiunt quod ambiebant ore tenuis, vel (quod non raro contigit) ejusmodi testimoniis surdam obvertunt aurem, & aspernantur, superbissimo fastu, quo (opinionem Præsentis Ecclesiæ) animi eorum tument. Hic autem non tam de Praxi, quàm doctrinâ Romanorum disceptatur: quæ si constantior sit pro Veterum auctoritate, Frustra, imo magno suo damno, & Causæ iniquæ detectione factis abdicant; quæ tam æquum pari nequeat examen, aut constantes defensores.

Testimonia verò quibus operam dat ut probet Pontificios respuere, hanc formam disputandi in genere, nullius fere momenti apparebunt perpendenti: neque enim illud quod post varios scriptores de Cajetano prompsit, huc facit: "Si quando occurrerit novus sensus textui consonans, nec à sacra Scripturâ, nec ab Ecclesiæ doctrinâ dissonans, quamvis à torrente doctorum alienus, rogo Lectores omnes ne præcipites detestentur, sed æquos se præbeant censores: solis Scripturæ sacræ autoribus reservata est hæc auctoritas, ut ideò sic credamus esse quia ipsi ita scripserunt. Vel illud Melchioris Cani, viz. *Non necessarium sequi majores nostros per omnia*: Vel Ambrosii Catherini, Annot. in Cajetanum nim. *Verissimum est quod Sanctorum dicta non sunt firma auctoritatis ut singulis teneamur iis præbere assensum*. Vel Petavii censura Chrysostomi quod erravit: Vel denique Maldonati non dubitantis alium sensum Scripturarum sequi quàm Patres tradiderunt: Non (inquam) hi contra nostram thesim vel Romanam quicquam statuerunt: qui nihil aliud docent quàm in levioribus non solum ferendam, sed laudandam esse varietatem

tatem expositionum Sacrorum textuum : dum rebus  
gravioribus docent, & definitis longâ consuetudine à  
certâ traditione secedendum non esse, aut Ecclesia  
Catholica. Quamquam insigniores quidem Ponti-  
ficii & præsertim Pererius in Genesim, post Joannis  
Pici Mirandolæ novitates obelisco transfixas, Val-  
de offendisse pios & doctos viros Cajetanum censer,  
quod initio Commentariorum suorum præfatur his  
verbis. [si quando occurrerit, &c.] Sic Cajetanus, qui,  
quod præfatus est, audacter præstitit : quam etiam ob causam  
in hujus librâ expositione nonnullos in errores & quidem gra-  
ves lapsus est. Sic Pererius. Et modestior Pererio  
Canus haud leniorem sententiam de Cajetani illis  
verbis tulit : ait enim. *Hereticorum itaque & Schisma-  
ticorum ætatem videtur Cajetani illa sententia.* Nihilominus  
quum verissimum sit, quod Chrysostomus ob-  
servavit tam inexhaustum esse fontem Scripturarum  
Sacrarum, ut ab origine mundi in sæcula perpetua  
exantlantibus inde Interpretibus, semper emerget  
aliquid novi, absit ut semper actum agant & quic-  
quid utile, & Catholico sensui congruum novis co-  
natibus non depromant.

Pererius Præ-  
fat. in Genes.

Canus Lo-  
Com. Lib. 7.  
cap 7. num. 12

Chrysosto.  
Serm. 2. in  
Genes.

His jam ita prælibatis, vocat institutum ad tria  
Capitula, ad quæ placuit D. D. reducere quæ para-  
verat in hoc negotio, obijcienda, descendamus. "Pa-  
"tere autem affirmat in Fide, & in Cæremoniis, &  
"3. Disciplina, multa præter Veterum auctoritatem  
"tum abrogata, tum instituta. Facilem admodum  
me hîc adversarium habet Dallæus : qui hæc omnia,  
si vel maxime velim, nequeam inficiari. Descivit  
proculdubio Ecclesia Reformatissima, & impleo ma-  
gis sordibus nuperis Inquinatissima ab Ecclesiâ An-  
tiquæ Legibus, & praxi. Possit æquè probari tam  
Reformatas quàm Irreformatas Decalogum & præ-  
cepta pietatis, imo Scripturas ipsas repudiare, quod

Pag. 326.

Vide Augusti.  
Confess. lib. 3.  
cap. 7. Item  
lib. 2. de Bap-  
tis. cap. 3.



moribus contrariis plerunque vivitur. Deinde, Quævis immutatio damnanda non est: quandoquidem nihil in Ecclesia receptius fuerit quàm penes Ecclesiam esse sibi ipsi pro ratione loci, temporumque, novas propriasque scribere Leges de Externis Circumstantiis, & Ceremoniis; modo contra Fidei Analogiam nihil tentetur. Vani ergo sunt qui petunt ut per singula, eadem forma faciesque sit hodierna, quæ Primitivæ Ecclesiæ olim fuit, & sub qua floruit.

Ad primum ergo Caput quod attinet, valdè negligenter & incogitanter hîc se gerit Vir Clariss. dum putet eos quos rectè enumerat abusus Romanæ Ecclesiæ, vel facere contra Ecclesiasticas Traditiones, vel satis demonstrare Pontificios id genus disputandî, de quo jam agitur, omnino recusare. Hæc enim, Cultus Imaginum, Canon Scripturarum adulteratus, Immaculata conceptio Beatæ Virginis, Autoritas tyrannica Papæ, &c. quæ hic memorantur, solummodo probant defecisse istam Ecclesiam non solum ab antiquis, verùm etiam aliud hodie docere, aliud quotidie facere: & merito posse dici de Nova, quod objecit Antiquæ Romæ Augustinus, *Laudatis Antiquitatem & novè de die vivitis*: Sed quicquid hic præsumpserit V. D. longè alia ratio est de Regimine Ecclesiæ per Patres, quos Episcopos vocitamus: & Calvinî seu Bezzæ autoritates futilitatem potius propriam produant, quàm perspicuam universæ Ecclesiæ traditionem praxi perpetua renitentem labeficiant.

Neque aliter pronunciandum de alia subdola iniquaque querela violatæ Antiquitatis, quod *Jus Populo sit hodie ademptum Pastores ad se vocandi*. Nam primò, Fallitur egregiè, fallique nos cupit, unquam per Veteres licuisse, quod importunè appetunt Novi. Ubi enim legitur Populum suos, quos hodie vocant, sed

Augustinus de  
Civitate Dei.

sed improprie admodum, Pastores, rectius quidem Ministros, creasse, aut ordinasse quod sacrilegâ temeritate nuper factum indignabundi & pudibundi vidimus & Optrasse quidem Pastorem præfici, extra dubium est, alias ordinatum. Presbyterum autem sibi delegisse populum per varia sæcula non uspiam constat, & proinde meræ sciolo vulgo suffunduntur officia à Blondello, & Recentibus Reformatoribus, qui opusculo quodam contendit Jus Plebi fuisse quondam suos Presbyteros eligendi; tam improspere exitu, ut Doctissimo Viro nihil prius videatur fuisse in mente quàm plebeculam aucupari inauditi privilegii crepitu, vel, ut quovis modo curreret Calamus. Nam quàm certum est consuetudinem invaluisse, ut Episcopo obeunte successor à Populo probante accerferetur, tam verum est ad Sedem tantum, non ad munus ita vocatum fuisse. Sed hoc vitium non uno loco, aut occasione à Viro perdocto admissum nemo non videat. Qui sterilitate & paucitate testium quos pollicetur Lectori misere laborans, ad confirmandam A catholicam suam, sententiam de paritate primæva Presbyteralis & Episcopalis ordinum, ne nihil agere videatur, ad longè aliud quam oporteret divagatur. Veluti pollicitus Herculeum & plusquam Gordium nodum de Ordinandi potestate in Presbytero simplici sita, magna temporis operæque jactura satagit ostendere Episcopos non sine Presbyterio solitos fuisse ordinare, quod & Olim & hodie verissimum esse, ultro largimur. Quid hoc autem ad ipsam intrinsecam facultatem attinet? Quod verò liberius & fidentius alibi ait, nim. *Episcopos sub omnium* [Presbyterorum & fratrum] *duntaxat oculis ac delegata ab omnibus potestate per totum aggredi teneri — & nihil nisi Presbyterii totius nomine & mandato fieri ab iis: certe nihil à tota Antiquitate magis abhorret, nihil à vero alienius nihil*

Blondellus de  
Jure Plebis  
in Regim Ec-  
clesiast.

Blondel. A-  
polog. Sect. 3.  
Pag. 159.

minus ab illo vel probatum, vel extremis digitis contrectatum per longam depictamque multis nominibus orationem. Licet tolerabilius multò erraverit, qui dixerit (quod tamen absurdum est) Episcopos *mandato* Presbyterii sui, quam *potestate* à suis Presbyteris delegatà Ordinasse. Presbyteri autem (quod sciam) nulli unquam ad curam antiquitus acciti sunt à Populo, sed è Latere Episcopi exierunt ad partem curæ & sollicitudinis Episcopaliū sustinendam. Dubia hæc & Fallaci doctrinā quorundam præpositorum Ecclesiasticorum nuperæ Reformationis factum esse liquet, ut cristas attolleret vulgus quas præscindere necessarium visum est Calvino, veritate paulò sincerius his verba edita, "Sanè oportet Ministrum à populo approbatum esse antequam in Ministerii possessionem mittatur. Quod si quis se ipsum intrudit aliā viā, ubi in Ecclesia ordo constitutus est, Legitima vocatione destituitur. Ex eo tamen nego sequi populum electioni sui Pastoris præesse debere. Neque sanè jure divino constitutum est ut suffragia à populo quærentur ad Pastorem introducendum in Thronum suum, sed præceptum Apostoli, potius Consilium Summis Episcopis est (qualis Metropolitānus fuit Timotheus) quando de Episcopo scribit, "Oportet illum & testimonium habere bonum ab iis qui foris sunt. Qui autem sunt qui foris sunt? Non alii certè quam Ethnicis, vel ad summum Judæis, quorum nostri Patres competere Jus Fideles Pastores eligendi, credi possit, ex mente Apostoli: verum tam inculpatis sint moribus Episcopi præcipit, ut neque isti, neque hi quicquam merito iis objicerent. Descendere, scio scriptum à Cypriano (in quo uno inaniter sibi adulari Blondellus) de divina auctoritate, ut sacerdos (qui Veribus solus Episcopus erat) præsentē plebe sub omni-

um

Calvinus Episto. 131.

1 Timoth. 3.  
v. 7.

Cyprianus,  
lib. 4. Ep. 4.

um oculis deligatur. Palam quidem & publicè oportebat Electionem fieri Episcopi, ut siquid Christianus populus justì impedimenti allegaret, via præcluderetur tanto honori; non ut suffragium seu calculus totius plebis necessarium esset ad Legitimam vel constitutionem, vel confirmationem ejus. Sublatam autem fuisse posterioribus sæculis hanc consuetudinem, idque causis justissimis, docent historiæ Ecclesiasticæ: quòd populus postea frigente Charitate in varias scissus factiones circa Episcopum eligendum, ingentia scandala & damna dedit Ecclesiæ. Cæsareæ enim, teste Eusebio, & Nazianzeno, de Episcopali dignitate diræ altercationes exortæ sunt. Alexandriam quoque postea miserè afflixit seditio prope Dioscorum sede pulsam. Romæ quoque miserè vexata est Ecclesia Damaso sedem conscendente, uti legere est tam apud Ammianum Marcellinum, quàm Ruffinum.

Eusebius, lib.  
4. cap. 24.  
Histo. Nazianzen. in Epitaphium Patris Evagrius, lib. 2. cap. 25.  
Ammianus Marcellinus, lib. 27. cap. 6.  
Ruffinus, lib. 2. Histo.

Ne tamen sim infinitus de singulis disputans quæ hic coacervat Dallæus, illud solummodo notandum duxi, quò prodigus & oscitans patronus Christianæ Libertatis nervos omnis Ecclesiasticæ Disciplinæ succidit. Distinguendum enim omnino est de cogenda Religione, ad mentem Ecclesiæ antiquæ, perinde ac hodiernæ. Nam illos qui superstitione Gentili à teneris annis enutriti essent, in eaque ætate sunt roborati, nequaquam putavit vi adhibitâ trahendos ad Christianam fidem: eos verò qui semel sponte se dederent, vel ab infantia edocti sunt in Christi Religione, nequaquam permisit propriis legibus aut ritibus uti; sed à Præsidibus Ecclesiæ virgâ disciplinæ nunquam non castigati sunt. Quòd etiam non minus ipsi magni Libertatis assertores Christianæ faciunt, quàm quos accusant. Hæc autem distinctione proclive erit cuilibet prælongam telam disputationis

A pag. 347.  
ad 351.

quæ

quæ hîc admodum frigide & temerè textitur, diffuere. Nec molestè nos habere debet similis excursio de se-  
 Pag. 342, 343. cessione Romanæ Ecclesiæ ab Antiquâ: de quâ supra dictum est. Operæ tamen erit pretium quî se hîc dupli-  
 plici objectione expediat, diligentius attendere, quoniam quod ipse jure suspicatur, universam suam doctrinam graviter vulnerare mihi videntur.

Sunt tamen quæ his præmittit fingens à Suis posse  
 Pag. 352. objectari, quæ ego minimè moror, sed transeo ad illas quas quidem ipse viribus Authoris longè superiores credo: Fiat verò ab aliis judicium. Prima igitur quæstio, seu objectio sic se habet, apud Virum Clariss. "Cum ex Patribus de Capitibus controversis nihil certi constituere possimus, quæri potest, "Primò, quâ via ad dirimendum has controversias "progrediendum est? Hujus quidem quæsitum primò fugiens, ait, *Nihil esse ad institutum suum*: sed quum minimè hanc responsionem satisfactoriam suspexerit videntibus & vigilantibus; aliam solutionem quæritat usque & usque habitam; nisi quoddam quæ antea latinè, nunc Græcè prodeat; antea à se suisque exeat, nunc nomine Scholarii Sapientis Græci, qui in Concilio Florentino verba hæc habuit, Dallæo recitante. "Primò non decet velle omnia disertis "verbis è Scripturis desumere. Nam multos hæreticos scimus prætextu hîc usos, sed siquid verbis "prolatis sit consequens, adæque erit honorandum. "Similiter, Quod veris, & confessis visum fuerit repugnans & contrarium, nullo modo erit admittendum. Deinde, eorum quæ obscurius dicta sunt "sumendas esse, (Scripturâ veluti magistrâ) explanationes, per illa quæ uspiam clarius illa differit. Optimè sanè hæc Scholarius, sed ad præfens institutum, planè nihil. Parum dixi; Contra illum eadem oratione multa disertè edidit. Quod ut magis sit  
 Ibid. per-

perspicuum cuius oculis non plane capto, notandum prius est, Tres hodie legi in Concilio Florentino Scholarii orationes, non tam eò collimantes ut controversiæ inter Græcos & Latinos explicitæ definiantur, sed potius ut idonea forma dicendi excogitetur, quæ minus utramvis partem offendant: & ut flammis discordiarum saltem sopitis, si non extinctis, Pax Christianorum quoquomodo colatur, & ingruentibus Turcis; junctis viribus armisque obviam eatur. In Oratione autem Tertia agitur tam de mediis commodissimis, quam impedimentis Concordiæ, quorum præcipua hic subjungam, ut nulli non sit manifestum, qualem & quam benignum sibi suæque causæ patronum delegerit Dallæus.

“Primo, (inquit) oportet recurrere ad fundamenta Fidei, veraque Theologiae principia, atque ad hæc utramque opinionem examinare, & dispicere. Utra cum illis maxime congruat. Deinde, quomodo accepta fuerint ab Ecclesiæ doctoribus pronunciata Scripturæ, inquirere; quæ videntur spectare ad hanc materiam. Ad hæc; Quid singuli de Quæsito Philosophati sunt. Et quidem ex eo quod primum dixi arbitror multum emergere difficultatis. Nam circa principia Fidei par est multas esse discrepantias, ex quibus contrariæ conclusiones inferuntur. Ea porro nec destruere decet, ita enim fiet ut aliud agendo multiplicemus malum, simulque multis de causis disjuncti, de quibus alia erit gravior quam præcedens differentia. Reliqua verò duo nullam habere dico difficultatem. Nam & Doctorum Expositiones facile [hoc autem perdifficile, si non impossibile esse ut ostendat, totus prior liber insumitur D. Dallæi] posse percipi opinor à rerum huiusmodi peritis, quæcunque Scripturæ locis tributæ ab illis sunt. Si qui verò sunt inter vos qui & hoc



aliter intelligant, sapientioribus & pluribus videri  
 danda est: Hoc enim æquum & consentaneum  
 est, & Sanctorum de re proposita sententias conciliare & ad unum omnes redigere, licet in aliquo  
 dissentire videantur, conveniens esse, & facile arbitror.  
 Neque enim audiendus est, si quis velit reprobare quempiam ex iis quos universa honorat  
 Ecclesia, aut ejus testimonia non admittat, quod putat ejus Theologiam ab iis corruptam, nisi quod  
 sit perspicue depravatum, idque utrique affirmatis, & probent utriusque partis libri tali corruptelâ liberari,  
 germanamque lectionem in ea conservantes. Omnino ergo tribus his ducemini ad cognoscendam  
 veritatem. viz. Scripturæ autoritatibus; Earum explanationibus, & propriis doctorum sententiis.  
 Hactenus Sapiens ille, qui planè nescius Captionum Dallæanarum, duo præcipua columbia totius Structuræ, solo allisit. Nam & capi posse sensus Veterum disertè affirmat; & Antiquitatis mentem perceptam, optimum aditum futurum ad lites componendas, judicat. Eat ergo jam & suaviter suo Scholario gaudeat Dallæus.

Haud dissimile iudicium de Usu Veterum Hieremiæ Patriarchæ Constantinopolitano fuit; responso ad Magdeburgenses, quod sic Socolovius interpretatus est. Neque enim nobis licet privata confisis interpretatione, aliquid divinitus inspirata Scriptura, aut ipsis intelligere, aut aliis tradere, nisi quantum cum scripto sanctarum Synodorum Ecclesiæque Sanctorum Theologorum, illud ipsum convenit: ne semel ex recto Evangelicæ doctrinæ tramite veræque sapientiæ semita abrepti, præcipites feramur: neve sensus deinceps noster more Protei in hanc vel illam formam fidei transferatur, hucque atque illuc devagetur. Græca ergo Ecclesia, quæ rectè nobiscum liquidò sentit, temerè admodum & inconsultò Dallæanæ opinionis testis

Hieremias  
 Constant.  
 Censu. Orien.  
 Eccles. ca. 21.

testis hic advocatur. Et propter hujusmodi gravissima fanissimaque Orientalium Ecclesiarum documenta evertentia prophanas Novitates Genevenses, arbitror ita superbissimum Beza stomacho intumuisse adversus Græcam Ecclesiam, ut expunctam conperet ex Albo Ecclesiarum Christi, quam teterrimam falsamque conatus suspicionem de illa animis Fidelibus ingenerare, Cæcum suum in veram adduxit: Nam Cæcus proculdubio est, secundum suam definitionem; accedere autem illum propius ad Christi veram Ecclesiæ naturam quam Græcas, nullo modo invenimus, vel ante alteram magis tam priscis Ecclesiis, quam Scripturis consentaneam Reformationem dandum unquam arbitramur.

Ea tamen fuit ambitio, ut nihilominus nunc quoque Constantinopolitanis omnibus illis per orientem sparsis Ecclesiis, si modo Ecclesiæ vocandæ sint, præficiatur [Patriar-

cha] Beza Not. in cap. i. ad Philip. v. i.

Nec faustius multò ipsi accidit, quod de Concilio Nicæno sibi imprudenter pollicetur, quòd Arrianorum hæresim ex Scripturis profligasse scribit. Probè. Quid verò porro? ex Traditione ergo non revicit eos? An qui ex Scripturis disputant, eo Patres exterminant, & ablegant? Nequaquam, credo, nisi prius, quod primoribus digitis vix attigit V. Clariss. plenius doceat Catholicos Scriptores & Sanctas Scripturas repugnantia tradere. Theodoretus quidem apertè scribit; *Quia Arriani ex non scriptis in impietatem delapsi sunt, — ex non scriptis vocibus condemnabantur.* Nonnihil dubii inesse fateor textibus antiquiorum Editionum. Syrmondi autem recentior & castigatior, retinet genuinam lectionem: quam sensus quoque ipse necessariò postulat. Præterea beatus Hilarius testatur, (ad Constantium scribens) Catholicos ab Arrianis accusatos quod non

Καὶ ὁ γὰρ ἡμῶς αὐτοῖς ἐν ἀρχαῖς τοῖς αἰ τοῖς ἐκείνοις ἡμεῖς; Ἐξ ἀρχαίων ὁ ἀποστόλων Διδάσκων ἀρχαίων [alias ἡμεῖς] μὴ ἐν τοῖς αἰς ἐν-

τοῖς ἀρχαίοις καὶ ταῖς ἐκείναις. Ἀυτοὶ μὲν, &c. Theodoret, Ecclesiast. Histo. lib. i. cap. 8.

Isidorus Mercat. de Origine Celebrandi Conc. Justellus Cod. Can. Eccles. Universa. Præfat.

Pag. 355.

scriptis vocibus uterentur. Et morem fuisse Ecclesie Antiquæ in Conciliis celebrandis Codicem Canonum in Medio statuere ad dirigendas sententias Patrum; authores sunt Isidorus Mercator & Justellus. Ita vero se habuit solutio Primæ Objectionis, vel Solutionis primæ Dallæi.

Sequitur alterum dubium momenti, ni fallor, adhuc gravioris, viz. "Nisi Patribus, seu Antiquitati plusquam Dallæus, tribuamus, *Quam nobis militiam afferant Patres?*" Huic, blanda quadam & pulchrâ prius factâ verborum prolusione, non minus Prophandis quam Catholicos Authores cohonestante, respondet hoc modo. *Et Principio occurrunt in his Patrum monumentis plurimæ eæque graves ad morum sanctitatem, accuratamque Christianæ disciplinæ observationem cohortationes. Multa quoque passim obvia sunt, quibus Religionis fundamenta, quæ ad omnes sunt in confesso, luculentissime illustrantur, & confirmantur.* Ad hæc: plurimæ præclara & ad Scripturas & ad mysteria quæ scripturis continentur intelligenda longè utilissima. *Quin & ipsa eorûm auctoritas magno nobis esse possit usui ad Christianismi veritatem probandum.* Huc usque ille: Cui licet perdidiculis & vanissimis Patres encomiis his condecorare placeat, stantibus prioribus suis Rationibus, ne hæc quidem umbra beneficiorum admittenda est. Quid enim sit operam ludere & cachinnos excitare, si hoc non sit? viz. Soli Lucem accendere; rem securè jam possidentibus liberaliter porrigere: & quod solet Papa Principibus jure divino & humano rectè tenentibus, Regna, tradere insidiosissimâ bonitate. Fundamenta nim. Religionis Christianæ, quæ apud omnes in confesso sunt, luculentissimè Patrum operâ illustrari & ornari, quæ est profusa in eos benignitate, largitur: & abundè prius

prius actum, agere. Quid verò si ne hoc quidem, nisi ceciderint quæ prius multò sudore & arte condita sunt, consistere possit? Quæro autem à Viro bono, Quomodo vel jam perspicua, reddant nobis illustriora; vel firma, stabiliora; vel dubios nos, certiores; quorum mens nullo probabili medio nobis innotescere possit? Quo pacto autem, quid senserint illi, addiscamus, qui tam pauca (veluti Caput primum Libri 1. docet) tam longe à nostris controversiis diffita & dubiis, scripserunt? Quorum opera tot ficta, & supposititia circumferuntur, prout Secundum & Tertium Caput habent, nec non Quartum? Quorum Opera vel perdifficile vel impossibile est intelligere, quod Quintum probaret Caput: Qui quæ credunt, reticent; quæque non credunt, exhibent; secundum Caput sextum: Qui non perseverarunt in sententiis suis, uti septimo Capite ostenditur: Qui (quod necessarium perhibetur capite octavo) non distinguunt nobis documenta probabilia à necessariis: Quorum omnium (quod iterum pernecessarium putatur) sententia cognosci nequeat, prout Nona ratio arguit. Decimò, Quum sciri nullo modo possit, Num patrum sententia; fuerit etiam Ecclesiæ universæ: & denique, fieri non possit, ut de hodie Controversis (hodie autem nullus Articulus non controvertitur) liquido cognoscatur Ecclesiæ Veteris sententia; Quomodo, inquam, si firmæ sint hujusmodi Rationes, cognosci poterit Veterum sententia? & si cognosci nequeat, quâ ratione vel tenuissimas istas utilitates, quas nobis futuras largitur Dallæus ex Patribus, consequi possibile sit? Adeo verum est quod Scripsit Augustinus (nisi ille cum cæteris Patribus, quod nemo intelligat, scripsit) *Ista quæ à veritate non veniunt perunque & nullo impellente subvertunt seipsa.*

August. de  
Civitate Dei  
lib. 7. cap. 19.

Pag. 360.

Cic. de Fini-  
bus lib. 1. de  
Epicuro.Ambros. E-  
pisto. 33.

Pag. 5059.

Potest tamen fortasse & Ille alius insignior fructus deprædicatus, & excerpendus è Veterum Scriptis dignior nostra attentione esse: Exurgunt (inquit) nonnunquam homines carnis sue sensu inflati, qui ex ingenio non ex ullis veræ religionis principiis hausta dogmata procudunt. Ad horum hominum compescendam audaciam peropportune poterit Veterum auctoritas adhiberi; vix scilicet Patribus penitus ignota fuisse, quæ ipsi observant dogmata, à Christo vel ab Apostolis generi humano nunquam fuisse tradita. Nulla enim veri specie fingi potest Sanctos superiorum seculorum Doctores, per quos ad nos manavit Christianismus, aliquid eorum latuisse, quæ Dominus (quod essent alicujus momenti, & ad salutem necessaria) nobis revelavit & commendavit. Hæc Dallæus. Quid autem (cum Cicerone rogo) attinet gloriose loqui, nisi constanter loquaris? Non solum enim contra hæc militant omnia modo recensita argumenta libri Primi: sed præcipuus Libri quoque Secundi scopus his opponitur. Nam quid aliud illuc agitur quam Patrum auctoritatem, ubi de illâ satis constiterit flocci pendendam, propter varias rationes, quas supra retulimus, & præsertim, quia & falli possint, & multis, iisque gravibus erroribus, & adversis opinionibus laborarunt: Hic verò ex concessis Dallæanis, rectè concluditur, & Nullum Articulum necessarium eos ignorasse, & è fortiore, nulla execrabili hæresi implicitos, nobis errandi duces extitisse. Nam juxta Ambrosium, Sicut alienus à numero fidelium & sorte Sanctorum qui in aliquo à Catholica veritate dissentit, ita extra Gratiâ efficitur qui aliquid de ejus plenitudine diffidetur: Et, teste Augustino, Melius est nescire quàm errare: postremò, Ipse Dallæus suprâ, "Levius est, (ait) ali-  
"qua veritate carere, quàm mendacio, quod ei op-  
"ponitur, fidem adhibere. Quemadmodum peccat  
"minus qui bonum aliquid omittit, quam qui ma-  
"lum,

“Iam, quod ei opponitur, committit, sic ejus qui  
 “quod res est credere abauit, quam ejus qui falsum,  
 “quod veritati opponitur, temerè admittit, levior  
 “est error. Præclarum equidem nemini non sit, am-  
 plius quid hic tribuendum Patribus quàm hactenus  
 contendimus, nim. & in iis quæ crediderunt, & quæ  
 non crediderunt, fidem iis adhibendam. Illo modo,  
 ne quem falsum articulum fidei amplectamur: hoc,  
 ne temerè assensum negemus ejusmodi articulo, quem  
 illi religiosius coluerunt: Nam minimè est (judice  
 ipso Dallæo) probabile vel unicum fidei membrum  
 eos latuisse, & multo incredibilius prolapsos fuisse in  
 errorem perniciosum, seu hæresim sanæ fidei contra-  
 riam.

Hæc tamen plus satis magnifica, quæ est inconstan-  
 tiâ, cursum invidet, aufertque: & Modernorum Pa-  
 storum pedibus protrita hac similitudine subjecit, *Ve-*  
*nam equidem est Recentes Pygmæis, Veteres autem Gi-*  
*gantibus comparari: Quis, nescis, inquit, Pygmaum Gi-*  
*gantis humeris impositum altius & longius quàm Gigantem*  
*ipsum prospicere. Rîdiculus est qui quæ prospicit pumilio in*  
*rerum naturâ, ideo negaret existere quod ea Gigas non vidis-*  
*set?* Quinam autem sunt illi oculatissimi Pygmæi,  
 qui quæ non viderunt Gigantes proceri, aspiciunt,  
 dubitas? Sunt Pastores proculdubio Extraordinarii  
 Evangelicorum: & tenebricosi Gigantes, quorum  
 colla calcantur à Modernis, sunt Patres. De quâ  
 eleganti comparatione, quid opus ut aliter judicem,  
 quàm quod supra de Sissinnii Diaconi consilio ipse  
 Dallæus. Veteratoris scil. fuit & plusquam Schis-  
 matici. Ejus namque authorem fuisse Medicum  
 quendam Pontificiæ communionis tradit Tostatus A-  
 bulensis, his verbis: *Et sicut peritus Medicus dixit,*  
*Homines nostri temporis ad antiquos comparantur sicut pusil-*  
*lus homo positus collo Gigantis ad ipsam Gigantem. Nam pu-*  
*illus*

Pag. 363.

Tostatus A-  
bul. 2 Part.  
Defens. ca. 18.



*fitlus ibi positus videt quicquid vidit Gigas, & insuper plus; & tamen si deponatur de collo Gigantis, parum aut nihil videbit, ad Gigantem comparatus: ita & nos firmati supra ingenia Antiquorum, & opera eorum, non esset admirandum, imo foret valde rationale, si videremus quicquid illi viderunt, & insuper plus, licet hoc non profiteamur. Quæ Abulensis verba paulo modestiora, hæc mordaciora reddere placuit V. Docto. Cæterum post Toftatum, Banezio arrisit comparatio, & post hunc Jesuitis gratiam Dei contra mentem Antiquitatis vellicantibus: Tandem infelici Dallæo. Audiamus verò quid hac occasione, tam de ipsa similitudine, quam de pravo ejus usu scribit Janfenius: *Lepidius in presenti, quam verius dicitur, Pygmaum in humerum Gigantis ipso Gigante plus aut longius cernere. Animosane dicam, an superba comparatio, qua significant se, quicquid ille viderit, videre, & adhuc videre quod ipse non viderit. Quasi verò quicquid viderit ille, dixit, & quod videre nos præter ipsum putamus, ille non viderit. Multo nobis magis verendum est ne acies nostra quasi puerorum imbecillis non videat, quod Mater cujus humeris insident, videt: nec liquido discernat id quod jam videt. Verendum quoque ne nobis accidat quod videndi discernendique imbecillitate laborantibus pueris ac pygmaïs, ut omnes viros (quod Aristoteles dixit) Patres appellent, & omnes mulieres, matres; quamvis neque Patres neque matres sed hostiliter inimici sunt. Quod autem hic animo præfago futurum veritus est, nos miseri re ipsa experti sumus. Homines enim nova oculorum acie & fallacibus radiis superbientes, quemvis circumforaneum Theologastrum, vel Prædicantem homuncionem, Patris autoritate, & munere apud se, perlubenter patiuntur gaudere; veros in Christo Patres, vel plane ignorantes, vel superbè repudiantes: & quamlibet Erronum multitudinem, nulla Lege, nulloque jure inter se cohærentium, Matris, seu Ecclesiæ**

Cornelius  
Janfenius in  
Augustino  
To. 2. pa. 14.


clésiæ nomine decorantes, supere quidem Asinino, potius quàm acuminæ extraordinario. Miserrandum enim in modum sibi ipsis imponunt, qui nullas alias postulari putant condiciones ad clarum felicemque aspectum quàm proceritatem, vel celsitudinem propriæ opinionis, quâ Majores contemnunt; temnendi ipsi maximè. Memoriam utique proditum est à Plinio & Eliano, Siculum quendam tam forti & præcellenti oculorum acie fuisse præditum, ut à Lelytheo Sicilia usque ad Carthaginem visus pertenderetur, adeo ut navium numerum à Carthaginensium portu solventium, suis indicaret. Mirum profectò & inauditum. Hujus tamen humeris Levis Recentium Pygmæus si forte infiliisset, ad Internam Lybiam, si non Mare Atlanticum, oculis penetraturum credibile esset, nisi claudicaret duobus saltem pedibus similitudo vulgaris hæc.

Plinius Histo.  
Nat. li. 7. c. 11.  
Elianus Var.  
Histo. li. 11.  
c. 13.

Quocirca quum hoc decurso stadio, quantum valeant viri Clariss. vel potius quantum non valeant, Rationes, satis perspectum habeamus, quid superest quin hoc unum obtestatoribus Veterum respondeamus, quod narrant Livius & Aulus Gellius Scipionem Africanum M. Nævio ipsum accusanti de Republicâ malè administratâ, respondisse. *Repeto Quirites diem esse hodiernum quo Hannibalem Panum Imperio nostro inimicissimum magno pralio vici, in terra Africanâ: pacemque & victoriam vobis peperit insperatam: Non igitur sumus adversus Deos ingrati: sed sentio relinquamus nebulonem hunc, eamque nunc protinus Jovi Opt. Ma. Gratulatum.* Nos pariter jugi gratâque recogitatione repetentes egregia veterum Sanctorum facinora, victorias partas, actosque longè latèque triumphos de Hæreticis, Schismaticis, & absurdissimis Innovatoribus, relinquamus hujusmodi nuperos Criminatores, eorum ut proprio tabescant Livore, & squalcant im-

Livius Histo.  
Aulus Gellius  
Noct. Attic.  
lib. 4. cap. 13.

puris Inventis, quibus resplenduisse se autumant. Unique vero Deo Holocaustum laudis reddamus, quod eorum sudore, pietate, fortitudine, & prudentiâ Fides Christiana eam, quam cernimus incolumitatem, & sinceritatem, (Deo laboribus eorum aspirante) consecuta est.



puris Inventis, quibus resplenduisse se autumant: Unique vero Deo Holocaustum laudis reddamus, quod eorum sudore, pietate, fortitudine, & prudentiâ Fides Christiana eam, quam cernimus incolumitatem, & sinceritatem, (Deo laboribus eorum aspirante) consecuta est.

APOLOGIA  
PARTICULARIS

PRO

Ecclesia Anglicana:

SEU,

A C T I O

HISTORICO-SCHOLASTICA

CONTRA

*Novissimos Schismaticos Anglicanos.*



---

L O N D I N I :

Typis *Andree Clark*, Impensis *Guil. Wells & Rob. Scot*,  
ad Insignia Principis, in vico vulg. vocato  
*Little Britain.* MDCLXXII.



APPOLOGIA

REACTIVUS

PRO

Eccelesia Anglicana


et

Q. T. O.

Historia Ecclesiae

Anglicanae

et Synodalis



I

Actio Historico-Scholastica  
In Schismaticos Ecclesiæ Anglicanæ.



Uæ me omnia incitârunt ut Apolo-  
giæ pro Ecclesiæ Universalis Pa-  
tribus animum appellerem, non  
minus extimulârunt ut nostræ An-  
glicanæ Ecclesiæ vindicandæ ab  
importunissimis Schismaticis, qui  
eam novissimè innumeris calum-  
niis & maleficiis affixerunt; pro  
viribus exiguis nostris, brevi compendio incumberem.  
Acrius adhuc propulerunt Meridiana, & impoten-  
tissima procacia hominum tam publicis concionibus  
quàm Scriptis seditiosè editis, contra utrâmq; Po-  
litiam; & Præsidia quædam transmarina Virorum  
Homogeneæ in plerisque cum ipsis Reformationis:  
quibus non mediocriter superbientes, nec non propi-  
tio nimis sole, tanquam Serpentes è latibulis, tumi-  
dis cervicibus & linguis virulentis nomen & supersti-  
tionem suam heri conclamatam, immortalis vulnere  
Beatissimi Caroli I. & Religionis Catholicæ, in  
vitam insperatam reducere satagunt.

Illorum primus occurrit Pisellius, vel Continuator potius operis dicti *Mellificium Historicum*, qui, ut multa inscitissimè, ita tanta vel oscitantia vel malignitate res apud nos gestas perstrinxit, credulæque tradidit Posteritati, ut paulum variato titulo, multò rectius, *Maleficium* audiat opus illud. In cuius Alveum, errorum crassorum, & putidorum mendaciorum examen videatur convolasse, è triobolaribus Char- tulis decerptorum, ut flosculis, talibus dignis nari- bus; quæ nullâ non die certatim è prælis prodierunt, ad vitiandam fidem, mores corrumpendos, seditio- nem movendam, & Schisma Ecclesiæ tum florenti, & pacatæ adornandum; & vanissima sperantibus Homi- num exterorum Calvinianæ Reformationis erige- rent, nos quoque futuros, fasve nefasve, consortes Inventorum.

Paulò quidem modestius, nihilo autem sælicius eo- dem erravit argumento Sethi Calvisii Operis Chro- nologici Continuator: Item tertius Continuator, qui ad tempora nostra Commentarios Sleideni de- duxit, apud Hichmannum vitio nostræ videtur ver- tisse, quòd propius quam ipse velit, ad Romanam Ecclesiam in Sacris accedamus; nesciens eo ipso nos ad Scripturas, & Catholicam Ecclesiam propius quo- que accedere. His autem nihil prius fuisse videat- ur, quam ut vendibiliores libros redderent prædictos, ipsis interea temporis de vero parum sollicitis. Op- tandum etiam esset Maresium vel tacendi, vel con- sultius loquendi in re nostra à suâ notitiâ remotiore Leges tenuisse: Quod etiam de Georgio Hornio di- cendum puto, quos extremæ incuriæ, vel impuden- tiæ meritis luentes pœnas apud D. Durellum, satius fortasse fuerit hic præterire quàm reficere.

Denique, vir doctissimus Bochartus, quâ tempe- state Beatus Carolus tremenda Schismaticorum securi  
extinctus

extinctus est, Libellum (nisi mavis Epistolam appellare) ad virum ornatissimum D. Morleium, Episcopum nunc Wintoniensem dans, multa in gratiam Presbyterianorum conatur; quæ ad tria hæc capita revocentur. Primò luculentâ disputatione vim Regibus inferendam non esse, docet: in qua tamen nonnihil deliquisse mihi videtur, tum quòd veritatem solidam perspicuamque, tot Criticis, Allegoricis, & Rabbincis ornârit quisquiliis, (quas cuius facile sit negare & contemnere) ut suspectiorem, quàm ex se ipsa esset, Thesis proponeret. Deinde, loco Communi vexatissimo vagatur, De Episcopo & Presbytero; ex Homonymia Vocum, contendens, eadem planè munus ordinemque esse utriusque; de quo postea differendum nobis breviter. Tertiò, summo conatu, apologiam meditatur pro Presbyteriana Factione apud nos; qua Æthiopes istos frustra lavaret, à tetra Regii sanguinis maculâ, crudâ quadam historiæ nostri temporis serie; & testimoniis Clarissimi, (apud ipsum) Priunii, & Doctoris Gauden, qui saltem scriptis egerunt editis, ne Rex obtruncaretur. In eo autem primùm est deceptus vir Clarissimus & Optimus, quòd Doctorem eo tempore, postea Episcopum, in censu Presbyterianorum haberet, qui multa fecit contrâ, & pertulit ab ista Parte: Dein, quod existimaret Perditionem Presbyterianam à nobis accusari de ipso actu, ictuque horrendo isto: de quibus posthinc.

Neque verò Henricus Hortingerus quid fecerit potius per errorem, quàm destinato consilio adversus nostram Ecclesiam, prætereundum puto: qui de Rep. Literaria optimè meritus, & Academia Cantabrigiensi, in quâ aliquandiu est commoratus, cujusque honestam passim mentionem facit, in Bibliotheca quam excudi fecit Tigurii, Anglicanorum Theologorum censum

census singularem exhibens, eos potissimum Lectori  
 propinat, qui vitiosissima Theologiâ & schismatica  
 excelluerunt. Cujus autem præcordia non contrem-  
 miscunt, gelidoque sudore occupantur expectantis  
 exitialem istam Epistolarum Exterorum Theologo-  
 rum farraginem, quam Hichmannus nobis miseris  
 minatur, de quibus illi scil. Synodicis Presbyteriani  
 Schismatis nebulonibus gratulantur, de opera forti-  
 ter navata Episcoporum ordinem excindendo? Cre-  
 do tamen post maturiora consilia, tutius & præstabi-  
 lius ipsi videri nominibus eorum parere, quos tam  
 proclive nobis sit aspernari, quàm ipsi prodere: quos-  
 que istius impiæ contesserationis cum hominibus ex  
 civili sanguine & sædissimo schismate concretis, vix  
 fatis pudere posset, siquam habuerunt. Fertur au-  
 tem nonnullos blanditiis & piis mendaciorum fucis  
 eo pellectos fuisse, ut nescii suæ stationis, causæque  
 nostræ, dextras fere darent, & literas communica-  
 torias: quos non dubitem, re jam clarius patefactâ,  
 facti supputere. Agmen his potius omnibus clau-  
 dat Presbyteralis Perditionis homuncio ipse Hich-  
 mannus nostras, ex iis quos Theodoretus describit,  
 Ὅτι τῶν ἐν ἡμῖν, ἢ πᾶσι τοῖς ἐκδοχμασίν ἐξέμμεται ἐν ἡμέρῃς,  
 ἀσπάρται, ἐν ποταμῶν ἐκτοφισμῶν ἐπίπλους γινώσκοντες φιλονεικοῦν-  
 τες. i. e. *Qui neque genere, neque eruditione, vel factis claris  
 habentes unde evadant insignes, ex improbis studiis clares-  
 cere ambiunt.* Hic inquam quantò eruditione infe-  
 rior, tantò improbitate cæteris superior, indigna-  
 tusque Pastorculum se miseri Gregis apud Oxonien-  
 ses, in ordinem reduci Laicorum, (quem nisi sacrile-  
 gâ promotione Presbyterianorum non excefferat) &  
 reddere suo Domino sedes in illa Academia quas ini-  
 què occupaverat, teneretque, in Belgium; Rege Ca-  
 rolo Secundo reduce, transfretavit cum Levissimâ  
 sarcina suorum Adversariorum, quæ corraserat con-  
 tra

Theodoret.  
 Præfat. in  
 Dialog.

tra Ecclesiam nostram : unde Famoso emisso Libello, quem *Apologiam* pro Suis nuncupavit, nomina scriptaque lancinat Virorum Doctiss. Dom. Joannis Ellis, & Dom. Durelli. Illius, quod præclare scripserit contra iniquissimos nostros Delatores, ostenderitque Ecclesias Reformatas transmarinas à Nostrâ perparum dissentire, in controversia de Regimine Ecclesiastico, & omnino consentire de Jure Ecclesiæ in rebus Adiaphoris, & demum in iis, quibus à nobis discrepare videntur, non morosius, vel petulantius nos condemnare ; quod faciunt domestici Puritani. Quas arundines lateri suo, suæque Fratriæ inhærentes, firmius quàm ulla arte ( præsertim suâ ) excuti facile possint, videns, viginti opposuit capitula, quibus diffidere à nobis putârit Reformatas alias Ecclesias, quæ sive vera, sive falsa, rem controversam nihil omnino attingebant.

Hujus autem, quod à recto tramite aliquando cum eo deerrans, docto & sano opere Anglicano, vindicias Ecclesiæ Anglicanæ elucubrarit, contra Synschismaticos, quos experientia docuerat Corybanticos proprios pro verâ Religione admirari. Ea fortassis (quod ingenuum puderet) eò evasit rabiosior Hichmannus, quod meminerit quondam Virum illum Cantabrigiæ moribus & studiis suis præfuisse ; nempe, antequam levandæ tenuis fortunæ causâ, & stomachi placandi, ab Aula Catharinæ Cantabrigiæ (ubi me quoque Collegam habuit) Oxonium contenderet, & alienis opibus inhiaret, & arte Schismatica *supra multos contaneos* proficeret. De quo plus satis jam dictum est : præsertim quum justo volumine contemptissimi istius Capituli veterinos Eruditissimus Durellus nuper obtriverit, feceritque vanissimum autorem inter pueros immodestiæ & inscitæ suæ infelicitissimum deplorare exitum.

H h

Quum



Bertius in  
Orbis Bre-  
vuario.

Erasmus De-  
fection. Prz-  
stig. cujus-  
dam libelli.

Cyprianus de  
Unit. Ecclef.

Quum vero tot nuper, neque jure accersiti, neque injuriâ laceſſiti in arenam contra nos descendentes profluerint maledictis & mendaciis armati, serum admodum videatur, aliquem obviam procedere iis, & veritatem oppressam, Ecclesiamque, erumpente nobis invictis voce, liberare & statuminare. Non minus enim nos Bertium huic Sectæ, quàm Plichmannus nostræ Ecclesiæ Lundorpium, objiciamus; qui de Calvinianis sic scripsit. *Habent autem hoc proprium Calvinista, ut statum in quem irrepsérunt, evertant; neque ante ipsi conquiescant, quam verum potuerint. Irascunt, turbulenti, factiosi, disputaces, ingrati, arrogantes, super quamvis dictis, aut credi possit.* Porro experiri sumus, quod oñm Erasmus advertit, *In hoc [inter Pontificios & Reformatos] diffidio, nullos magis Evangelii successum moratos, quàm qui sibi maxime videntur Evangelici.* Videmus insuper, quod de Novatianis tradit Cyprianus, quod *Videns diabolus idola derelicta [Papales superstitiones] & per nimium credentium populum sedes suas ac templa desertas, excogitavit novam fraudem; & sub ipso Christiani nominis titulo ut fallat incautos, hæreses invenit & schismata, quibus subverteret fidem, scinditres unitatem Christianos se vocant & ambulantes in tenebris habere se lumem existimant blandimento adversario & fallente.* Hæc ille. Quo pacto autem Puritani, nocte fugatâ Romana, diem Reformationis nostræ claram nubibus suorum Cerebrorum, & motibus diris conturbârunt; simplex hæc rerum ab origine prima repetitarum, narratio, judicium æquorum oculis subijciat.

Reformationem Ecclesiæ Anglicanæ quidam malevoli, ab Henrico Octavo Authore ducunt, Papistæ putâ, & Puritani, qui hîc quoque, ut sæpius, eodem contra nos consentiunt errore. Verum equidem est, Jura Imperii Anglicani Paparum sequutorum sacrilegio fere extincta, ad pristinam sedem & vigorem

rem revocasse; & quædam prælibasse (fortasse præter institutum) futura Reformationi: Ipse tamen Rex, teste Thoma Moro, in vere Reformatos *plus ipsi* *Episcopis, qui tunc florebant*, desæviit. Effecit tamen suo jure & autoritate, ut Symbolum Apostolicum, Oratio Dominica, & Decalogus Anglicano idiomate populo evulgarentur, Anno scil. Domini 1536. Anno autem 1540. Preces quædam unâ cum Litania de Liturgia Latina traductæ, ejus autoritate Publici sunt juris, quo tempore Scripturæ Sanctæ Anglicè prodibant, quas tamen paulo post, publicato repressis edictis, quæ non nisi Edovardo Regni habenas sustinente, feliciter sunt redditæ. Hoc autem potissimum auspice, egregii indies progressus sunt facti exterminandis fermento & tyrannide Romanis. Neque cæmentant iniqui & præcipiti zelo negotium Reformati peractum est (quod Absolutissimam Reformationem nuncupant Puritani) ut protinus deleatur quicquid desuper Palatis Morosis scilorum & superstitionis, tamen receptum deductumque à prioribus, purioribusque Ecclesiæ sæculis probaretur. Summarum autem potestatum Jussu, Ordines Ecclesiastici in Castro Windesoriensi concionem habentes, post gravissima & diuturna consilia, de una tam Regiminis quam Religionis formâ concordem sententiam edunt.

Ea tempestate Ordo Anglicanæ Ecclesiæ ad Examen denuo revocatur, fatigantibus precibus Importunorum Puritanorum: quorum inquieto Genio nihil solet diu placere, quod Calvinum non olet; nihilque non repurgandum refigendumque contendunt, quod vel non intelligunt, (quod frequenter evenit) vel Plebiscita Ecclesiastica eorum improbant. Et Secunda Forma Liturgica (aliquibus immutatis) vigore Legis Civilis & Synedrii Ecclesiastici sancitur

Thomas Morus Ep. ad Erasmus.

in Publicum usum; hac tamen iustâ Præfatione Authorum, *Alteram nihil mali in se habuisse*, sed spe concordiae cessum esse curiosis potius, quam sobriis hominum ingeniis. Sed frustra hoc semper tentatum medium adunandi mentes & affectus hujus generis hominum perpetuâ probatum satis superque experientiâ habuimus. Spe enim fortè elati vel damnum Ecclesiæ, vel lucrum faciendi suæ Parti, Ridene statim & indignantur eorum abjectos animos & alciosum zelum; qui Semi-reformatam Religionem patienter tolerarent; tanquam *Ægypti tenebris* adhuc involutos, & *Pedem* alterum in *Babylone* habentes. *Laodicæni* sunt, repidi *Christiani*, quos *Deus* (scilicet) operâ sacrilega eorum usus) ex ore propediem evo-  
met.

Rege autem *Edovardo* luctuoso & præmature fatoperempto, *Soror Maria* sceptrum capessit, ope potissimum *Suffolciensium*, (inquit *Foxus*) ad quos confugerat à *Jana Graia*, ducèq; *Northumbriæ*: quam tamen cum iis prius sanctissimam inierat Stipulationem tuendæ Religionis ab *Edovardo* inchoatæ, thronum securè adeptæ, violavit; & dirissimam Persecutionis tempestatem contra cunctos *Reformatos* coegit; quorum ingentem numerum flammis devorandum tradidit; alios in tetras detruxit custodias; alios bonis omnibus spoliavit, denique alios in exilium ejecit. Ex his vero plerique celeberrimi *Argentina*, alii *Francofurti* ad *Mænnum* confederunt, alii autem *Tigurii*, & *Genevæ*. Qui in formam Ecclesiæ Patriæ primùm coadunati, *Diabolo* suggerente, post modò nefando Schismate disrupti sunt. Fratres enim *Francofurtenses* & *Genevenses* à ritibus Ecclesiæ Anglicanæ ad *Genevensium* modulos defectionem meditantes, adversus reliquos stomachabantur, quòd *mordicus* & religiosius *Avitos* ritus formasque *Di-*  
vini

vini cultus retinerent. Dehiscence ergo similitate prædicta, statuunt Novatores ut de his litibus Oraculum Genevense, Joannes Calvinus, consuleretur. Ille deo plenus, plurima hinc inde prætexens (quæ erat naturali astutiâ) Palmam tandem Francofurtensibus Innovatoribus concedit, ad quos Epistolâ quadam sic scribit. *In Anglicana Liturgiâ qualem describitis, multas video fuisse tolerabiles ineptias. His duobus verbis exprimo non fuisse eam puritatem, quæ optanda fuit, quæ tamen primo statim die corrigi non poterant vitia, cum nulla subesses manifesta impietas, ferenda ad tempus fuisse. Quæ satis protèrva responsio digna Catone hoc censore, modesta equidem videatur, si expendantur diabolicæ calumniæ quibus Novatores Liturgiam Anglicanam, vertentes, Calvinî gratiâ, in Latinam Linguam, prægravassent. Non enim Knoxium & Wittinghamum cum sociis eam Magicorum incantamentorum incusare puduerat, ut facilius iter ad Genevensem Formulam pateret: de qua tamen non mediocris est orta dissensio inter ipsos fraterculos, his per omnia probantibus, illis autem quædam stomachantibus, donec Knoxius propriæ insaniæ quædam isti admiscens, partim minis, partim blandimentis rem componeret. Dum hæc aguntur, Doctor Coxius qui pridem è Sacris Edovardo Regi esset, ab Anglia illic appellens pulchellam hanc machinam sua doctrina, & exemplo penè subruit, vehementer coarguens hominum levitatem & vâsaniam deficientium à Reformatione Anglicanâ. Provocant ergo Puritani ad Theologos ejus temporis Eximios, Petrum Martyrem, Calvinum, Musculum, Bullingerum, & tandem novos sumentes animos, rursus in Democraticam coagmentantur Ecclesiam, & cultum ejusmodi cætui non incongruum.*

Calvinus  
Episto. 200.

Turbæ Francofurtenses,  
pag. 14.

Exacto tandem quinquennio, obeunti Reginæ Ma-

H h 3

riæ

ria successit Elizabetha; cujus pia autoritate refedit prior tempestas; quando reduces facti Exulantes Angli, pessima huc reformandi laborantes, morbi sui virus in pectora nostrorum instillarunt: quod vehementer excrevit placida ista indulgentia, qua Londini præcipue excepit, & fere dixerim, fovit, transmarina Reformationis Theologos quosdam, & plebeios, *Bona nostras Dido Regina.* Quæ si quætas sedes iis solummodo dederat, melius, & multò felicius nostræ terræ & Religioni fuisset: templi autem beneficium ea permittente, crevit quotidie superstitio, & adolevit ad Pædo Presbyteralis, quoad iterum maternum (quod ferunt de viperis) dilaceraret. Turpius autem Grindallus Episcopus Londinensis erravit in eodem negotio; qui Calvini delentis Literis, Gallis Genevensibus alteram Ecclesiam indulxit. Malo denique accessit inopia, qua tum temporis laborabat nostra Ecclesia recens instaurata, legitimorum Presbyterorum; & pestis paulo ante in beneficiarios multos grassans: unde factum ut morbidiora membra accerferentur in Ministerium, vel saltem non repellerentur, quod alioquin par esset.

Præterea enim re novitatem qua populus incenditur, habuit hæc superstitio non temnenda hæc motiva ad vulgus illecebrandum. Viliori namque multò cœlum ibi, quam apud nos venit: Religionisque negotium fide solâ conficitur: Si verò acrius hîc hos Ministros urseris, respondent statim, *Sola quidem fide nos Justificari, non solitaria; pueriliter, & sine causâ quæ sunt eadem, distinguentes.* Nec tamen negant Ornatûs quidem causâ Lemniscatam esse oportere fidem bonis operibus; ut ostendatur Fide te esse solâ justificatum. Præterea, docentur homines suæ communionis rectâ, & simpliciter ad Christum cælumque tendere, nullâ caremoniarum Rituumvè ambage,  
aut

*Sanctæ ecclesiæ non humanis  
sed divinis precibus*

ant mæandris, aut exercitiorum piorum, quibus Vete-  
 res Sancti se inaniter, (si ipsis credas) excrucia-  
 runt. Eugendam ergo corporis qualemcunque ca-  
 stigationem, Ciborum dilectum tollendum docent,  
 non servatâ distinctione sanctissimâ quidam Sancti Au-  
 gustini, viz. *Concupiscentie corrumpendo gratiâ, non vitu-  
 da immunditiâ, vel Indulgentiâ Conscientiâ.* Quadrage-  
 simale jejunium variis, atque plerumque contrariis  
 celis impugnant. Nunc enim levius quàm sua di-  
 gnum sit operâ, prædicant esse, quod scilicet non sim-  
 pliciter præcipiatur, agi jejunium; nunc autem Gra-  
 vius asserunt, & æquo productius, merente natura  
 rerum, & corporibus nostris, quâ si denique renascendis  
 bus. Præterea, dies Festos omnes auferunt, & Heb-  
 domadaria Jejunia. Rationem petis? Papistis in-  
 usu sunt. Ergo, & cni Ecclesias autem nefas in-  
 gredi nisi monita Campana. Sermo dathanio adesse nos-  
 cat. Quare ad dathanio in euvandoy assurgendo, Ge-  
 nussedendo, pene nefas ducitur. Spiritu enim, non  
 corpore Deus, colitur. Spiritus autem gentes non ha-  
 bent. Nec ora quidem, & propterea, nescio an ju-  
 stiore de causa superbum esse existimant, quempiam  
 Sacerdoti prius reddere vites; pro Veterum fito opti-  
 mo, satis se munere piorum perfunctos rari, si orati-  
 ones Ministri auro & frigido *amen* claudant. Quan-  
 to autem quis plures sermones audierit, tanto san-  
 ctiores se habendum formiat, in non minore argumen-  
 to, quàm qui apud Romanenses plurima *Ave Maria,*  
*Pater Noster,* vel *Credo,* Rosariorum calculis diutius  
 rat. Accedat denique, totum coagmentum Disci-  
 plinæ præ se ferre speciem clariorem Aristocraticæ  
 Politicæ, quàm populus consuevit cæcè & impotenter  
 ad amare, tam in Ecclesiâ quàm Republica, spe ela-  
 tus quod quisque, si non ascenderit ad fides, tamen  
 Chirotonia ministrorum, regiminis aliquo modo sit

Augustinus  
 de Moribus  
 Manichæ. lib.  
 2. cap. 16.

par-



particeps. Tunc autem specillis Calvini & Beza ad-  
juti homines, coelum se conuerſi in terris ſitum ne-  
quaquam dubitant; vel Novam Hieruſalem Apoca-  
lypticam revelari coelitus delapſam; devocante eti-  
am Joanne Knoxio, & in Scotia conſtituente.

Erat quidem homo ille non indoctus, animo autem  
ſupra ſortem, aut mundus excefſo, genio inquietiſſi-  
mo, ingenio tumultuoſiſſimo, ſcriptis ſeditionem &  
ſanguinem ſpirantibus; ſicut ſatis eſt manifeſtum ex  
Libello cui Inſcripſit, *Primo Tabula Sonitus*: in quo,  
ut viam ſterneret Reformationi quam parturiebat,  
jus reſtitit Fœminarum ad ſceptra regenda: & de  
nomine contraites Mariæ Angliæ ſcilicet Reginam,  
Scotiæ Reginam, & Lotharingiæ Ducifſam, aperte  
debaſchatus eſt, propter quod ab Argentinenſi Se-  
natu expulſus eſt e Civitate iſta. Hinc aliud Libel-  
lum additidem Reformator, quem *Admonitionem Chri-  
ſtianam* nuncupavit, qua Seſenſiſſimam Imperatorem  
Carolū quintum, Nerone fecit pejoſum, & Mariam  
Angliæ Reginam Jeſabele ſpurciſſimā illa fœmina  
nihilō præſtantiorem. Poſtea verò in Scotiam pro-  
prium ſolum remeans, ſuccedentibus *Calviniſtaſque* Cal-  
vino & Beza, Regnum iſtud in Latrocinium ſua reli-  
gione convertit. Sui præterea Spiritus Sulphurei e-  
gregium coram Rege ipſo Mariæ Reginæ conjuge,  
ſpecimen dedit: quando Bonus Rex credens Knoxii  
in eum ardorem leniri forte poſſe ſi Concionanti ei  
adeſſet, contrarium incredibili patientia expertus  
eſt, tulitque. Knoxius enim pro conſueta *impudens*  
Regem conſpicatus, continuo ore hianſe in eum, ut  
Tigrides in prædam grandioſiorem, inſilit. Corruptiſ-  
ſimam Regni adminiſtrationem acerbiffimis contu-  
meliis infectatur, per Reges ſceleſtos, miſſos, ſeu  
permiſſos à Deo, ut totidem Cruces & flagella, ob  
Populi peccata; addens quoque, Populum nunquam  
gravius

gravius à Deo punitum, quàm Pueris & Fæminis ad Thronum evectis : Erat autem Princeps Fæmina, Maritusque ejus Adolescentior. Omnibus autem ibi conflagentibus, subito orta est Phoenix Genevensis, quæ vix à nido, remigio alarum sublata, coelum ipsum suâ petebat stultitiâ : gloriata scil. non aliundè suam originem duxisse quàm ab ipso Deo : & propterea mortale omne despectans, oportere docuit omnes colla imperio suo plane divino subicere ; nisi Christum ipsum ejicerent, vel ad se accedentem amandarent.

Non ignoro Buchananum, aliosque ejus sequaces, si non laudent, saltem colorare hæc solere facinora ; quòd Regina Maria Fœdifraga, supersticiosa, & innumeris vitiis sceleribusque infamis esset, quorum fides apud rerum istorum temporum peritos sit. Rex tamen Jacobus testis exceptione major, solitus est affirmare, audivisse se Buchananum mendaciorum istorum Hamaxiarium, poenitentiam expressis verbis agentem, paulo ante obitum, propter horrendas fabulas à se confectas in perniciem nominis & vitæ Reginæ Mariæ, & præsertim, quòd cum Bothwello Comite consciam patrati Parricidii in Maritum fuisse scripserat. Dicendum tamen puto, Non propterea à subditis Regni Ordines inter se committendos, jura turbanda, cædeque & sanguine omnia miscenda & foedanda, aut demum Reginam ipsam in fugam inhonestissimam compellendam ; unde primùm custodiæ arctæ, dein Neci inauditæ via aperiretur ; & Bipedum nequissimus Miltonus pulcherrimum nancisceretur exemplum parricidium Caroli Beatissimi piis, imo humanis auribus horrendum, Apologiâ tali monstro dignâ defendendi. Stupidus enim hic Mastigia incredibili cæcaque suæ, quàm solus omnium mortalium ipse vidit, Præstantiæ opinione efferatus,

nesciensque quo pacto se futuris sæculis prædicaret aliquando vixisse, Pedagogicum pugionem strinxit in Regis illius nomen, haud dormitante tamen ultione divina quæ prius rabie mentis occæcatum, paulo post omni oculorum usu privavit, & vitam infelicissimam ducere Tenebrionem fecit. Qui enim, malo dæmonio prius instigante, propriam domo suâ bene mórâ-tam uxorem ejecerat, quæreretque superinducere aliam turpitudinis suæ explendæ causâ, & proinde diris se devoveret si priorem unquam reduceret; eandem tandem post vana aucupia Libidini suæ (nullam inveniens quæ tam impuris esset ac ipse, moribus) admisit; siquis aliis, dignè ejusmodi provinciam procuraret. Iste ergo primò futilissimo scripto adversus Episcopale Regimen, dein contra insolubile nuptiarum vinculum, pro divortio arbitrario decertans; coronidem impietati ut imponeret suæ, virus putidi sui pectoris egurgitavit contra Carolum Martyrem, & à facto Reformatantium Scotorum istud Perduellium nostrorum exornavit. In hoc enim Vir Clariss. Salmasius proculdubio erravit, respondens Miltoño, & *Falsum esse* dicens, *quod exuta regno fuit Maria, cum illa se sponte abdicavit imperio, imparem se fassa tanto oneri.* Omnium enim historiarum fide fit testatissimum, secessisse quidem illam à Regno, sed invitam; & primò è Custodia compositâ arte elapsam, quâ propria terrâ à suis concludebatur, dein prælio commisso cum adversa Factione Nobilium superatam, & tandem conterritam effugisse in Angliam, tristissimo eam è tergo perurgente fato.

His tam prosperis sceleribus nostri exciti primum Eibellos seditionem, Schisma, & Reformationem Presbyterianam spirantes edunt, cum adversus Regem, tum Ecclesiæ Præpositos; Item Remonstrati-onibus, Petitionibus, Admonitionibus tam Illam, quam

Salmasius ad-  
vers. Milton.  
Respo p. 2. 7c.

quam Parlamenta singula fatigant : quibus ad mentem minimè succedentibus, apertis mendaciis & maledictis linguas exerunt in utramque potestatem. Et quo altius radices agant venenati ipsorum sermones, cæperunt tunc de Natura & Ortu Potestatis Civilis & Ecclesiasticæ impudenter & indoctissimè philosophari. Principiò itaque dubium & indifferens posuerunt quâ formâ, vel quibus Gubernatoribus, Hæc vel Illa terra administraretur. Hinc procedunt fontem omnis Civilis Autoritatis Populum constituere, ab illoque ad Principes derivari docere. Proximè, Possè, & debere revocari quandocunque se malè gesserint; Denique, Malè se gerere quando secus quam Pauculi, phanatici, & præcipites Novatores optent, fecerint; neque ipsis importuno rogatu aures Principum pulsantibus indultum fuerit. Tum enim oportere scriptitant Inferiores Magistratus, Summos in ordinem cogere: Quodsi verò & Ipsi minus ad animum horum, hoc suo officio defungantur, populum tum resorbentem potestatem quam prius eructarant, Principesque delinxerant, summum omnium rerum arbitrium indubio jure retinere. Hujusmodi Dogmatis Calvinus, Beza, Knoxii, Cartwrighti, Hendersoni, & reliquorum Puritanorum Libelli scaturiunt; an præeuntibus, aut sequentibus Jesuitis, difficile est dictu; certè (maximo omnium ordinum discrimine) consentientibus, & defendentibus. Magno suo Grotio nimis favente, & in ipsis principiis sui Libri Juris Belli & Pacis crasse errante.

Longius esset ab instituto nostro vagari hoc monstrum dignis telis confodere: Nequeam tamen mihi temperare, quin rogem ex iis, ut vel unum Statum (ut loquuntur) aut Rempublicam, post sexies fere mille annos ab orbe Condito, hoc modo fundatum fuisse, doceant. Multas nationes, varias formas

Calvinus Institut. lib. 4.  
c. 10.

Beza Episto.

24.

Regiminum finxisse sibi, quisque non planè cæcus conspexerit: De jure autem, & ipso factò, multa & ardua occurrunt. De factò, quoniam, utcunque conspiratum est in formam novam, universos, & singulos suo suffragio hoc probasse, aut expetisse, demonstrare planè impossibile: quinimo, plusquam probabile sit reperiri complures in tali multitudine refragantes. Ergo de factò, populus nunquam sibi Principes, vel Ordines Aristocraticos constituit. Si hic (quod vulgo fit) ingeratur; Non esse expectandum ad sensum totius populi, qui rarò aut nunquam in idem expressim potest convenire; sed pauciores, numero majori cedere, æquum esse; ordinis & necessitatis gratiâ; omnino & precaria, & pariter falsa est hæc omnium fundatissima ratio, nisi sponte, & non invitò Dissidentibus hoc fecerint. Ad necessitatem enim facile respondetur; Illam, quum nulla sit, vel naturâ, vel ratione rectâ, potius damnandam quam sequendam; siquidem Naturâ dicuntur ab his Politicis, Liberi omnes homines; Nefas autem, non justa necessitas erit, illud quod natura nobis indulgit, alienare aut prodigere: ergo posito quòd ab ipsa natura singuli hausimus Libertatem, & potestatem Civiles, eas à propria sede, quâ à Deo, natura median- te, positæ sunt; evellere, & in aliam transfundere, iniquum plane esset. Dicentes præterea, *Ita convenire commodioris Administrationis ergò*; Dispositionem & sapientiam divinas, vel nescientes, vel impudentes, plusquam humani erroris, quas fingunt tali humanum genus conditione ordinasse, ut nequeat, eâ manente & valente, vel conservari, vel dirigi ad ultimum Sociandi finem, accusant: Mihi ergo hinc certissimâ demonstratione liquet, merum esse somnium sacrilegum perditorum quorundam ingeniorum, tale jus populo asserere, aut suspicari inesse, quod non

à Parente Patriæ ipsi primum est derivatum. Nec tamen nescio, sæpius contingere jus Regnandi vel deleri penitus, vel inconspicuum ita esse, ut necessario fluctuet perplexus populus, cui obsequium deferat, jure naturali. Tum verò fatendum quidem ad eum spectare, Aliquem quidem eligere, cui Clavus Imperii committatur; Negandum nihilominus est, *Creatum*, aut *simpliciter constitutum* Principem; aut potestatem aliquam à populo dimanasse; tantum enim Personam Potestati Patriæ commendant, quam Summus rerum Arbitrator jure divino tenet. Possè quidem, & creberrimo usu venire, sat scio populum isto Casu plenius, vel parcius tradere solere potestatem, & abradere pro libitu; at hoc, ullo jure, & non sacrilego potius pacto facere, pernego. Sed unde defleximus, redeundum.

Frustra se hactenus minisque precibusque egisse cum Reginâ & Parlamentis Puritani reputantes, ratique non esse amplius expectandum summarum Potestatum ad sensum, qui (Henderfoni nuper affirmante) negatus, est Lucrum cessans, non damnum emergens, enixam navant operam privatis artibus sensim efficere, quod publice & integrè vetabatur. Suorum ergo conciliabula clam indicunt, quibus parum amicis contentionibus quærunt, & multa ultro citroque agitant de Reformatione, fere in nulla re unanimes, nisi omnino solvendam Ecclesiæ Anglicanæ compagem, Episcopos eliminandos, Avitas Cæremonias, & Ritus Catholicos abolendos: De Natura autem, partibus, administratoribus, circumstantiis, & ornatu suæ adhuc Informis Formulæ, concordia nulla. Alii enim Laico-presbyteros Jure Divino Ecclesiæ datos contendunt: Alii verò pio & prudenti hominum consilio solummodo institutos. Alii rursus, externam nobiscum communionem tenendam, vel si-

Henderfoni.  
Epist. ad  
Carol. I.



Isidorus Hif.  
pal. Sent.  
lib.1. cap.19.

mulandam saltem, putarunt ( quod hodie quoque magno plausu excipitur à Presbyterianis ; ) Alii verò haud aliter quàm Synagogam Satanæ fugiendam, & detestandam: Porro, Alii Formam Genevensem omni ex parte beatam, integrè & immutatò recipiendam ; alii rudiorè, & cui addi detrahique oporteret, credebant. Alii denique popularis suffragii pondus accedere oportere Ecclesiasticorum consultis, tradebant, ( quod Francofurtenses fecerunt ; ) aliis autem displicuit vehementer. Hoc autem modo, instar Hæreticorum apud Isidorum Hispalensem, “ Vi-  
“ cissim se mutuo lacerant, quando alterutrum se in  
“ proprias Sectas inducunt, & sic invicem se colli-  
“ dunt, ut contra Ecclesiam pari erroris spiritu de-  
“ certent, & invicem divisi, in diversitate Ecclesiæ  
“ multum existant uniti. Neque tam sobriè, ut Ju-  
dæi olim, sapuerunt, de quibus Josephus ; qui He-  
rodi pollicenti longè Augustius templum quàm colè-  
rent, nequaquam adfenserunt, priusquam magnifi-  
cos aspicerent oculis apparatus in procinctu, ad am-  
pliandum ornandumque Novum : sed prius isti no-  
stræ bene fundatæ demoliendæ Ecclesiæ toti incumbunt invigilantque, quàm quid loco ejus extruatur, conveniat.

Qui multifidus Spiritus discordissimorum fraterculorum postea disciplinariam penitus allisit Machinam, & artifices, & istis & posteris temporibus deridendos propinavit. Querelis enim perpetuis Regnam incessentes adversus constitutam Ecclesiæ Formam, tandem sapientissimi Burleighi Consiliarii dimissi sunt, spe refigendi recepta, si prius in novum Regimen, & Liturgiam inter se concordatum esset. Multis ergo consiliis, conatibus variis adhibitis deformant effectum quendam suorum cerebrorum : qui tamen examini & judicio reliquorum Fratrum oblat-  
tus,

rus, innumeris confixus Obeliscis decessit; Quæ ipsæ emendationes mox & alteri fratrum Gregi displicuerunt, & sæpius repetitæ ceciderunt civilibus discordiis; ita ut nemo non mirari desinat eos, qui facile à se invicem disjunguntur, multò in nos insensiores & iniquiores animosissimè se à nobis separare.

Convenit tamen aliquò tandem impolito modo à Fratribus per idem tempus in villa dictâ Wandsworth, paucis milliaribus à Londino distat: Ibi Disciplina incultior & immatutior clanculum caput delambi: quo ad virum Clarissimum delato Hattonum Cancellarium; diligens, & severa facta est inquisitio in consilia moresque fratrum; illicoque totus impetigosus iste Grex cum Pastorculis dissipatus. Unde vehementer efferatus Burchettus frater scilicet, & novus Scavola juravit in interitum Illustrissimi Cancellarii; & ratusque se occasionem opportunam natum, rursus gladio in Virum famæ immensæ propter orbem terrarum tractu navis suæ cinctum, Dominum Hawkensum, quem per errorem credebat fuisse Hattonum Cancellarium, Porsennam alterum Disciplina exarsciatam, & lethali ter confodit: Jam columbini sunt Puritandorum mores, quando Disciplina causa spiritu reformatorio astuant.

Postquam vero Luchugorum horum innoverant consilia, in dicam vocati, Loco *Camera Stellata* vulgò dicto, & protèrvè admodum respondentes, suamque superstitionem defendentes, carceri sunt traditi; renuentes propositis Quæsitis respondere, causati scil. contra Libertatem Subditorum esse, seipsos accusandis prodere: Quo autem corpora angustioribus gyris detinerentur, eò Liberiores Linguas exercebant, plausuque convitiis & mendaciorum contra Adversarios, præsertim Episcopos exonerarunt; qui tot tantæque pietatis Evangelicos ministros, zelo  
pura

puræ Religionis præclaros divexarent. Præterea, Jejunia, & Stationes (si placet) clanculariæ passim ordinantur à Liberis Fratricellis, ad amovendam hanc persecutionem. In quibus tantopere profecerunt, ut subitò tres Prophetæ, seu fortè Pastores extraordinarii divino testro tacti exurrexerint, viz. Edmundus Copingerus, Henricus Arthingtonus, & Guilielmus Hackettus, qui Laboranti jam Causæ obstetricarentur. Et nequid Deo inconsulto, aut non rogato tentare ydeantur, repetuntur ardentius preces conventuales & jejunia; quibus peractis, incredibile quantam Spiritus Divini copiam perceperunt dicti prophetæ, ut Comites Christi in Regno suo jamjam descensuro, haberentur, & supra Reges terræ attollerentur.

Hac dementiâ princeps malorum Hackettus raptus, in apertam rebellionem adversus Reginam profiliit cum Sociis: Statim autem captus & in furcam tractus pro throno Evangelico, post vanas imprecationes Divini Numinis, & horrendas in Deum blasphemias, egestas, ad Inferos extinctus descendit. Prorex autem ejus, Coppingerus Regem suum tam tristi, & justâ nece videns interemptum, finivit vitam inedia spontaneâ; vel revera mente captus, vel insaniam (quod suspicati sunt nonnulli) fingens. Arthingtonus autem ad sanitatem luctuoso exemplo suorum rediens, clementiâ Reginae decreto supplicio liberatus est.

Hic verò exandescences Presbyterianos audire mihi visus sum, quod Phanaticorum horum scelera, quæ & ipsi execrantur, suæ parti quovis modo deputantur. Et rectè quidem. Quotus enim quisque est qui improspere scelus à se non amolitur? Dicant autem sincerè & rotundè, quibus auspiciis hæc sunt concepta & inchoata mala, si non suis? Quibus mediis

mediis provecta? Cuique fini sunt primum destina-  
ta; & Quibus argumentis comprobata? Annon  
eodem plane Spiritu excitati, & consiliis juncti; &  
eorum scriptis edocti sunt? Furore autem horum  
omnem transiliente limitem humani & divini Juris,  
verum equidem est; Presbyterianos subduxisse se a-  
stutè tam foedis Apostatis, imo leviter increpasse;  
nequaquam tamen, conscii quum essent perversissi-  
morum morum, ulcus ipsum Magistratibus aperuisse;  
sed molli potius reprehensione Frigidam suffudisse,  
non quod tam enormibus maleficiis faverent, sed  
quod probabili oscino, malas has Ecclesiæ Anglicanæ  
aves aliquid suæ Perditioni boni prænunciare, spe-  
rent.

Neque horum enim infortunio animis conciderunt  
Puritanorum reliquiæ, sed latebris suis delitescentes,  
coetus celebrant; Foetum adhuc informem crebris  
consiliis lingunt; Classes disponunt, Ministrellos sa-  
cilegæ manu impositione, suo more & ingenio or-  
dinant, vigente interea temporis & florente Episco-  
porum tam divinâ quam humana Authoritate. Vati-  
de tamen consiliis & animis. turbantur. præsentientes  
irritos omnino suos fore conatus virtute tam Legum  
Civilium quam Ecclesiasticarum, quibus omne iter  
ad beneficiorum possessionem iis intercluditur qui E-  
piscopali potestate non ordinantur & Instituuntur.  
Orco tunc pejus oderant Episcopales omnes Chiroto-  
nias, ut prophanas. Post varia ergo & divisa huc  
illuc consilia nodum aliter indissolubilem diffecant;  
statuuntque (quoniam invicta necessitas urget) li-  
cere suis pupillis ad Episcopos Chirotoniæ & Institu-  
tionis causâ ire. Ne verò prophanarentur suæ Im-  
positiones manuum, definiunt impudentissimè unâ &  
stultissimè, nullam omnino Episcopalis esse virtutem  
Chirotoniæ, si religio spectetur, sed tantummodo

K k

Civilem

Vide Dange-  
rous Positions,  
pag. 113.

Civilem quandam actum sine quo noverant inconce-  
sum suis antea omni Ecclesiastica potestate à Presby-  
terio (si placet) instructis uberrimè, officium exequi.  
Neque aliam modò viam incedunt hodie, specimen  
modestiae maximum hominibus incautioribus exhi-  
bentes, & modestiae gloriam aucupantes.

Dei tantien singulari beneficio, & fortitudine bra-  
chii tam Civilis quàm Spiritualis, lugentes Puritani,  
Ectum, quem parturiebant, ipso utero prafocatum,  
animos dejectos spe luculentà è Scotia suboriente, re-  
focillant. Subit enim ipsis Rex Jacobus Reginae in-  
flexae Elizabethae vicinae capulo propediem dandus  
Successor: qui à Georgio Buchanano praeceptore in-  
ter Puritanos summæ notæ, Presbyterianis praeceptis  
bene potus, labascenti Causae humeros supponeret.  
Nequid ergo segnitè agatur, Clavulares alunt, qui-  
bus accepta primum Reginae morte pernice cursu in  
Scotiam contendereat (quà est illa Factio in futurum  
Principem semper praecoce pietate, in praesentem ve-  
rum frigidà & molestà) prima nuncia lætaque feren-  
tes, & Regem salutando ceteros antevertentes,  
Quam gratiam ineuntes, subjungunt preces supplices  
in gratiam Reformationis Purissimæ, quam tot tan-  
tique pietate insignes tam ardentè expetebant. Qua-  
le autem tulerunt responsum, obscurum mihi est.  
Hos autem paulo seriùs infecutus est nuncius expedi-  
tus ab Archiepiscopo Cantuariensi, qui post debitum  
obsequium, Regem fecit certiozem Periclitantis Ec-  
clesiae Anglicanae, rogavitque humillimè, ne sineret  
consuetà suorum Majorum Clientelâ destitui. Schis-  
matici autem vix bene in Angliam efferenti pedem  
Regi, catervatim occurrunt iteratis supplicationi-  
bus: Annoque Domini 1603. Libellum ipsi exhi-  
bent nuncupatum, *Submissa Petitio Ministrorum Ecclesiae  
Anglicanae*, &c. & ut fortius & fælicius procedatur,  
Mille

Mille Supplices venditant, ad quatuor Capita omnia sua gravamina & Ecclesiæ vitia cogentes. Primum de Liturgia Ecclesiæ, Secundum de Ministris, Tertium De Beneficiis, Quartum De Disciplina agebat. Quibus Academia Cantabrigiæ compertis, publicæ Concione decretum est ut quicumque vel adversus Doctrinam vel Ecclesiæ regimen, vel denique Ritus Ecclesiasticos quidquam auderet, ipso facto omni suscepto gradu excideret, & suscipiendo in futurum præcluderetur. Nec minus sui officii memor Academia Oxoniensis sub eodem tempore edito scripto singulas Puritanorum querelas & Cavilla diluit.

Fracti, non victi his telis Puritani, nesciique Juri, Rationi, aut Religioni cedere, clancularios instaurunt coetus, aliaque media tentant, quæ tamen Jacobus Rex statim decreto in contrarium promulgato dissipavit; pollicitus justo & amico colloquio propediem habendo, in Aedibus suis Hamptoniensibus, gravamina quæ obtendebant singula, expendenda. Convenit Pars Puritanorum, & Ecclesiastici Doctores. Quæ verò inibi dicta gesta que sunt, brevis eâ de re contexta historia complectitur; ad quam Lectorem rejicio: Verum equidem est istâ maxime uri Sectarios: Ad consuetâ ergo & misera Asyla confugiunt, eandem, unâ cum Colloquio ipso, infamandi mendacibus accusationibus; rumorem inter suos serentes, Iniquis conditionibus ipsos ad Collationem accersitos, asperius quam par esset ibi tractatos; Scripti istius authorem plus æquo in partes Episcoporum inclinatum fuisse; merita Fratrum præsertim Clarissimi Renoldi infuscasse, quem descendentem in arenam contra Episcopos cecidisse, credibile Puritanis non videtur. Et tamen Renoldus ante initum certamen publicè est professus omnino invitum se in li-



Krackenthor-  
pus Defenf.  
Ecclef. Ang.  
adversus Spa-  
latenf.

tem istam invidiosam perductum, & vix ex animo disputasse; teste Eruditissimo Krackenthorpo. Quod si verò malè sint ibi recitata Puritanorum argumenta, quare post tot elapsos annos fortius ipsi non instituerunt rationes suas, sed eâdem Chordâ cavilla texendo oberrare coguntur; auresque nostras ad surditatem usque iis pulsare? Fortassis se rectius querantur Majestate & Autoritate obrutos Regis Jacobi, qui fere suo Marte, solusque contra ipsos pugnam sustinuit, & triumphavit de iis.

Postquam verò cuncta hæcenus secus quam effliti-  
tim peterent, & expectarent, accidisse dolenti ani-  
mo, perspicerent, consilia cum fortunâ mutant, & per  
ambagem astutam rectius & speciosius rem aggredi-  
untur. Patientur scil. boni hi post tot irritos cona-  
tus æstum manifestum Reformandi aliquantisper de-  
ferbere: pristinaque dissimulatâ sollicitudine, nova  
se graviter affici fingunt; mordacibusque susurris ad-  
versus Politicam Administrationem in vulgus disse-  
minatis. Optimas enim Leges à Pessimis quibusvis  
impunè violari, Libertatem, Peculium, & Immuni-  
tates populi Majorum prudentissimis consiliis, & vir-  
tutè parta ubique peti, Lugent: homines proinde  
nequam ad summos evehi honores, & autoritatem,  
Superstitionem Romanam olentes Regi ipsi è Secre-  
terioribus, & Sacratioribus esse, viros: è contrâ, cor-  
datos, sanctosque temni, Ministros Evangelicos fide-  
lissimos; & diligentissimos levissimas ob causas pu-  
niri, viz. quòd Ritus singulos non colerent Ecclesiæ,  
asserunt. Addunt autem deinceps ipsos se nihil pri-  
us habere in votis, aut contendere enixius, quàm Re-  
gem prosperrimè imperare, Regnum florere, & Le-  
ges justissimas nativo gaudere vigore; in Ecclesiâ  
autem Scripturas solas regnare, humanis inventis ex-  
terminatis.

Hujusmodi

Hujusmodi splendidis mellitisque præstigiis credi vix possit quam tacito subitoque illapsu se complurium bonorum etiam mentibus insinuarent, & dente pestifero instar canum rabidorum morbi sui tabem in sanos & sinceros transfunderent. Juvit malum (uti incendia fures) bellum eâ tempestate Germaniam grassans; eoque vastatus ereptusque armis Palatinatus, Generi Regis Jacobi dominium. Hinc expergiscuntur omnium primi & ardentissimi Justitiæ simul & Religionis Labascentium vindices hi novi, Turpe & iniquum clamitantes esse, totique Britannia inhonestum, Filiam unicam, Rege Patre inspectante, cum Conjuge Palatino, Religione Reformatissima, & terris amplissimis furori & deprædationibus Hispanorum tradendam: Arma ergo; Arma subito arripienda, & bellum indicendum Hispanicæ Genti, vociferantur. Regi autem; cui eadem non erat hæc in parte cum Puritanis aut Jesuitis religio, quæ quovis modo, quovis jure, aut injuriâ suadet ut suppetiæ ferantur fratribus quocunque malo laborantibus, ut calcato recto & æquo suam superstitionem tueantur, & protrudant, toto Tragædiæ ordine comperto optimè, parumque probato, placuit potius quid pacificis negotiationibus potuit prius experiri, quam armis; adeoque quoddam literis, potius quam armis natus videretur. Spe tamen omni sublatâ concordia, ad bellum accingitur, jam Lethali morbo decumbens.

Ruente autem fortissima hac Ecclesiæ Columna, (ut ad Ecclesiastica me conferam) Optimus & Reverendissimus Episcopus Wintoniensis Lancelottus Andræus, Lumen Ecclesiæ nostræ, zelo tanto viro digno motus Archiepiscopum Eboracensem D. Nele, Reverendum admodum Episcopum Laud, Post, Primate Cantuariensem, in Aedes suas in Vico South-

wark trans Tamesim sitas, accedere amicè fecit; conciliique capiendi causâ de Religione inter Papistas & Puritanos periclitanti. Opinio etiam quorundam insederat terrueratque mentes, Principem Carolum jam Regni gubernaculum tractaturum, ex quo ab Hispania reverteretur, superstitionis Romanæ non nihil prægustasse: Aliis è contra suspicio erat Puritanis fore faventio-rem. Quapropter Virum præstantissimum eique in Hispaniam iter suscipienti Theologum Laterensem D. Matthæum Wren, postea Episcopum Herefordensem, dein Norvicensem, postremo autem Eliensem, cui Principis Genius & Ingenium erant exploratissima, multis nominibus Episcopo Wintoniensi devinctum, & præcipuè quòd ejus auspiciis stadium Literarum in Cantabrigiensi Academia percurrerat foelicissimè, accersi ad ipsos, curant: Justas autem primò excusationes mittentem, secundo vocant. Nescius autem tantis viris morem non gerere, dimissâ Cautione quam Veredario dederat propter currus beneficium versus Cantabrigiam, ipsos adit; invenitque secretiore Adyto inclusos; quem ingressum sic orsus Archiepiscopus alloquitur. Non te latet Domine, quot quantisque malis configitur Ecclesia nostra, Papistis hinc, illinc Puritanis ei insidiantibus, & quomodo Rege animam mox exhalaturo, nutare ipsa in ruinam videatur, ut Fulcro firmissimo sublato. Quoniam verò vita, mores & Fides Caroli sunt tibi perspectissima, edas quæ sumus, apertè, quæ tua sit de ipso sententia, qualemque speremus Religionis Patronum. Cui Hic statim respondens, ait, Non malè auguramini arbitantes mihi undequeque notum Dominum meum Carolum, jugi consuetudine perdoctum. Ad Religionem ergo quod attinet, certus scio, ipsum pejus Pontificios errores odisse jam Reducem, quàm quum hinc solveret;

nec

nec Puritanorum superstitiosas affanias minus detestari; Credo insuper fide pura præditum, virtute invictâ, moribus sanctissimis, & animo fortissimo ad omnes omnium hostium impetus sustinendos, & restringendos furores. Hoc parco (si causam spectaveris) Elogio accepto, mirum in modum recreati lætique fiunt Patrum animi. Wintoniensis autem Episcopus vates (ut videtur) verissimus, defixo paululum vultu, & quasi interiorem in sedem suæ mentis receptus, spiritu mæstissimo; voceque præsaga futuræ tragediæ hoc modo tandem abruptit silentium, Proh Principum infælicissimum! hominum calamitosissimum! Exhorresco cogitans, Contremisco referens, quam dira infortunia hanc sanctam animi constantiam manent! Sectarii enim Ipsi Sceptrum extorquebunt, Regalibus spoliabunt, Imperio depellent, Vitam, Vitam inquam ipsius appetent: nec mitius tecum agent (conversus ad D. Laud Episcopum Sancti Davidis eo tempore dixit etiam) Tu verò ipse (Do. Wren intuitus) nequaquam impunis evades, sed libertatis si non ipsius vitæ tristissimam patieris jacturam. Quæ omnia Episcopum spiritu Prophetico affatum prænuñciasse manifestus rerum exitus, quem paucis subtexere statui, satis confirmabit.

Jacobo enim Patri Carolus succedens, & curam belli jam incæpti agens, Celeberrima totius Regni Comitia indicit. Quibus quantò quisque Puritanis esset addictior, tanto vehementior erat incendendo Regis animo contra Hispanos, proque Palatinatu vindicando & Reformata (uti aiebant) Religione propagandâ. Nequid autem expeditionem demoretur, in gremium Regis effusuros se gazas magnas pollicentur. Flectitur tandem Regis animus: terra marique omnia ad bellum instruuntur: quorum levandis sumptibus quum vis magna illa nummorum  
pete-

peteretur, effecit dolosissima factio ut non simpliciter revocarentur Promissa (quod honestius esset) sed turpem subinferentes conditionem, statuunt ut prius tollerentur Gravamina Gentis, quam nummi isti in Regis concederent Fiscum; suspicati scil. quod res esset, belli angustiis & difficultatibus Regem oppressum, Regalium suorum & Religionis nundinatione, pecuniam cogi acceptare.

Quid verò hic novantes Fratres? Optimum scil. calumniarum solum vertunt, excoluntque: & tanquam plusquam terrena Numina in recessus, non solum externorum actuum (qui tamen secretissimi esse solent & paucis communicati) sed Cordis quoque Regis, cogitationes inspiciunt, examinant, & quæ fuerunt, & quæ non fuerunt, Ipsi judicant, & pro vero vulgant. Aiunt enim, *Nullo animo nocendi Hispanis bellum hoc fuisse susceptum, sed suis potius: quod, inquit, tarda molimina probarunt; & pacta inhonestissima Pacis secuta. In animo autem re ipsa Regi fuisse potius experiri quam patiens belli vulgus esset, & collectorum militum, paratumque bella gerere ad nutum nocentissima Curia.* Hæc omnia & plura ejusmodi egregius quidem Nebulo Spiritu Puritanismi totus actus, Ad Lectorem ante Seditiosam Knoxii Historiam Scoticæ Reformationis, à se in usum Rebellantium noviter in Anglia vulgatam. Anno scil. Domini 1644.

Hoc summâ prudentia & animi fortitudine, quum Rex vicisset malum, denuo repetunt ofores Patriæ Religionis, bello paulo post cum Gallis commisso: Post tamen longa tædia, Auræi montes promissi in tuberculum subsidunt, & perridicula quædam Subsidia præstantur, non quæ Causæ sufficiant, sed quæ in Regii nominis immortalem jacturam cederent, & totius moliminis bellici improspere exitum. Tametsi enim Rex meritò rejectis iniquissimis pecuniæ habendæ

habendæ conditionibus, proprias terras Civitati Londinensi oppignoraret propter Quadraginta millia Librarum Sterlinarum musu acceptarum, Classis adornandæ causâ; tam ægrè & tardè tamen est instructa, ut vix, aut ne vix quidem quidquam opis Rupellensibus tum obsidione arctissime cinctis afferre potuit, juxta fidem iis præstitam. Novercalem etiam auxit fortunam parricidium in Admiraldum Regiæ Classis Ducem Buckenhamiæ, à Sicario Puritano Feltono patratum; quæ duo tanta cunctandi causa extiterunt, ut appellenti tandem Classi Gallicanas oras, impossibile visum est humanis virtuti & Arti, Civitatem adire, nisi in manifestam omnia ruinam conjicerent. Quod quum Puritanis solis debent malum, Rupellenses; isti, quæ sunt proditoria & calumniosa arte in principes, nunquam non Regis nomen incessabant, ac si datâ operâ Rupellam destitueret. Principem enim hoc locum obtinet in Famoso Libello quem Factio Puritanorum edi curavit adversum Regem, quemque Remonstrationem Gravaminum nuncupavit. Postea verò, hoc funestum convitium recoxit Cocus ille teterrimus Nebulo, miscuitque quasi poculo Lethali cicutam, coram *Summa Injustitiæ* præside; purpurato isto Mastigia Bradshaw; qui neci adjudicavit Beatissimum Regem: Auxit quoque fabulam Deodati Genevensis Pastoris Apophthegma, post Cosmum (ut ferunt) Medicum Florentiæ ducem, à Coco cum magno pondere allegatum; qui, teste isto Actore, dicere solitus est, de facto Caroli subtrahentis (uti pessime conjectabant Puritani, vel saltem credi ab aliis cupiebant) opem à Rupella, Christum in Evangelio præcepisse, ut *veniam inimicis demus, non autem Amicis*; Quo homo iste Evangelicus (si placet) suis Compresbyterianis innueret, Carolo nunquam ignoscendum, quod Amici nomine

Cook King  
Charles his  
Cases pag. 32.



& specie Rupellenses fallendo perderet. Sic scil. cecinit Pastorculus ille, nisi falsò crocitet Corvus sepulchralis Cocus: certè pio verò habitum est. Unde autem egressa est oratio revertamur.

Sectarii inconcussum Regis animum experti, & cuncta contra votum currentia, pace Regno reddita, nova discordiarum semina quærunt, feruntque: Scotiam scil. his nefariis artibus movent. Religionem Reformatam brevi interituram illic suggerunt præfervidæ isti Genti, nisi Papisticam Orandi formam nuper iis à Rege, consilio tam suorum quam nostrorum Episcoporum compositam, & mandatam exterminarent: Cessum itaque populari furori, & cæcò zelo: Liber subductus est: sed novam, ex inopinâ prosperitate elati, ansam arripiunt, pacatum rerum statum turbandi; frigidam suffundente Secretario Cardinalis Richelieu, qui nostræ Gentis aurea sæcula sub Principe pio & Clementissimo limis aspiciens oculis, facem submitit moribus ardentibus Presbyterianorum Scotiorum, quâ conflagrantes Ordinem quoque Episcoporum submoverunt, ab antiquis Sedibus, & Officio: & ut coniugio malorum Angliam quoque afficiant, hortantibus Puritanis, regiones extimas exercitu populantur. Rege verò Pacis post Deum colentissimo, exoptatissimam ipsis, Ecclesiæ verò & sibi subtristem pacem tribuente, Sacramentis se obstringunt sanctissimis, nunquam deinceps bellum adversus Regem moturos. Brevis veruntamen tempore interjecto, Religione jurejurandi calcata, æstuentes novo impetu Reformandi, Angliam quoque contracto exercitu penetrant: quæ novæ turbæ ortum in-fando Parlamento dederunt; ex quo tantæ post Tragœdiæ proruperunt, quas nulla dies à memoria delebit, de quo optimè profectò ratione Politica, si minus Grammatica etymologia ista apud Aegidium Chaissey

Aug. 17. 1640.

Nov. 3. 1641.

Chaisly dici possit, viz. *Parlamentum*, quasi *Pariens Lamentum*. Primus hujus Actus Præstantissimum Heroem, Consiliarium sapientissimum, & Regni tutissimum alterum Columnen securi injustissime percussit. Et quia origo facinoris nefarii à Scotia fluxit, Postridie quam Accusatus Comes ille Stratfordiensis, Fraterculi Anglicani præmio centies mille Librarum eos demulcent. Et quò terroribus, quæ Legibus nequissent peragere; Colluviem plebis è Londino submonet movetque Factio, ut ululabili Regiam & Areas Parlamenti, clamore complentes, importunissime *Justitiam Justitiam* expeterent, in causâ sanè omnium injustissimâ. Quibus ad contemptum suæ Majestatis, & surditatem quotidie impunè auditis, Rex tandem fatigatus, victusque saluti & honori suis consulens, sedes mutat, opinione, tractu temporis morbum istum leniri aliquo modo posse. Verùm fidem fuisse vanam docuit nimbus telorum Libellaticorum quibus fugientis Regis tergum infectabantur Puritani; qui ex illo tempore non amplius contis aut remulco, (quod aiunt) sed plena velificatione in Regnum, & Ecclesiam ferebantur, omnibus prius dictis factisque Regis in pejus coloratis. Et post varios casus Belli à metuente sibi Factione, amplissimis pollicitationibus, Scoti ut tertiam impressionem faciant in Angliam, concitantur; optimâ & certiore spe datâ Disciplinæ Presbyteralis transvehendæ in Angliam. Ecclesia autem Scotica, siqua alia in terris, propriè Militans, numinibus Nummi & superstitionis suæ afflata, post sacrilegum & impium foedus inventum initumque cum fratribus Anglis, armata iis adest. Quoniam verò maximè omnium nidore & cruore Episcopalibus spiritus quo ista agitur delectatur, prius ut cadat victima Disciplinæ suæ Reverendissimus Episcopus Cantuariensis, contenditur, quàm terris suis

Giles Chaisly  
Glaiv de David & de Loy-  
is 13. pa. 373.



dūcibus infœlix turba ? an vos ipsi boni & placidi, & innoxii ? Cujates erant qui Thesauros Regis, Palatiumque diripuerunt ? Reditus ipsi extorserunt ; Latus iusto satellitio denudârunt ; uxorem, Reginam ; Liberos, Comitesque in exilium egerunt, vel inhonestis mandârunt custodiis ? Quam denique Regem ipsum in turpem fugam ad Scotos perfidos compulerunt, & sub hasta ab illis positum gravi auri pondere, non in Libertatem sed Captivitatem redemerunt, & vincula paulo splendidiora ; & tandem ex Monarcha præpotenti, miserum, squalidum, contemptissimumque hominem fecerunt ; qui neque se, neque suos ab ingravescenti infortunio potuit tueri ? His vos piaculis abstergite, excusationibus, & vanis & verbosis Apologiis vestris ; vel hoc non esse Regem interficere, Majestate, scil. Potestate, & Imperio privare, & ablationem horum non fuisse necessariam consecutionem omnium ingruentium malorum, docete probabili aliquo medio. His namque à Principe ereptis, non minus sit Civile Cadaver, quam Corpus naturale, animâ separatâ. Fortassis autem puerilia non dedidicistis ingenia, quæ quos manu aut virgâ cædunt, negant se percussisse ; manus, scil. & virgâ in causa omnino erant, respondent accedantibus. Ita profectò & vos, non ipsi sed manus & Arma vestra Regem trucidârunt, Sectarii scil. vestro creti sanguine, & in tanta enutriti monstra ut parum abesset quin & vos unâ cum Rege devorarent. Hinc ergo illæ Lachrymæ Crocodilinae & cordolium vestra : nim. quod Rege jam extincto corruere videretis spem optimam erigendi vexilla Presbyteralia in Ecclesia, ex pessimis conditionibus, quas non ita pridem Ipsi imposueratis, si liber esse velit, aut titulo solo Regis gaudere. Crocodilus quidem ( teste Asterio ) homine absumpto amarè admodum dicitur illachrymari

Photius Bibliotheca.

Capiti residuo; Nunquid verò pœnitentiâ facti motus? Nihil minus. Ἀλλὰ τὸ ἀπαρκεῖν τῆς κεφαλῆς ὀδυνηδυνὸς αἰς ἑστῆσαν ἢ ἐκπνέουσαν i. e. Sed Caput parum esculentum, comestioni minus idoneum cæteris partibus deflens. Omnia prius Regalia vorârunt Presbyteriani; Caput solum supererat vitaque misero Regi; Hæc autem ipsis vi & fraude ablata, & spes omnis futuræ dominationis quam primoribus digitis jam tetigisse viderentur, meritò animos dejecerint, & oculis lachrymas expresse- rint. Rem enim ipsam iis simpliciter non indoluisse debere, voces variæ summorum apud istos virorum, quos nominare queam, probant: qui facti modum quidem damnant, quod Justo Parlamento (suo scil.) non est sententia lata; sed lacero, & suæ Factioni tum temporis inimico, Probant totius Tragediæ ordo & series; Postremò probant dogmata & dicta Factionis. Primò enim cum suo Buchananò, Henderfonoque & innumeris aliis Populum ponunt omnis potestatis fontem: Præterea corrigi oportere tyrannos, quos placet vocitare, ab Inferioribus Magistratibus; & ipsos tandem Magistratus ignaviores, ubi neglexerint hoc suo munere defungi, ab ipso populo. Populus autem quis? non universi sed Selecti quidam ex omnibus Ordinibus. Pulchrè hætenus. Annon verò Carolum omnium fere mortalium nocentissimum decreto statuerunt publico? Annon omni sanguine Civili fuso coinquinatum nunciârunt, adeoque renuerunt vel de pace cum ipso tractare nisi hoc ipsum de se pronunciaret. Age vero: Justitiam non præ cæteris omnibus colendam ducitis? Ita proculdubio. Quo pacto ergo tam impie pî in Regem esse potuistis, ut tantum Parricidam, & everforem Reipublicæ debitas dare pœnas nolitis; ipsis summis Judicibus? Certè ergo factis mortem Regi accersistis, & documentis jure optimo

Populo cujus est in legibus ferendis summa potestas non est quod succenseamus Buchan. De Jure Reg. apud Scotos. pag. 29. Buchananus de Jure Regni apud Scotos. p. 11. vide pag. 33.

optimo vestris potuistis, & debuistis: juxta Buchananum vestrum. *Nec statim si pro malis Principibus est orandum, hinc colligere debemus eorum vitia puniendi non esse: non magis certe quam latronum pro quibus etiam orare jubemur: nec si bono parendum est, ideo malo non erit resistendum:* Scribit Catechista vester **Rebellium Buchananus.**

Idem. II. id.  
pag. 25.

Etiamsi tamen his sceleribus coopertam & pudendam meritò credideris factionem, ut ne hiscere auderet, vel defensionem semel meditari, Frontem pro more perfricantes, facili compendio, eadem fidelia & suum parietem dealbant, & aliorum fœdant: Aiunt enim tantorum auctorem malorum ipsum sibi Regem fuisse, quod Parlamento non paruit: Item Ministros Regis, & eos omnes qui prius fidelius adstiterunt Lateri ejus undequaque patenti ensibus eorum. Si enim manus primum ipsis dedissent, nullus hostili furore cruor terram polluisset. Rex ipse in vivis esset, ad seram usque ætatem. Hujusmodi ridiculis Apologiis, quam intus nulla arte possunt elucere, extinguere conscientiam velint, & extus videri saltem se credere ab atrocitate Criminis purgatos. Sed quam stupenda & vanissima fide, quæ unâ omnes injustissimos Grassatores & Prædones, probos purosque reddat; vim autem vi legitimâ repellentes, & se, suumque peculium necessaria virtute defendentes, ad furcam omnes vocet. O acutos & æquissimos Oratores, qui ne nocentes sint, Jura Gentium invertunt! At justa erat fortasse Defensio; non Regiæ Personæ, dignitatis, aut Potentiæ Aggressio: At neque Defensio; neque si esset, Justa esset: nisi Solem meridianum cum Antipodibus esse simul asseverent.

Post hæc autem luce meridianâ manifestiora facinora; Hichmannus disputat ex Auctoritate Episcopi dicti

Andrewes  
Respons. ad  
Card. Bellar.



dicti Wintoniensis; Puritanis nullam esse cum Rege Litem. Primò autem ex Sophista hoc peterem, Annon Litigant, qui vitam auferunt? Annon Puritani Regem contrucidarunt? At fortassis amico non hostili animo, prout bellum moverunt primùm, atrox hoc Regitium patratum est. Vel forte hoc Puritanis Presbyterianis proprium omnibus, solis, & semper? Et quæ Regi mala irrogârunt, ex errore nostrorum sensuum non mentium suarum manârunt omnia. Et respondebunt cum Stoico Zenone motum negante, *Videri tantum esse, revera tamen non esse.*

Laetius in  
Vita Zenonis,

*Quoniam verò quale Sanctorum genus sint Presbyteriani, satis jam vidimus, ad summum malorum actus ipsorum perducentes: ad alterum Caput prope-  
randum quod religionem ipsorum explicat; in quo, triplici diffidio nobis molestissimi ab ipsis incunabulis fuerunt. Vel enim Ecclesiæ nostræ regimen animosissimè oppugnant: Vel ritus juraque Religionis stomachantur; vel denique Cultui nostro infestissimi sunt. De primo ergo jam paucis pro breviculo disputationis nobis dicendum. Nec hic repetenda quæ de conatibus ipsorum supra egimus, animo totius Politicæ Ecclesiasticæ dissuendæ: Ad naturam Disciplinae ambitæ perpendendam transeat oratio. Nisi enim effatum Oraculi Bezæ nos, seipsum, nostrosque fefellerit Puritanos, vix hominum numero accensendi sint, multo minus Christianorum, qui Systemati Genevensi libenter se non summisserint. Sic enim scribit: “ Ut quid de singulis nostræ religionis in  
“ summa senserint & docuerint Prophetæ & Aposto-  
“ li, intelligatur, solo pene non penitus obtuso inge-  
“ nio, & linguarum peritiâ, attentâ denique lectione  
“ opus est. Ad Grindallum item Londinensem Episcopum pari præfidentia loquitur. “ Quod ad doctrinam  
“ nam*

Beza de Notis  
Ecclesiæ,  
Vol. 3. p. 137.

Id. Episto. 3.

“nam autem attinet, consentire illam cum verbo  
“Dei, non dubitamus; nec erit nobis difficile, opi-  
“nor, Rituum hujus Ecclesiæ, cujus nos minimè pœ-  
“nitet, totamque adeo Disciplinæ rationem ex eo  
“dem fonte petitam demonstrare, quamvis ab eo  
“quod constitutum oportet nos multum adhuc ab-  
“esse ultro fateamur. Miranda canit sed non cre-  
denda Poeta; multum à recto abesse, & tamen è  
Fonte Scripturarum petitam suam Formulam. Au-  
diamus etiam quid de dispari Ecclesiæ œconomiâ  
judicet, summus hic apud Puritanos nostros rerum  
Ecclesiasticarum arbiter. “Ego, inquit, illis [Pon-  
“tificiis] libenter relinquo totum Episcopatus gra-  
“dum, cujus apertè dico Spiritum S. non fuisse auto-  
“rem, sed humanam prudentiam, cui nisi animad-  
“vertimus Deum maledixisse, certe nihil, ne nunc  
“quidem, videamus, & viperam in sinu fovemus,  
“quæ rursus matrem necabit. Hæc & hujusmodi  
perplura sacrilego ore, & stomacho petulanti con-  
torta contra Ecclesiæ Catholicæ & nostræ præcipue  
consuetudinem, & formam Sanctissimas, à Beza &  
Calvino, quia extremâ aviditate hausta sunt, & post  
in nos pestifero halitu refusa, ferant oportet me ul-  
trice, si placet, dissertatione hoc modo regerere in  
laceffentes, Theoremata sua sacra.

Idæ de Notis  
Eccles. p. 147.

Non desunt, sat scio, qui Bezana dicta dira, du-  
raque studeant modestiore sensu emollire, & de So-  
lis Episcopis Pontificiis intelligere: tum quod pro-  
ximè de Hierarchia Romana, de nomine fere, age-  
bat; tum propter quædam Whitgifti Cantuariensi  
scripta æquius de nostro Episcopali Regimine. Quod  
ad posterius attinet, verum est post detectas & ex-  
probratas per Epistolam Bezæ inimicitias in Nostram  
Ecclesiam & faculas consilii Schismaticis præstas,  
(propter quas severius increpabatur à dicto Archie-

M in

piscopo)

piscopo) animum aliquantum posuisse, & à fratribus subduxisse se, ut saltem minus crebrò & acerbè eos irritaret: præsertim gustata quotannis Archiepiscopi liberalitate (qua Servatoris nostri præceptum adimplevit, bona malis reddendo) post extremam Civitatis Genevensis depauperationem à Peste grassante: Sed verba potius dedit, in qua arte, deficientibus viribus, non animo nocendi, imprimis excelluit, quam facta sana. Ad primum autem nulli non insipienti istud Bezæ opusculum pateat, non singulatim arma Rhetorica strinxisse adversus Papales abusus, sed ipsum Ordinem nullâ interjectâ exceptione impetiisse. Ordo autem idem Romanæ & nostræ Ecclesiæ est, quod norunt & destomachantur Puritani, nolentes distinguere inter rem reique colorem, vel errorem. Dein, quæ esset illi animi, perinde ac oris sententia, ex alio invisissimum tractatu constet, cui Titulum præfigit, *De triplici Episcopatu*: in quo triplicem nobis proponit Episcopatum: *Divina, Humana, & Diabolice Institutionis*: Primum ejusdem planè rationis esse scribit cum Presbyteratu, & Episcopum eundem qui Presbyter, quem nos simplicem dicimus. Alterum omnino convenire affirmat cum Prolocutore, qui humano consilio Synedrîi Presbyteralis Os constituitur. Tertium autem genus Diabolum habuisse authorem, non pudet asserere, quo certè tam Anglicanum, quam Romanum percellit.

Dico ergo apertè Totam Genevensis Ecclesiæ coagmentationem non tam humanæ prudentiæ quam imprudentiæ opus esse; ejusque Sp. Sanctum nequaquam fuisse autorem. *Verbum enim Dei projecerunt & sapientia nulla in iis, est.* Qualis est enim illa Ecclesia, quæ Justo destituitur ministerio? Qui Pastores, qui nulla autoritate Legitimâ constituuntur? Quales

les discipuli, qui nullo Magistro in publicum prodeunt? Quales filii, qui nullo nisi forte Populo Patre sunt orti? Audio typhum verbi *Pastores* insolenter admodum usurpati, ab Automatis Ministris, sed me potius ridentem, quam mirantem hominum vanitatem novam reddunt. Pari enim, vel insanabiliore veterno iidem qui suprà Populo Jus esse Reges constituendi, etiam ordinandi Pastores astruunt. Et nunc non solum, *Vox Populi Vox Dei*; sed Vox Christi, & Vox S. Spiritus, dicitur. Claves itaque Scientiæ, Claves Ordinis, Claves denique Jurisdictionis Populus, multiplex Petrus Romanus, integrè tenet, & quibus velit desert: vel quod adhuc plusquam prophanum est, nedum populo, sed Selectis quibusdam (quod vult Buchananus in Civilibus) integra formandæ Religionis potestas est deferenda.

De Jure Regni apud Scotos.

Ne vero unus solusve Buchananus in hac Civili blasphemiam esset, & temporis processu tam heroica & utilis doctrina paulatim exolesceret, novæ indies propagines succreverunt, novi doctores, nova vulgi flabella, quibus & posse, & jure posse, & debere populus instituitur, apertâ vi Reges coercere & plerètere desistentes à Norma quam ipse justam rectamque judicaverit: Rectam autem nullam esse posse, quæ Christo sit contraria: Christo autem contrariam necesse esse illam, quæ Disciplinæ ejus h. e. Politicæ suæ Ecclesiasticæ adversatur, & populi nullis lineis, & multo minus Legibus circumscriptæ Libertati, nisi forte (quod suspicor) nulla, ne quidem populo copia vivendi aut credendi extra leges Ecclesiasticæ Dynastiæ Presbyterianorum, sit. Anno Domini 1644. Fervente rebellionem & furente Zelo fratrum contra Beatissimum Carolum, Ne nimis prono vulgo ex se in scelus illud, calcaria desint: è Tenebris in Lucem usumque Evangelii Presbyteriani evo-

catur Historia Knoxii, Reformationis Scoticæ, seditionissimis dogmatis, & dirissimis factis repletissima. Et quoniam ipsis Prædicantibus parum est docuisse faciendâ, aut factâ ab aliis præmonstrasse, nisi vim vitamque Applicationis addant; hanc Historiam quidam ex Gente Scotorum bellissimâ ornatam Præfatione, tum aditâtâ in Angliâ Tragoediâ adaptavit: Quam enim æquis piisque animis sit factio ista in Reges, quàm facile, fastigium Regale calcare, mores vitamque eorum extremis censuris castigare queat, discat ex hoc uno specimine quivis æquus

*And as Kings were anointed with Oyl to signifie their setting aside for their peculiar Office: So every one of us being anointed in Baptism with the Holy Spirit, is set aside to do Justice, &c. as a King, in our several station. Prefat. ad Histor. Knoxii, pag. 44.*

Judex: viz. *Quemadmodum oleo ungebantur Reges ad significandum eorum separationem ad munus peculiare, ita nostrum quisque à Spiritu Sancto unctus in Baptismo, separatur ad exequendum Justitiam, &c. tanquam Rex in suo quisque statu. Si verò quisque quâ Baptizatus, quâ Christianus Regis instar, privilegio Justitiam administrandi, & cæte-*

*ra, (nam ne impudentia ipsa potuit verbis exprimere, ea omnia quæ intelligi cupiebat.) gaudet, quanta necesse est privilegia glomerare in eum qui novo Fœderalis Presbyterii Sacramento in familiam istam permundatissimam adoptatus fuerit? Statim ex subdito Princeps, ex filio Pater Ecclesiæ evadit, & dignus non qui Principibus, sed cui Principes deferant. Quod Knoxii familia sibi vendicavit ore magna venditans ad Reginam ipsam, se futuros subditos obsequentissimos hac scil. Lege & conditione, Si Conscientia nostra (ipsissima Knoxii verba sequor) placido liberoque eo perseverent statu quem sanguine suo acquisivit Christus, & verbum Dei pure nobis prædicatum, & Sacramenta ritè administrata habeamus, sine quibus firmiter statuimus nemini mortali subjici. Hæc sunt dogmata, hæc decreta Synedrii Presbyterialis: Hæc venena venis*

*Knoxii Histor. Reform. Scot. pag. 138.*

venis nostris haufimus : & tamen gloriamur ceteris nos pietate in Principes præcellere ; quæ reipsâ nulla, imò quæ cælum terris miscere non dubitat, nisi disciplinæ triumphet Reformatio. Hoc enim est nexibus humanarum legum, & nodis constitutionum conscientias liberari : hoc Sacramenta purissima possidere. Hunc porro animum, hæc vota Fratribus Anglicanis Spiritus idem extraordinarius Reformandi indidit ; & ex hoc seminio orta auctaque ea sunt monstra quæ incurabili vulnere omnis Reformationis nomen affixerunt.

Cæterum hoc fortassis malum, sanè tremendum piis auribus ; lenit ter maximus Calvinus, & Deo autore hæc cuncta disponuntur : hoc enim modo differit. “Deus interdum Apostolos post ætatem  
“illorum, vel saltem eorum loco Evangelistas exci-  
“tavit : talibus enim qui Ecclesiam ab Antichristi  
“defectione reducerent, opus fuit. Quales verò &  
Quos, bone Domine ? Calvinianos Ministros, si ignores, qui scilicet eodem ritu soli sunt Evangelici, quo Lpistolæ filii, Jesuitæ sunt. Illis ad perdendum Antichristum, opus erat ; ergo à Deo sunt Instituti. Quid verò, si nec hoc sequatur ? Quid si contrarium : Nam teste Augustino is erit Antichristus qui non est Missus [ à Deo ] sed venire permissus. “At  
“omniho fuit ( inquit Calvinus ) extraordinarium  
“munus quod Dominus nobis injunxit, dum operâ  
“nostra ad colligendas Ecclesias usus fuit. Qui ergo  
“ita præter spem hominum insolito modo repente apparuerunt sinceræ pietatis vindices, eorum  
“vocatio à communi regulâ æstimari non debet. Esto quidem, quando ita volunt, Deus arbitrato suo Pastores Extraordinarios exsuscitat. Fuerunt enim per singula fere sæcula ab Apostolis tales. Tales Ignatius, Polycarpus, Irenæus, Origines, Dionysii, &

Calvin: lib. 4.  
Institut. ca. 34

Id. Episto. 190



Gregorii Episcopi fuerunt, & permulti alii apud Græcos & Latinos viri extraordinarii, & Pastores: At jam de ipso Pastoratu, de Ordine ipso quæstio movetur, & si velis, De Extraordinario Ministerio. Extraordinarium autem Calvini Ministerium erat. Sunt præterea multi Extraordinarii Pastores illiciti: Cæcus enim erat Pastor Extraordinarius, qui alienas oves in latibulum suum retro trahebat: & reperiuntur hodie passim apud nos, Prædones Ecclesiastici, qui in Spiritualibus istum imitantur, Doctores sine Cathedra, Episcopi sine sede, Prophetæ absque Missione Currentes. Hic ergo opportunam admoveant manum prolabenti Vocationi, Bezam habemus, hac comparatione, "Quemadmodum si quando privata ædificia flamma corripit, illud unum curari solet, ut ad restinguendum incendium unusquisque accurrat, neque tum magnopere, vel quis, vel unde sit quis laboratur, ita etiam nunc multo magis, orbe Christiano intestinis dissidiis deflagrante, putavi reprehendendum non esse qui laboranti Reip. Christianæ, etiam Extra ordinem, opem ferat. Hac bellissima similitudine tam perfecte rem totam expediri credidit Beza; ut alibi suam disputationem eâ exornaverit: Tantopere autem nostris Sectariis arrisit ut nihil frequentius seditiosis & Schismaticis Scriptis occurrat: quæ tamen mediocriter oculato haud plura verba quam vitia habere videatur. Unum aut alterum indicasse sat erit. In dissidiis enim seu Incendiis Ecclesiæ haud ita convenit, Quinam Incensores, & qui Restinctores, quod in Naturalibus clarum fuerit: Nam sæpe fit ut Accusatores maxime sint accusandi damnandique: & qui importuna diligentia componendi motus laudem aucupatur, vituperium maximum meretur. Dein, in communi incendio, quisque est Minister Ordinarius: Sint

Beza de Pac.  
Ecclesiast.  
Tom. 3. p. 147

Idem, Vol. 2.  
Oper. pa. 110

Sint ergo oportet ejusmodi in turbato Ecclesiæ statu : Solus erit ille extraordinarius qui rennente Domino & arcente, operam adhibet. Quoniam verò fallacibus imaginibus rationis quàm justis argumentis Causa magis commendatur popello ; gravissimus idem vir, suam sic alibi tueretur. " Ubi Lupi sub lar-  
" vâ Pastorum in Greges Domini grassantur, nec se-  
" se, quod facere consueverunt, abigi vel in ordi-  
" nem redigi patiuntur, si piis semper expectandum  
" putas, dum illi ultro cedant, vel publica autori-  
" tate expulsi sunt, tibi quidem minimè assentior :  
Probè equidem. At quid si ipse Lupus iste in Fa-  
bula sis ? Certe fuerunt immanissimi qui tuo (Beza)  
argumento in Regem Carolum nostrum, & Ecclesiam  
sunt abusi, Henderfonus, & consecrarii. Fuerunt  
& ipsi Lupifugæ verùm atrociores fictis Lupis. Ad-  
huc ergo laborat percelebris & Extraordinaria vestra  
Vocatio, nec constet jure, an Injuriâ in Cathedram  
infiliistis Pastoralem, ex Parabolico hoc disputandi  
genere.

Idem Adver-  
sus Seraviam

Atqui Doctus & Optimus Antonius Sadael hîc  
ruenti causæ manum porrigit officiosam, hoc modo.  
*Primo, inquit, negamus hoc posse nostris Pastoribus rectè  
objici, quod Legitimè vocati non sunt, quandoquidem illi  
quotidiè vocantur, & eliguntur via Ordinariâ, & eo modo  
qui verbo Dei præscriptus. Instanti autem, Non habent  
Legitimam successionem, ideo non sunt legitimè instituta  
[Ecclesia] Respondet: Objectio omnino indigna que pro-  
ponatur ab iis qui nobiscum in doctrina consentiunt. Fateris  
Ecclesiam apud nos esse summo Dei beneficio instauratam. At-  
qui Ministerium non est minima pars ordinis Ecclesiastici, ne  
dicam esse præcipuam, &c. Quid audio ? Quæstio non  
est movenda ab iis qui doctrinâ consentiunt ? Ergo  
iniquè pariter fecerit si in dubium vocaverit quis  
Orthodoxorum Laicorum Ministerium quodlibet.*

Antonius Sa-  
dael de Legi-  
tima Vocati-  
one Mini-  
stror. pag. 117.

117

Beza de No-  
tis Ecclesiæ,  
pag. 137.

*At Pastores, aies, quotidie vocantur.* A Quibus verò?  
à Pastoribus propriè dictis? A Legitimis, inquis.  
At juxta quas Leges, Canones, aut traditiones? he-  
ri, & pro occasione inventas & positas? Secundùm  
Dei Legem Scripturalem, dices. Utinam sanè non  
tinnientia verba pro solidis testimoniis darentur, sed  
ita sit. Porro non sequitur, Ecclesiam veram, ve-  
ros habere Pastores, modo Ecclesiæ ista descriptio  
Bezæ æquè propriæ Ecclesiæ ac Genevensi congrue-  
ret. “Dicimus (inquit) veram Ecclesiæ veræ sive  
“ particulariter, sive universaliter sumptæ definitio-  
“ nem esse, quâ dicitur esse, Cætus qui verum Je-  
“ sum Christum unicū Servatorem suū agnoscit.  
Profectò veram hîc Fidem, veram multitudinem,  
veros Christianos video, Ecclesiam non video ve-  
ram. Est enim Ecclesia societas, potius quàm nu-  
merus hominum vel Fidelium: est præterea societas,  
non tam suis legibus & inventis, quam Christi colligata & vivens. Denique est Optimè ordinata acies,  
ducibus non pro suâ libidine vel arbitrio disposita vel  
Gubernata, sed Christi, & Principum Apostolorum  
decretis instituta. Non ergo qui verè in Christum  
creduat continuò in Ecclesiæ naturam proficiunt. At  
saltem ad Christi mysticū Corpus omnino spectant:  
Non invideo equidem, sed sentio probationes parum  
validas, quæ si essent firmæ, nihil ad rem facerent;  
quandoquidem de Ecclesia Visibili tantummodo  
omnis est disputatio instituenda, solos decet Lucifu-  
gas Christianos, ad Invisibile asyllum istud confugere  
Ecclesiæ Invisibilis; de quâ, post infinita Litigia,  
nihil certi in particulari concludi possit: Quinam e-  
nim de Visibili Ecclesia sunt, haud vanâ conjecturâ  
cognosci possit: Qui verò de Invisibili sunt, vel nul-  
lo, vel Visibili duntaxat argumento probatur. Con-  
cludi ergo oporteret, Ecclesiam Invisibilem ex Visi-  
bili.

bili, & Visibilem rursus ex Rectâ & debita Pastorum & Ovium, Regentium & Parentium ordinatione, ad mentem Christi, Apostolorum, & Purioris Ecclesiæ, inde ab exordio Christianæ religionis constitutorum, non è contra. De Legitima (non sensu Civili sed Ecclesiastico) Vocatione ergo, fere tota lis agitur. Quinam ergo sunt legitime ordinati, operæ pretium erit è Beza docente audire. “Nos (inquit) Beza de Notis Ecclesiæ. Legitime ordinatos demum arbitramur qui præeunte ex Apostolica normâ & morum accuratâ inquisitione, liberâque & sancta Electione, ex totius Ecclesiæ cui præsunt consensu, Deo solennibus precibus factis, ipsa etiam adhibita, si ita videtur, manuum impositione, eâque simplici, fiunt. Quomodo autem (rogamus) Simplici? Nulla auctoritate, aut jure præeunte, vel præexistente? Quæ tam simpliciter tentatur, frustra tentatur. Rursus, Quid sibi velint verba illa, *Si ita videtur*? Nunquid, quod universa ubique Ecclesia pernecessarium judicavit, unus Beza statuerit Indifferens, in ratione Ordinationis? Porro, Electio illa qualis erit? Quid morum probitas & probatio? Consensus iste quid facit? Rectè sane, & jure, & exemplo Apostolicis, de vita Ordinandorum fit examen: Nec consensus Populi in primordiis Ecclesiarum, quando beneficentia Populi alebantur Altari Christiano servientes, contemnendus erat; Ecclesiis vero aliàs dotatis alia ratio jam est. Quid hæc omnia autem ad ipsam Ordinationem? ad quæstionem ipsam quid faciunt? Quum ergo his fumis elabi neque Calvinus neque suppar ejus Beza potuisset; ipsam Regulam totis viribus ingeniî flectit, suæque accommodat Causæ astutus Beza, & ipsam Ordinationem conficta novâ descriptione creat, ordinatque de novo, dicens, Beza Reform. ad Scythian. cap. 17. “Ordinatio, sive impositio manuum, (Hic vides quâ

quâ est Vir Doctus, in hâc difficili & perurenti animum controversiâ, inconstantiâ; quam supra Adiaphoram posuerat, jam synonymam cum ipsa Ordinatione, facit, Chirotoniam; "certè nullos proprie creat Ministros, sed Legitimè vocatos, sive Electos, adhibitis precibus mittit in sui muneris possessionem. Quid, quæro, sit Rerum ordinem invertere, si hoc non sit? & Plutarchi rudem Pictorem imitari, qui Galli imaginem crasso admodum penecillo cum depinxerat, id summo opere studuit ne naturales & vivi Galli propius ad Tabellam accederent, sed fugerentur, ne factâ comparatione operis vitia clarius inspectoribus paterent. Calvino quidem & Bezae rudis admodum, vel revera nulla erat ordinatio, ideoque maximè iis incumbere rectè putarunt, omnem germanam & propriam procul à scriptis suis & oculis nostris arcere; satis rati esse credulo & sciolo populo, sophisticè ludere, & delitescere sub operculo vocabuli Polysemi *Vocatio*: Quæ apud Veteres per varia sæcula vix semel audita in negotio Ordinationis, utramque jam paginam implet Novatoribus. Aliquando enim Dona interna significat, *Vocatio*: Aliquando suffragium plebeculæ deligentis: Aliquando patens iter ad summam Rerum Ecclesiasticarum scelestissimis licet successibus occupandam, tenendamque, Præfectis utriusque Juris proscriptis & impiissime Profligatis: quo sensu piget admodum, dispudetque Virum Clariss. D. Blondellum nostros Schismaticos fraterno affectu sic compellasse; *Universis Dei Opt. M. servis, Occidente toto Maximè vero per Britannias ad Christiani Populi Ecclesiasticum & Politicum Regimen vocatis, D. Blondellus, &c.* Jam ergo, interprete Viro Doctissimo, liquido didicimus quid Classicæ Theologiæ Doctoribus sit *Vocari ad Ecclesiasticum Regimen*: nim. per seditionem, per schisma, per cædes,

per

Blondel. Dedicatione ante Apologiam

per ruinas, per incendia, per latrocinia ad summam rerum sive Ecclesiasticarum sive Politicarum conscendere, & posse imperare. Aliquando porro Electionem, Aliquando Missionem ad Muneris defunctionem: Aliquando ipsam facultatem (ex suppositis Presbyteralibus) traditam, impositione manuum Coetuum: quæ tamen nulla fuit ipsi Calvino Gregis magno duci; quod sic colligo ex historia quam vitæ ejus scripsit Beza.

*Id. in Vita  
Calvini, initio*

Memorat Beza ut Pater ejus Gerardus Calvinus ab Episcopo Noviodunensi, filio suo adhuc sub Pontificiis merenti, Beneficium impetrârat, utque Joannes prius quam Gallia excederet, nullis alioquin ordinibus Pontificiis initiatus, aliquot ad populum conciones haberet; & ut hoc consilium utriusque animus mutatus interruptit, quod Jurisprudentiæ operam daret: Post, quo pacto descivit à Romana superstitione, narrat: Quando autem, à Quibus, aut Ubi in Clerum cooptatus esset, ne levissima sit mentio, vel ante, vel post ejus secessionem; nisi hoc fortè sit Legitimè ordinari, suffragio simplici, non probatis solenniter moribus, non Precibus solennibus (quas accepimus) præeuntibus; non denique impositione manuum; Ministrorum suæ partis & Magistratûs Civilis Genevensis Concionatorem Suffragio eligi. Accedit his, quod Beza, ubi Calumnias Papistarum depelleret (scil. nullum esse legitimum Ministerium apud Reformatos) ostendit quidem (quod verum est) Wicklessium, Hussium, Lutherum, Bucerum, Oecolampadium, & alios insignes Instauratores Religionis, sacris ordinibus ab ipsa Romana Ecclesia instructos fuisse; de propriâ autem, vel Calvini ordinatione, sive à Pontificiis, sive Reformatis, altum penitus silentium: nisi id sit, quod modo è Beza retulimus, ordinari, fori suffragio, & calculis, Ministrum, seu Con-

*Id. de Notis  
Ecclesiæ.*



Beza Vita  
Calvini.

Knox *his* Hi-  
story of Scot-  
land, pag. 75.  
lib. 1.

cionatorem acceptari. Et quemadmodum in picturis fit, ut Archetypum ex Antitypo satis perfectè innotescere nobis solet, & (quod aiunt) Varia Vibiam sequatur; ita, si aliæ defuissent Inordinationis Calvinii probationes, ex Vocatione Johannis Knoxii in Scotia, qualis illa Calvinii fuit probabili augurio conjicere quisque possit. Scribit Beza Farellum, virum Spiritu quodam Heroico afflatum (*parum hoc, dixisset proculdubio Divino*) multis Calvinum verbis frustra obtestatum ut secum potius Genevæ laboraret, quam longius excurreret, nec ei facile Calvinum assensum fuisse; &, *At ego* (dixisse) *studia tua pertexenti denuncio Omnipotentis Dei nomine futurum, ut nisi in opus istud Domini nobiscum incumbas, tibi non tam Christum quam teipsum quarenti, Dominus maledicat: hac terribili denunciatione territus Calvinus sese Magistratus voluntati permisit.* Habes jam Calvinii ordinationem, ex Beza. Accipe ex ipso Knoxio Patriarcha potius quam Pastore Scotiæ, qualis ipsi fuit: *Joannes Rough Prædicator* (verbum fere de verbo Anglicè scripta à Knoxio in Historia Reformationis Scoticæ, in idioma Latinum verto) *verba Johanni Knoxio direxit, dicens, Frater, ne succenseas, si tibi id quod in mandatis habeo ab omnibus his præsentibus, dicam, nim. In nomine Dei & filii ejus: Jesu Christi, in nomine omnium qui impræsentiarum te ore meo vocant, obtestor ne hanc sanctam Vocationem recuses, verum—— ut suscipias publicum munus & Officium Prædicandi, si gravem Dei irascentiam declinare velis, & cupias multiplicari beneficia ejus in te, &c.* Hi scil. Sacri ritus erant ad Calvinii Magistri exemplar, mentemque, quibus Discipulus Knoxius vocatus est. Ne enim fortè putes altiore fonte aut solenniore ritu Evangelicum factum Præconem fuisse, & Tubam Reformationis, in Margine nota hæc verbis prædictis adjecta reperitur, à viro certè amantissimo;  
*Prima*

*Prima de nomine Vocatio Joannis-Knoxii.* Secundam autem nusquam reperi: puritate scilicet & simplicitate omnia Sacra transigenda judicant, nunquam satis Conscientiis suis caventes ne visco superstitionis Romanæ irretiantur & polluantur, nisi rem ipsam cum modo depravato prorsus abjiciant, ut si quis Domum à peste purgatissimam reddat, sanos infectis, valentes ægris, & denique vivos mortuis unâ eâdemque fossâ sepeliendo.

*The first Vocation by name of John Knox. Ibid.*

Quid ni ergo sit plusquam Papalis arrogantiaë binos hos Ministros Encyclicis suis Epistolis quacunque pateret Reformatio, & ultra, Ecclesiam Dei sollicitare, quod invitis Præpositis & Legitima autoritate non erubuerunt facere, maximamque invidiam nobis constare? Enimverò hos minimè dilutum istud effugium juvabit, Presbyterum & Episcopum reipsa idem esse, & solo dividi nomine, nisi prius ipsos à veris Presbyteris manuum impositionem accepisse, monstratur; quod nequeat fieri. Verum de ipsa hac Thesi pauca hîc differamus.

Scripserunt Schismatici Tractatum, aliquot jam annis effluxis, quem nuncuparunt Smectymnum: Postea etiam, mortuo opinor illo, addiderunt Alterum, Smectymnum Redivivum, priorem istum enectum & putrescentem ab Inferis revocantem: hisque tertio accessit ejusdem farinae Libellus, cui ex Gravissimo viro Francisco Masono surreptum titulum adjunxerunt, *Jus Divinum Ministeriis Anglicani*, omnes Anglicano idiomate: In hoc ultimo quoniam extremos exeruisse videantur conatus, pauca summatim excutere visum. Ad tria autem Capita reducuntur omnia in illo comprehensa. Primò, contra Fratres Gregales & Synschismaticos docent, Fas non esse cuivis sacrum sibi Ministerium arripere, sed Vocari oportere. Secundò, Seipos Legitimè fuisse Vocatos,

etiam ab Episcopis Superstitiosis & Antichristianis Ecclesiæ Anglicanæ ordinatos. Tertiò demum, Legitimè omnes vocatos seu ordinatos, quibus pro more Synedrii sui Presbyterorum solorum manus fuerunt impositæ. De Prioribus duobus nihil impræsentiarum mihi statutum est dicere, De tertiò autem, pauca.

Argutuli enim Sophistæ hi primum protritissimo illo argumento thesim confirmare nituntur ab Homonymia sumpto vocum *Episcopus* & *Presbyter*: quæ cum in eundem cadant ex lege loquendi Scripturæ Divinæ, idem per omnia officium describere censentur. Imo (quod equidem laudet quis ab iis heroicè saltem tentatum) vix ab ipsis Apostolis distingui hodiernos Presbyteros eadem operâ probent. Apostolus enim Joannes se Presbyterum appellat. Petrus Compresbyteri meminit: fuerunt ergo certe Presbyteri, Atqui & Ipsi Presbyteri sunt, ergo, &c. Quis itaque Episcopos, qui minoris sunt ordinis, esse eos negat? Fateor tamen modestissimos homines nihil inibi amplius in conclusionem petere, quam se Successores Apostolis Ecclesiæ dari: quod tamen suo Hieronymo (uti suspicantur) in mentem nunquam venit.

Fortassis tamen si nostri Presbyteriani summum Apostolicæ dignitatis apicem (quod dolendum est) non attigerint, honestissimo Evangelistarum loco consistant, quem Episcopi nondum occupare meruerunt. Hinc fit ut Timotheum Titumque, quos Literæ Sacræ, Veterum monumenta, Traditio perpetua Episcopos fuisse confirmant proprie dictos, illi modestissimi negent; & vice *Episcopi* Evangelistæ vocem substituendam prædicant; nescii tamen, Qui, Qualésve fuerunt isti Evangelistæ; solum blandiente causa propriâ; ut bellissimi Pictores, sui similes pingunt. Nullam autem vidimus rationem redditam,

quo

<sup>2</sup> Joan. 1.

<sup>3</sup> Joan. 1.

<sup>1</sup> Pet. 5. 5.

quò minus, qui heri Evangelista erat, hodie Episcopus non sit; qui alibi Evangelista, hic Episcopus, qui nulli Civitati aut Provinciæ nuper adstrictus, novo Apostolorum Ecclesiæ Præsidium Consilio & jussu fixam & definitam Sedem non teneret. Fateor enim me aliàs ignarum à Magistris novis libenter velle edoceri, inter illos, non diversos Ordines, sed modos Ministerii Evangelici, magis propriam & genuinam differentiam; nisi forte quidam immediatâ Christi voce cooptarentur. Qui tamen, utrum iidem fuerint qui cum Apostolis post Christi ascensum, operam in Evangelio navârunt, historiarum fides laboret; quæ si certa constansque fuerat, non eos ab Apostolorum potestate eximeret, quin ad certa Officia & loca determinari possint: hos autem nos Episcopos vocitamus. Blondellum verò nullo autore, nulla ratione, nulla Scripturarum litera errasse non dubitemus, qui *Manifestissimum* scribit *aquo tunc* (scil. cum mandarentur à Christo) *septuaginta Discipulos, cum duodecim primis, jure ac conditione fuisse*: Quod vero dicit, eodem fuisse statu Evangelistas & Septuaginta illos, probabiliter conjicit. Sed hoc argumento Apostolis ipsis adimit jus supra Evangelistas, contra Scripturas quæ affirmant à Christo ipso distincta Vocatione accersitos, & præditos Apostolos eâ potestate, quam Evangelistæ, nisi ab ipsis, nunquam acceperunt, post Resurrectionem: quandoquidem Discipulorum, Septuaginta autem nulla, mentio reperitur. Rectissime ergo proculdubio (frustra reclamante Blondello) Bellarminus asserit, Septuaginta nullam à Christo suscepisse Jurisdictionem, aut Ordinem, eoque ipso Bedæ sententiam facessere jubet. Licet enim (quod ex Seravia notat Blondellus) ita Apostolis Evangelistæ essent inferiores, ut nemo eis æquandus (hodie) sit: licet, quod Beæ placet, Secundarii Apostoli dici possint,

Blondel.  
Apolog. Sect.  
3. pag. 109.

Marc. 3. v. 14.  
Luc. 6. 13.

possint; tum propter immediatam vocationem Christi, tum propter Donum miraculorum quibus præpolluerunt, Jurisdictione tamen non dubitamus superatos fuisse à Patribus & Pastoribus Ecclesiæ sequentibus, nisi eos excipiamus, quibus cura specialis Regendi, potestati docendi Ecclesiam accessit.

Blondell. A-  
polog. pag.  
114.

Nullò ergo negotio Blondelli pro paritate refelluntur conjecturæ, viz. 1. Nunquam enim Apostolica potestate simpliciter donati sunt, eo quod Apostolis singularem illum actum Evangelium annunciandi exercuerunt: hoc enim & Diaconis competisse nemo negaverit: quos tamen nemo propterea Apostolos dixerit. 2. Negatur quoque detrusos post Christi institutionem ab Apostolis, in alium ordinem, pari Sacrilegio quo Antiqui indignabantur Episcopos reduci in Classẽ Presbyterorum: Nam & Christo vivo, septuaginta Apostolis inferiores, & qui locum eorum post Christum tenuerunt Evangelistæ. Quidni ergo horum successores Presbyteri, illorum successoribus pariter subsint? Hinc tertia probatio Blondelli frustra tentata apparet, viz. *Ejusdem Collegii fuisse Apostolos & Evangelistas*, nisi sensu novo & valde ambiguo. Ejusdem enim cœtus cum Apostolis fuisse non negemus; ejusdem autem fuisse ordinis in Cœtu, semper negatum fuit. Sed mirum est quam miserè & pueriliter sanè ludunt Theologi Genevenses disputantes de Ordinibus Ecclesiasticis, in vocibus istis *Vocatio, Minister, Pastor, Collegium*. Sed quoniam in hoc campo devagari longius nunc minimè decet, reversus unde aberrabam, quæro: Quæ regio in terris, Quæ sæcula, Quis doctor, Quæ specimina ostendunt Ecclesiam, vel unicam saltem post mille fere quingentos annos hæc Presbyterali formâ constitutam? Respondent illico: Hieronymus disertè affirmat Episcoporum & Presbyterorum sub ipso crepusculo

pusculo Evangelii idem fuisse nomen & officium. Adeone in omnibus? Dempta Ordinatione. Hoc equidem non minimum est: imo satis ad proterendas vires omnes Litigiosorum Schismaticorum. Verum si Fidem Michaeli Medinæ (cui hîc Puritani maximam accommodant) adhibere fas sit, Chrysostomus, Ambrosius, Theophylactus magna comitante Veterum Catervâ, ita verba Paulina, uti Hieronymus, explicârunt. Illo autem Michaeli, si Antonium de Dominis audias, nihil indoctius in hac causa: qui more Scholasticorum extra suum *Probo quod sit, & Videtur quod non* temerè egressus ad historiam & retrufiores Ecclesiæ antiquitates, Piscis in Arido sit, & frustra se fatigat. Viderunt profectò Antiqui communiter utrique ordini nomen inditum fuisse. Viderunt Apostolos Episcopos, Presbyteros Diaconos nuncupari, Officia verò nullo discrimine habenda, soli Lusci viderunt, & Sectarii.

Vide Schol. Græc. Titi ca. 1. v. 7. Theodoret. Oecumenium in Locum. Irænei Epistolam apud Eusebium, l. 5. c. 25. August. Epist. 78.

Instat tamen Antonius Sadael, Smeetymnus, Hinderfonus, Juris Divini Ministerii autores, denique fere ad unum omnes instant: Non solum de nomine, sed de re quoque ipsa agi ab Apostolo. Monet enim ut sint sine crimine, viri unius uxoris, sine Luxuria, & denique omnifariâ virtute exculi. Hoc-cine autem (aiunt) est de oculis solummodo laborare? Quibus è contra ego respondens peto, Hoc-cine non sit Lectoris expectationem deludere, transire & concludere à virtutum seu Gratiarum naturâ ad Munera ipsa & ordines? Oportet sanè Episcopum sobrium, castum, abstemium, & purum esse à sæculo: Oportet etiam Presbyterum, oportet Fæminas quoque, ergo Fæminæ sunt Episcopi, ex mente Sancti Pauli ad Titum scribentis, vel potius ex mente Apostoli, Episcopi non sunt Presbyteri.

Sadael. ibid. Blondellus Apolog.

Titi Ep. 1. 3.



Walo Mefal-  
linus de Pres-  
byr. & Episc.  
89. & 90 pag.

Larvatus quidem Salmasius nonnihil præter solitum, nodum hunc stringit, ex reciprocatione enim vocum eidem personæ tributarum, diversos non fuisse contendit Episcopum & Presbyterum, apud Sanctum Paulum, Qui enim Episcopus, idem Presbyter audit: & qui modo Presbyter dicitur, idem quoque mox Episcopus appellatur. Inter Diaconos autem & Episcopos, item inter Diaconos & Presbyteros, hæc, inquit, Ἀντιεπισκοπὴ non reperitur, qui autem Diaconus fuit Episcopus aut Presbyter non dicebatur. Vehementer autem hîc fallitur, fallique nos cupit Salmasius. Qui enim Diaconus dicebatur, Episcopus, seu Apostolus dicebatur, non minus quam vice versâ, cûm impossibile plane sit, ut Episcopus sit Diaconus, & is Diaconus non sit Episcopus; quo ritu loquendi Presbyter & Episcopus termini sunt convertibiles, Si, (juxta Dialecticos) Aliquis Episcopus est Diaconus, Aliquis Diaconus est Episcopus.

Antonius Sadael de Legitima Vocatione Mistrorum.

Titi l. c.  
Item Blandellus Apolog. pag. 3.  
Idem pag. 182.

Fortius adhuc D. Sadael, (ubi supra) urget: *illa* (dicens) *ad Officia spectant, "Hujus rei gratia reliqui te Creta ut ea qua desunt corrigas, & constituas per Civitates Presbyteros, sicut ego disposui tibi. Quis autem nescit plures in una urbe Episcopos non esse debere?"* Fuerunt ergo illi Presbyteri, iidemque apud Apostolos fuerunt Episcopi & Presbyteri. Quid autem hoc probat? Fuisse fortasse iis temporibus Presbyteros. Ergone erit consequens non fuisse Episcopos propriè dictos? Verùm multò sensui Apostolico magis est consentaneum, Presbyteros propriè dictos non fuisse hos dictos Episcopos; sed totius Civitatis Patres. At plures in eadem civitate vetitum est Episcopos esse. Quo autem, quæro, Jure? Num Divino, seu Apostolico? Nequaquam, sed purè Ecclesiastico, eoque non semper servato. Cyrillus enim Hierosolymitanus & Epiphanius tradunt Petrum & Paulum eodem tempore Eccle-

Cyrrill. Hier.  
Catech. 6.  
Epiphani. li. i.  
Hæres. 17.

Ecclesiam Romanam virgâ Pastorali direxisse, Illum putâ cœtum Gentilium, Hunc autem Judæorum Fidelium. Augustinus quoque (teste Paulino) ad majorem Dominici muneris gratiam novo modo est proventus, ut non succederet in Cathedra, sed accederet Episcopo Hipponensis Ecclesiæ Valerio. Memorat itidem Beda, ut Augustino adhuc viventi, Laurentius Cantuariensis Episcopus crearetur; additque, *Exemplum sequebatur Primi Pastoris Ecclesiæ: h. e. beatissimi Petri Apostolorum Principis, qui fundatâ Romæ Ecclesiâ Christi Clementem sibi adiutorem Evangelizandi simul & Successorem consecrasset perhibetur.*

Paulinus  
Epist. 56. ap.  
Augustinum.

Beda Lib. 2.  
cap. 5. Ecclesiæ  
Histor.

Hieronymum quod attinet, qui eundem Episcopum & Presbyterum fuisse asserit, priusquam Diaboli instinctu nascerentur in Ecclesia diffidia & Schismata, dicereturque, *Ego sum Pauli, Ego Apollos, Ego Cepha, Ego Christi*, post tot doctissimas dicti interpretationes istius, superfluum fere esset multis agere. Dixit quidem Instinctu Diaboli orta Schismata, non distinctionem Ordinum Presbyteratus & Episcopatus factam, sed potius Digito Dei in remedium discordiarum introductam, eodem puta tempore, quo primum suppullularunt ista Schismata: Apostolis scilicet vivis & inspectantibus, & Ecclesiæ ædificationi & paci hoc modo consulentibus.

Quis enim D. Blondelli periodum orti hujus Schismatis, (de quo Paulus, & Hieronymus agunt) definitam ad annum Dom. 140. tulerit, nulla ratione, autoritate nulla probatam, nisi pondere suæ opinionis, & nominis Claritudine; Quid sit ipsi, *Vix idoneè probari*, planè nescimus, si Paulina diserta verba, Schisma atrox inter Corinthios natum, quo tempore ipse Epistolam mitteret ad eos, si Hieronymi non minus expressa verba de primis temporibus istis, non mero cortice (quod queritur Blondellus) sed sensu

D. Blondellus  
Apolog. pa. 3.

nativo accepta, si denique perpetua universarum Ecclesiarum praxis idoneam non ministret probationem communis sententiæ. Quæ si penitus deesset, Jus tantq̃ fidelium consensu, tanto temporis fluxu conquisitum confirmatumque, merito nos à sollicitudine figendæ probandæque Disciplinæ Catholicæ liberet; & postulet ut heri aut nudiustertius conceptam opinionem, idoneè ipsi probent: neque hæreant; neque ultima, primis; sacra, prophanis; humana, divinis; Calvinive, Christi Legibus commiscerent, quia Idonea desint argumenta antiquissimis traditionibus demonstrandis; ipsis interea temporis omni suorum dogmatum probatione planè destitutis.

Fuerunt fortasse primis omnium temporibus nulli simplices Presbyteri: sed quod optimè tradit Epiphanius, numerus Credentium quum esset exiguus, in qualibet Civitate, facile unus Episcopus cum Diacono suo totum Religionis munus absolveret; atque hinc contigisse, Apostolum scribentem ad Philippenses, Episcoporum & Diaconorum meminisse solummodo; nisi fortè rectius Ambrosius mentem Apostoli explicet (ille inquam Ambrosius qui sæpius laudatur à Schismaticis contra Episcopos, & pro Laico-Presbyteris) qui Episcopos illos & Diaconos non esse illos ad quos Epistolam dat Sanctus Paulus; sed eos, qui tum Romæ ipsi vincto adessent, salutarentque cum Timotheo Philippenses: ac si verba ejus hoc ordine legerentur, Παῦλος καὶ Τιμόθεος ἀπὸς οὐ  
οὐ ἐπαφροδίτου καὶ διακόνου, πρὸς τοὺς ἁγίους ἐκ χερσὶ i. e. Paulus & Timotheus cum Episcopis & Diaconis, omnibus sanctis, &c. Nec desunt probabiles admodum conjecturæ hunc sensum confirmantes. Una sit: Quòd Epaphroditus qui, teste Theodoro, Episcopus tunc temporis constituebatur Philippensium, Romæ cum ipso Paulo erat, nuperque ab Ecclesia Philippensi munera

Phil. v. r.

Ambros. in  
Philipp. i. v. r.

Theodor.  
Præfat. in  
Epist. ad Phi-  
lip.

munera Apostolo attulerat; ergo vix credi possit ipsum velle salutare Episcopum, quem presentem habuit: Dein, Si ista salutatione compellasset Episcopos & Diaconos Philippis, inverso ordine primum hos, quam omnes Sanctos, salutarer.

Quid verò fiat dictæ argutiæ, si plures Episcopos vel Presbyteros constitui in eâdem urbe, hic nullo modo præceptum sit ab Apostolo? Κατὰ μέτρον enim, Oppidatim, non exigit sensum istum, ac si qualibet in urbiculâ plures Episcopi fuissent, sed in singulis seu pluribus Civitatibus, multi. *Diaconi* (inquit idem Apostolus) *sint unius uxoris viri*. Ecqui præter impuros & insignes Nugatores hinc concluderent plures Diaconos unius uxoris maritos oportere esse ex sententia Pauli? certè scholion idem utrique textui præclare admodum deserviat. Testatur insuper ipse Hieronymus in Matthæum, Apostolos per singulas Provincias Presbyteros & Episcopos ordinasse: & Adversus Luciferianos, Ecclesiam non esse quæ non habet Sacerdotes. Quod paulò aliter Clemens Alexandrinus asserit, Ἄλλο δὲ πλῆθος ἐν τῇ οἰκίᾳ: Quæ penitus Bezæ definitionem destruunt, Ecclesiæ, ad quam solum postulat, ut Jesum Christum agnoscant Servatorem; imperitè valde, & insulsè. Parilis omnino loquendi formula Scripturis usitata, argutulos sciolosque hos ridendos magis quam credendos monstrat. Nam in ista populi Israelitici Ordinatione (de qua Deuteronomio Legimus) *Tulique* (inquit Moses) *de tribubus vestris viros, &c.* Quis tam vecors est ut existimet plures Decuriones Decadi uni, plures Centuriones uni Centuriæ, vel Pentecontadi uni, plures Quinquagenarios.

Huic argumento à testibus, solent adjungere aliud à ratione petitum. Aiunt enim Authores *Juris Divini*, &c. cum aliis innumeris, Presbyterum posse

1 Timoth. 3.  
12.

Hieronym.  
Com. in Mat.  
cap. 25. v. 26.

Id. Advers.  
Luciferian.  
cap. 8.

Clem. Alex.  
Pseudo 7. c. d.

Deut. 1. 14.  
Vid. Seld.  
Syned. 1. c. 152.

ordinate Presbyterum, ideoque nihil sibi proprium vendicare debere Episcopum supra Presbyterum. Sic scilicet soliti sunt disputare, ut aliquando statuunt Presbyterum penes esse ordinare Presbyterum, quia revera idem est Presbyter qui Episcopus: Aliquando autem è contra, Presbyterum nulla Ecclesiastica facultate ab Episcopo secerni, quia ipsi etiam non minus competit quam huic ordinare alium: Nec desiderantur verba Scripturæ quibus vertiginem suam orient. S. Paulus enim ad Timotheum hæc utitur hortatione, *Noli negligere gratiam quæ in te est, quæ data est tibi per Prophetiam, cum impositione manuum Presbyterii.* Hem, inquit, Presbyterium. Presbyterium autem quid aliud sit nisi plurium Presbyterorum confessus? A Presbyteris ergo Timotheus est consecratus: Sic illi. Et tamen omnium ignorant, utrum ipse Ordo Presbyteratus, an Senatus Presbyteralis eâ voce denotetur. Beza quidem adversus Seraviam (quem hac in causa Presbyterizantes nostri sequi malent) rem ipsam clamare scribit, Synedrium ipsum innui Presbyterorum. Magnus autem Calvinus priorem sensum germanum existimat. In Institutionibus enim Paulina verba illa manifesta trutinans, quibus nihil luculentius patet quam Pauli solius Chirotoniâ Timotheum fuisse Ordinatam, viz. "Propter quam causam admoneo te ut resuscites gratiam Dei quæ in te est, per Impositionem manuum *mearum*, subjungit, *Quod in altera Epistola de impositione manuum dicitur Presbyterii, non ita accipio quasi Paulus de Seniorum Collegio loquatur, sed hoc nomine, ordinationem ipsam intelligo, quasi, &c.* Sic ibi. In ipsum autem textum ancipite videtur fluctuare sententiâ: Veritatem scilicet prorsus obtegere non potuit, quam tamen non leviter Machinæ suæ adversari satis perspexit. Hæc quum primum Sacrorum glossemata textuum apud ipsum

1 Tim. 4. 14.

Beza Advers.  
Serav. ca. 12.

2 Timo. 1. 6.

Calvin Institur. lib. 4.  
cap. 3.

Id. in locum  
Timothei.

ipsum Authorem legerem, non attendi Locum in *Institutionibus*, posteriorum Cogitationum ejus fuisse prolem: post autem utriusque Scholii memorem, Seldenum id observasse vidi: & insuper fusè doctèque disputasse in confirmationem hujus sententiæ, quem prætereo, aliis suo arbitrio consulendum.

Seldenus de  
Synodis,  
lib. 1. cap. 14.  
pag. 581.

Et Clarissimus Apologista, qui (ne quicquam ignorasse videatur, quod ad thesim suam ornandam faciat, quocunque sit illud modo) solet non rarò doctrinà suà fere invitus causam suam subvertere, ubi pro Hieronymiana opinione (uti amat loqui) ex formulis Antiquis disputat, & præsertim ex voce hac *presbyter*; probat ex Clemente Alexandrino, Origene, Cypriano, Synodo Ancyrana, aliisque viris inter Priscos spectatissimis, iis sæculis, vel pro Concione Episcopicum suis Presbyteris, vel pro plurium Episcoporum in concilio collectorum coetu usurpatam fuisse olim: quod verò unice viro Docto incumbibat, nim. sumi aliquando ab antiquis pro simplicium Presbyterorum distincto confessu, ne tentarum, ne in animum semel venisse videatur. Cui autem proclive non sit ingentia volumina condere, innumeros testes citare in causam conclamantissimam, si nulla cura, delectus nullus eorum quæ pro, vel contra faciant thesim suam, adhibeatur, quod creberrimè Blondello accidit; Ne verò statim defereret causam, argumentave, quæstione nova petit. *Si jure divino depreßis Presbyteris supereminebat Episcopus, Quà factum est, ut à subditorum turba, (tanquam à turba quodam corpore) nomen sacer quisque confessus sortiretur? Debu- erat sanè non à Presbyteris àppellari, Presbyterium, sed à Capite Presidente Episcopium dici.* Hallucinatio gravis, multiplexque. Quod enim supponitur falsum est: scil. à Presbyteris Presbyterium appellari, iis scil. quales Posteriora secula tulerunt, simplicibus, & Episco-

Ibid.



Episcopali dignitati contradistinctis: sed ab ipsis Episcopis vox illa est ducta, qui nomen illud primò præoccupârunt (ut notum est) & postea consertibus aliqua ex parte functionis Ecclesiasticæ transtulerunt. Neque enim Episcopi à turba illa, quam intelligit Blondellus, nuncupati sunt Presbyteri, sed turba illa Clericorum ab Episcopis mutuata illud est. Ratio ergo Quare non *Episcopium* (si fas sit ita uni Blondello loqui) dictus esset ille confessus seu Senatus, sed *Presbyterium*, inde proculdubio est, unde Concilium Romanorum *Senatus*, non à fæce Vulgi, (quòd plures essent ibi Senes) sed à conditionibus Senatorum, qui & ipsi Senes essent, nomen sumpsit. Nam non tantum Apostolici Pastores Patresque Ecclesiæ, sed ipsi quoque Apostoli Presbyteri nuncupabantur.

Liceat autem mihi, pervelim, à novis his doctoribus percontari, An vel minimum usquam vestigium, vel volam, per universam reperierint Antiquitatem, unde modestè quis conjiciat, Inferioris Ordinis Quempiam potuisse in Superiorem aliquem promoveri: nim. Presbyteros Episcopum, vel (ut amant altercari) Evangelistam creare? Quo jure ergo Presbyteri Timotheum ordinasse dicantur? Ad hæc, si sponte largiamur, quod nulla necessitas exigit, quòd à Presbyterio ipso Timotheus præponeretur Ecclesiæ Ephesinæ, Episcopi seu Præsidis istius concilii nullo modo labefactaretur Potestas. Nam quod sua sola autoritate statuerit Princeps, Concilii ejus secum trahit pondus: & quod Episcopus solus fecerit, toti Cleri confessui non infrequenter deputatur. Porro, per suppositionem gratuitam, detur, quod nulla vi aut arte evincere queant, Presbyteros olim æquales omnimodo fuisse Episcopis, & integram sortitos fuisse potestatem Clavium quam possident Episcopi, secundum institutionem Christi, vel Apostolorum;

stolorum; Itane fuerunt variæ istæ Clavium potestates conjunctæ, ut nulla arte dividi invicem possint? Nonne in muneris partem Sacerdotalis admitti quis possit: ita ut ei jure sit concessa facultas Prædicandi, non autem Consecrandi Eucharistiam? vel Prædicandi & Consecrandi, non tamen Vocandi alios ad Ministerium? Quidni & sacris accidat quod in Civilibus nulla non die cernitur? Dux enim Ducem, & Proconsul Proconsulem non potest creare: Quare impossibile ergo sit ut talis creetur Presbyter, qui nulla sit potestate Legitima præditus alterum ordinandi, quamvis ab initio non fuit sic? quomodo nec Diacono fas jusve inest ordinandi Diaconum. Simpliciter inseparabilia munera ministrandi, & creandi Ministrum, quâ ratione rectâ asseri possit, minimè possit constare. Fortassis dicetur in gratiam Presbyterorum, A Christo ipso utrumque concessum Presbytero, & proinde non debere divelli. At jam non de Jure, sed de Facto laboratur: An fieri simpliciter, non, An rectè fieri posset. Reipsâ negatam prorsus Presbyteris istam facultatem clarissimè demonstretur, tam ex formâ Chirotoniæ in Ecclesiâ per longissimam Annorum seriem receptæ, quæ nihil hujusmodi in se complectitur, quàm ex Intentione Ordinantium quæ nulla unquam fuit Presbyteros Episcopalis istius muneris consortes facere. Nec quicquam hîc proderit dixisse, sacrilegè hoc gestum ab Episcopo, quod quæ Christus conjunxit, dividit: Sive enim jure, sive injuria, istâ sit spoliatus quis potestate, eo ipso impar omnino redditur tam celso effectui: & si externè quid ritu Ordinantium tentaverit, nullus alius inde consequitur effectus præter labem suâ temeritate contractam & noxam Profanationis Sacrorum Rituum.

Vidit hoc infaustus Salmasius, & ubi animus &  
P p scopus

scopus essent omnia perdere & confundere antiquioris Hierarchiæ, Novam Anierarchiam Puritanorum, tendens arcum in incertum & sagittam dirigens, caesa percuit inter Pulmonem & Stomachum: his verbis, *Episcopus ordinabat Presbyterum, & Presbyter Episcopum.* [Hæc fatemur, quantum valet viri nuda assertio mercede Puritanorum ad scribendum conducti, contra nos. Quantum vero Pugilis amici vulnus contra suos, frequentia valere arbitramur, viz.] *Ubi distinguuntur Ordines & gradus capti sunt, atque Episcopus major existit Presbytero, tum Ordinatio non potuit utriusque esse communis. — Non potuit minor Ordinare majorem.* Si verò præter Christi & Apostoli mentem, dispositione Ecclesiastica ordines emerferunt distincti, ex indistinctis, adeo ut intrinsecum istud jus Presbyteris auferretur, nullumque postea fieret: An non & pares nunc ordinandi eadem operâ, (vel si malint Tyrannide) iis penitus interdicat, Episcoporum, ut actu omnino ea spolientur, Potestas? Nemo enim ordinationis expers potuit olim quempiam ordinare. Presbyter, inquit Walo iste Massalinus, dum pari ordine esset cum Episcopo potuit ordinare. Sed posterioribus sæculis, fatente ipso, longo intervallo ordines isti sunt manentque adhuc determinati; & propterea ista facultas Ordinandi indivisa utrique non potuit communicari. Unde ergo potestatem illam nuper emendicarunt Presbyteri?

Jus Divinum  
Minist. Anglicani.

Ad illud verò argumentum quod Papistis dextrâs injungentes Puritani addunt, paucis respondendum: *Non est, inquiunt, Altius quid in Sacris quàm predicare Evangelium & Eucharistiam consecrare. E. Altior non est gradus Episcopalis Presbyterati, ad quàm ista non minus quàm ad illum spectant.* Qui autem potest majus, h. e. Sacramentum Altaris celebrare, potest minus, h. e. Presbyterum ordinare. Difficile verò non erit hunc nodum

nodum diffuere dicendo, Valere istiusmodi illationem in rebus subordinatis seu ejusdem Generis, non in Coordinatis. Ordinare autem & Prædicare, & Elementa in Corpus Domini & Sanguinem consecrare, sunt omnino disparis generis; distinctisque jugiter actibus & formis communicari solita. Quemadmodum ergo potest, quod nobilius & altius scil. Ratiocinari, non tamen potest quod minus est, Volare; possit pariter Presbyter Eucharistiam peragere, non tamen proinde Presbyterum consecrare. Porro, Effectus dignitas non semper Causæ Præcellentiam arguit. Legitimi enim conjugii effectus qui est Liberi, natura sua multò est præstantior quàm Litibus forensibus finem imponere, ex officio. Non tamen hinc rectè concluditur celsioris ordinis illos actus esse, quam hos; siquidem illi propriè sunt Animales, hi Rationales. Neque sequitur penes quem illi sunt, hos quoque esse. In Sacramentis Eucharistiæ & Ordinis (ut cum vulgo loquamur) arbitror distinguendum sensum Mysticum à sensu Politico; seu actum Jurisdictionis ab actu Virtutis. Sensu Mystico celsius est Consecrare Eucharistiam, quam Presbyterum, Politico autem, non item: diversi ergo cum sint generis pessimè & Sophisticè inter se conferuntur, contra Leges Dialecticæ, & sanæ Theologiæ.

Et ipsi sane Pontificii haud aliter rationem hanc solvunt factam pro potestate Laicorum consecrandi Eucharistiam. Nam communicare, seu participem fieri Corporis Christi, multo est dignius quam consecrare: Cum ergo *Laicis*, quod majus est, concessum est communicare, iis jure competit quod minus est, consecrare. Respondet Biel ex Alexandro Alensi,

*Et si communicatio sacra sit major in effectu Sanctitatis & Gratia quam confert dignè suscipienti; Consecratio tamen est major in excellentia sive autoritate potestatis: unde magnitudo hæc*

Biel Lect. c.  
In Can. Missæ

*& illa non sunt ejusdem generis, & ita nec magis nec minus. Et propter hoc non sequitur, quod qui potest in hoc quod majus est, potest etiam in illud quod minus est: sicut lucere excellentius est quam calefacere, nec tamen quicquid potest lucere potest calefacere. Instantia est de Luna. Hæc Biel. De mobili, obscura & sacrilega in hac controversia Ecclesiæ Romanæ sententia, quid pluribus agam, qui omnia paucis absolvenda mihi decrevi? Rectè sanè & diligenter D. Blondellus ambiguas voces oraculi istius collegit, notavitque: inter quas Jacobus Lainezius Generalis Jesuitarum, Cedro dignâ distinctione cellulis Collegiatis cusâ, multo labore & arte toti orbi inclarescere meruit: & hoc modo litem diremit, subtilius, an stultius penes alios sit judicium. Definit vero *Episcopos Ordinatione divina esse, non Jure divino*. O egregium hominum post Phantomaticos nostros illuminatissimorum acumen! O potius versatile & insidiosissimum ingenium, qui eò imprimis animos attendunt, ut affirmandi & negandi, elabendi & defendendi quæstiones arduas, pro tempore fortunaque faventibus aut novercantibus.*

Ad argumentum ergò à Chorepiscopis sumptum proximè transeamus. Hi, inquit, Presbyteri quum essent, Presbyteros sacris ordinibus insigniisse leguntur. Sed multiplici hîc errore falluntur. Primo, quòd supponunt omnes Chorepiscopos Presbyteros fuisse, & præterea nihil. Arbitratu enim Episcopi Civitatis primæ delecti, & in partem sollicitudinis suæ & Jurisdictionis assumpti, ampliorem vel exiliorem potestatem accipiebant. Et nonnullis facultas ab Episcopo ordinationis est indulta, aliis negata. Rectè enim in Epistola Damasi nomine gaudente dicitur, Ordinem istum non habere auctoritatem in Divinis Literis. Et Canone 54 Concilii Nicæni.

Epist. 7. Damasi.

Concil. 7. Nicæni.

cæni præcipitur, (juxta Arabicum exemplar) ut super Chorepiscopo recitaretur oratio consueta, & ab Episcopo benedicantur, nominaque ei traderentur omnium Ecclesiarum & Monasteriorum, quæ curæ suæ concréderentur. Secundò, notandum, non rarò irrita facta esse ab Episcopo vero, quæ ab improprio hoc constituebantur. Tertiò, ne latius in hac quæstione sermo evagetur, placet huc adducere quæ nuper à Petro Marca sunt observata. “Hæc erit certissima regula, Chorepiscopatum esse Ministerium, cui Presbyteri & aliquando etiam Episcopi admoventur. Chorepiscopatus est Ministerium ad levandam Episcopi sollicitudinem. — Accidebat aliquando ut Chorepiscopatus conferretur ali- cui Episcopo vacanti, qui jam aliunde Episcopalem consecrationem accepisset. Distinctio patet ex “8. Canone Concil. Nicæni. — Hæc ille, quibus in lucem educuntur multa antiqua tenebris involuta, & diluuntur dubia Neotericorum.

Petrus de  
Marca de  
Concord. Sa-  
cerdot & Im-  
perii lib. 1.  
cap. 13. Sect.  
3. & 4.

Et clarè Quæstioni satisficit D. Blondelli qui post citatos Canones Nicæni 8; Chalcedonenſis Concilii 1. de Chorepiscopis, petit: “Si eandem cum Presbyteris, quibuscunque formam gestabant Chorepiscopi; imo nihil præter Presbyterium conſuebatur Chorepiscopatu donatus, quid necesse erat indistincta à se invicem distinguere? Sed Chorepiscopatum ab Episcopatu & Presbyterio utraque Synodus ſecernendum putavit, ut diverſos tum receptos gradus nemo miſceret, Episcopi nim. in ipſo velut apice conſtituti: Chorepiscopi inter Episcopum & Presbyterum medii; Presbyteri non modo Episcopo, ſed etiam Chorepiscopo minoris. Duo hic videntur Virum Doctiſſ. tenuiſſe perplexum, & in errorem traxiſſe: Primum quod crederet unius ſemper fuiſſe, ejuſque diſtincti Ordinis Chorepisco-

Blondel. A-  
polog. p. 122.



pum, ab Episcopo vel Presbytero: quum pro arbitrio Episcopi, nunc Episcopali Characterē nunc Presbyterali donati essent. Secundum, quod positū, quod essent medii inter Episcopum & Presbyterum, continuo diversi sint statūs ab utroque. Neque enim Archidiaconus aut Archipresbyter diversi sint ordinis, ab Episcopo & Presbytero, licet medio constant loco inter utrumque. Et revera ita cum Chorepiscopis fiebat, ut quandoque ipsam potestatem Ordinandi acceperint ab Episcopo, quandoque vero solo Presbyteratus ordine instructi acceperunt curandi aliquam partem Gregis, potestatem; negato jure & facultate Ordinandi: Nam si esset aliquis distinctus in Ecclesiā ordo, vel Gradus necessarius, antiquiorem ducerent Originem, quā quæ in monumentis Ecclesiæ extat, & nullis Ecclesiæ legibus damnatus excinderetur: & quod amplius esset, non minus in Occidentali quā Orientalibus Ecclesiis, viguisset. Sed contra evenit (quod doctè admodum ab ipso Blondello est observatum, nim.) *vix uspiam in Occidentis regionibus Chorepiscoporum usum aut mentionem extitisse*: utcunque idem alibi, nescio qua inconstantia, asseruit, *Gallicanas Ecclesias semper habuisse Chorepiscopos suos*.

Id. ibid.  
pag. 132.

Id. Prolegom.  
ad Pseudo-  
Isidorum,  
cap. 5. pag. 13.  
Blondellus  
Apolog. pro,  
&c. pag. 163.

Fortius adhuc nos constringere videntur Testimoniis tam Pontificiorum insignium, quā Theologorum nostræ Ecclesiæ, qui tam scriptis quā praxi asseruerunt Presbyteris potestatem Ordinativam; extremā saltem necessitate exigente. Quibus hactenus ego assentior, Licere scil. Fidelium cuivis gregi omni Legitimo Ministerio destituto, aliquem ex Laica conditione deligere in Evangelii annunciationem, & cohortationem ad mores pros. Ad Sacramenta autem tractanda, quī ausim ego similiter affirmare, quum Lutherus & Calvinus & Perkinsus disertè scribunt

scribunt irrita omnia esse Sacramenta quæ à Legitimo Ministro non peraguntur? ne Baptismo quidem excepto. Dari autem posse istiusmodi necessitatem, quæ à non Ministris fieri possint Ministri Legitimi, vel à Ministris absque Legitimâ potestate & ordinaria, creati, Ordinarique, nondum à Scripturis, aut traditione Ecclesiarum scrutamine diligentissimo investigare contigit. Quantæ autem extremæ necessitatis, quas deprædicant nonnulli, vires sint, utinam tandem pacato commentario explicent hi doctores. Annequid & saltem mihi videntur? affingant subtile statim potestatem extrema necessitate laborantibus, novam, & quæ nequaquam prius subesse, quàm necessitas accideret? Nihil equidem vanius excogitari possit. Qui ergo simpliciter abesse facultatem ordinandi Presbyterum, à Ministro docet; quo pacto ab urgente necessitate infundi assentiet? Necessitas enim non simpliciter nova instruit quempiam potestate, sed impedimenta externa tollit tantum: & illud Axioma, quo in hac causa sophistæ abutuntur, scilicet: *Quod fieri non debet factum valet*, nullum omnino locum habet, ubi de prima potentia dubitatur; &: *An effectus revera, vel fidei duntaxat sit*. Negato igitur tam Ministris consecrantibus potestatem inesse, quàm productum aliquem effectum, Quorsum vano strepitu aures nostras verberant prædicti Canonis, & *valide factum* contendunt, quod nos *ne factum* quidem esse affirmamus, nec isti demonstrant.

Hic ergo pulchrè & præclarè Blondellus fatetur, nec consensum Episcopi post factum, quidquam valere, Si Presbyteri nihil ordinari à se Clericis conferunt, nihil ex eorum molimine sequitur quod ratum esse possit: Quis enim quod in se, & per se nihil est, ratum haberi aut ali-  
quid per Episcopi consensum fieri posse putet? Hæc, inquam,

Blondel. Apo-  
log. Sect. 3.  
pag. 167.

quam, pro nobis apertè, qui Presbyteros (quos Secundi ordinis appellant) simpliciter carere potestate creandi Presbyteros statuimus: Quæ verò sequuntur pro se nihil valent. Nimirum quòd Leo Magnus, certis conditionibus interpositis, permisit istas convallescere Ordinationes à Pseudo-episcopis factas, quas Nullas prius decreverat. Nam primò Pseudo-episcopi isti, quos intelligit Leo, nequaquam meri erant Presbyteri, quod petit & supponit D. Blondellus, sed re ipsa Episcopi; Falsi habebantur, quia Schismaticè creati contra fundatissimas Ecclesiæ Leges sunt: & Catholicorum quorundam Gregibus superimpositi: & *neque Electi à Clero, neque à Populo expetiti* (uti Leo ipse loquitur) Cathedram Episcopalem occupaverant. Nullas ergo decrevit, quia nullus in Ecclesiâ locus iis debebatur: validas rursus, ubi secundum leges Ecclesiasticas coacti postea erant in ordinem, & Sede legitimè vacante, & Ecclesiæ pace, ne summum jus Canonum Ecclesiasticorum ab iis exigatur, postulante, Pastoralis potestate postea sunt donati. Qui enim à reali Episcopo Schismaticè est Episcopus ordinatus: est quoad Jurisdictionem Pseudo-episcopus: quoad ordinem ipsum verus. Ad illa autem quæ ex Altisiodorensi, 4. Tract. Qu. i. attulit Blondellus, viz. *Si non essent in mundo nisi tantum tres simplices Sacerdotes, oportere, quod aliquis illorum consecraret alium in Episcopum, & alium in Archiepiscopum*; parum anxii respondemus: Factis ejusmodi suppositis unde Ecclesia à Christo deserta intercideret, veluti Casu dicto, non solum Presbyteris, sed & Laicis Licere Episcopos, & Archiepiscopos suo modo creare: Imo tum fere nihil non licere, contra Jura divina olim vigentia, tum vero abolita & extincta. Etiamnum licere existimem, si mundo nulla Christi-  
næ Religionis vestigia superessent, cuivis novam pro  
suo

Blondel. Præ-  
fat. ad Apol.  
pag. 60.

suo arbitrio Ecclesiam fundare, & disponere. Quid hoc ad nos?

Ad testes Scholasticos autem expedita erit Respon-  
sio, Ipsos immani errore abreptos Sacramenti Alta-  
ris, distinctum nolle esse Ordinem Episcopalem ab  
ordine Presbyteratus, verum universos Ordines Mi-  
nisteriales sine ingenio, non tamen sine Joco, defini-  
unt metiendos in ordine ad Consecrandum: Consec-  
rationem ergo Elementorum, summum Religionis  
Apicem falsissimè statuunt; nisi adhibita cautela su-  
perioris distinctionis, de Mysticâ & Politicâ Pote-  
state. Sanctioris ordinis sit Eucharistiam conse-  
crare, Celsioris autem Presbyterum vel Episcopum  
consecrare.

Ad nostros sanè plerosque viros gravissimos, licet  
invitus (necessitate suadente) respondeo, Apertè fa-  
tendo, in eam incidisse sententiam humanis affectibus  
inclinatos in Reformatas aliquas Ecclesias, quæ non  
aliter instituerentur quam à Ministris, vel ultroneis  
vel ad Ministerium vocatis ab hominibus ejusdem sor-  
tis. Quem animi affectum, & judicium, plus quam  
Charitatis, an Divina Providentia in nostram ulta  
non sit Ecclesiam; ejusmodi ministris irrogantibus,  
animi pendens soleo esse. Peto verò ab æquis arbi-  
tris, An ubi manifestis affectibus tulerint homines  
sententiam, tanti sit æstimanda; quanti illa quæ à  
mente libera ab ejusmodi librationibus. Duplici au-  
tem motu vel omnes, vel saltem plurimos agitados  
hâc in causa fuisse doctores citatos, illo scil. quo  
clementius in alias Reformatas Ecclesias, hoc vero,  
quo in hostes Romanos, quibuscum lis erat, arden-  
tius ferebantur, vix puto facile reperiri ex ipsis Se-  
ctariis, qui deneget. Semper tamen habuit Eccle-  
sia nostra Egregios viros, qui contrariâ fuerunt sen-  
tentiâ.

Qq

Dico

Dico ergo aperte totum; Cujus hoc unum in-  
 star plurium, indicium sit certissimum: quod lau-  
 datissimus inter Puritanos Traversius, qui ritu  
 solummodo Belgico Minister factus, ingenti ani-  
 mo & præfidentia, sacra in nostra Ecclesia tracta-  
 vit, & Clarissimorum quorundam Virorum favore  
 constitutus Prædicator Hospitio Causidicorum Tem-  
 plariorum Londini, (ubi continuis jurgiis doctissi-  
 mum & modestissimum Virum Hookerum divexa-  
 vit) Pastoralis curæ & vigilantia Reverendissimi Whit-  
 gifti dies ei dictus est in curia dicta vulgè *Summa Com-  
 missionis*, cujus pertimescens censuram, Consilium Re-  
 ginæ appellavit; spe allectus judicum faventiorum;  
 sed ubique damnatus hoc potissimum capite, quod  
 Legitimis nullis initiatus ordinibus esset, à præfato  
 munere excidit, & in Laicalem gradum reductus est.  
 Huic exemplo opportunè addi possit judicium Eccle-  
 siæ Nostræ à Viro longè doctissimo Montacutio, his  
 verbis. *Hoc ipsum Officium & minus in Ecclesia sive Apo-  
 stolicum, sive Sacerdotale, adeo est de necessitate salutis ordi-  
 nariæ, ut sine altero alterum esse nequeat. Non est Sacer-  
 dotium nisi in Ecclesia. Non est Ecclesia sine Sacerdotio. Il-  
 lud autem intelligo per quædam Episcopalem ordinariam.  
 Neque enim attendendam censem Extraordinariam, seu  
 Vocationem, seu æstus, nisi miraculosam. Operet om-  
 nino miraculis agant, & suam confirmant functionem signo  
 aliquo, qui non ab Episcopis derivat ab Apostolis, per suc-  
 cessionem, institutionem, in Ecclesiam inducuntur, sed vel  
 orti à se, vel nescii unde intrasi sese ingerunt. Nam quod  
 prætendunt, ordinariam vocationem retinendam, adhiben-  
 dam, eique adherescendum nisi in Casu Necessitatis, absur-  
 dum est, & suppositioni inmittitur impossibilitatis. Neque  
 enim talis aut extitit aliquando, aut contingere potest. Nisi  
 fallat nos Dominus, qui promisit, "Portæ inferorum non  
 prævalebunt. Ecce sum vobiscum ad consummationem  
 mundi."*

Montacut.  
 Orig. Ecclef.  
 cap. ult. §. 19.

“mundi. Hæc & plura quæ hæc facientia sequuntur, ex mente nostræ Ecclesiæ apud authorem laudatam, cuiusvis videre licet, diserte & deditâ operâ ab ipso posita, ne eorum è numero esse videatur quos D. Blondellus ex nostris, scil. Seravia, Downam, Fieldo, & Mortono, testes aliqualis potestatis Presbyteris in hærentis, filios Presbyteros generandi, necessitate impellente: item ex Gulielmo Antisiodorensi, Goveano & Fitzaro. Nec moranda putem convicia & inconditos clamores Puritanorum qui superstitione Papali infectam prædicârunt, nulla alia ratione inducti, quàm quod passim ipsorum deliria & superstitionem infectaretur. Quæstionis itaque caput, minimè tenuit eruditissimus Blondellus, ubi immeritò, ut sæpe aliàs Doctissimum Bilsonum refutare satagit, quod rectius multò quam Fieldus noster antiquitatis mentem explorans, scripserit, *Actum Presbyterorum unâ cum Episcopo manus imponentium ordinandis, ritum potius ad rem ipsam minus pertinentem, quàm ad rei formam essentialem; & ut eo, assensum præbeant.* Ait quidem extremâ fidentiâ, *Contrariam totius antiquitatis praxim fuisse:* sed fallacibus specillis usus, & argumentis à conclusionem tali dissitissimis. Haud pauca equidem congeffit ex Veteribus, quæ nihil amplius probant quàm assensum & asseſſionem Presbyterorum Jure Ecclesiastico antiquo exigi: eo autem fine, aut gradu necessitatis postulari, ut par sit virtutis cum Episcopo, nihil invenit, nihil protulit diligentissimus antiquitatis perſcrutator Blondellus. Manet ergo inviolata adhuc Ecclesiæ consuetudo prudentissima, neque prorsus repellentis, neque indiscriminatim requirentis manus Presbyterorum in ordinatione. Imo ne hoc quidem allegata directè probant: sed potius Episcopum Clero & Populo circumfusus, deligi oportere: & Presbyterum Clero præſenti or-

Blondel. pag. 354. 355.

Bilson de perpetua Eccles. Gubern. c. 13.

Blondel. Apolog. pag. 327.



Id. pag. 343.

dinari: quam tamen Cleri præsentiam; utilem sanè, & usitatam, in Presbytero ab Episcopo ordinando, tam simpliciter fuisse necessariam, ac velit Blondellus, nulla auctoritate affirmat. Sed gravius adhuc peccat populi Electionis Presbyterorum advocatus: qui si forte contigerit præsens tali fuisse: Solennitati, profecto id casui potius quam Ecclesiasticis Legibus imputandum esset. Inadvertentiâ ergo supinâ hæc verba præcipitasse Virum rectius intus judicantem, non dubitem, *Absolutè nemo [Episcopus] quos voluit sublegit, sed quos Cleri Plebisque concursu judicium præbuit: prout pluribus antea ad oculum demonstravimus: Locus qui hic innuitur alius (quod sciam) nullus reperitur quàm qui supra memoratur. Illum verò nonnihil faventem Cleri suffragio in constituendis Episcopis agnosco; ne verbum autem ex antiquis apparet quo jus Plebis adstrueretur in eligendis aut creandis Presbyteris. Dignum ergo qui Clarissimum Bilsonum severissimis censuris passim insectatur, existimem qui & ipse ad rigidum vocetur examen Blondellus, sed nostrum nequaquam patitur Institutum. Id modò hic meritò culpandum in ipso nemo non judicet, quòd eodem ingenio, quo quodvis tuberculum in montem statim crescere contra adversarios sategit, humi suæ opinionis demonstrationes serpere sinit, & facile contemni. Nam unde tandem illud tam crebrò usurpatum, & petutum, dederit nobis vel leviter probatum; *Non solus, i. e. sine Presbyterii auctoritate ac judicio, solo suo jure fretus [Episcopus] ordinavit; sed communi Cleri (cujus judicium ac consensus præcesserat) nomine ac delegata potestate?* Episcopo soli (Legibus Ecclesiæ inhibentibus) integrum non fuisse absque Cleri consilio & suffragio, ordinationes instituere, non illubenter concedimus; Potestatem autem ipsam à Clero aut Presbyteris, Sacerdoti summo delegatam.*

Id. pag. 347.

delegatam aut concreditam fuisse, tam toti rationi & Antiquitati est repugnans, ut nunquam satis Viri celeberrimi in verecundiam demirer, qui tam sæpe & multiplici Parenthesi intrudat inculcetque; & nesciret ulla specie vetustatis tam absurdam turpemque thesim colorare: contentus opinor eodem haurire fonte, quo Reges & Principes Politia Presbyteriana ortos deprædicat, populo scil. & quia ipsi optimum est inde omnem auctoritatem primum promanare, nullo scrupulo aut hæsitazione ita de facto esse, in Ecclesia quoque esse statuit. Quare vero Vir doctus toties insinuat, tam nudum & crassum profitetur errorem, qualis iste est, *Presbyteri assistendo Episcopi ordinantis factum comprobaverunt, eique velut testes accesserunt, quia in id ipsum latis suffragiis jam antea potestatem contulerunt*: & nullam assertionis suæ rationem ex universa historiâ Ecclesiasticâ, quâ proculdubio (si quis alius) emineat, indagare vel indigitare potuit, præter illam quæ non minus Laici vulgi delegatos probet, scil. quia latis suffragiis tam populi quam Cleri, Personæ sunt electæ, nulla omnino factâ mentione de potestate donatâ? Inolitus verò jamdiu invaluit apud nonnullos (qui dispendio aliorum gaudent grandescere, sua saltem opinione) error, ut quam non negent aliis auctoritatem, dedisse se venditent. Num fortasse quâ hic, & sæpe alibi abutitur illatio rem confecerit? *Presb. & Bilsonus* (mihi serior, etiamsi ipsi fortassis joco dictus) nobis, inquit, *ultrò quicquid volumus largitur*. Quî verò Deo impropitio, ipsoque improvido tam funestum toti operi ejus eruditissimo verbum oris transvolavit sepimentum? Quodnam illud tandem aliquando sit? Hoc nimirum: *Canones soli Episcopo ordinationum curam demandant: & ab eodem pœnas repeterunt*. Hinc optimus alienarum præmissarum conclusionis Faber Blondellus

Apol. pag. 148

dellus, confertissima nostrorum Sectariorum turba  
 ad hunc usum acclamante, colligit: *Quicquid igitur præ  
 aliis Presbyteris potestatis habet Episcopus, à Canonibus ha-  
 bet: quos, Novellas & Ecclesiasticas regulas jamdudum  
 vocavit Hispania, &c.* Ast nunquam, oro, antea  
 auditum Viro doctissimo fuit, Legibus & Canonibus,  
 perspicuitatis & roboris causâ, non simplicis consti-  
 tutionis, multa tam in Repub. quam Ecclesia niti?  
 Solâne Canonum autoritate vetitum Sacerdotibus  
 est furari, mœchari, occidere, vel Christianis, quia  
 Canones prohibent? Ecquis mediocriter versatus  
 in antiquis moribus legibusve Ecclesiæ ignoraverit  
 infinita occurrere quæ Lege Naturæ, Lege Civili,  
 Lege Divina damnantur obscurius aut levius, eadem  
 accedente Ecclesiasticorum institutorum vigore &  
 rigore à Christianis, præcipue Clericis exigi, vel in  
 iis gravius plecti? Immanis ergo ista conclusio ex  
 præmissis nihil tale fundentibus, oblâsam potius præ-  
 judicio rationem & vacuum candore pectus probat,  
 quam eminentissimum Episcopum, causam vel tur-  
 piter deseruisse, vel stolide prodidisse.

Blondel. Apo-  
log. §. 3. p. 163

Vanæ ergo sunt D. Blondelli conjecturæ seu argu-  
 menta negativa, quibus adnititur demonstrare Ang-  
 licanam Ecclesiam Presbyterorum potestatem agnos-  
 cere ordinandi Presbyteros, quia scil. *Nec Confessio,  
 nec Apologia, nec Catechesis, nec Liturgia, nec ordinandi  
 forma à quoquam exigit, ut vel admissam antiquo usu inter  
 Presbyteros & Episcopos discrimen, jure ullo divino niti, vel  
 penes Episcopos solos ordinationum, aliarumque Ecclesiasti-  
 carum functionum potestatem esse debere credat.* Respon-  
 detur enim, Primò nulla necessaria ratione concludi  
 à Negatione, de opinione Ecclesiæ Anglicanæ, quòd  
 idcirco ratas habuerit ejusmodi Ordinationes, quia  
 nihil publicis Formis in contrarium tradidit; sed po-  
 tiore jure hinc sequitur, minimè probare, quòd neque  
 in

in Liturgia, neque in Canonibus, neque in Constitutionibus, neque in Catechismo, (adde) neque in Decretis Civilibus extiterit ulla nota consensûs in istiusmodi Ordinationes: quinimo hodie post perruptos omnes pietatis, charitatis, unitatis, & modestiæ limites, à Presbyterorum conjurata manu, utriusque potestatis censura, ejusmodi damnata est opinio & praxis. Præterea, Statue nihil ad hunc diem ex Ecclesiæ Anglicanæ consultis potuisse produci contra Presbyterorum istam ordinationem, (scilicet quæ Anglicana & Reformata) nihil apparere: Simpliciter tamen non improbatum fuisse ab eâ, idque actis Ecclesiasticis, non sequeretur. Cum enim (ut supra multiplici autoritate evicimus) nostra Ecclesia gloriatur Ritus amplexari antiquos, sive Canonibus Conciliorum, sive Catholicæ Ecclesiæ moribus perpetuis, perinde ac doctrinam (saltem quatenus propriis Canonibus legibusve aliter definitum non sit, pro libertate qua quælibet Provinciæ gaudet in rebus minusculis) certe Canonibus & Decretis Catholicæ Ecclesiæ, quæ probat colitque religiosè, Ipsa merito tam inauditos Antiquitati conatus repudiassè dicatur: alioquin nec Græca Ecclesia, fortassis nec Romana damnaßè diceretur, nisi recentioribus decretis istas Innovationes.

Ab exemplis autem summorum Virorum in Ecclesia, quod argumentantur, nullo pene negotio diluitur. Ecclesia nostra quosdam (inquiunt) solummodo Presbyterii Scotici ritibus Presbyteros factos, consecrârunt Episcopos. Et submonenti Episcopo Wintoniensi, oportere prius Legitimè ordinari Presbyteros, quàm Episcopi constituerentur, Archiepiscopus Cantuariensis Puritanorum flagellum Bancroftus restitit, affirmans, opus non esse tali ordinatione. Ergo (aiunt) existimavit Archiepiscopus verè ordinatos

Commentar.  
in 1 Cor. cap.  
12. v. 28.

natos fuisse Presbyteros istos à Presbyterio, absque Episcopo. Falluntur tamen : neque enim revera discordes sententiâ erant Episcopi illi : quorum Ille Canones Ecclesiæ judicavit rectè servandos, præcipientes ut non nisi Legitimis, & continuis gradibus ascenderetur ad thronum Episcopalem, & propterea prius ad ipsum Presbyteratum dandum : Hic verò stomachum sæpius expertus Presbyterorum noluit absque causâ pernecessaria ipsos irritari ; sed per Saltum ordinari permisit ; non ignarus multa in Ecclesia antiqua id genus exempla extare, eorum scil. qui ad Archiepiscopalem provecti sunt dignitatem, nullo præcedente ordine inferiore, quem legimus : Ratio autem est, quia Episcopalis Ordo in se virtute, licet non formaliter, ordinem tam Diaconatûs quam Presbyteratûs complectitur. Quod à doctissimo Commentario Ambrosio ascripto in Epistolas, antiquitus observatum legimus : ubi de Prophetarum nomine & munere disserens, *Prophetas* (inquit) *duplici genere intelligamus, & futura dicentes, & Scripturas revelantes : quamvis sint & Apostoli propheta, quia primus gradus omnia subiecta habet, &c.*

Apolog. Sect.  
3. pag. 107.

Hoc ne videret, visumve ne agnosceret, vehemens Novæ Causæ addictio D. Blondello non fuit impedimento. Verùm multis exemplis probatam dedit nobis Ecclesiarum variarum praxim, qua Clerici minores Laicique ad Presbyterium & Episcopalem apicem, inferioribus omnibus gradibus omissis, sæpe provecti sunt. Nam A. D. 248. Cyprianus ad Episcopatûs gradum adhuc Neophytus electus est, &c.

Plura equidem & fortassis graviora cuivis proclive esset, in hac causa disputare ; id verò quoniam Lectori hic molestum sit, nobis præter propositum, Videant, animitus velim, & seriò perpendant Sectarii Presbyteriani, quod experientia omni argumento lucu-

luculentius demonstret; quo scil. ruunt tam nova, tam prophana & sacrilega eorum dogmata de Ordinibus Ecclesiasticis, unoque secum vortice rapiunt suum ipsorum quidquid est Juris Ecclesiastici, quod haud modicum aut modestum esse, certò, ubi possint, statuunt: Etiam si enim Antesignani nostræ & Scotticæ factionis Sacrum, & Laicis veritum suum Munus, qualicunque sua ordinatione carentibus velint; Qui ex iis plus cordis & eruditionis habent, id quod res est, perspicientes, nullum omnino jus Presbyteris inesse ordinandi Presbyteros ex Ecclesiasticis & Divinis traditionibus, honestius & tutius existimârunt communem esse Laicis præcipue Magistratibus, potestatem illam Ministros ordinandi, cum ipsis Ministris: Uti cernere est in Curcellæo, Episcopo, Salmasio & aliis.

His tandem istud calumniosissimum argumentum addendum putavi, tum quod extremam Puritanorum impudentiam, contra Hierarchiam Christi prodit, tam quòd Sacrilegæ ipsorum opinioni pariter ac factioni maxime adversatur. Verbo autem parum vero, uno tamen totam controversiam conficiunt, apud popellum judicem saltem, nova, quam ipsi sparserunt, oculoque suorum præstrinxerunt, luce excæcatum. Antichristianus enim, aiunt, est ille totus Ordo Episcopalis. Probationem quæris? Tametsi parum æquus hoc modo videaris, qui verba tam Sanctorum, doctorumque virorum vocanda ad quæstionem putas; ad manum est quod petis: viz.

Papa est Antichristus,  
At Papa est Episcopus & caput Episcoporum,  
Ergo.

Cui Regero ego;

R r

At



At Papa in hac causa est Puritanus,  
 Post enim ipsos nostros Puritanos graviolem Episcoporum rectè constitutorum pestem, & flagellum Ecclesia Dei non novit,  
 Ergo, &c.

Prius tamen quam hunc vexatissimum deferamus locum placet hîc summatim & acervatim Presbyterianorum Philosophorum Paralogismos uno intuitu Lectoris detegendos & ridendos proponere, forma tali scilicet compositos, quâ Pueri quando primum Dialectici videri velint, invicem irretire solent. Sic autem Blondellus, post multiplicia, per continua sæcula Veterum, testimonia, Sectione secundâ, corrogata ad causam, vel colore vel numero saltem authorum (quos præsentis nostræ angustiae non capiunt) Lectori commendandam, disputat, misto quodam genere Autoritatis & Rationis, viz. à Veterum formulis loquendi. Ostendente enim illo, ut *Presbyter*, *Senior*, *Major natu*, Episcopo, & Presbytero, seu, (ut distinctius loquamur) Ministro, seu Prædicanti communi jure competunt, nobis Syllogismus hujusmodi nascitur.

Blondel. Apolog. Sect. 3.  
 p. 89, 90, 100.

Episcopus est Senior, est Major natu, est Presbyter,  
 At Presbyter est Senior, Major natu, Presbyter,  
 Ergo Presbyter est Episcopus.

Rursum, Episcoporum confessus dicitur Presbyterium,  
 Sed Presbyterorum confessus est Presbyterium,  
 Ergo.

Tertio, Episcopus est Compresbyter, Comminister,  
 Collega, Frater. At

At Presbyter est Compresbyter, Comminister, Frater, Collega,  
Ergo.

Hic verò obiter à doctissimo Blondello libenter dicere unicum exemplum quo Presbyter Episcopum, vel Presbyterum, vel Compresbyterum, vel Comministrum, vel Fratrem, vel Collegam appellat; quamvis plurima extent ita Presbyteros compellantis Episcopi. Quemadmodum Judices nostros novimus Servientes ad Legem, Fratres dicere; neutiquam autem hos, Illos, Fratres, accepimus: Quemadmodum ergo nec in Foro Civili tollitur ordinum distinctio his compellationibus, ita nec in Ecclesiasticis. Verba Chrysostomi, quia pia, pulchra & apposita sunt, neque me huc transtulisse, neque lectorem legisse pigeat. De dicto illo Paulino loquens,

Οὐ δὲ λέω ὅτι ὑμεῖς ἀγροῖν ἀδελφοί: addit, ἵνα μαθηταὶ ἀδελφὸς ἐκλέγεται, Chrysost. To. 5. Sermon. 51. ἡ δὲ ἀπὸ τοῦ τοῦ ἀξίας, ἀλλ' ἀπὸ τοῦ τοῦ ἀγάπης αὐτῶν προσηγορίαν ἐνέμαλθε, pag. 346. ἡ δὲ γὰρ, ἡ δὲ σαφὲς, ὅτι ταύτης ἴσιν ἔδιν, καὶ τὸ μέγιστον τοῦ ἀξίας ἐστίν, pag. 346. τοῦ τοῦ ἀγάπης εἶδος ἐστίν. Τούτο δὲ πρότερον καὶ ὑμεῖς ζητήσαμεν, καὶ (ὅτι δεῖ κατελέγεσθαι πρὸς ἡμῶν ὅτι, τοῖς τοῖς διακονίας αὐτῶν καλῶν ὀνείμασι, μὴ μόνον, ἐλπίδες, ἀλλὰ δόλους, μὴ μόνον πλάσεις, ἀλλὰ καὶ πῆντας.

Hic videmus unde sit consuetudo orta qua Episcopi Presbyteros Fratres nuncupent: nullibi autem unde Presbyteri Episcopos Fratres dicant.

Notandum tamen hic apud D. Blondellum multas interjici & impleri Paginas disputatione de Blondel. A. pol. à pag. 93. ad 135. Chorepiscopis, de Septuaginta Discipulis, & Evangelistis qui in gratiam simplicium Presbyterorum, quorum Ideæ perhibentur, Apostolis æquantur, de quibus jam nos satis pro re nata, in contrarium. Postea verò redit ad solitum sophisma petatum è decretis Veteris Ecclesiæ, & Primò argumenta huc faciunt.

R r 2

Episcopi

Episcopi sunt (ad mentem Ecclesiæ Veteris) Sacerdotes,

At Presbyteri erant Sacerdotes,

Ergo.

Vide etiam  
pag. 197. ad  
pag. 205.

Porro sic, Episcoporum consilio Res Ecclesiæ administrabantur,

At Presbyterorum consilio Res Ecclesiæ administrabantur,

Ergo iidem erant Episcopi & Presbyteri.

Pag. 143, &c.

149. Item pa.  
216. ad 187.

De argumentis autem, De Chrismatis consecratione, & usu, Confirmatione per manûs impositionem, partim aperta falsitate, partim ignoratione Elenchi laborare dicendum. De Basilicarum Consecratione; nullo Antiquitatis indicio Presbyteris asseritur. Virginum autem & viduarum consecratio permissa, seu potius facultate concessa ab Episcopis, Presbyteris competit; ut multa alia: stante nihilominus Ordinum diversitate. Quis enim hanc formam probet mediocriter Logica imbutus;

Episcopus Consecrat Virgines, & Pœnitentes reconciliat,

At Presbyter Consecrat Virgines & Pœnitentes reconciliat,

Ergo Episcopus est Presbyter.

Tit. cap. 1.

Denique, quid protritius quàm huiusmodi argumentum à Beato Paulo desumptum Epistolâ ad Titum Cretensem? Presbyteros (jussu & institutione Apostoli) oportet esse sine crimine, unius uxoris viros, filios habentes fideles, non in accusatione, &c. Sic scil. de pueris triumphari solet;

Homo

Homo est Animal,  
 Asinus est Animal,  
 Ergo.

Iniquus enim Doctissimi Bilsoni reprehensor fit D. Blondellus. Dixerat Episcopus, solos Episcopos Apostolorum audire Successores apud Antiquitatem: gravatim hoc fert Blondellus; quin etiam ex Irenæo Presbyteros quoque titulo illo cohonestatos olim fuisse probare conatur. Sed si sincero animo egisset, nullo modo ignorasset Irenæum Græcè scribentem retinuisse plerunque antiquas loquendi formas quibus Episcopus & Presbyter duplex ejusdem Personæ nomen fuit, & nomen *Presbyter* servatum in versione Latinâ nihil præter Episcopum propriè innuere. Clementis autem verba longius à scopo errant, qui se quædam *μὲν πρεσβυτέρων* accepisse scribit; Apostolorum successoribus. Neque enim ibi vel de Episcopis vel Presbyteris propriè dictis agere Clementem, verisimilius est: sed de viris ætate provectissimis, qui continuò sub Apostolorum sæculo vixerunt. Parum item probat Alter Clemens qui partem Apostolorum Gratiarum consecutos Presbyteros affirmat; & aliquo modo locum tenuisse: Nam nemo negaverit aliqua ex parte Muneris sui Apostolis eos successisse: sed quoniam celsiore gradu & ampliori potestate Episcopi constituti erant, Presbyteros nunquam absolutè Successores eorum nuncupari ab Antiquitate, quòd nullibi non tributum Episcopis, ab Antiquis, legimus.

Sed quoniam cum Blondello paulò propius pressiusque res agitur, omittendus non est supremus ejus Conatus, quo etiam animam ipsam Episcopalis Apicis & Jurisdictionis petit, autoritate Hieronymi,

R r 3

qui

Bilson. de  
 Perpetua Ec-  
 clesiæ Guber-  
 natione, cap.  
 14.  
 Apol. pag. 305

Apolog. pag.  
 39, &c.

qui morem fuisse ait Alexandrinis Presbyteris, *Eligere unum ex se, & in celsiore gradu collocatum, Episcopum nominare*: unde sic colligit, Qui possunt Episcopos ordinare, multò magis possunt Presbyteros: sed Presbyteri, ut patet ex exemplo prædicto, possunt Episcopos constituere; quomodo, *Si Exercitus Imperatorem faciat, aut Diaconi eligant de se quem industrium noverint, & Archidiaconum vocent*: Fatemur quidem meritò ultimum hoc argumentum locum tenere; propter speciem solito majorem veri, quatenus scilicet unius Patris testimonium contra plures, contra omnes (nisi juniores quosdam fortassis demas, qui auctoritati illius credulitate singulari nimium deferentes, nonnihil à communi loquendi forma deflexerint) Imò quatenus unius loci contra plures ejusdem, apud attentos & sobrios lectores valere pondus queat. Nec tamen revera eandem hîc fuisse sententiam Hieronymo quæ modernis placet, existimârim. *Eodem ergo modo*, sed non omnino pari, constitutum Episcopum à Presbyteris, & Imperatorem ab exercitu, credo dabunt ultro Presbyteriani. Nam certissimum omnibus est prudentibus, Exercitum neque debere, neque posse creare Imperatorem Legitimum: sed illud spectare (ubi suffragia aut electio quidquam valent) Senatores; aut, prout alii mallent, populum. Pari ratione ergo, illegitimis gradibus talem, Episcopale ascendisse culmen, sequetur, qui est à Presbyteris constitutus Episcopus. Deinde, *non eodem modo*: quia Imperatores, seu Reges, non tam creantur, quàm nascuntur, etiam ubi Populi clamoribus votisque eligentis attolli in istam sublimitatem videntur. Quia & Regiminis species, & Regendi jura à Natura, vel Gentium consensu, ortum ducunt; utcunque in minutioribus sanctionibus variatum sit à multis. Eligunt ergo, quomodo, & quos placet, populi;

populi; sed vi potius, quam jure, vel humano, vel divino facinus id ordiuntur & tuentur. Ordines autem Ecclesiæ aliter omnino se habent; quomodocunque inaudita præsumptione Veteribus, non horruerunt aliqui Jura Regni Christi, non pari, sed pejori sacrilegio violare; & pessimi Scenici Chirotoniis suis imitari veras, & Catholicas. Non enim ut Jure Gentium Reges, non ut Pontifices Max. Jure Moisaico, Episcopi nascuntur, sed fiunt. Electio verò non facit Presbyteros vel Episcopos, sed Muneri rite obeundo prævia quædam dispositio est: Potestas aliunde accedens formam tribuit. Præpositi, inquam, *Christi* non *Christianorum* in terris vices agunt: decreta & modos Munera ista ineundi à Deo, non ab hominum prudentia, accepta agnoscit Ecclesia. Quænam autem illa sint nisi recta & inviolata potestatis à Christo ad Apostolos, ab Apostolis, Successoribus Apostolorum derivatio? Nugatur enim maximè (veniã tanti viri dictum sit) Blondellus ubi percupidè quærens anchoram Hierarchiæ Christianæ istam frangere, & tutissimum Politicæ Ecclesiasticæ rudentem corrumpere, abruptam seriem Legitimam Episcoporum probaret; nomina percensendo Hæreticorum qui pulsus, vel cedentibus Catholicis, Sedes Patriarchales quatuor invaserunt. Nam, 1. Hæresis non tollit inditæ semel Episcopo potestatis Ordinandi essentiam: Dein, Posito quòd pro tempore intercisâ fuerit Legitima ordinatio in una Sede, itane ubique abolitam fuisse crediderit quis sanæ mentis, ut aliunde restituta, locum repetere non possit consuetum, & Lineâ Canonicâ pendere?

Id. Apolog.  
Pag. 164.

Sed ad Alexandrinam revertendum Sedem. Agnoscamus Electos Episcopos à Presbyteris singulari quidem hac consuetudine & propriâ (ut videtur ex Hieronymo) Ecclesiæ isti, nim. ut semper, nulla delibe-



Selden. Præ-  
fat. ad Euty-  
chium.

deliberatione factâ, ordo ætasque, potius quam me-  
rita principem Presbyterum Cathedræ Pastoralis com-  
mendarent; Presbyteris consentientibus. Hoc au-  
tem habuisse tam singulare, ut nullo ritu, vel à Pres-  
byteris meris præstito consecraretur, neque suadent  
Hieronymi verba, neque Eutychii Arabici cogit Au-  
toritas, nuperi, & unius: Seldeno suum alumnum sic  
incausum tuente; si fides Eutychii ea propter suspe-  
cta sit, quod recentior sit, Quidam & cæteros Histo-  
ricos vergentes in sæcula posteriora, quales Socra-  
tes, Sozomenus, Theodoretus, Evagrius, Nicepho-  
rus & eâdem suspicione gravemus? Respondemus:  
si unus solusve hac de re Eutychius ageret, si alia ra-  
tio istius loci, eaque tam cæteris omnibus quam sibi  
ipsi contraria, prædicetur, mirum cuiquam possit  
videri, si obscurum hunc contra luculentos tot testes  
scribentem, parvi pendendum statuamus. Profectò  
qui sui temporis res gestas Literis mandant, non  
minoris apud nos fidei sint, quamlibet sint novissimi,  
quam qui plurimis idem retro sæculis fecerunt: Sed  
eum (qualis fuerat Eutychius) qui facta tradit quin-  
gentos ante ipsum natum annos, non eodem loco ha-  
bendum iudicamus, quo ii, qui iis interfuerunt tem-  
poribus, vel ea propius attigerunt. Incredibile au-  
tem nobis est tam enormem & à cæteris Ecclesiis dis-  
sonam consuetudinem à nullo ante Eutychium me-  
morari historico. Et falsum omnino non veremur,  
post doctissimos aliquot viros, asserere quod ab Euty-  
chio Alexandrino supponitur, conterminas Ægypto  
Provincias, suos Episcopos non habuisse, qui post  
istiusmodi Presbyterorum Suffragium solennibus Ec-  
clesiæ ritibus tribuerent characterem Episcopalem,  
& potestatem. Nemo verò melius hoc maximum &  
præclarissimum labantis Presbyteralis potentiae ful-  
crum succussit & prostravit, quam ipse summus  
Blon-

Blondellus : Qui disputans adversus Bellarminum meritò impugnantem Populì divinum jus in Pastoribus eligendis ; & proinde argumentò ejus respondens sumpto à celeberrimâ ista Hieronymi historiâ, quâ consuetudo traditur fuisse Alexandrinis Presbyteris suum eligendi Episcopum ; & per consequens non Populum attinere : Respondet his verbis. *Imò longe aliud idque apertissimè docuit [ Hieronymus, ] nempe, Quis, & Ex Quo ordine, non autem, cujus opera, vel Suffragio Veteris Ecclesiæ Alexandrinæ Episcopus Electus olim fuerit. Ex se, non A se : multo minus à se solis electum de Presbyteris scribens : An non satis apertè nugas agere videatur, cui hæc argumenti forma placuerit, Ex solis Presbyteris Electus est, ergo à solis Presbyteris, vel non à populo eligi solitus ? Si hoc non sit fortissimum omnium argumentum delumbare, me nihil scire apertè profiteor. Quum enim in eo potissimum vis sita sit, ejus ut inde demonstraretur Presbyteros solos constituisse Episcopum, Duo contraria hîc affirmantur. Primum, non dici à Hieronymo Ipsos Presbyteros Episcopum vel elegisse, sed ex ipsis Electum fuisse. Dein, multò minus à solis Presbyteris. Quare ergo non à conterminis Episcopis quoque, atque à Populo ? Hoc saltem ratum & indubitatum manet ex sensu reddito à D. Blondello, si prædictis Hieronymi verbis non constet Electum à Presbyteris suis Episcopum, minimè omnium liquere ordinatum Episcopum, vel Jurisdictionis Pastoralis quicquam ab iis accepisse, delegatione toties inculcatâ & deprædicatâ. Denique, quod Hieronymus parem modum constituendi à Presbyteris Episcopum tradiderit servatum in Ecclesiâ Alexandrina, qualis esset Diaconorum Archidiaconum creantium : ex possibili potius quam facto argumentum finxisse Patrem illum, nihil*

Blondel.  
Apol. pag. 491

S f

dubitem,

dubitem, qui fateor mihi nondum compertum fuisse, ubi potestas Diaconis Archidiaconum vel eligendi vel creandi ab Antiqua vel lege, vel consuetudine concessa fuerit. *Eodem modo* ergo, revera est *nullo modo* eligere.

Page 314, 315.

Page 315, 316.

Post hæc sequitur Culdæorum seu Colidæorum mentio, apud Scotos; & aliæ hariolationes, quas nisi meminerim me Aëtoris personam induisse, potius quam Disputatoris, non pigeret iis paululum immorari, sed revocandus est pes perrecturo mihi ad reliqua capita Gravaminum Schismaticorum. Hoc tamen ne quæ à Viro Clarissimo Herberto Thorndicio doctè & solidè respondentur repetam, addere breviter non incommode me posse putem: nim. Secundam Blondelli Instantiam à plantatione Christianæ religionis in Gallia per Presbyteros, à Polycarpo Smyrensi missos, absque Episcopis, satis idoneum responsum Culdæorum objectioni in Scotia præbere. Non enim Christianam Fidem credimus simpliciter desiderare Episcopos, etiam in iacunabulis, & vagentur. Semina ergo prima Fidei à Presbyteris solis, si jacta in istas terras daremus, si informi istâ ratione aliquot annis perdurasse, nec ad debitam perfectionem profecisse concedamus, inœelix quid iis accidisse, non nobis absurdum dicendum. Nam & longe hodie ditiores & latiores regiones in India Occidentali Fidem secundum Ecclesiam Anglicanam illustrasse & tenuisse, notum nemini non est, & tamen (quod valdè pudet dixisse) nullus ibi reperitur Episcopus: sed consilio Presbyterorum ab Episcopis Anglicanis constitutorum, res Ecclesiarum istarum administrantur. Nec novus Presbyterianorum ordo statim emergeret, si instar Culdæorum Presbyteri ibi degentes, proponerent unum ex iis qui Principem inter eos locum obtineret: Neque incuriæ Sanctis-

Sanctissimo Pastori deputandum esset (quod absurdum cum Blondello agnoscam) si Polycarpus ejusmodi operarios, Presbyteros scil. in Domini agrum mitteret, qui omni potestate præditi non essent eum rite excolendi. Nam primordiis Ecclesiarum satis erant: & cui inauditum illud fuit, *Nihil simul inchoatum & perfectum?* Ex parte enim (Ecclesia illa tunc) *cognovit, & ex parte Prophetavit. Cum autem venit quod perfectum erat, evacuabatur quod ex parte erat.* Cui verò mirum videatur Christianam Religionem tam fuisse in ea Gente informem, quæ humaniorum morum per ea tempora fere expers fuit. Nam teste Hieronymo intuite: *Scotorum natio uxores proprias non habuit, & quia nulla apud eos conjux propria fuit, sed ut cuique liberum erat pecudum more lasciviebant.* Et, quod idem alibi scribit, *Humanis vescabatur carnibus.* Quæ mihi videntur Seldeni doctissimi & diligentissimi labores ægri animi adversus Ecclesiam nostram, quæ Tractatus suos debitâ censura percusserat de Decimis, inanes reddere, si alia defuissent: Est tamen quod prædictis addi possit, nim. Præpositum illum Culdeorum electum suffragio, non fuisse ab iis consecratum, sed potuisse facultatem qua cæteris præeminebat, ab aliis virtute ista præditiis recepisse, nulla historiarum fide refragante: quo modo diximus fieri solitum in remotioribus à nostra, Ecclesiis.

Hieronymus  
adversus Jo-  
vinianum,  
cap. 9.

Selden. Præ-  
fat. ad 10  
Scriptores  
Anglicanos.

His pro instituto disputatis satis, ad Germanum Anhierarchiæ Presbyteralis Fratrem, Seniore Laicum; vel, si mavis, Laico-presbyterum, seu Centaurum divinum pergamus. Dico ergo apertè, Consules istos Disciplinarios, Arbitros Amphibios, S. Sanctum nequaquam habere autorem, sed Joannem Calvinum, partim prudentiâ privatâ, partim irrequieti populi fremitibus excitum & coactum. Postea verò, quod necessitas, quod casus, quod astutia fuit,

Sl 2

Deus

Deus, vocatum est, & Præceptum Divinum. Et quemadmodum meminimus à gravi Viro observatum de Heroibus Priscis, quomodo vaga & perobscura libidine genitos, postera fama à diis procreatos fingebat, unde Theseus, Romulus, Hercules, Alexander M. & alii spurii diis immortalibus originem immediatè referebant, Sic de integra hac Forma Ecclesiasticæ Disciplinæ meritò est dicendum, Filia Terræ, vel Populi, vel fortassis Cerebri Privati cum revera esset, protinus de Christo de Apostolis, de Divinis literis ortum se duxisse gloriatur. Et qui citius balenas in sylvis plaudentes invenerit, & in æquore Quercus, ante Calvinum, ipso indigitante, cæcus nunc planè habendus qui Scripturis reperiri non viderit. Paulus enim ad Timotheum sic scribit, *Qui bene præsunt Presbyteri duplici honore digni habeantur, maxime qui laborant in verbo & doctrinâ.* Quibus verbis Sp. Sanctus (si placeat) sententiam Calvinii secutus, duplici Presbyterorum generi suffragatur, *Laborantium in verbo*, seu Prædicantium, & *non Laborantium*, vel suo modo regentium. Nos verò tardioris fidei qui sumus, petimus unicum saltem locum apud universam Antiquitatem, quo vox *Presbyter* ab Ecclesiasticis Laico homini tribuatur: sed frustra hucusque expectavimus.

1 Tim. 5. 17.

Hug. Grotius  
de Imper.  
Summ. Potest.  
stat. &c. c. 11.  
§. 4.

Petiit hoc Whitgiftus, petiit Bancroftus, duo Reformationis Antipuritanæ Lumina, & Anglicanæ Ecclesiæ Columna: Petiit post hos Hugo Grotius eo libello quem Puritanus insignis (uti accepimus) Prinnius, post longum & studiosum auctoris silentium à Reverendiss. Overallo Norvicensi & Andrea Wintoniensi Episcopis submoniti, ne prodire eum in Lucem fineret incastigatum, publici fecit usus, in invidiam Ecclesiæ Anglicanæ, quæ

quæ semper justos (quos ille Author nullos) agnovit in regenda Ecclesia limites, Civili Potestati proposuit. Hic inquam diserte statuit, *Veterem omnem Ecclesiam Presbyterorum vocabulo non alios quam Pastores intellexisse, in verbo ac Sacramentis occupatos.* Et mox. Ex tanto Patrum numero, tot librorum voluminibus, tamdiu tractata hac controversiâ ne unus quidem locus adferri potuit, in quo Presbyteralis dignitas aliis quam pastoribus tribueretur: quum tamen si duplex Presbyterorum genus fuisset, non cape, sed centies imo millies eorum fieri mentio debuisset, præsertim in Canonibus qui totum Ecclesiæ regimen nobis depingunt, saltem modus eligendi istos, non pastores Presbyteros, alicubi appareret. Ad hæc tam præclara verba, Nugator quidam propositi tenax, & ruboris fugax (ut alibi passim) hanc glossam in margine simpliciter, & nudè ponit. *Habuit [Ecclesia] Seniores plebis à clero distinctos.* Nec quos, nec quales, nec quando, nec ubi tales habuerit (fortassis quia ~~sanctum~~ solis Perfectis revelandum) placuit ignaris nobis indicare.

Quid autem insolentius possit committi; quàm duræ necessitatis fidiculis Apostolica verba torquere in sensum nostrum, & usum singularem contra universi orbis mentem? Præterea phrasis ista [*Duplici honore,*] contra commentum hoc militat, eò quod certo certius nihil aliud istâ innuitur quàm Stipendium auctius, seu præmium, prout ipse Apostolus supra habet, dicens. *Viduas honora, quæ verè v. 3. viduæ sunt:* hoc est, Debitâ suscipite alimoniam. At suos Seniores Recentes nullo modo patiuntur vel ex altari vivere, vel beneficentiâ Fidelium; cogen- tur ergo agnoscere potius diversum modum muneris exequendi, quàm naturam diversam.



Nec Pseudo-Ambrosii seu Hilarii Diaconi notissimo commentario quidquam proficient suâ Causâ. Non enim *Presbyteros* appellat, sed *Seniores*. Aliud insuper est Conciliis rebusque Ecclesiæ ex permisso; Aliud ex Officio interesse. Pingamus autem ex Officio, nonnullos antiquitus Laicos cum Ecclesiasticis consilium de promovenda vel tuenda Religione cepisse commune; illos humanâ prudentiâ, non Apostolico præcepto admissos, certum est. Vel si Oeconomos Ecclesiæ (quod probabile est) Laicos antiqua consuetudine stabilitos demus, (quod videtur posse deduci ex Canone 26. Concilii Chalcedonensis, & Legibus Imperialibus sicuti ex Photio patet) hi in singulis Parœchialibus Ecclesiis singuli, nedum bini, inventi nunquam sunt; sed Cathedræ Episcopali assidebunt, operamque dabunt ipso annuente, ærario Ecclesiæ rite aperiendo indigis; de ipsa autem fide, aut Censuris Ecclesiasticis, nunquam cum Clero leguntur quicquam egisse. Hujusmodi fuerunt Seniores illi quorum meminit Optatus, scribens, Ornamenta Ecclesiæ fervescente Persecutione iis fuisse mandata ex auro, & argento confecta. Unde Albaspinæus hoc modo commentatur. "Præter Ecclesiasticos & Clericos, quidam ex plebe Seniores & probatæ vitæ res Ecclesiæ curabant, de quibus hic locus est accipiendus. Quales autem erant hi? Menstrui? Annui? vel Triennes? per singulos dispositi greges? nihil minus. Profectò Aeditui nostri his multo proprius accedunt, quàm Seniores isti.

Concil. Chalced. Can. 26.  
Phot. Nomocan. Tit. 10.  
cap. 1.

Optat. Milev. Con. Parmen. lib. 1.

Gabriel Albaspi. Not. in Optatum.

His cum satis videatur infudatum nobis esse pro nostro compendio, ad alterum Capitale gravamen conscientiarum pergamus; quod cervices teneras animarum miserè premit; Liturgiam scil. nostram; seu Preces, cultumque Divina statuta. Plurima sanè

sanè probra (quæ ipsi tot sunt demonstrationes) jacularantur ore prophano adversus ea; nec paucioribus, vel parerioribus encomiis subitaneos spiritus privati motus ad Æthera attollunt. Summam istorum ex Scotico quodam scripto collectam hîc tibi Lector exhibemus. 1. Virtus animæ perfectorum formatis precibus hebetatur. 2. Ardor Spiritus extinguitur. 3. Populi ædificatio impeditur. 4. Obex ponitur Christi munificentiae, ne famulos suos gratis suis perfundat. 5. Conversio à Deo alienorum ægrè perficitur. 6. Hæretici nunquam vincuntur, aut peccatis obdormientes exuscitantur. 7. Via sternitur Ministris ignavis & oscitantibus. 8. Pueri septennes, vel (ut alii) Mulierculæ, Judæi, Turcæ munus recitandis Precationibus præstitutis, satis commodè possint sustinere & exequi. 9. Denique, singula necessaria populo, nequaquam valeant complecti. His præcipuis Cavillis innumera alia processus Temporis & Reformationis adjecit: Quibus qui diutius aut operosius refutandis immorabitur, paulò saniore dementia cum his laborare videatur.

Editum Anglice, anno Dom. 1638.

Ne tamen nesciant, vel se nescire fingant quam Cimмериis agunt tenebris qui se opinantur solos videre, solos clarâ luce frui, solos reliquam Christiani orbis partem exquisitis suis doctrinis rectè & plenè perradiare; contra hæc omnia dicendum breviter existimo. 1. Negando animæ perfectionem cerni profusione publicarum precum: Si qua enim hic ei insit satis imminuta auctaque fuerit privatis aspirationibus, & ascensione mentis ad Deum, absque glorioso in publicum verborum jactu. Quæ animarum febricitationes in Religione, meritò & prudenter summo Ecclesiæ commodo hebetantur, & restinguuntur. Quod satis fuerit secundo respondisse. Est namque istiusmodi spiritus pessimus qui maximo Fidelium

delium fideique dispendio ardet, aliturque, & propterea cohibendus. Tertium autem impudenter est mendax. Populi enim ædificatio nulla alia impeditur, nisi ad Gehennam & Schisma. Contrarium quartæ rationis multò verius, nihil scilicet Christi gratiæ propriè dictæ magis inimicum esse quàm vana, incondita & affectata illa Donorum publica venditatio. Nec quidpiam Christi munificentiam dignum haberi à sobriis debet Christianis in orationibus offerendis Deo, quod potius acquisita Linguae volubilitas, usu & immodestiam, dici debeat. Nullum enim quod somniant isti aliud est donum orandi præter gratiam orandi: nihil aliud Gratiā, quàm animus purus, & cor incensum charitate, non Battologjiis. Causa autem erroris his videtur sophistis fuisse; quod ignorant distinguere inter donum loquendi, & donum orandi seu precandi: Nullum aliud sincero Theologo admittendum videtur orandi donum, præter parati cordis ad Deum Elevationem: Alterum est humani prorsus ordinis. Congruè quidem quinto loco Conversionem docent effectum Precum extemporanearum; Qui hæc ut in reliquis fidei capitibus insigni imperitiā commiscere solent & confundere distincta admodum in Religione munera. Precibus fortassis Deus flecti possit ut opus conversionis in cordibus hominum inchoet: Quis autem ante hos doctores putavit Precum opus esse homines propriè convertere, & non potius prædicationis Evangelii, & exhibitionis verbi Divini. Sed rectè forsan ipsi judicant de suis incompósitos & incultis precationibus, quibus nunc docent, nunc petunt, nunc hortantur, nunc comminantur, nunc Deum laceffunt, nunc populum adulantur; & nihil non ætitant. Serveatur ergo Precibus debitus modus, potius quàm ex inverecundâ excursionem laudentur Sobriis. Hæc autem

tem quinto & sexto respondent. Septimum argumentum simpliciter falsum est. Non enim vel ipsis vel nobis iudicibus rectè dici possit quod ignavi red-dantur Ministri ex precibus formati: Non illis, qui putant non nostra industriâ, sed singulari & libero Dei beneficio istiusmodi dona competere Ministris: Non nobis, qui istos solum ignavos ducimus, qui vel officio suo prorsus defunt, vel frigide & oscitanter peragunt. Octavò, Conceditur, opus ipsum Ministrandi non minus posse pueros quosdam & prophanos quàm pios & spirituales & Presbyteros exequi: sed de jure Sacerdotali agitur, non de ipso facto, quod nemo negat ipsas fœminas posse sacrilegè tentare. Si verò hoc in dedecus Formularum trahatur, quidni & Extemporaneas quoque vulneret preces? quum in Regno Extemporaneorum, nascuntur plerique Laici & Fœminæ, quos ferunt etiam Ministris subinde antecellere dono hoc precandi: Nunquid ergo his Ministros vestros locum cedere oportet? Ad ultimum. Particulari enumeratione non opus est, vel ut singula singulis necessaria, Deo referantur. Sed Generali sufficit pietate complecti. Præterea quod linguæ ipsorum nullis habenis, nullis dicendi legibus prouenti minimè concessum cognovimus, quid petunt ut ligatus noster orandi ordo præstet? Neutiquam enim vel suus laxus & informis, vel noster modus solennis se ad palatum aut motus cujusvis pe-ætoris per omnia possit accommodare. In hoc autem ut in plerisque aliis Ordo communium votorum cæteris præstabiliior multo invenitur, quod non contra sobrios mores, aut fidem rectam quicquam committit: quod sæpius perpetratum ab istis nugacibus oratoribus cum dolore pariter ac horrore sumus experti. Est tamen ubi asserunt se non penitus à Liturgiâ abhorrere communi; ut nec radicitus evellere Epif-

T t

copos,

copos, in animo habere. Quo autem animi candore, factorum ordo pulchrè docet.

In cœtu Francofurdensi (ubi prima Perditionis suæ jacta sunt fundamenta) nondum tamen oculis clatâ Luce micantibus Evangelii, concinnatus est certus modus orandi Pastori, qui Pubescente factione in Anglia, Liberis Spiritibus inimicus visus est. Aliam ergo formam sub Elizabethâ extundunt; Quæ etiam anno sequenti minus spiritualis proficientibus arte reformatoriâ, visa est: Aliam ergo pro ægritudine suorum Cerebrorum fundunt: Sed, quæ fors est nesciorum interquiescere, vel rectè facere, tertiam paulò post excudunt collatis Capitibus, ut Reverendus admodum Bancroftus perhibet. Furente autem factione, & imperante bellis Civilibus nuperis, neque sua, neque nostra quoquò modo palato delicatulo eorum placuerunt, siluerunt ubique Publicæ autoritatis Preces, Novæque cupediæ gustibus apparantur. Reduce tandem Carolo Secundo, Pars Schismatica pîcto Biblio Regem primo salutant, subinauentes scil. ipsos præ omnibus, Scripturarum assertores & sequaces individuos; hinc Disciplinæ suæ primas deferri obtestantur, & Fœderi Perjuro Originis Scotticæ. In his repulsam passi, saltem Liturgiæ Anglicanæ usus communis, orant aboleatur: In omnibus autem ita se gesserunt ut solent bestiæ prædatrices, quæ, quod capi sperant, forte præsentientes, calidè subsidunt, mox eruptione successu provocante. Nec frustra fuerunt omnino; impetratâ à Rege serenissimo Licentiâ scrupulos & molestias cum spe levaminis, exonerandi, coram, vel potius contra Gravissimos Ecclesiæ Assertores. Hoc autem Colloquio finito, rationem totius secundum privatam placitum publicè faciunt juris, violata Lege Colloquii habendi. Eodem quoque fere articulo temporis Emuli hi

Pub.

Bancroftus  
Serm. apud  
Crucem San-  
cti Pauli, pag.  
553, 54.

Publicant quasdam Precationes sui ingenii ; junguntque unâ cum Liturgia Anglicana, distinctis Columellis : æquum putantes optio ut cuilibet daretur, utrâ harum Divinum celebret cultum : rati proculdubio & suas commentationes, si non intrinsecâ virtutē, novitate saltem sua Veteri & Legitimâ Liturgiæ vulgo (quod potissimum aucupantur) æstimatōre præluere ; & hâc insperabili modestiâ, se cunctis laudandos. Nec multum erraverint reputantes quanto furore Librum nostrum conculcârant, & absumentum tradiderant flammis voracibus : hoc scandalo populi inflammantes animos, quodd maxima ex parte è Missali Romano peteretur. Nec desunt Pontificii qui contemptui habeant officium nostrum, quodd Cento sit excerptus à Romano. Hæc quidem plebeculam afficiant & commoveant, scio ; Nos nequaquam, vel eos, quibus non sit ignotam è Stercore Gemmam renitentem sapius erui, & è bestiis venenosus Antidotum componi ; & Phana Ethnicorum in Templâ Fidelium consecrari, nec deesse Doctos, qui scripserint, Ipsam Dominicæ Orationis formulam, & Rabinicis precibus, quæ in usu fuerunt ante Christi incarnationem multa mutuari. Num Locus, num usus, vel potius abusus ipsam rei substantiam immutarit, & inverterit ? Quid fiat ipsis Divinis Eloquiis, si steterit superciliosorum horum Censorum sententia ? Quid verò facias potius utriusque partis his Obtrectatoribus, si minus vero accesserit, Liturgiam Anglicanam è Romanâ constatam fuisse ? Non diffitemur id potissimum piis & prudentissimis nostris Reformatoribus fuisse propositum, ut Christianam Religionem purgent, non perdant ; quod Sequiores solenniter fecerunt ; ut deperdita restituant, vana & superstitiosa resecent, non ut nova condant & excudant ; unde plurima Pontificiis & nobis, ut in fide, ita in moribus,



in Ritibus, in precibus communia retinentur. Quare verò nostra ad Libellam Romani Officii trutinata dicuntur potius quàm ad antiquiorum Ecclesiarum cum Latinarum tum Græcarum, nondum docuerunt Adversarii; nec unquam rationes proferent. Nonne ex Ambrosiano Officio multa sunt pariter accepta? nonne ex Gregoriano, à quo multum Recentes Pontificii desciverunt? Nonne ex Jacobi, Chrysostomi, Basilii Liturgiis hausta pariter sunt multa? Et tamen ut invidiam & suspensionem graviolem sciolis creent, solum Missale Romanum utramque fertur paginam implere nostrorum Librorum. Multas accusationes formârunt, dictéria multa jecerunt, multa denique aperta mendacia confinxerunt de Officio nostro Sectarii; sed nondum ostenderunt quidquam noviter à Pontificiis inventum in ipsum transiisse. Videant potius ut sui vanissimi Directorii causam agant, & defendant: quòd hoc uno plus habet Oleti, & Sacrilegii Romanensium quàm universum Corpus nostræ Liturgiæ: quod scil. Os populi occludit omnino in Sacris, contra Catholicæ & purissimæ Ecclesiæ consuetudinem, & mores; quibus receptissimum erat Populo vices reddere Liturgo celebranti & Oranti: sacrâ autem dominandi Libidine Romanum Pontificem incessente, hic fere primum suæ Tyrannidis & implicitæ obedientiæ lapidem posuit, ut singulæ ubi sint sitæ Ecclesiæ, Latine celebrent, in signum deditiois. Ad quæ quum populus prosum obsurdesceret, obmutescere necesse erat. Schismatici quoque astute magis quàm pie, eo cavent modo preces publicas fundi Deo, ut populus miser suò Ulnius ore & fide pendeat; nec debeat, nec possit voces reddere, nec vota, quibus mutò Sacerdos & Laici se antiquitus accendebant, & ædificabant. Permittitur tamen Simplicissimum *Amen*, quo se dictis

Atis inconditis & crudis Ministrorum suorum, non auditis, non intellectis, non ferendis plerunque, annuere credula & servili superstitione, submouentur.

Quòd si fortè quæsieris, quo argumento praxim hanc suam defendant; non alio sanè quàm quo Papistæ vitiosissimum morem suum, inveneris, apud Belarminum, viz. "Quia Sacerdos non Populo, sed

Bellarmin. lib. 2  
de Verbo Dei,  
cap. 16.

"Deo loquitur. Addunt tamen ipsi omnium Sacrorum Ordinum Everfores egregii, hic Patroni intempestivi: Metuendum muneri Sacerdotali esse, si populus ultra *Amen*, in Sacris miffitaret.

Ad Scripturalia testimonia pro more, nos provocant quoque, impetuntque generatim omnes Præstitutas Preces ab Exemplis Nadab & Abiu ultrice dextra Dei interemptorum. Scriptura enim memorat, ut, "Arreptis Nadab & Abiu filii Aaron Thuribus

Levit. 10. 1, 2.

"posuerunt ignem & incensum desuper offerentes, "coram Domino ignem alienum, quod iis præceptum "non erat. Egressusque ignis à Domino devoravit "eos, & mortui sunt coram Domino. Miraris fortassis, Lector æque, quorsum hæc afferuntur, contra Formatas Preces: Audi ergo tantum, & disce tandem acumen singulare hominum Allegoricorum. Nec te molestè habeat quòd his Scripturæ interpretibus unicus duntaxat sensus probatur isque Literalis, minusque consentire Scholion ipsorum Literæ, seu historiæ videatur; Nova enim ratio novos mores postulat. Sic ergo rem expediunt. Alienus ignis sunt Preces præscriptæ humanâ prudentiâ, & Ritus eodem manantes fonte. Dubitas verò ingenii tardioris, mentisque parum illuminatæ qui sis, quomodo hæc cohærent? Nihil vides. Nonne Preces ignibus significantur? Quid Porro? Nonne vides quòd quæ à Deo non præcipiuntur, *Aliena* sunt? Estne

præterea quod hinc innuitur? Omnino: nam Nadab & Abiu sunt Sacerdotes seu Ministri, qui purissima Reformatione non purgati offerunt Deo Communes Preces, super Thuribulis, hoc est, Super Altari. Præclare ergo ut vides, omnia consonant, coherentque.

Levit. 9. 24.

Itane verò Symbolicis, ut videntur, his Nugatoribus, omnia forbenda? An potius turpiter non cæcutiunt, nescientes per Meiosim, & pro *Non præceptum* erat, intelligendum, *Contra præceptum*. Ignem enim proprium præscripserat Deus cælitus demissum, veluti supra à Sacrà pagina relatum habemus. Filii verò Aaronis alium, sive Alienum ignem supposuerunt. Quid autem sit, si hoc non sit, mandato Dei contradicere & violare, qui, ut omnis Ministerialis ignis à perpetuo foco accenderetur, iussit? Nos verò (boni viri) Precationum præscriptum divinum, nostro posthabemus? nunquid contra divinum nuntum quicquam tentavimus? An vos potius extemporanei, & crudi egestores stomachi privati vestri? Nos constantes solennesque orationes fundimus, non quas quilibet pro spiritu suo singulari offerre è Libidine naturæ, potius quam voluntate Sancti Spiritus, præoptet. Agite ergo, utri nostrum alienum ignem seu Preces alienas offerunt? Vos? an nos? Nisi potius *Alienum* non comparatione ad Deum, ad Ecclesiam, ad Scripturas metiamini, sed ad vos ipsos perscrutamini exquisitissima indagine Scripturas universas: & vel unam tandem voculam proferatis, quâ vestras solas subitaneas Preces divina autoritate suffulciri, nostras præscriptas damnari, probabiliter concludatis; Jam secundò (per nos) Nadabi & Abihai vindicta divina ustulentur. Enimverò hic non possum pati ut oblivioni penitus tradatur, quod viro cætera probo, & Præceptori meo in Ludo Grammatico

tico non omnino dissimile accidit, magna & illicita audenti in precibus indefinitis. Fervescente tumultu Reformatorum Presbyterianorum, Scholam, cui cum laude præfesset, vel contempsit, vel deseruit Gippovici, in Agro Suffolcienſi; & ad artem Prædicatoriam se accinxit, animo proculdubio Puritanæ superstitionis (cui nimium deditus erat) promovendæ. Per idem tempus ingravescente Persecutione adversus alumnos Ecclesiæ, fugatus est à beneficio inter innumeros alios quidam Suffolcienſis vir Gravis. Ansam hanc arripit G. Cl. Ludimagister otii Grammaticalis pertæsus, invadendi Beneficium: Probationis causâ Suggeſtum scandit: Ad Preces extemporaneas (quibus se regnare putant Presbyteriani) se ardenti animo, & ore Libero concipit. Post multa pro more fusa, seu confusa edita, Deum tandem paulo familiarius compellat, & provocat verbis conceptis, ut, *si minus placeret ei ingressurus istius loci Ministerium, signo aliquo extraordinario, manifestum redderet.* Nec defuit voto temerario sapientissima & iusta Providentia: protinus scil. ic̃tu divino percussus obmutuit, & nec linguam divinitus vinctam expedire valens, descendit & abiit tacitus, fama rei regionem illam longè lateque pererrante.

Leviore verò censurâ hæc temeritas luenda, præ immanibus flagitiis, in quæ, præter publicas seditio- nes & Schismata, nonnullos extemporanei hujus Doni libidine abreptos præcipitados certè novimus. Eodem enim Oppido Comitatus Suffolcienſis, obscura quædam mulier apud Factiosos celeberrimos ob Donum hoc inclarescere cœpit. Forte aliquando lite inter Ipsam & Navarcham quendam (Frequentant enim mare Oppidani) ortâ, maleficâ linguâ minas edidit. Naviganti autem postmodò Viro gravissima ingruit Procella; & Vetula ista à nautis conspe-  
cta

Æta in Puppi sedens, ingenti, ut par erat, consternatione omnes perculit, statimque Navim undæ absorpserunt; Nauclero ipso cum uno aut altero è naufragio enatante: qui domum nudus fere reversus; rem omnem Ministro suo exponit; Hoc Magistratibus eandem deferente, sententia eorum ignibus viva tradita absumitur. Quod etiam Norfolciensi accidit cuidam mulierculæ notissimæ famæ propter subitaneas istiusmodi preces, vulgo dictæ, *Mater Oliver*, cui ob veneficia cervices laqueo fractæ sunt, profitenti se, quicquid illud fuit precandi facultatis, Operâ Diaboli nactam. Oportet tamen ut Scotia, ubi maxime omnium gentium floruit istud donum interitu omnis sanioris pietatis, portentosius adhuc nobis specimen, & toti Orbi præbeat. Effervescenti enim ibi Spiritu Reformatorio Presbyteralis Perditionis, quidam Chiliarcha nomine *Ware*, amula cupidine tanti Doni, quo nihil iis regionibus celebrius, Diabolo Magistro usus est: sub quo perbrevis mirificè profecit ista arte. Qui verò impurissimus Spiritus hæc docuerat, discipulum in nefanda subito alia scelera propulit. Primò ergo Sororia Venere assidue usus, perrexit mox in Bæstialem, omnium cænoissima bæstiarum abusus. A muliere forte deprehensus intuentæ, accusatur: sed miseræ foeminæ singulare testimonium, singularis Spiritualitatis & sanctimonie ob dictum donum opinio apud Iudices vicit: & proinde Sanctulus hic non solum absolvitur, sed foemina ob falsam accusationem flagris ad necem usque excarnificata est. Impellente ergo Patrono Diabolo assuetum & illaudandum scelus repetit, & Dono simul orandi celebratur. Aliud erat, & paulo mundius Animal, quocum similiter peccans, ab Altera muliere visitur: quæ tamen infortunio luctuoso prioris exterrita, rem diu demussavit: tandem tamen

men suis fidissimis aperuit. Secundo accusatur, nesciensque examen sustinere, sua tandem confessione damnatus est, qua etiam retexit rem totam de Dono illo à Diabolo impetrato, ea lege tamen, ne solitarius unquam ipso uteretur, sed in Concione publica: Porro, quodcumque exercitio isti se accingeret, statim, artifice Diabolo, eluxisse in Aere quasi bestialibus Literis scripta ante oculos quæ dicenda ipsi essent, & quæ stupentibus superstitione nova auditoribus recitaret. His auditis, Fratres ut ipsos orantes pro illo ferret, rogabant: Renuit verò obstinatissimè: Raptus ergo ad Flammæ, & vivus concrematus, inspectante populo, è quo erat nonnullus qui hoc Viro gravissimo & Fide omni dignissimo, nunciavit, à quo post alios ipse accepi.

Quæret fortassis à me hîc Schismaticorum quispiam: An, quòd tanta propudia evulgem, non tam Religionis, quàm humanitatis, crediderim Donum hoc importunius quæsitum & exercitum, non aliunde quam à Diabolo solere promanare? Cui respondens, Absit, absit, inquam, ut tam dirus Christianorum sim morum censor, ut non potius laudem & venerer piarum & rectè institutarum virtutibus pacis & humilitatis mentium aspirationes & desideria alata, debitis circumstantiis loci, temporis, & privatarum necessitatum. Accedentibus tamen fastu, ambitu, & contemptu bene constitutæ Ecclesiasticæ Liturgiæ neutiquam in Fidei morumve regulam offendentis, non vereor affirmare hos donorum caupones spiritualium facile in Diaboli Casses incidere, & sæpius Ipsi placentulas, quàm Deo vero hostiam placentem, istiusmodi affectatis precibus exhibere. Scio præterea hæc quæ à Stygio fluvio eruperunt in terras, piacula, Lethæo potius tradenda, quam Christianis auribus: quoniam verò Apostatico Schismate se à Nobis

U u

Factio



Factio hæc palam sejunxerunt ; quoniam ipsi prius Iliadem malorum & Centuriam Mendaciorum in Ecclesiam corraferunt & publicarunt, utique vera liberius obijciendam perferre debent. Nec quæ Schismatis erant effectus, modeste à quopiam vel Religioni Christianæ in genere, vel Reformationi Nostræ probro danda sunt. Sed redeo ad ratiocinia horum.

Annon vero (rogitant) Sanctus Paulus Spiritu nos monet orare debere, Epistolâ ad Corinthios, *Orabo spiritu & Orabo mente* ? Verba equidem legimus, sed non statim sensum intelligimus Pauli, qui Heinſio tam obscurus videtur, ut apertè fateatur, se loci vitium difficultate. Antiquum ergo obtinent hîc Puritani, qui proram & puppim suarum causarum ibi statuunt, ubi perdifficilis ad genuinum sensum accessus fit; rati scil. ipsis absque dubio suffragari omnia quæ simplici & manifestissima interpretatione, aliò non perducuntur. Quid autem si dicamus Preces Puritanorum sine mente emitti, quia incogitanter & temerè fluunt, qui non dubitamus profectò *Sine spiritu peragi* ? Quorsum ergo nobis sunt Scripturis recitandis & obijciendis molesti, quas vel ipsi non intelligunt, vel contra ipsos maxime faciunt ? Non tamen gravabor quid mihi subiit de loco isto dicere. Jactabant quidam donis elati Christiani, se Spiritu moveri Linguarum variarum; Coetibus ergo Fidelium simplici & vulgari sermone vel Conciones, vel Orationes (Falluntur enim vehementer Pontificii Disputatores, qui credunt S. Paulum solum de Prædicationibus, seu Prophetiis agere eò loci) habere recusabant, sed Novitate & mirabilitate Donorum grande aliquid sibi pollicebantur: Apostolus verò factum hunc omni conatu subigere studet: Exemplum moreſque suos proponit, urget imitationem: Affir-  
mat

1 Cor. 14. 15.

Heinſius in  
locum.

mat hîc, se velle *Spiritu orare & mente*. Ex male intellectâ phrasi Apostolicâ difficilis sensus est visus. Non enim τῷ νοῦ, quasi *instrumento seu organo interno* suo utitur, (quomodo fere omnes interpretes acceperunt) sed ut *objecto*, cui sermonem seu Preces destinat suas: Mentem scil. intelligit, non suam, sed Audientium. Ac si dixisset, *Orabo Spiritu*, h. e. spirituale linguarum donum non neglectûi habebam inter Orandum: *οὐκ ἐξ ὧν ἐστι καὶ τὸ νοῦ*, *Orabo etiam Intellectui*, seu *Menti*, putâ aliorum: prout versiculo 19 videtur seipsum interpretari, ubi addit, *ἵνα καὶ ἄλλοις καταγγέλω*, i. e. ut *Aliis insitiam*. Spiritu ergo secundum Apostolum, orant, qui Donis extraordinariis Linguarum gaudent: quæ etiam si nostri imprimis ambiant, nequitiam hucusque sunt, quod sciamus, affecuti. Hoc tamen satis excellunt; ne intellectui suorum loquantur vates hi orantes, plusquam propheticè donati. Nec tamen hic à Chrysostomo dissentire necesse est: qui explicans Caput Octavum ad Romanos, sic scribit: *Similiter & Spiritus adjuvat infirmitatem nostram*, *Ἄσπερ τὸ εἰρησίων διὰ τὸ πολλὰ πρὸς τοὺς μαρτύρους πεποιθὲν εἶναι*: i. e. *Obscurum est quod dicit, propterea quod plurima, quæ tum vigeant, miracula desiverunt. Cum autem his omnibus, & donum orationis esset—— qui præditus hoc erat, orabat pro multitudine*. Hæc ille. Quod si Primis Coryphæis Christianæ Religionis inter cætera dona extraordinaria, concessum sit à Deo Orandi quoque Gratia mirabilis, ante certas leges Orandi ab Ecclesia conditas; Quare crediderint Sectarji unum hoc Precandi donum è communi enataste diluvio quo cætera Miracula obruta docent, plane ignoro. Nec ipsi post diuturnam exercitationem ingenii sui adhuc rationem sobriam attulerunt, ob quam Ministris incumbit Precum magis, quam Concionum dono præcellere, aut Extemporaneè illas, oporteat eructare, has

Chrysost.  
Tom. 3. pag.  
120. Savil.

vero secus. Nisi quòd ad Deum multa indigesta, & inhonesta loqui non pudeat, quæ ad homines conversi pronunciare inviti erubescerent.

Tertul. Apol.  
cap. 39.

Id. de Anima,  
cap. 19.

Hinc tamen ad Tertullianum provocant: qui morem Veteribus fuisse memorat in publicis Concionibus, *De Ingenio Deo canere*: quod adducunt in confirmationem Battologiæ suæ coram Deo, & Populo Christiano: nec fortassis toto errantes cœlo hoc dicerent, si modo eadem Antiquis Christianis, quæ modernis Puritanis animi sententia esset; putarentque illi fere integrum Divini cultûs opus absolvi cantillationibus rudibus: Vel Odas extemporaneas Sybyllino spiritu potuissent dictitare: quod tamen accepi extremæ perfectionis Sanctulos quosdam æmulari. Oportandum equidem ut primò quid sibi velit Tertullianus certò perciperent per *De Ingenio*: Legimus enim apud eundem *De Ingenio* vitis quoque: quod insolentius proculdubio dictum est. Ne verò ipsa prolusione juguletur adversarius, Demus aliquo modo saltem propriè ibi locutum Tertullianum, Metaphoricè autem hîc; Graviter hallucinantur qui autumaverint ipsum de uno, vel solo Ministro, quem vocant, Ecclesiæ ibi agere Tertullianum, quum ipse verborum contextus probet de quibuslibet fidelibus verba fieri. Non enim de Divinis Officiis agit; peractis enim solennibus Precibus invaluisse consuetudinem apud Christianos indicat, ut provocetur quis è Fratribus, solatii pii causâ, quid in Christiano metro valeret, specimen exhibere; Non quòd *De Ingenio* idem sit quod extempore: sed quod Proprio Marte, privatisque Ingenii viribus: præeunte debita scil. meditatione. *Hinc autem* (ait) *probatur quomodo biberit.* Gentes enim calumniâ mendacissimâ finxerant, Fideles in Agapis Baccho & Veneri potius Litare, quam vero Deo inservire. Ebrio autem credibile

dibile non erat, facile esse sacra & sobria Poemata posse, vel velle recitare. Quod si verò cuipiam videatur *καὶ οὕτως* istud *οὕτως*, de quo Chrysostomus, loco supra laudato, non penitus Tertulliani sæculo exolevisse, sensim autem elanguidum tandem expirasse, non repugnarem: Credo enim utcunque formulæ quædam publicè orandi, quales fuerunt Oratio Dominica, & nonnullæ (licet neque omnes, neque eædem omnino quæ hodie extant) Sancti Jacobi, & Clementis, solennes in usu fuerunt Preces, non tamen tantâ Religione astrictos fuisse Liturgos Publicos iis, quin Gratia illa præternaturali non planè sublatâ, fas fuerit propriis motibus quædam ritu Orantium dixisse. Intoleranda tamen eorum est impudentia, qui colorem superstitiosis suis temulentis quæritantes, uberiores esse Spiritus divini effusionem statuunt, his diebus, quàm sæculis superioribus, quantum ad Donum Orationis, cætera verò Charismata nihil reliqui habere.

Est porro quod foedior errore, suis insaniis inferire cogunt ex Tertulliano; qui morem fuisse antiquis Christianis scribit, *Ex pectore, & sine Monitore* Tertul. Apol. c. *orare pro Imperatore.* In quod sophisma videantur non tam ex incitiâ religionis, quàm Grammaticæ incidisse. Siqui enim alii, Sine pectore ipsi, non ex pectore orant Novatores. *Ex pectore* autem Tertulliano orant, qui animitus, & ex corde, non ex ore vel cortice Deum invocant. *Sine Monitore* item, qui sine Nomenclatore, seu hortatore orant: Phrasi mutuata à Romanorum consuetudine, quibus usu esset confirmatum, ut assæclam haberent quendam Populi peritissimum nominum; quo suggerente Patronus vulgus nominatim saluaret, indeque gratiam captaret: Huiusmodi fideles non eguisse monitoribus, asserit Tertullianus, in Sacris;

Justinus Mar-  
tyr Apolog.

Nec felicius succedunt quæ ex Justino Martyre huc afferunt; duris equuleis torquentes: qui Christianos communibus cœtibus *καὶ δούλοις*, & *ὄστω δούλοις* precatos asserit. Quum nihil aliud verbis istis significetur, quàm *fortiter & pro virili* cum Deo contendisse eos: quod forma certa nihilo minus præstet, quàm solutæ & informes oratiunculæ.

Ad Concilii Milevitani verba quibus abutuntur, difficilis non est responsio, aut longa: viz. Concilium scil. receptam jamdudum Legem confirmasse, & exegisse ad eam Ecclesias, non de novo condidisse, uti suspicantur Extemporarii, & intempestivi oratores nostri.

Plura præterea post communia argumenta adversus omnes perpetui & constantis usus Publicas Preces, jaciunt particulari malitia contra Anglicanam Liturgiam: quæ omnia vel recitare vel refellere, ab animo non parum abhorret: tam propter fastidium cavendum Lectori, quam studium brevitatis tenendum. Illud tamen unicum hunc claudet locum: Quod suaviores paulo quum videri velint post iniqua prius & fortiter postulata, æquum hoc se ferre optimo jure sperent; viz. Ut maturo examine factò Liturgiæ nostræ, nonnulla saltem refecentur, adjiciantur alia, & plura emendentur: tum verò alacrius & posse & velle se uti. Sed penitus insipienti facile solitis fraudibus non animo sincero agere liquebit. Nam vel plures & graviores fuerint Alterationes, & tum incruentam victoriam & triumphos reportant de iis quos vi & armis nequissent. Sin ejusmodi fient quæ non satisfaciant, protinus iniquissimo aggrediuntur argumento. Eandem negant esse formulam quæ tot & tantis decretis utriusque Politicæ confirmatur. Non mutas, ergo? O duras & immiseri- cordes hominum mentes, clamant, quæ se nullatenus in

in fratrum levamen inclinari patiuntur ! Mutas vero quædam ? Jam totam debere ejici facile inferunt. Aliam namque esse à Legitima illa affirmant, quæ tractu temporis & brachio Civili communita fuit.

Quod hominum ingenium satis se quale sit absque ulteriore censura prodit ; Quod si verò desiderari videatur Prævaricationum iniquissimarum in hac causa manifestius argumentum, duo illa quæ non piget huc afferre satis cordato cuivis probent. Alterum erit clarissimi & Modestissimi Bucerì Censura Liturgiæ Anglicanæ, qua satis doctè, piè, & ingenuè contra captiosissimos & querulos hos sophistas multa in ejus laudem profert : quæ cum pro re nata à Doctissimo Whitgifto Archiepiscopo contra Archischismaticum adducantur, Thomam Cartwrightum, erubescens hic æquissimum illum judicem penitus repudiare ; pondus autoritatis hujusmodi cavillis elevare non dubitat. Primò impudenti cavillo agit ut adulterata esse illa Bucerì opuscula credatur, nullam suæ suspicionis, vel calumniæ potius, aliam afferens rationem, quam quòd secus quam Analogia Presbyterianæ factionis postulet, scriberet. Alterum est commune tam à Veterum quàm Recentiorum autoritate Asylum, viz. Errare potuisse Virum illum. Alterum adhuc turpius & inhonestius stratagemata est : viz. quo abolere efflagitant omne præclarum Liturgiæ Nostræ elogium. Vir enim optimus & Fidissimus Martyrologista Joannes Foxus strenui & invicti Confessoris flagrante persecutione sub Maria Regina Joannis Carelesii Examen coram Doctore Martino & fidem Literis accuratè mandans in prima Martyrologiæ Editione, affirmantis publicè, Vix aut ne vix quempiam salutem animæ posse consequi, qui Liturgiam nostram prout sub Edovardo Rege prodiret reformata, recusaret, nisi mature facti poeniteret :

Purita-



Puritanorum mentes hoc præclaro præconio tam vehementer sunt exultæ & acerbatæ, ut cum bono, & nimium (licet parum) propenso in istiusmodi factionem Viro egerunt, ut Secundam Editionem adornans tollerentur illa omnia verba quæ Publicas nostras Preces celebrabant, & mutila Martyris Examinatio ederetur. Anno Domini 1641 Octava ejusdem Martyrologii Editio facta est, cujus Titulus pollicetur restituenda omnia quæ in secunda desiderantur. Cæterum quid sit præstitum in aliis affirmare non ausim: prædictum autem Elogium nusquam esse repertum, res ipsa apertè docet.

In gratiam autem eorum quibus parum innotuerunt Factionis istius doli, versione quam possim simplicissimâ, reddam Latine quæ in majorem fidem in

And I now add thus much more, That the same Book which is so consonant and agreeable to Gods Word, being set forth by common Authority both of the Kings Majesty that is now dead, and the whole Parliament house, ought not to be despised of me, or of any other private man, under pain of Gods curse and high displeasure, and damnation, except they repent, &c. Fox's Acts and Monuments, pag. 1531. Edit. 1.

Margine propria dialecto descripsi. Jam (inquit Carelesius) hoc addam amplius: Quod liber idem qui tam consonus & conveniens Verbo Divino est, autoritate junctâ tam Regia Majestatis defunctæ, quam universi Parlamenti Domus, non debet contemni à me, vel quopiam alio privato. sub Maledictionis Divina pænâ, gravis displicentia, & damnationis, nisi respiscat.

Atque hætenus quidem contra extemporaneæ fides precatiunculas solummodo stylum strinximus, & paucis quidem. Quod si justa disputatione placeret, vel fas jam esset prolixius & severius cum hoc hominum genere agere, ad illud quoque paulo diversum Deum vocibus importunis laceffendi genus transeundum esset, quo modestiores videri & æquiores cupiunt; Preces non eodem instanti genitas & expositas publicè vulgo effutientes, verum privata meditatione paulo maturius secum volventes, vel, quod ægrè ferant

ferant vel Doctores vel discipuli novantes, invariata verborum forma de suo ingenio composita utentes, Spiritui prophetico vel dictatori nihil tribuunt, contenti scilicet hoc uno Schismatis instrumento, Liberè gaudere, ut privatis formis in dehonestamentum & contemptum Publicæ (licet hac quoque simul suo more utantur) claudant; & caudam equinam corpori humano subjungant. Quod quidem figmentum quum primum omnium in animum venerit pervicacis Schismatici Thomæ Cartwrighti, hostis cum universæ nostræ Ecclesiæ, tum Reverendissimi Whitgifti Cantuariensis Ecclesiæ Archiepiscopi, infensissimi, mirum in modum progressum, & usurpatum, vix aut ne vix in hodiernum usque diem, exterminari à finibus Ecclesiæ possit. Et tamen qui quidquam sapiunt in Ecclesiasticis traditione & consuetudine, omnino nōrunt, morem illum ut quisquam suo abundet sensu orans, præter formulam ab Ecclesia receptam, inauditum prorsus, & verè Catholicis intolerandum, nulla divina autoritate fultum, nulla consuetudine Ecclesiastica commendatum, nulla ædificatione Fidelium laudatum, nisi hoc sit (quod revera est animis instabilibus) ædificari, novitate gustatâ superbire, æmulationes tacitas concipere, dissidia alere & schismata tandem parere. Quod quum perpetua serie ab Apostolicis temporibus ad nostra sæcula defluerit, non pudet gentem Presbyterianam scriptis editis morem fuisse Ecclesiis tradere, ut Presbyteri ministrantes modificent suas orationes (uti didicerunt ipsi loqui) in cœtu publico Fidelium: de quo tamen ne unicum in lucem exemplum assertionis confirmandæ causâ productum legimus. Illud tantum saltem ipsos consolatur in tantâ inopiâ, Sanctos plerosque, quorum extat historia in Libris Sacrosanctis, Spiritu Divinò ad miraculum imbutos, pro re nata

extraordinariâ, Preces coram Deo habuisse, non præscriptas. At hæc ambitionis ansa amputata dudum est: Et longè alia ratio tam Ecclesiarum, quam Ministrorum, aliam prorsus formam jure postulat, Officio defungendi Sacerdotali.

Tertiam ergo querelam ut excutiamus monet ordo nostri instituti, scil. contra Ecclesiasticam potestatem. Postquam enim desperârint nomen & Officium Præpositorum penitus delere; eò artes & vires intendunt omnes ut nomina sine re, & umbra absque veritate solummodo iis supersit; & Episcopos temnendos & deridendos, non venerandos habeamus. Hinc plura dogmata procuduntur, quibus omnem auctoritatem Ecclesiasticam iis detrectent. Interdum enim se jactitant Christi Libertos, hominum decretis nequaquam decere parere. Dein, tertio quoque vocabulo Christianam iageminant Libertatem, *State* (inquit Apostolus) *firmi libertate quâ vos liberavit Christus*, &c. *Nolite hominum servi esse.* Tertiò, Quod Deus non disertè præcepit per verbum, inhibuit verbo suo, quodd interminatur Populo suo quodd Præceptis hominum Deum colerent. Quartò, Conscientiæ Fidelium unius Dei imperio ritè subjacent. Quintò, Si Ecclesiasticis Præpositis fas jusve sit, præter Scripturas, unam vel alteram instituere Cæremoniam, plures eodem jure imò infinitos ritus subintroducant in Ecclesiam, pro libitu suo; & statim tyrannidem exerceant immitissimam, in Piarum conscientiarum carnificinam & Purioris Religionis interitum.

De his paribusque infrunitorum hominum argutiis intervertendæ disciplinæ omni Ecclesiasticæ non est opus producere disputationem præsentem, quodd de iis tam in Apologia Superiore diximus, quam aliàs. Hic monuisse sufficiat, arma hæc omnia seu argumenta facili negotio intentari contra universam quarumlibet

Jerem.

rumlibet Ecclesiarum potestatem, ipsamque illam Disciplinam cujus causâ Mundum susque deque ferri æquum putant. Nullus etenim cœtus Ecclesiasticus, quaquaversum disseminantur Christiani, reperitur, qui Adiaphora & Ritus non ordinat ad placitum suum: qui si ad legem Dei examinentur, nusquam sub præcepto cadereprehendentur.

Cæteram cum jam se propriis laqueis irretiri viderint Sepiæ hæ, novis distinctionibus rem apertam obscurare student. Sunt enim ex iis qui distinguendum graviter docent inter *Cæremonias natas*, & *Cæremonias datas*, quæ alia suadente ratione glorior me ignorare; nisi quia Paranomasia suavius & puerilius auribus tinniens corda crassa in errorem pelliciat. Negamus enim nulla difficultate figmentum hoc crudum, scilicet uspiam reperiri posse, *Cæremonias natas* sensu proprio & non suo solo. Circumstantias largimur è natura ortas, quales sunt Locus & Tempus: *Cæremonias natas* vel naturales nullas agnoscimus: Tum demum enim Circumstantiæ istæ rationem Cæremoniæ induunt quando ex se generales & indefinitæ humano consilio instituuntur, & rebus applicantur, danturque custodiendæ & colendæ.

Pari quoque stultitate de Ritibus secundam ex privatis cerebellis extuderunt distinctionem; Juxta hos enim, quidam sunt Symbolici: & hanc divisionis partem multo strepitu personant: Alteram verò vel nullam invenerunt adhuc, vel nomen nondum isti imposuerunt. Hinc Symbolica Vestis magnâ proscribitur invidia & indignatione. In quo an stûpidi an argutuli errant dubitare soleo, curare non soleo. Nam vel leviter omnino ludant, vel graviter calumniantur, vel rectius, fortiter utrumque faciunt. Per Symbolicum enim vel Sacramentale quid, (idque sensu proprio) intelligunt, vel Significativum purè. Prior

acceptio mendacissimo nititur supposito, tanquam Ecclesia ullis ritibus à se purè inventis præscriptivæ, Sacramenti vigorem, virtutemve inesse crediderit, vel ab aliis credi patienter tulerit. Quod si posteriore modo duntaxat *Symbolicum* accipi velint, pergant ad ravim absque ratione vociferari. Cæremonia enim istæ ut doceant, & mentibus res alias à seipsis ingerant, volumus: illis in æternum nolentibus & frementibus. Qui ergo Cæremonias signa esse nolunt rem indicantia diversam à specie seu imagine externâ, illi quicquid videri dixisse cupiant, nihil dicunt, nihil in hoc genere patiuntur. Qui verò quicquid simplici significatione & utili tantummodo, non necessariâ animis præfert fidelium Religionis negotium, malevolâ & perniciofa intentione à propria rapiunt sede, & attollunt ad summam Sacramentorum religionem, profectò idem meditantur quod Nazarenos legimus contra Christum, *qui repleti irâ duxerunt illum usque ad supercilium montis super quem civitas eorum erat edificata ut precipitarent eum*: scil. Ut lapsu graviore cadant.

Lur. 4.

Ad primum autem breviter dicendum; Hominem plerunque & Deum in Scripturis opponi, sæpius etiam conciliari. Quando ergo contrarii sunt; quis dubitet cum Apostolis Petro & Joanne, Deo esse adhærendum, hominem contempto? Adeone verò ubi subordinata deponuntur, vel Homo permissu generali Dei de singularibus consulit decernitque?

Ad Secundum respondemus, Libertatem Evangelicam non integrè, propriè, aut immediatè in quovis Individuo Fidelium sitam esse, sed in Ecclesia, ejusque Administratoribus: & nihilo luculentius spectari aut justius exerceri eam quam exerenda, vel asserenda potestate de extrinsecis, & mediis rebus.

Tertio

Tertio loco, aperta & crassa injuria Deo irrogatur: quòd non minus sit falsum, Deum omnia vetare quæ non præcepit; quàm præcipere omnia quæ non prohibet.

Quartum argumentum Classicum sonat Liberis adversus Parentes, Subditis adversus summas Potestates juxta ac Ovibus adversus Pastores, qui omnes possint non solum æqua, sed iniqua suis imperare: Num ergo omne iis jus ita extorquendum est ut non prosint, ne noceant? Vel Scutica Loraque Aurigæ auferenda quòd libitu suo possit Currum in præcipitium & ruinam propellere, aut rectum iter prope-  
rantes equos retinere, vel distrahere?

Quinta ratio tollit quidem Dominium in ipsas Conscientias, non tamen in actus externos qui dicuntur à Conscientia regi, & emanare. Forum enim internum unius Dei Peculium; externum humanæ jurisdictionis est.

Ignoscat mihi hic Lector benevolus quod contra proprium institutum, aliud saturo cavillum subjiciam solenniter in hanc argumenti formam productum. Ceremoniæ inquiunt & Ritus Ecclesiæ sunt res adiphoræ: Pax autem Ecclesiæ & fraterna concordia sunt maximi momenti: Varia autem & tristia certamina propter illas Ecclesiam affligerunt, jam plurimos annos: Oportet ergo Ecclesiæ Gubernatores, siquâ tangantur curâ tranquillitatis & pacis, ut de medio hæc contentionis mala prorsus auferant. Nonne Piè & prudenter omnia pronunciata? Vel potius, nonne omni vento leviora, & omni impudentia iniquiora? Quibus adversariis unquam prius in mentem quàm his venit, hic modus disputandi? Est sanè omnibus numeris Ecclesia optimè jam constituta, auctoritate utriusque ordinis freta vicensque: Sunt tamen quæ mutanda, tollenda & adjicienda maximo-



pere flagitamus: Nostra non sunt fidei, neque illa: ergo mediæ naturæ. Argumentis si rem expediri posse, aut scripturarum ponderibus, aut Traditionum autoritate speremus, frustra omnino sumus & nulli: Quid ergo superest nobis tentandum? Aures scil. importunis querelis omnium fatigentur, Clamoribus omnia repleantur, Respublica seditionibus & dissidiis, Ecclesia Schismate & Sectis convellatur: quæ postquam nostra operâ acciderint, Expectemus, quia petimus, quod volumus. Et quod nos Ecclesiæ nequaquam concedimus, ipsa nobis largiatur, ut scil. pace unâ & Religione nostrâ suaviter fruamur: tum tandem Vera, solida, sanctaque fuerit Pax, quando votorum erimus compotes. Tum enim & Ecclesia & Pax nostra erit. Hocine est verò ingenuorum, eodem tempore nos prorsus interficere, & ridere? Quid enim aliud sit nos sarcasticè deridere, quàm nobis auream pacem, & æternum silentium ab infestioribus verbis polliceri, quum nulli sumus, & è vivis prorsus sustulerunt? Quid verò aliud sit nostræ Ecclesiæ & naturam & nomen extinguere quàm postulatis suis de Adiaphoris assentire? Itane licitum fuerit iis tantâ sævitiâ Adiaphora insectari & abolere, nobis Legitime tueri nefas erit?

Habent post hæc bruta fulmina, rationem tonantem sumptam de Superstitione, quâ pavidam & superstitiosum vulgus in fugam Cæremoniarum solent compellere, & quasi Helepoli Civitatem Dei expugnare, & optimè solideque ædificata dejicere. Quæris autem ab his Demagogicis Theologis, Quid sit superstitio? vulgò respondetur, Papismus est. Quid rursus est Papismus, interrogas? Superstitio, respondebunt. Si rectius autem quis definiret ea ad mentem horum, diceret, Superstitionem & Papismum esse quæcunque ipsis displiceant, vel parum intelliguntur;

guntur, vel denique (quod nonnihil coloris præ se fert) Scriptura disertè non præcipit prohibetve: quod tamen magnus ille Regni & Ecclesiæ populator Buchananus haud probare videatur, cùm scripserit pro Tyrannorum occidione. "Porro, inquit, existet alius qui poscet è Literis Sacratioribus exemplum Regis à Civibus puniti: quod si proferre non possem, non protinus effectum erit, ut quod illic factum non legamus, id pro scelesto, & nefario confestim habeatur. Possum apud multas nationes plurimas & saluberrimas leges recensere, quarum in Sacris libris nullum est exemplum.— Servitus enim ista nec unquam recepta est, nec rerum natura tam fecunda novorum exemplorum eam recipi patietur, ut quicquid lege aliquà jussum non sit, aut illustri exemplo proditum, pro nefario & scelerato sit habendum. Hæc ille. De malefico autem Hominis Genio quo agebatur contra Reges, nihil mihi hic dicendum: Fateor equidem si nullo sanctiore munimine expugnatores & expilatores Sacræ Majestatis arcerentur à Regum punitionibus (quos antè Tyrannos placuerit dicere) quam Legem nullam, aut exemplum adduci posse à Sacris Literis, quæ aggressoribus præcipiant factum, minimè fore tutos illos: At nos Leges furorem istum inhibentes ex Scriptura proferimus, quas excæcatus libidine Regum calcandorum videre non potuit Buchananus. Hoc tamen probamus, & profectò probandum est tam in Civilibus quam Ecclesiasticis, Falli scil. eos pessimè qui expectandas existimant disertas Leges Scripturæ omnium etiam mediæ naturæ agendorum: & proinde definiunt vel Papismum vel Superstitionem negativè à Scripturis.

Doctiores ergo Schismatici non ignari nullo hæc niti fundamento, Superstitionem, aiunt, Id esse  
omne

Buchanus de  
Jure Regni  
apud Scotos,  
pag.

omne quod *Supra Statutum*. *Supra statutum* autem illud asserunt, quod non divinâ autoritate, sed prudentiâ, seu ingenio hominum constitutum sit: Sat scio Isidor. Hisp. Hispalensem Isidorum hujus meminisse notationis nominis, apud quem sicuti etiam (ni fallor) apud Romanorum doctissimum Varronem multa frigidè evoluta, Lector reperiet: Et utrumque potius allusiones, quam proprias Vocum Etymologias plerunque aucupari. Hic tamen Isidorus ipse potius Varroni & Augustino adfentiendum putat, "Qui Superstitiosos arbitrantur dictos, quod totos dies precabantur & immolabant, ut sibi sui liberi superstites essent: Quod tamen à Lactantio ridetur. Rectius forsitan Cicero, qui licet istam quodammodo probat, scribit tamen vocem ad alia multa pòst fuisse deflexam. Pessimè autem & superciliosè Caudreius contra Hammondum, cum Fraterculis suis postulat, ut non tam quid Veteres, vel Prophani, vel Sancti Authores de ea judicârunt, sed quid Moderni scil. suæ Fratriæ Theologi docuerunt, requiramus. Digni scil. sunt isti Viri qui post Religionem seu Theologiam à se purgatam, Leges quoque Loquendi omnibus ponant.

Isidor. Hisp.  
lib.7. cap.3.

August. de  
Civitat. Dei,  
lib.4. cap.30.

Cicero de  
Nat. Deorum.

Plutarchus  
ἐν τῇ Δεσφαι-  
κονίᾳ.  
Id. Contr.  
Epicurum.  
Seneca Epist.  
123.

Optimè ergo sibi cavent ad seipso Judices Lites omnes revocantes, alioquin certè causâ cadere necesse esset. Si Plutarchum enim, si Senecam, si Budæum, si Calvinum Lexicographum consulamus, uno consensu omnes docent non tam superstitiosos esse qui Sacris superfluis se exercent, quam qui vano perterriti timore religiosè timent non timenda, vel, ut habet Scriptura, *Trepidaverunt timore ubi non est timor*. Est enim Plutarcho, *ῥῆσις καὶ φόβος καρδίας*: h. e. Palpitatio & tremor cordis; Et alibi *φόβος καὶ ἄπορρησία*; Ignavissimus omnium pavorum & Scrupulosissimus: Et juxta Senecam, Error infanus;

fanus; amandos timet, quos colit violat: Vana enim (ut idem) vanis terrori sunt. Vanissimi proculdubio sunt meticulosi hi Christiani, qui saltem se fingunt magno affici terrore Conscientiarum, ubi locus justæ formidini nullus. Locus autem nullus est in rebus Adiaphoris suâ naturâ: Obsequii autem officii singuli astringuntur Præpositis de recto, idoneo, honesto, & secundum ordinem faciendis, judicantibus, parere. Et plusquam superstitiosi sunt, qui Communibus Sanctionibus & consuetudinibus canino, non Christiano zelo oblafrant, virgâ magis quam verbis compescendi. A tetro enim Schismate quî se puros defendant qui tam iniquis & perversis sunt moribus proximè dispiciendum & breviter.

Quod Schisma res sit non merè aerea & intra operationem intellectus conclusa, opinione Presbyterianorum, debemus acceptum Conlectariis suis, contra quos multa & Aculeata scriptitarunt de ejus atrocitate, putantes scil. errantes oculos his mediis in suam compellere caulem. Est ergo Schisma. Quid verò sit, proximè examinandum, non artificiosâ definitione & Scholasticâ, sed rudi & quam ipsi Adversarii non rejiciant. Sit ergo Schisma separatio à corpore Christi Aspectabili, nullâ causâ justâ movente aut cogente. Non dico injustam absolutè Separationem, sed Causam non justam, unde Separationem injustam esse necesse est. Dico autem à corpore Christi, non mystico, quia divulsio seu distractio ab illo Apostasiam vel exitialem hæresim supponit: sed à Visibili, quæ est Ecclesia externa. Justa autem, & injusta causa quæ sit, non omnibus unus est consensus. Vulgò autem Idololatria, aut gravis in fide error asruitur sufficiens Causa; leves verò, nequaquam. Cominus ergo nobiscum agant Delatores hi; perscrutentur singulos nostræ fidei articulos, expromant

Genes.

retros errores, qui justam fidelibus præbeant causam seiplos à communi corpore segregandi. Sinite hic vos verbis Jacob Labanos compellem. *Quam ob culpam Ecclesiæ nostræ, & ob quod peccatum sic exarsistis post eam, & Scrutati estis omnem supellestem ejus, [scil. omnes ritus, acta, Cæremonias, Canones, etiamnum fidei particulas] Quid invenistis de cuncta substantiâ domus Dei? Pone hic coram fratribus tuis & judicent inter me & te.* Dicatis apertè & rotundè quid dignum invenistis tantis turbis, tantis motibus & tragediis? Hominum stupendam hic primum demirare impudentiam, Schismatis seu discordiarum noxam in ipsam Ecclesiam rejicientium: quodd scil. non ex se necessaria imperat, & conditionem unitatis res omnino adiaphoras proponit filiis alioquin morigeris, & piis: Conscientiis ipsorum non ferentibus ejusmodi servitutem Liberrimæ Evangelii legi contrariam, & Charitatis. Sic scil. à Sectariis est deliratum.

At primò, Statue hæc omnia vera esse: petimus, Quomodo Ecclesia à non Ecclesia schismaticè se dividat? Factiones autem cum quibus jam lis est nunquam, vel titulo Ecclesiæ (nisi ad solenne Veteratorum suffugium, Ecclesiam Mysticam & Invisibilem se conferant) dignæ fuerunt; nullis enim legibus, aut vinculis in commune corpus adhuc coaluerunt, sed sparsim errantes pecudes, consensu momentaneo collectæ fortassis sunt in caules mobiles. Ab hoc autem hominum genere schismaticus quis esse, vel si maxime velit, possit? A non Corpore quispiam divelli possit? Quod verò schisma putant iis deputandum qui causam divisionum subministrant, non omnino errant. At Causa quæ coinquinat hac labe æquis trutinetur judiciis. Adiaphora, seu per se mala non esse, inviti largiuntur Phanatici, quæ ipsis præcipiuntur. Dicimus autem nos magno Antiquarum,

quarum, & Novarum, Reformatarum & Irreformatarum consensu Ecclesiarum, peccatum saltem solummodo debere esse justum secessionis fundamentum. Peccatum autem & Adiaphorum latissimo intervallo dispescuntur; non ergo secessionis debita esse materia possint. Atqui instant, Conscientiæ suæ læduntur opinione Mali latitantis sub Adiaphoribus. Nos verò e diverso affirmamus; vel nullas omnino esse Conscientias, sed libidines; vel neutiquam curandas, quæ recalcitrant ad non Malum: Et suspicionibus gratuitis & fictis malevolè aguntur, regunturve. Malum autem nec esse, nec videri potest quod Indifferens apparet. Est ergo Cervicofitas, Fastus, vel Spiritus Soporibus quo instigantur, non Charitas aut Christiana Conscientia: Est etiam summum malum, h. e. Schisma quo miseri innodantur & laborant; Est denique servitus deslenda quam suis solis legibus vivere quærentes, depereunt.

Alterum purgationis suæ à foedissimo Schismate, caput, ipsam quæstionem tollit: Aiunt enim, Schisma, nedum Separationem, se non admisisse: quoniam subire Testa Ecclesiarum nostrarum non detrectant simpliciter. Præterea Ecclesiam Christi, nostram esse, non negant. Quantillum autem hoc obtentu proficiant, qui Sacram Communionem, quæ in Precibus Ecclesiæ, præcipuè Eucharistia celebrandâ conspicitur, refugiant; & omne absolvi punctum Religionis putant voce Prædicantis hauriendâ à Suggesto, in quo minimè omnium consistere nōrunt cordati? Nulla autem revera illa est communio quæ eodem invocandi & Benedicendi Deum spiritu non animatur, & ritu alitur: Ab his verò se subducunt; & colligunt in dispersione, & ædificant de ruinis Schismatici nostri, quos terra gestat, pessimi, insensissimique.



Pati autem non possumus ut festinus & pene oppressus Calamus non refutandis, sed recensendis deliriis nugisque Perditissimorum horum, silentio transeat primum fere caput fontemque cunctorum malorum quæ laceræ discerptæque Ecclesiæ irrogarunt. Quem enim non stupentem attonitumque non reddat ipsorum immedicabilis lues animi, & insaniendi diritas, qui inde sibi furoris & ægritudinis sumunt argumentum, nocendique occasionem, unde pii probique in mentem, in quietem & ad sanitatem redeundi solent merito acceptare? Qui enim haud ficta fallique sanctitate, & conscientiiis non aguntur, sed norunt, submonente Apostolo, *ad sobrietatem sapere, & Quæ sunt pacis querere*, eò se præbent faciliores æquioresque in Ritus Ecclesiasticos nulla morali labe peccati corruptos, quo vident ab Autoritate Legitima commendatiores proponi: Norunt enim, (qui quid sit Christianismus non penitus ignorant) Sanctum Paulum diserte præcepisse, *Omnia anima potestatibus sublimioribus subdita sit. Et, Obedite præpositis vestris & subjacete iis: Ipsi enim pervigilant, quasi rationem pro animabus vestris reddituri, &c.* Quid hoc verò hominum genus ad hæc salutaria Scripturarum documenta? Sane plusquam rident & contemnunt. Et Christum Christo, Spiritum Spiritu, vel potius superba commenta sua Scripturis claris committunt: & per ambigua & obscuriora loca vagantur Novi præcipue Fæderis, unde emendicent materiam pessimè de Christiana Libertate Philosophantibus, & Licentiæ suæ omnem saniolem spernenti disciplinam, subministrent. Tandem verò perfecti arte carnalis Libertatis & inobedienciæ, non formidant in hujusmodi voces prorumpere, auribus profecto doctrinam Christi vel leviter imbutis horrendas, tanquam omni Ecclesiasticæ societati & Regimini ex diametro contrarias: viz.

Rom. 13.

Heb. 13.

viz. se non prorsus recusare, non simpliciter detestari Ritus omnes sub nullo cadentes divino præcepto, salvâ Libertate qua nos Christus liberavit. Christus autem (nisi fallantur singulares hi Glossatores) nolit ea nostris cervicibus imponi onera Cæremoniarum, quæ ipse non imperavit: Actum ergo erit de Christiana Libertate, si præter mandatum Fideles humanis decretis subjiciantur: ideoque standum, fortiter prædicant Libertate: & qui injussi & Liberi ab imperio haud peccarent Cæremoniis Adiaphoris utentes; teneri summâ indignatione abjicere, quando præcipiuntur. Exemplo rem adhuc illustriorem Civis cujusdam Londiniensis narratiunculâ mihi pridem factâ, de jejuniis Ecclesiæ, fortè obiterque cum illo agenti, deinceps Frater (inquit ille) est mihi in hac urbe Salsamentarius, qui bona fide mihi affirmavit, multò magis Piscium commercium stupere hodie, quam diebus Protectoris, & Liberæ Religionis; & esum Carnium diebus Veneris & Saturni, quàm ex quo Rex ad nos rediit, & reddita sunt antiqua forma & jura Ecclesiæ, frequentiore & communiorum multò fuisse. Fateor me (cui religio morèsque Sectariorum non essent incomperta) absque gravi admiratione verba hæc insulsa equidem excepisse: quæsi-  
fivi tamen (rem totam subodoratus prius) Atqui, Quid causæ, obsecro, subesse possit, bone Domine, tantæ mutationis, & aversionis subita à Piscibus comedendis? Tum ille, sensum suorum, qui longa deprædicatione novantium Divalium animo suo firmiter infederat, quòque me putabat mutum redditum iri, solenniter exponit; Dicunt, (ait) sibi non minus quam olim nunc quoque perplacere Pisces, ipsorum palato satis arridere; unde solitos mensæ ipsos admovere sepiuscule, quum liberè hoc fecerint: Nunc autem, accedente præcepto humano, & periclitante

Libertate Christianorum, teneri se arbitrantur Christi diploma sanctius curare & fortius tueri: denique, qui libenter & sponte à Carne esitanda abstinerent, iussi nequaquam id committent. Quid verò misero mihi & obstupefcenti hominum execrandam religionem, & impudentiam sceleri additam, agendum restaret, præter tacitam citamque fugam à monstris tantis pestibusque Christiani nominis?

His ita comparatis, Quis æquus rerum æstimator in dubium vocaverit, Rectè, secusve fecerit Ecclesia, quæ viperas has, quæ uterum ejus quo geruntur foveanturque perpetuis, vel tacitè, vel apertè vulnibus dilacerant, extinxerit; salutemque suam, quæ tuta aliter esse nequeat, accuret? Præsertim quum luce clarius cunctis videntibus sit, bellum animo & intentione, ubi actu non possunt, *damus* contra nos ab iis geri. Quid enim aliud Fœdus illud Scoticum, cui haud minus quam Novo Evangelio tribuunt, sanctumque esse avent, nobis minatur, quàm internecionem? Nonne & Regem ipsum in Ordinem, & Episcopalem potestatem, ista normâ dirigente & Compedibus injectis redigunt? quod ipsi molliore dictione, *reformare* nuncupant. Et quod neque formâ, neque materiâ, neque fine, neque effectibus dirissimis justî æquive quidquam tenuit, cum discrimine vitæ, etiam æternæ, colendum fidenter & fortiter docent: Solent equidem, (fateor) non ex pietate, sed calliditate admiscere exceptiunculam istam, *Quatenus jus fasque fuerit*, quo horario vinculo facile se expediunt, quando suffulserit certior paulo & lætior spes prosperi Eventus: tum enim vocantur ad superstitionem suam asserendam omnibus modis Licitis. Licitum autem ipsis sunt, Possibiles: secus autem, ex favissimis adversariis fiunt repente fratres suavissimi; de quibus quidquam suspicari mali, antequam

requam acciderit, contra Charitatem ipsam peccare est: Hoc autem olim Rex consultissimus Jacobus variis malis conflictatus expertus est: Hoc Carolus Filius atrocioribus semel adhuc & iterum comprobavit: Hoc tamen Nepos hodie perdiscit, & Ecclesia languens & fracta fere & nescio quo tristi fato in certam præcipitata ruinam, & serò sapiens ista, experiri cogitur, Nihil inquietius gente istâ favoribus lenitâ, nihil insolentius spe succrescente, nihil denique istâ Factione pestilentius esse posse, quæ post Deum popano delusum, pulpamento Læstissimarum phrasium & inanium pollicitationum vitæ nostræ Religionis infidiabitur.

Quo vero tectiores sint ipsorum doli & funestiores, novam, amictu perjurii fugiendi Thesum omni mendacio falsiorem, & peste nocentior, è nescio quo erutam Stercore, vel Cathedrâ Pestilentium profectam excogitarunt; qua se loricantes facile omnia sanitatis media refellunt. Aiunt enim Solenni Fœdere Deum invocantibus in animas suas, in quo nobis ipsis non abnuentibus, id saltem pium & perhonestum continetur, quod Cæsareæ Majestati sospitandæ, stemmaticque Regio tuendo fovendoque religiose consulitur voveturque, nefas & piaculum plane esse integram Ligam istam rescindere: Metuunt scilicet hi Regalis Potestatis & dignitatis tantum non adoratores nuper facti ex Vastatoribus, nequid damni patiatur (aliunde quam à se) Imperium nostrum.

Multiplicem & exitialem his verbis subesse fallaciam facile patebit. Primò enim, Quis dubitavit sterquilinum calcare, quia forte lateat in eo Gemmula? Quis fœdifragum fœdus abdicare, quia aliquid sani amplectatur? Virus quis pari stupiditate evomere recuset, ne vinum, quo mixtum erat, unâ rejiciat? Scholæ verò quum rectè hætenus docuerint,

rint, Bonum oportere esse ex integris Causis; Disciplinæ novæ studium hos docuit minimam Boni micam satis esse perfundendæ ingenti malorum Massâ, & commendandæ. Guttam atramenti hætenus vas Lactis totum polluere novimus; nunc vero aliter institutis ab his Philosophis & Theologis, Atramenti vas depurari Lactis guttulâ infusâ credendum. Mirandum potius cum rubor omnis ingenuus exulare à frontibus hæc dogmata scribentium, & scelus sceleratâ doctrinâ defendentium, videatur; atramentum ipsorum se non converterit in minium. Hoc enim consistente dogmate, ruat necesse est omnis tam in Subditos principum potestas, quàm Fides subditorum in principes. Facile enim erit cuiuspiam & Pharisaicâ superstitione Deo piè aliquid vovere, eodemque tempore, & vinculo Sacramenti, se prorsus ab omni obedientiâ solum credere; accito autem ad palinodiam, respondere, Juramentum istud se neutiquam posse violare, quia divinum eo honorem complexus est. Et è contra, Tutò possit quis & firmiter jurare se Fidem Christianam pro virili velle expellere è Regno, modò articulum unicum adjecerit in salutem Regis: nec teneri ad istud ejerandum, abdicandûmve.

Quid ergo (rogare solent) de conscientia stabilienda fiet, in re tam piâ & honestâ, qualis est Principum salus? O novum hominum genus Cœlo editum in Principum incolumitatem, & tutamen! O piissima in Patres Patriæ pectora, nullis minis, nullis illecebris, infortunio nullo à Principum cura & inaudito studio dimovenda! Sola jam quid sit subjici, & parere Gens Presbyteriana novit; solum Fœdus Scoticum docuit quid sit Majestatem colere. Lex Naturæ, Lex Gentium, Lex Gratiæ seu Evangelii, Leges denique terræ vel obmutescunt omnes vel frigent in hac causa. Accedant autem Lumen Fœderis Scotici,

Scotici, & Ligamen, tum demum quæ sunt Cæsaris Cæsari redduntur : Et solia regum securè figuntur, quum proclive sit priora omnia jura temnere & calcare. Hinc ore vaniloquo pergunt sua seque prædicare, cæteros autem accusare; dicentes, Malignos scil. quovis pacto sibi Regem optare : Independentes autem, & reliquam hominum faciem nullo modo pati posse : Ipsos autem Fœderatos fratres debito & Legitimo modo regnantem expetere. Quis autem, qualisve sit ille ritus, dubitas ? viz. Secundum Codicem Canonum Ecclesiæ Scoticæ, & Corpus Juris Incivilis quod ad hunc usum ipsi collegerunt, etiamnum quotidie deformando Majestatem effingunt. Possim tamen respondere, quod verissimum est; Salutem & Majestatem Regis deprædicatam, & Ligâ Scotica memoratam, revera nullam esse, sed verborum tantum opportunam pompam : quod Actus (optimi Internorum sensuum, & verborum quoque interpretes) perspicuè demonstrârunt ; Quis enim in nostris turbis tam hospes est, ut nesciat ut Factio ista novis quotidie inventis & Scholiis, omne Regnandi Jus abradens, ad se summam rerum arripuit potestatem ? Pati autem perridiculo nomine Rex, Unum hominem frui, nihil autem præter sua consilia & Libidinem audere, Ipsiis significat Regnare; quod Generoso & Regio pectori durius habetur & inhonestius, quàm privatam & incelebrẽ agere vitam. Dico præterea, si ejusmodi impietatis vinculum quod Legitimam nullam habet Circumstantiam, solveretur; non propterea labefieri obsequium in Principes, quod Jure Naturæ, Legibus tam Scripturarum quam Gentis sanctius & fortius retinetur, quam nodis quos pro arbitratu vestro vobis nunc nectitis nunc scinditis. Instant autem. Atqui etiam privatum Jusjurandum nonnihil virtutis videtur addere Publicæ obligationi;

Z z

hinc



hinc se Regiæ Majestatis studiosiores gloriantur vincendi his novis nexibus, quam nos solutos: hoc autem nihili æstimare, in Regis jacturam cederet. Respondemus, Falsum omnino non esse quod petitis de Jurando tali privato, quod subordinatur (ut loquuntur) Publico, & Legitimo; esse verò falsissimum quum coordinatur, imò Contraordinatur Summæ potestati, quoad formam & modum ligandi, licet forte materiam habeat non dissonam, sed honestam.

Pòst audax negotium suscipientes meritis expendi Causam postulant, Regalis imperii vitæque Ajaces hi novi: exulanti Regi reducendo Principes fuisse Fœderales Fratres ubique jactitantes parricidarum furori restinguendo: Quæ ergo levior adorea debeatur, quam Religio libera, & Conscientiæ nullo Episcopali jugo oppressa?

Ad hæc respondendo non multum esse anxios nos oportet memoria repetentes falsam dicti modestiam, qua Gravissimus vir Fabius Maximus à Cicerone Salinatoris importunam repressisse jactantiam memoratur: qui turpi deditione Oppidum Romani Juris hostibus tradens, fugiensque in Arcem, Fabio, virtute sua Civitatem recuperanti, ait, *Meâ operâ Q. Fabi Tarentum recepisti: Certè, inquit ridens, nam nisi tu amisisses, ego nunquam recepissem.* Pari Presbyterianorum operâ Carolum Regem recepimus, qui nisi istorum operâ nefariâ pulsus exulasset, nunquam rediisset ad suos. Ad cætera diximus quomodo victi & oppressi Fratrum suorum Independentium tyrannide solito æquiores in Regem esse cœperunt, non hujus amore, sed eorum odio; unde reipsâ nonnihil boni ex hac collisione Regi contigit. Quam sincerè autem hîc se gesserint, indicio esse possit consilium habitum post hostes domesticos profligatos, de innodando

Cicero de  
Senectute.

dando rege vinculis foederis sui pestiferi ; & lege condenda seu potius religiose servandâ Ipsi, ante Ingressum in Angliam, de Presbyteriali Disciplina colenda & promovenda in Anglia : quæ inhonestissimæ conditiones non nisi Præcellentissimi & Prudentissimi Ducis de Albemarl autoritate & consilio frustratæ sunt : aliàs, vel nullum, vel Servum Regem receperamus. Quod ergo sacrilegè non abstulerunt, dedisse se pro more venditant, juxta illud Salviani: *Salvianus de Provid.lib.8.* " Latrones hoc uti proverbio solent, ut quibus non " auferunt vitam, dedisse se dicant. De Potestate enim Regiâ nusquam non tam iniquè scribunt loquunturquè, ut Populo omnem deberi non vereantur affirmare Authori & fonti, quæ solito sacrilegiò vel dolis, vel minis, vel promissis, vel (quod crebrius accidit) armis ipsi non extorserunt. Nec ulla vacat quæstio injuriæ, aut Læsæ & imminutæ Majestatis apud eos, qui quod pauci, vel obscuri expedire putaverint, maximas esse virtutes, etiamnum pietatem statuunt.

Quæ Catillonum horum inverecundia cùm in Civilibus satis molesta semper fuerit Principibus, tum in Sacris, Ecclesiæ Rectoribus multò infestior extitit. Tametsi enim aspergillo scripturalium phrasium vanissimas suas omnes, & retras opiniones de Religione Æruscatores hi solent consecrare, reipsâ tamen nihil minus expectent, ferantque, quàm liberam & sinceram sententiam de iis ex verbo Dei proferri : Quasi enim ipsi soli securè omnia ex Scripturis definire possint & debeant, bilis iis vehementer tumet, & stomachantur, siquis fortè An geauinum sensum Verbi divini ipsi assequantur, controverti velit : & Ipsi judicandi damnandique imprimis, omnes à sua persuasionem diffidentes accersendos ad suum Tribunal prædicant, & postulant : Scripturas enim solas soli colunt,

fi ipsos audias; Cavendum itaque, vel tremendum potius ne Decretis Multifidi Papæ hujus obnitentes, Spiritui Sancto in Scripturis per ipsos scil. loquenti contradicamus. Quam congrua autem opera sint huic opinioni quam de se conceperunt, speciminis gratiâ, æquis rerum æstimatoribus, Litem unam vel alteram inter nos & Puritanos expendendam hîc proponimus. Diei Dominicæ (quam saltem vulgus eorum mallent Sabbatum appellare) nos adversarios clamant prophanos esse, quod Christianos, id, nulla Scripturarum lege astrictos docemus pari religione, quâ suum zelabant Sabbatum Judæi, colere: Non tamen omnino negamus exemplis Apostolorum, & antiquis perpetuisque traditionibus Ecclesiæ, piorumque praxi dicari debere Divinis officiis. Ante legem Moïsis observatum Sabbatum non legimus. Post Legem Christi, non stare fundamentis V. Testamenti dicimus. Porro piaculum nullum esse, ita tempestate & rerum magni momenti statu exigentibus, divinis Officiis ritè & integrè peractis, Civilibus & naturalibus negotiis interesse. Ipsi è contra, Ministrorum quorundam supersticiosulorum præceptis aliter instructi, Sabbatum violatum aut prophanatum, omnium peccatorum gravissimum, credunt: Omnia testimonia V. Test. ubi nuda Sabbati mentio fit; ad Diem Dominicam indocti & inertes Scripturarum interpretes pertinere non dubitant. Omnes divinæ vindictæ interminationes, & effectus in Populum Israeliticum Sabbata antiqua contemnentes, in omnes sub Evangelio, à suo, in plerisque plusquam Judaico rigore, divergentes, effundunt. Nec his satisfeceris, Si Laudabiliorem & sanctiorem eorum dixeris consuetudinem, qui illo tempore plenius religioni attendunt, (modo absit fermentum Mosaicum) quam qui negligentius se habeant; etiamsi Publico Cultui adsint;

adſint ; niſi ſub pœna Lethiferi peccati ſuo ritu colant. Nec diſpar ratio de Liturgiâ fixâ & immobili, de Feſtis diebus habendis, De Episcopali Jurisdictione, de Eccleſiæ poteſtate ( cum modo ) imponendi Adiaphora Filiis ſuis ; & aliis nonnullis ; propter quæ pridem immaniter excanduerunt, & tam adverſus Regales quam Episcopales Aedes undatim confluentes Circumcellionum more, involarunt. Rogamus, & obteſtamur, qui præcipere jure poſſimus, ut fedatiùs controverſias has dirimant. Libentiſſimè ad Scripturas provocantibus adſenſum præbemus, vel rationem ſaniorẽ : ſed fruſtra nimis difficilem morum & verborum temperantiam poſtulamur : Numero ſtatim, non pondere verborum nos aggrediuntur. Negamus nos autem vocem S. Spiritûs in Scripturis quidquam decreviſſe in noſtræ Cauſæ præjudiciũ : Et ne ſine cauſa obſtupescant ; poſtulamur, non ut ſint abſolutè & ſimpliciter Judices, ( quod indefinenter calumniantur adverſarii ) fideique noſtræ dominantur, ſed, quæ illa ſit ſententia, quam tuliffe Scripturas de controverſis articulis prædicant, Prima, Media, Proxima Sæcula Univerſæ Eccleſiæ dijudicent. Hic autem confeſtim excipiunt, aiuntque, Patres antiquos hallucinatos in multis fuiſſe, uti ſcripto luculento oſtendit Dominus Dallæus, *De Uſu Veterum, &c.* & proinde tutò ſe non poſſe iis Arbitris errori obnoxiiis Litem committere. De hodiernarum Eccleſiarum ſententia, de mente Scripturarum, vultis ergo ut vobiſcum agamus, eâque utrique acquieſcamus ? Multò minus. Tam Orientalis enim (dicitis) quàm Occidentalis Eccleſia jamdudum errorum ſuto volutavit. Quid ergo de Reformatis dictis Eccleſiis exiſtimatis, & primùm Lutheranis ? Num ipsis mediantibus Scripturarum in his quæſtionibus ſenſus certior illuceſcat ? Hic quoque hæretur : &

causantur, istas non esse satis defæcatas, aut debite Reformatas. Ad iudicium ergo & praxim Ecclesiarum institutarum ad Normam Calvini, causa deferatur. Vos Germanicæ, Belgicæ, Helveticæ, Gallicanæ Ecclesiæ appellamus, te etiam Arcem & Metropolim Presbyteralis Reformationis Geneva, non recusamus hic Judicem: viz. Num Ecclesia quæ Liberum reliquit Fidelibus, ad sancta vel Civilia, non servilia convertere se, religiosè servato publico cultu, contra Mandata divina peccet, diebus scil. Dominicis? Num ipsæ, Episcopali licet ordine destitutæ, propterea damnant? Num molienda, & movenda, & turbanda omnia docent, ut eo exterminato locus à synedrio Presbyterali occupetur? Num potestas omnino vel neganda vel adimenda Ecclesiæ de disponendis omnibus extrinsecis ad Fidem, *secundum Ordinem*? Vel fas jusve credunt sententiâ publicæ autoritati contranitenti, Privatis iudicare de iis quæ fiunt *secundum Ordinem*? Nonne aperte contraria docent, faciuntque omnes? Quid hic ergo Nostri Sectarii? Inficias non possunt ire: subjiciunt tamen; Dolendum equidem tam puras Ecclesias humani non nihil hîc passas, minusque orthodoxè sentire. Ad Scoticas autem Ecclesias, si placeat appellare, lubeñti admodum animo advolant, quibuscum sacro sunt juncti fœdere. Quocunque autem modo res geratur, ab illa Donatistarum rupe firmissima nullis artibus avelli se patientur; hanc Anchoram immobiliter retinebunt; hanc vocem indefinenter ingeminabunt, post naufragam alioquin universam spem elabendi, viz. *Sanctum est quod volumus: Sanctum est quod volumus*: Adduntque de proprio, *Scriptum est quod credimus, Rectum est quod docemus & facimus*. Quis vero tandem vel ipsis Sanitati, vel nobis Incolumitati locus sit reliquus, quando Crepantes interdum

terdum Scripturarum & Ecclesiarum Veterum, & fere semper Recentiorum auctoritatem ipsis faventem, inania verba duntaxat nobis dant, revera autem, omnes ad seipsos solos controversias revocant; & impotenter ferociunt & indignantur (quod ipsis est disputare & pro Scripturis contendere) si fulgure Scripturarum pueriliter ludentibus non statim pareamus, & subditis subjiciamur.

Habent nihilominus post omnia alias conclamata & perdita, unicum adhuc asylum sanctum prorsus & inconcussum quo se tutissimos & securos ab omni adversariorum ictu fore noveriat. Statue enim, inquit, quod Legitima nos Autoritas traheret, quod præcepta non iniqua ferantur, quod nulla mali labe-cula vera nobis adhærescat Ecclesiæ ritus moresque sequentibus, utpote in se Adiaphora, & à natura peccati eo ipso aliena: Penes nos tamen ea licitè facere nequaquam est. Quid ita verò O boni? Conscientiæ nimirum nostræ (aiunt) maximè iis obnuntantur, & exhorrent. Atqui jam dictum comessumque non est à vobis, nihil istis cæremoniis inesse mali? An cuiquam antehac auditum fuit, Conscientias piorum posse vel debere offendi gravarique de non malo? Neutiquam sane: pergunt tamen. Quidquid illud sit, sive malum, sive non malum; certe conscientias nostras istiusmodi actus vehementissime aversari sentimus: & ita fere habente in foro animi nostri, nefas plane & impium saltem nobis esset iis interesse. Quæris autem unde tandem, nulla, ne apparentis quidem mali suspitione divexante, Conscientiæ ipsorum tam miserè sint obfirmatæ: hærent stupentque plane: hoc duntaxat sæpius gementes & ingeminantes, Conscientias suas, ut illa committant nullo modo pati. Ex hoc autem perverso & deplo-rato disputandi modo eorum, non ambigam ipsas  
veras



veras animorum obstinatissimorum causas facile invenisse: Non enim ratione, non justitiâ, aut religione, sed durissima Astrorum catena trahi, & ineluctabili fato conscientias ipsorum immobiles ligari existimandum: Cum fatis vero & fatuis disputare aut contendere non didici.

Quod si verò longam & nobilem seriem Præstantissimorum, apud nos maximè, Reformatorum Episcoporum, Confessorum, & Martyrum (quibus historiæ nostræ plenæ sunt) qui voce, scriptis, carceribus, vinculis, sanguine demum ipso nostræ doctrinæ & Ecclesiæ ritus & consuetudines Heroico animo confirmarunt, & iis repurgandis foeliciter insudarunt, Sæculariis his exhibeamus; Certè ipsis nominibus & facinoribus eorum nonnihil confunduntur, Frontem tamen commasculantes extremo hoc effugio uti solent, & modestâ calumniâ frigidarum Laudum: fuisse scil. illos, fatentur, nomine, virtute, doctrina & pietate viros egregios: sed dilucescente Reformationis Phosphoro natos, & propterea pro luce subfuscâ istâ, quâ fruebantur, & captu imperfecto, non temendam dedisse operam instaurandæ Religioni Orthodoxæ; sed plurima desiderata esse, & noctem Romanæ superstitionis non esse satis fugatam: Suis autem obtutibus claram meridiem Reformationis usurpantibus, multa offerri quæ operâ quoque suâ & arte digna sint, ut omnibus numeris perfectâ sit Reformatio, & Christus in Solio securè figatur, imperetque.

Hæc autem pulchra & turrita verba tam facile fuerit cuipiam levissimo oris spiritu difflare, quam iis condere & ornare: Viderunt enim, viderunt certè Viri isti optimi & Oculatissimi, si non omnes (quis enim in tanta catervâ non suspicetur simpliciores & imperitiores quosdam reperiri) saltem pars melior & doctior,

doctior, reconditas has Gnosticorum recentiorum vanitates & pias ineptias, visasque spreverunt, & damnarunt: Incrustationes Scripturarum denudarunt in gratiam Anierarchiæ novæ detortarum. Quis verò non rideat Sophisma contra receptissimam Philosophorum omnium sententiam, & Prudentum experientiam? Aiunt enim Schismatici, Majores nostros parum potuisse & profecisse ob obscuriorem auroram Reformationis. Atqui Philosophia & experientia docent, non solere homines trepidè & præparè moveri ab extremo in extremum, sed prouere potius, & in alterum excessum excusso jugo libenter ferri: quod nullibi clarius accidit quàm in Reformanda Ecclesiâ. Tam odiosa enim meretricia forma & facta Romanæ Ecclesiæ doctis utique, bonis, & prudentibus aliter viris repente cœperunt haberi; ut modum nescirent complures, fugiendo, sed in *ἀνέλεϊας ἀνδράκων* inciderent: illudque admitterent quod Declamatores quidam apud Augustinum, qui crediderint, *Nisi nimium vituperetur Cacus parum laudaretur Hercules. Nisi nimium vituperetur Papa, parum laudarentur Lutherus & Calvinus*: Ego sanè soleo & illum, & hos graviter errasse apertè pronunciare; maximè autem omnium nostros Puritanos, qui ut securiùs errent, novum istum Canonem delinquendi sibi excogitarunt; ac si non longè esset dissimilis ratio in Rerum naturalium indagatione, & Divinarum: Illic enim, ubi è puteo profundo & perobscurò eruenda veritas est, (juxta veterem Philosophum) sensim fortassis, & lentis gradibus animus humanus se movet ad rerum notitiam: Hic autem non tam ratione nostrâ, quàm fide & intuitu Revelatæ in Scripturis veritatis procedentibus, subita lux nostris mentibus suboriatur: Cui, debito ordine adjunctes Lumen Catholicæ traditionis constantioris, & purioris; nescio quid

August. de  
Civitat. Dei.

queratur quis extremam difficultatem, (non dico singulas controversias absolute definiendi, sed) præcipua capita cum Ecclesiæ constituendæ, tum Fidei stabilendæ, modo animum sincerum, liberumque à sequioribus affectibus adferat, explicandi; quibus tamen hoc genus hominum (si quod aliud) misere laborans decumbit. Deus benedictus in æternum, author omnis boni Dati auferat hanc iis spirituales Epilepsiam, & salvificâ suâ gratiâ exuscitet, restituatque in sana membra Ecclesiæ, ut à deviis errorum semitis reduces, recto & fraterno pede nobiscum incedant ad beatissimam Fidei, Spei, & Charitatis metam, & coronam æternam, per Jesum Christum, Amen.

---

**F I N I S.**

---

*Elenchus eorum, quæ in Apologia  
adversus JOANN. DALLÆUM  
continentur.*

---

In Generali Apologia.

Cap. 1. **B**revis Dicendorum propositio Pag. 1

Cap. 2. Status Controversiæ aperitur: & distinctio inter  
Judicem & Legem in Sacris etiam necessaria esse ostendi-  
tur, & rationi consentanea P. 4

Cap. 3. Primus modus Lites de Religione motas determi-  
nandi explicatur, & refellitur Traditionum certitudo sen-  
suum externorum infallibilitati equiparanda P. 10

Cap. 4. De Ratione Judice Controversiarum P. 22

Cap. 5. Quatuor alii modi, nimm. 1. Per Spiritum S. in  
Personis. 2. Per Spir. S. in Scripturis. 3. Per Ana-  
logiam Fidei. 4. Per humanam prudentiam in Collatio-  
ne Scripturarum, rejiciuntur P. 30

Cap. 6. Septimus modus, qui est per Antiquam Traditio-  
nem rectè temperatam, proponitur & suadetur rationi-  
bus septem P. 34

Cap. 7. Prælibatum Primum adversus Dom. Dallæum, quo  
ostenditur sententia ejus contradicere pleno omnium tam  
Judeorum, quàm Gentium consensui P. 41

## E L E N C H U S.

Cap. 8. *Contra Dallaanam sententiam de Antiquis Traditionibus, quid senserint quos Lutheranos & Calvinianos appellant* P.47

Cap. 9. *Contra Dallaum, sententia Ecclesie Antiqua brevius, Anglicana autem fusius paulo aperitur* P.54

Cap. 10. *Objectionibus contra nostram opinionem responderetur* P.64

Cap. 11. *Duo alia pralibata breviter proponuntur, contra D. Dallaum* P.75

### In Responsionis Particularis Libro Primo.

Cap. 1. **C**ontra primam Rationem, viz. *Ægrè constare possit, quid circa nostras in Religione controversias senserint Patres; cum pauca extent in iis scripta, tribus præsertim antiquissimis sæculis* P.79

Cap. 2. *Contra secundam Rationem, nim. Quæ supersunt à tribus prioribus sæculis scripta, maximam partem, agere de rebus alienissimis, ab iis quæ hodie in Controversiam vocantur* P.84

Cap. 3. *Contra tertiam Rationem, nim. Quòd Patrum verè certòque non sunt, quacunque nunc eorum nomine circumferuntur. Sed pleraque, vel olim, vel his demum postremis sæculis, afficta aut supposititia* P.89

Cap. 4. *Contra quartam Rationem, nim. Prioribus & Posterioribus sæculis, tempore, imperitia, fraudibusque tum piis tum malignis, genuina Sanctorum Patrum scripta variis in locis immutata & adulterata fuisse* P.95  
Cap. 5.

## E L E N C H U S.

Cap. 5. Contra quintam Rationem; *nim. Non facile esse Patrum scripta intelligere, tum propter linguas & idiotismos quibus utantur, tum propter rerum explicandarum varietatem, Rhetorica & Dialectica artificii obscuratam & impeditam rationem, tum quod plerasque voces alio, quam qui nunc in usu est, sensu, usurpent* P.104

Cap. 6. Contra Rationem sextam; *nim. Patres saepe quae ipsi credunt tacere, & quae non credunt dicere, seu aliorum nomine tacito referant sententias, ut in Commentariis; seu contra Adversarios disputent, ubi nihil non adhibent, quoad argumentum suum faciat, seu ad caput auditorum se accommodent, ut in Homiliis* P.116

Cap. 7. Contra septimam Rationem, *viz. Patres in iisdem fidei Capitibus non semper perstitisse, sed à quibusdam suis sententiis nonnunquam discessisse, prout exercitatione, vel aetate eorum maturerat iudicium* P.125

Cap. 8. Contra Rationem octavam, *nim. Necessarium & idem difficillimum esse, ut certò statuamus, quid de suis ipsorum singulis sententiis Patres censuerunt, & an eas, ut necessarias, an ut probabiles tantum, & quo in gradu necessitatis, vel probabilitatis eas habuerunt* P.129

Cap. 9. Contra nonam Rationem, *viz. Necessarium esse, ut nobis constet ratio non de unius aut plurium Patrum, sed etiam de totius Veteris Ecclesiae sententiâ, quod difficillimum est pernoscere* P.133

Cap. 10. Contra Rationem decimam, *Ægerrime sciri posse, Num Patrum de hujus saeculi controversiis sententia, ab Ecclesia Universali, an ab ejus parte tantum recepta fuerit. Id ipsum tamen scitu pernecessarium, ut locorum qui ex iis proferuntur usus aliquis apud nos esse possit* P.145

Cap. 11.



## E L E N C H U S.

Cap. II. Contra Rationem undecimam, viz. *Fieri non posse ut super ullo eorum capitum, quæ sunt hodie in Controversia, clarè liquidoque pernoscamus, quæ totius Veneris Ecclesiæ sive Universalis, sive particularis sententia fuerit* P. 147

---

### Libri Secundi Particularis Responsionis.

Cap. 1. **C**ontra Rationem primam, viz. *Patrum de Fide Ecclesiæ testimonia non esse semper certa veraque* P. 155

Cap. 2. Contra Rationem secundam, viz. *Patres ipsos negare nudis suis assertionibus absolute standum esse, in iis quæ de Religione ipsi in medium proferunt* P. 166

Cap. 3. Contra Rationem tertiam, scil. *Patres ea ratione scripsisse, ut manifestum sit iis inter scribendum de Religione pronunciare non fuisse propositum. Errorum in quibus lapsi sunt & erraverunt, exempla quadam* P. 178

Cap. 4. Contra Rationem quartam, viz. *Patres sive seorsim singulos, sive conjunctim plures in variis Religionis Capitibus errasse* P. 185

Cap. 5. Contra Rationem quintam, viz. *Patres inter se aliquando dissentire, & quidem interdum in Rebus magni momenti* P. 194

Cap. 6. Contra Rationem sextam. *Neque Protestantes neque Pontificios agnoscere Patres judices rerum ad Religionem suam pertinentium. Hos quoque, non minus quam illos, quæ ad palatum suum non faciunt, nulla religione respuere.*

D. *Dalleum minime satisfacere duabus questionibus, quæ ex superioribus omnibus oriuntur* P. 206

F I N I S.

